

Handwritten text, possibly a signature or name, appearing as a series of connected loops and strokes.

Handwritten text, possibly a signature or name, appearing as a series of connected loops and strokes.

6

34-b

56

Handwritten text at the bottom of the page, possibly a signature or a date, appearing as "1912" or similar.

AM

debisque mulctari; Tuas saepe virtutes reperiēs;
 Tua in aliis Heroibus simplicius facta miraberis;
 Popularem denique tuum, tot fatis, tot hostibus
 exercitum Poliarchum, ipsa virtutis & dignitatis
 similitudine habebis chariorem; Nec pollues san-
 ctitatem fama tua, quæ Te virum & Regem ab in-
 assueti candoris fortitudine celebrat, si amabis Ar-
 genidem. Satis denique se hic liber Tuæ Maiestati
 probabit, si intelliges, in illo aliquot Principū lau-
 des referri. Tua enim interest, ut qui tot historia-
 rum materiam Orbi daturus es, iam nunc literis
 facias Regum vitam quacunque ratione narran-
 tibus; Ibunt Musæ, exemplo licentiaque quam fe-
 ceris, per Optimatum domos, miscebuntque se iu-
 ventutis colloquiis, & prouectiorum seria utili-
 sime excolent. Nec aliud ingerent sæpius quam tui
 nominis dotes, in quo omnia ad aternitatem famæ
 conspirant, nobilissimo regno, & indole nobiliori.
 Nam altissima Europæ in scena solio emines gentis
 illius quæ nunc armis peragrauit arcana Orientis
 adhuc Francicum nomen horrentis, nunc vicini-
 bus bellis eo fato efferbuit, ut regiones agre repe-
 rias quæ non aliquando Gallicæ gloriæ ditionique
 accesserint, cuius denique viribus, ubi ipsa sibi con-
 sentit, nihil nimium est, nihil imperuium, quæ au-
 tem pietate, & religionum amore præcipua, nescit
 posse quod posse non debet. Iam vero iis Tuam Ma-
 iestatem meritis numen sinxit, iis casibus patri-
 tiam & inuentutem Tuam erudiit, ut videatur
 aliquid

aliquid à fortuna Tua maius Gallia expectare, quã dederit ipsa Tibi. Eo enim parente es genitus, qui vel confessione hostium, seculi sui summus, Magni cognomen ferre viuus debuerat, quod Vos modestius extincto addidistis. Tali scilicet authore ingenerari debuit Tibi virtus, & ad gloria successionẽ cupiditas inseri. Is autẽ vix octuenni Tibi raptus; Quippe hoc modo elucere optime potuit numinis cura Tua Maieitati propitia, propriaque virtuti seges dari, ne omnia Patri deberes. Nam eo sublato motus sensim exarsere in Gallicis animis plerumq; ad vicariam contumacibus potestatem, & mox arma ciuilia, dum Tu, Nobilissime Regum, iam virilis conscius sensus properares enatare ex pueritia ad etatem firmiorem, Prauenisti tandem annos, momentoque composuisti patriam pene euersam. Sed ut crebrioribus triumphis tua se fama per hominum ora inueheret, saepe deinde a. ma gentilia nouis ac pene anniuersariis tumultibus exsonuere, totiesque oppressisti factiones hoc ipso stupentes, quod prater spem Tui vindex adesses. Iuisti, circutulisti regia signa, denique pugnauisti. Illico multis ceciderunt sponte arma, multis excussa sunt. Hi Tuam virtutem amauerunt, illi timuerunt fœlicitatem. Tu vero magnitudine animi effecisti, ut omnes dubitent plus fuerit in fortitudine an clementia tua. Victor enim eas ut plurimum leges scripsisti, propter quas vincere isti voluerant.

Ceterum quamquam imbutus regia armorum

A 3 volu.

voluptate, non his tamen plus iusto indulgens, passus es belli malis pacem esse infestam, nec acrior scripti vindex fuisti, quam deinde salutis singulorum, impio more sublato, qui iubebat Gallos tuos lenibus inter se rixis commissos, passim iugulum suum dare, aut petere alienum. Hæc atrox & pestilens lues tantum Gallici cruoris exhausit, ut vix plura gladiatorum paria olim Romanorum arena cõspexerit. Vsu quoque & fama populari inualuerat infania, quia illi vitio ex virtute sed corrupta, erat semen. Quoties tota stirpes excisa? quoties emeritorum patrum senium, aut ignaram misera proles pueritiam hæc furia orbavit? An spes esset adeo efferrum morem, qui multorum toties Regum, & ipsa maximi tui Patris edicta, contumaci audacia eluserat, ad Tuæ adolescentiæ vocem expiraturum? Voluisti, sed non perfunctorio nutu: Strinxisti auctoritatis tuæ arma, haud mora confectus est, Addeat Numen Tuæ vitæ illos annos quos à iuventute Gallica perire vetuisti. Tibi illa servabit, & si Tuæ Maiestatis, & patriæ res exposcent spiritum reddet, quem priuata & intempestiva odia, nisi cauisses, geminata morte mersissent.

Magnæ hæc quidem, Rex Christianissime, pæce belloque laudes. Adhuc tamen mihi intactum est quod in tuis præconiis potissimum eminet; Religionis cura, Numinis cultus, subactæ prouinciæ ut sanitatem pati incipiant, & in vltima illa ad Iberiæ Gallia ora, templis reddita sacra, sacris Pontifices,

Pon-

Pontificibus securitas. Sed hac magna maioribus factis deles. Quos non quotidie triumphos tuos audimus? quos non indies expectamus? Quoscumque Religionum aut Regum cura tangit, mirantur, obstupescunt, se felices existimant, quod tuo seculo vivunt, pluresque vero affectu congerunt in Maiestatem tuam laudes, quam adulatio in immeritos Principes solet.

Dum hæc scribo, dum plura quæ scribam occurrunt, vix mihi habeo fidem de annorum tuorum paucitate. Nam vera hæc laudes multis celebrium Principum ad Senectutem suffecerint. Tu porro adhuc stas in iuventutis exordio; Nec parces ad illud cumulum laureas addere, divina indolis Princeps, ac quod felicissimum in Rege est, labore atque curis à pueritia exercita. Ut hic ergo verissima triumphus gloria per posteritatis seriem inoffensos agat cursus, ineundum est cum literis fœdus, quo & illis præsens faueas, & Tibi illa aliquando absenti æternum, paremque virtutibus tuis locum inter Heroes constituent. Parum enim est in hominū memoria, si eam non vetat consenescere scribentium fides. Hoc Orientis domitor Alexander, hoc Caesar, hoc veterum Regum nobilissimi sensere, nec aliam sperauerunt triumphis suis sortem quam quæ ex eruditorum favore contigisset.


Magis anxie de literarum præstantia ad alium scriberem Augustissime LVDOVICE. Sed diu est quod mutuis beneficiis Reges Christianissimi cum

ijs coïuistis. Scimus totius Orbis bono quantum
 Musis regnum sit in Francia tua, quæ duplici quoque
 nomine Tua Maiestati deuincta sunt. Nam præ-
 terquam quod Regum liberalitate, cura, hortatu,
 nunc in Gallijs pulcherrime vigent; Italia quoque
 Mediceorum Principum munus agnoscit, eas à pa-
 trum veterno excitatas: quam laudem Serenissi-
 ma illa gens pulcherrimo studio augere non desi-
 nit. Ita paterno atque materno iure, Tu patronus
 literarum, Tu omnes amabis. Sed hic arētius liber,
 Christianissime Rex, à Tua Maiestate expectat fo-
 ueri, quem multiplici suauiorum Musarum
 mixtura regij amores, regia odia, spiritus
 denique regij implent. Vale. Roma.

Kal. Iul. M. DC. XXI.

os(o)so





IOANNIS
BARCLAI
ARGENIS.
LIBER I.



ONDVM Orbis adorauerat Ro-
mam, nondum Oceanus deces-
serat Tybri, cum ad oram Sicilię,
qua fluuius Gelas maria subit, in-
gentis speciei iuuenem pereгри-
na nauis exposuit. Serui ope nau-
tarum cultum domini militarem

ex alto comportabant, suspensosque per præcincta
ilia equos demittebant ad littora. Ille insuetus na-
uigij malis, præcubuerat in arenam, quærebatq; cir-
cumactum pelagi erroribus caput sopore compo-
nere; cum acutissimus clamor primum quiescentis
mentem implacida imagine confundens, mox pro-
pius aduolutus somni ociũ horrore submouit. Syl-
ua erat in cõspectu, raris quidem, sed in ingens spa-
cium effusis arboribus, subter quas tumuli, fruti-
cum dumorumque caligine, velut ad insidias sur-
rexerant. Hinc repente in campum erumpit fœmi-
na optimi vultus, sed quæ corruerat oculos fletu,
spasmo quoque in funebrem modum crine terribi-
lis. Incitatus verberibus equus non sufficebat in
cursum effusa, nec mitius quã in Phrygio aut The-
bæo furore vlulanti. Concussere illico iuuenis
mentem præter fauorem in miseros pronũ, etiam

ferro, vultuque aliquid ingens vel auso vel timen-
te. Veritus ille insidias, & ut in subitis quæ timeri
vix debent occurrunt, de matronæ fide sollicitus,
exigit, hinc essent in quos pugnari ipsa vellet, simul
dig'is in amentum aptatis, hastam, quam nemo
violentius torquebat, in venientium dirigit ora, ne
inultum occuparent. Sed hi fugam, non bellum
adornabant, diuersisq; itineribus properabant e-
labi victori. Nam vrgebat fugientes vnus ille Po-
liarchus cui tam prolixè matrona timuerat. vlti-
mumque assequutus ita cecidit, vt per caput cerui-
cemq; cōtinuatum vulnus ad pectoris ima dedu-
xerit. Hoc collapsò cum peruicacius inueheretur in
cæteros, humus scrobibus inæqualis deprehendit
equi vestigium, qui dominum celeri quidem, sed
innoxio casu, effudit in gramen. Subitoque matro-
na, (nam Poliarchum agnouerat) ex equo ad ia-
centis auxilium se aduoluit. Sed ille non lapsu,
non vulneribus grauis, quæ duo acceperat, ne o-
misso quidem ense profiliit. Cumque ex Timoclea
(id mulieri erat nomen) audisset, vt ipsa in pereгри-
num iuuenem incidisset, quamque ille humanus
promississet auxilium, haud mora ad eum tanti be-
neficii gratias habiturus conuertitur. At ille iam e-
quum reliquerat, priorque loquutus Poliarcho, Si
dii voluissent, vir fortissime, inquit, me antehac
tuæ virtutis conscium esse, istius matronæ lachry-
mas accusassem, quæ coegit vt veniam petere de-
beam, quod tibi tãto viro auxiliari voluerim. Tres
armatos in fugam à te versos, quamuis est eximium,
minus tamen mirarer, nisi me illa vis quæ ex iis tar-
diorem multauisti, admoneret quam iustus o-
mnes terror in fugam abstulerit. Poliarchus & ipse
blandiss-

blandissimus, egit gratias properati auxilii, neque suæ virtuti, sed gallatorum ignaviæ aiebat tribuendum, quod illi fugissent.

Inter hæc verba in amplexus abierunt, & salutatione mutua functis nō modo quid dicerent, sed & cui loquerentur, vacavit cogitare. Tunc igitur alterius forma ad oculos alterius tota puenit, & hæere mutua contēplatione perculsi, id quisq; miratus in alio quo ipse vicissim mirantē rapiebat. Ætas, forma, habitus, & arcanus luminū vigor, pares anni, & quāuis in diuersis frontib. vna maiestas. Cū tāta specie monstrū erat forti udinē conuenisse. Neq; min⁹ Timoclea fortunā adorabat, quæ tantū par mirabili occurſu coegerat. Votū ēc fecit, si per eodē liceret se tabulā, in quā pictor vultū vtriusq; tranſtulisset, Erycinæ Veneris tēplo daturam. Et quamquam varij casus distulere id vorum, eo tandem se exoluit, his carminibus ad oram tabulæ insertis:

*Sic roseis stat forma genis, sic frontis honora
Fulget ap. x, tales accendunt lumina flamma.
Humanum ne crede decus, non pulchrior altos
Phæbus agit currus. Non vnquam sydere tanto
Oebali micuere Dei, quos nauta solutis
Puppibus, & iam iam vincentibus inuocat vndis.
Nec tu Lemniacis Mauors formosior armis
Frena quatis, Paphiisve soles mitescere blandus
Cultibus, ah misero tantum metuende marito!*

Cū deinde Poliarchus collegisset se ab hospitis vultu, matronæ familiaris intuitus, in illius exanimata ora ludebat, maxime q̄ in latera atq; tergum dissipati tanquā ad rogū crines iacerent. Rogabat quoq; p̄ iocū, an incidisset in Satyros. Timoclea aut̄ simplici risu, ne hos putes, Poliarche, desperatione diuul-

diuulsos. Fugā inter virgula p̄cipitabā tuo periculo cōterrita, cū obuersantib. ramis solutus est verticis nodus, & p̄fluentē comā laxauit. Dū loquuntur, libert' interim Poliarchi, duoq; Timocleæ serui, qui aberrauerant, superato calliū flexu, haud p̄cul à dominis emerferunt ex nemore. Soia Timocleæ ancilla iā deerat: sed & hā p̄cul vident puido equo nō bene moderari, & inutili virgā cū clamore ferire cōtumacē. Satis illi in cōspectu huius scenæ iocati, p̄currunt hilares ad tremētis auxiliū. Interim hospes Poliarchū rogabat q̄ illæ in eū insidiæ, quisve grāsfator: an odia, an p̄dæ cupiditas, tātī facinoris audaciā nefariis fecisset. Sed matrona sermonē occupauit, & vtriq; necessaria quies est, inquit, huic à mari, alteri à pugna veniēti. Neq; hinc lōge p̄ediū meū. Illic rectius erit vobis, habebitisq; leuādīs corporibus, & mutuis sermonib. locū. Nō ægre annuerunt tam cōmode admonenti, famuloq; recepto qui sarcinas ad littus seruabat, viam omnes exorū sunt.

Iam pene ad familiaritatē initiati iuuenes erant, docebatq; quē entē hospitē Poliarchus, primo mane se è regiis castris egressū; Agrigentū petere negotii causa: Per viā occurrisse hanc Matronā in aula notissimā, quæ à Regis filia redibat. Aliquo fato seruos (vt incuriosi ibant) p̄ viarū amfractus diuertisse, in sylua. Timocleā vnā cū sua anu in eadē secū semita p̄seuerasse, cū obliquo ad latus itinere p̄cesserunt quinq; latrones, & in se vnū tot equos effuderunt. Matronā suo & equi pauore diuertisse, & fœlicissimo errore ad tantæ humanitatis hospitē esse delatā. Fatis aut, & p̄donū scelere factū (inquit) q̄ primo impetu omniū in me iētus incassum cecidere, sufficitq; cædi illius qui primus occurrit, iaculū q̄ habebam.

bam. Conserto deinde certamine vnus dexterū meū
 cruris modicā partē libauit, alius ferrū leui vulnere
 adegit ad latus: Quem ego indignatione cōcitatus
 postquā meo dolori imolauī, aliumq; lēsi in capite,
 infœlici flagitio territ omnes habenas verterūt, vt
 nec mihi liqueat, fœdiusne aggressi sint scelus, an
 fugerint. Tunc quoq; vnus celeritatē sic præcepi,
 vt sub vestris oculis dederit pœnas. Duos qui super-
 erant, ipsi vidistis vt mihi equi casus fugientes sub-
 duxerit. Qui illi sint, nec suspicari possim, nisi ex Ly-
 cogenis caltris latrones, qui vel obseruabant mea
 itinera, vel omnino per syluā ituris iminebant. Hęc
 loquente Poliarcho, iā ad prædiū matronæ perue-
 nerant, q̄ non procul Phrinhia, ad ripas Himereq;
 hinc alueo fluminis cingebatur, illinc arbustis inter
 se implicatis, & lētato vimine miscentib. nexus. Ipsā
 domū laterculo conditā, & in altū porrectā, late flu-
 minis camporumq; oblectabat spectāculum. Sylua
 quoq;, & in pximo colles, cōmendauerant situm.
 Familia ampla, & ex dominæ morib. casta, quæ cla-
 to pridē viro, integerrima fama claritatē stirpis ad-
 auxerat. Hęc tunc mutuis inter hospites sermonib;
 finem imposuit, officiose obsecrans, ne offenderē-
 tur tenuitate hospitii. Successere illi in teētū, inuita-
 ultq; matronæ humanitas, & p̄uectæ lucis tempus,
 vt illic pernoctaturi ad cœnam promitterent: quæ
 dum à familia curatur, interim Poliarchus delibato
 aceto vulnera lauit, ne tumore arderent, oleoq; de-
 inde quod Ascyri floribus tinctum erat permulsit;
 securior notis inemptisq; remediis, quam in Medi-
 corum fide iniquissimam mercedem ex superua-
 cua curationis mora interdum captantium.

Discubuerunt deinde in triclinium cœna perlata;

ritē-

riteq; insinuatis sermonib. nō dubitavit Timoclea
 querere ab hospite, quo nomine quave patrie esset,
 an p̄terea cōsilio, vel et ore, appulisset ad insulā. Ille
 se ab Africa patria sua, venire respōdit, nomē a ge-
 nus, dissimulari eos velle, quib' in se arbitriū erat,
 dū rediret, Archōbrotū iussisse appellari: Neq; se ad-
 uersis actū ventis, sed in Siciliā cursum fuisse, ut cō-
 sortio fortiū virorū frueretur, quos apud Regē vi-
 uere fama vulgauerat. Nihil magis Poliarcho, aut
 Timocleę mirū fuit, quā q̄ ille ab Africa tanti can-
 doris vultū afferret. Nō reflexa tumuerant labra, nō
 coacti in orbē oculi sub fronte recesserant. Ingentis
 quoq; animi specimen erat, q̄ amore virtutis extra
 patriā trahebatur. At ille soluo conuiuium interro-
 gare Poliarchū magnopere cōpit, vnde infesta la-
 trociniis Sicilia esset: Quis ille Lycogenes, de cuius
 castris suspicio erat esse prædones qui in illū inva-
 serant, quis deniq; regni status, quęve bella vrgerēt.
 Poliarchus iā remotis arbitris, (quippe ad quietem
 secesserant, placueratq; vna ambobus cella) Multæ
 virtutes, inquit, in vitia, Archōbrote, degenerāt. &
 q̄ magis est, sæpe videas eosdē affectus, pro tempo-
 rum sorte, nunc virtutes esse, nunc vitia. Meleāder,
 q̄ opinor non ignoras, paternū auitumq; Sicilię re-
 gnum tenet, mitissimi ingenii homo, sed qui non
 sæculo, non hominum moribus æstimatis, ita cæte-
 rorum fidei credidit, ut sibi credi par esse ex virtute
 sentiebat. Illum quoque existimem nimia fœlici-
 tate laborauisse. Nam sub initia imperii, quia paca-
 ta omnia erāt, palam cupiditates soluit, lenes quidē
 & multis Principum familiares, quæ tamen facilem
 prodiderunt, nec in iniurias idonea seueritate acrē.
 Indulgere plus iusto venatui, in cuius varia genera
 annum

annum distinxerat. Nō cōsilio amicitias sortiri, im-
 petuq; eas colere, largiri imōdice, horrere à negotio-
 rū sumā, q̄ plerumq; infidis credebat. Vtinā, holpes,
 sileri hæc possent. Sed malo synceris indiciis, q̄ ini-
 quitate famæ rē omnē deprehendas. Nā omnia ho-
 stes urgent, attolluntq; in peius. Et hinc optimo Re-
 gi malorū omniū causa, inuidia præcipue & ambi-
 tione Lycogenis, regiis errorib. pfidiose imminetis.
 Is priscis Regibus suæ stirpis authorib. ferox nunq̄
 secundig adus satis patiēs fuit, vir manu & cōsiliis
 strenuus, solertissime populo blandus, ceterū nemi-
 ni mortalī, crudelitate, perfidia, & quoties tuto li-
 cet, superbia cōcedit. Haud ægre apud Meleandriā
 candidissimę virtutis principē fefellit p amico. Dū-
 q; Rex animū curis exoneratū ocio pascit, iste suæ
 factionis hominibus curiā implet, publica munera,
 veluti sui iuris, amicis distribuit, ne qua deinde pars
 regni sana esset. Iamq; furor, & ambitus, arma Ly-
 cogeni tm̄ non publice in Regē induerant. Sero &
 p̄p̄modū strepente iā bello, excitatus Meleander,
 cœpit nominis sui, & causæ p̄pter q̄ purpurā acce-
 pit meminisse. Magnitudine animi nemini Regū in-
 ferior, acti ingenio, prudentia quoq; eximius, & qui
 aliter capi nō potuit quā sua bonitate: q̄ dotes ma-
 xime in eo enituerunt, ex quo alienis vitiis ad suas
 virtutes coactus est. Quamquā tm̄ male cogitare Ly-
 cogenē cōstabat, ius suū exequi in eū aliquādiu di-
 stulit. Satis visū si occuparet cōsilia hostis, & vires
 accideret. Sæpe quoq; extorquere pœnitentiam ab
 ingrato seu speravit, seu meruit. At Lycogenes hoc
 ipsum indignatus, aliquem esse qui posset ignosce-
 re, palam in eum est inuectus. Animos maxime da-
 bat, quod Rex filiæ quam vnicam habet, tantæ he-
 redita-

reditatis fortunā destinat. Quis crederet? *Archom-
brote.* Eam rapere in violentum coniugium iste ad-
ortus est. Arx est ad Alabi fluvii ostium, in qua Re-
gis filia servabatur. Illuc furtim sicarios immisit qui
puellam & Regem in his forte munitionibus per-
noctantem ad se perducerent. Credidit Meleander
ope Palladis factum, ut insidiæ in se filiamque, exit-
um non haberent. quippe grassatores in ipso faci-
nore oppressi sunt. Itaque omnibus grati animi si-
gnis remuneratus est deam. Nam & in nummis ius-
sit noctuam effingi, & seu diis faciat, seu in conuiui-
is remissio inuiter, non aliam, quam ex olea coro-
nam capiti suo imponit. Illud quoque illustrius,
quod filiam, donec in matrimonium detur, Deæ aris
præfecit. Videbis, *Archombrote*, quoties nundinæ
redeunt, Sacerdotii infulis cinctam, videbis inter
choros Sacerdotum virginumque operantem Nu-
minis sacris. At non tanta hæc in deos pietas bellum
remouit. Nam inexcusabile Lycogenis crimen non
subita quidem, sed ingens, & veluti matura defectio
sequuta est.

Is in titulum belli res publicas & priuatas præte-
xens, nunc se in fontem ab Rege proditionis in simu-
lari querebatur; destinarique suppliciis; nunc po-
puli iniurias proclamabat diutius ferri non posse, &
publicis armis coercendam tyrannidem eorum qui
Meleandrum ad sæua consilia agebant. Factione &
clientibus valebat. *Oloodemus, Eristhenes, Meno-
critus*, præcipuarum prouinciarum rectores cum eo
consenserant. Multi leuis animi vitio in Meleandrum
acti sunt; plures cōtribuere se rebellibus, capti diffi-
mulatione Lycogenis prementis vitia de more ty-
rannorum. Aderat ergo superb⁹, pugnamq; poscebat,
B Neq;

Neq; Rex certamen detrectauit, & ipse ingenti exercitu succinctus. Decimus quintus dies est, ex quo nō prōcul hinc in Gelois pugnauimus cāpis. Aeris acies fuit, nō his languidius pro scelere, q̃ nobis pro publica salute cernentib. Tandē imminente iā nocte, inclinauit ad Regē victoria. Et Lycogenes palantib. suis, receptui signum dedit, vt pro fuga species esset militaris obsequii. Nec Meleandro consiliū fuit instare p̃cullis, siue civili sanguini parcebat cōtentus vicisse, siue noctē & insidias verebatur, forsan & timuit, cū Optimatū apud se prācipui fauerēt Lycogeni, suspectarū manuū simulationē in extremā fugientis perniciē experiri. Quippe Lycogenes suos omnes ad aperta facinora non eduxit. Haud pauci sunt circa Regē, laeuis auersisq; animis, & illinc quidem militant, isthinc fauent. Sic infesta omnia Meleandro; infidæ purpuratorū sententiæ, consilia ad hostem delata, neq; domi quam in campis periculosiores insidiæ. Itaq; quamquam campum obtineret, quē pugnando hostes institerant, tñ ad pacis cōsilia animū adiecit. Nec victoriæ suæ fesus, tanquam adhuc integro bellō mansit in castris. Post priuata hinc illincq; cōmercia, Legati Lycogenis ad Regē perueniunt, specie impetrandæ occisus sepulture, re aut vt de fœderibus mentionem iniicerent; quæ adeo fuit grata, vt illi ab hoste Oratores timeri se rati, dicere pacis legē auderent victorib. Equidē Meleandro quāmcūq; placere pacē existimem, vt illi qui iam ad Lycogenē coierunt iētis fœderib spargantur, ægre in vnū redituri. Itā nouis artibus spatiū erit, quo vel inter se cōmissos, vel contenescentē factione apud populū exosos, impietas sua perdat; aut certe exfatiati inquietudine rerū nouarū, ipsi se
ad

reuerentiam Maiestatis à seditione recipiant. E-
pacem cū superbis ac perduellibus non proba-
m, præterea ætatis & generis timebam inuidiā, si
iuuenē externumq; Rex (vt solet) tantis cōsiliis
hibuisset. Siquidē iuxta tecū peregrinus sum, Ar-
chombrote, nec me aliud Meleandri partibus iun-
dū, quam q̃ illius calamitas omnibus gentib. abo-
nandū exemplū est, quæ quietem nunquam a-
nt, si vitiis Principis irasci liceat, & insidiari boni-
tati. Dū igitur inuisa fœdera peraguntur, hoc potissi-
mū tēpus habui quo Agrigentū contenderē. Sū ar-
rū telorūq; studiosus, nec alibi præstātiora sunt,
i quæ illic quidam ex Lipara hospes excudit.

Auide Poliarchi orationem Archombrotus ex-
erat, fauensque partibus Meleandri, cum acri-
in factiosos dixisset; Regis autem filia, Poliar-
chus, quam hic latro sibi in prædam destinauerat, in-
terrogat, quibus annis sit dicere placet? Equidem inter
pulchritudinis & morum exempla eam esse,
e in Africa audiui, appellariq; Argenidē. Ad hæc
oculis Poliarchi modico tremore errantibus,
valida quidem verba, aut intrepida fuerunt, stri-
ngitq; eam retulit ad annos viginti peruenisse. Nec
it Archombrotum tam subita in Poliarcho mu-
to, ingensq; desiderium subiit, deprehendi quæ-
illa tempestas in eius vultum inundauisset. Igi-
tur experimentum caperet, an regiæ virginis ob-
memoria, an vero occulta vis rei alterius sug-
gerisset hos motus, nonnulla de Lycogenē disputa-
deq; fœderib. quæ tūc publice agitabātur: Et vt
suo frōtis horrore, satis Poliarchū cōstare sibi vi-
elocato ad Argenidē sermone, de puellæ spe-
& studiis intentius quæsiuit. Sed neque ad se-

cundū hoc fulmen ille constantior, paucis se ab tre-
pida narratione expedit. Ab Archōbroto deinde
rogatus de amicis Meleātri, & p quos staret regnū;
Nō adeo, inquit, fata despexere Siciliā, vt nulli sint
suo gradu & amicitia Regis digni. Inter illos, Archō
brote, eminet Cleobulus consiliorū prudētia exi-
mi⁷, Eurymedes quoq;, & Arsidas inclyti bello, nec
deteriores ingenius. Sunt præterea duo externi, de
Sacerdotū cœtu qui purpurā gestant, amiciissimi Si-
ciliæ, Ibburranes, atq; Dunalbius; quorum nunc o-
pera maxime Rex est vsus, ne indecore cum Lyco-
gene pacisci videretur. Possem & alios referre, quo-
rum fidem in Regem nulla vis tempestatis libauit.
Hos facile vbi in hac Regia aliquandiu vixeris, fa-
ma atque virtutibus ab cæteris ipse secerties.

Iā prouecta nox erat, & quies necessaria fatigatis;
itaq; veluti cōuenisset, loqui ambo desierunt. Nec-
dum tñ curæ secretæ in illo vigilandi dormiendiq;
confinio anxias mentes reliquerant. Archombrotū
ingens imago oberrabat paulo ante auditi discrimi-
nis nec grauius quicquā erat quā ad pacē res specta-
re. Quando n. versaretur in acie? quo cāpo, quo te-
lo, suū animū & virtutem approbaret Meleandro?
Præterea, tacito secūrisu voluebat, q̄ ad pugnas o-
mnemq; fortunā tam alacer Poliarchus, ad virginis
nomen obstupuisset; Huic n. præter virtutē & ani-
mū, nihil ad tantarū nuptiarum spem à fortuna aut
genere datū credebatur. Quod si, inquebat, Argeni-
dem Rege natā priuatus iste amat, quis dubitet o-
mnium discriminū in amando perire memoriā? &
magna audere amatores, & imis eximi vilitatē cū
amantur? Neq; minus Poliarchum arcanis intentū
consiliis spe, ac terror multiplici cogitatione suspē-
derant.

erant. Tandē in somnum vterq; labebatur; cum
ulatim discurrentium hominum fremitus tota
omo percrebuit. Neq; mora, astitere à Timoclea
rui ad hospitum fores, quieā ad ipsos venire ad-
onerent. Consurgunt attoniti, primo sopore vti-
re graues, quo discusso, cultuq; tumultuarie cō-
posito, occurrerunt Timoclea: quæ postquā excu-
uit, q̄ hoc noctis fatigatos inquietasset. Magna,
quit, res est, ô hospites; & eo terribilior, q̄ per has
nebras quid sit, incertum est. Collucent in cāpo-
in tumulis publici ignes, quos nefas accendi, nisi
gio iussu, & cū gerendis rebus celeritatē salus pu-
ica imponit. His dictis, in ædium culmen utrūq;
rducit. Plumbum non in acumen fastigij ductū,
leniter, & ad ambulationis voluptatem accum-
ns, onerauerat tectum. Nec stipatum nebulis e-
cælū; aberatq; tunc Luna, quæ sæpe incendiorū
torē procul cerni fulgore suo vetat. Ex hoc ergo
lario, suda in nocte, prospect⁹ facilis fuit in ignes,
i vndiquaq; emicabant ex montib. Neq; diu in
contēplatione hæserant, cū hominū fremitus cœ-
audiri, ex vicinis domib. oppidoq;, q̄ procul nō
erat, per ipsum noctis silentiū ad vacuas vtiq; au-
horridius allabens. Iubebant hospites diligēter
serari ædiū fores, ne qui prædones nocturno tu-
altu vterētur ad facinus: Sed Timoclea, quidquid
cesset tā publicis celebratū transmissumq; indi-
s, aiebat nimis mature cognosci nō posse. Phthia
ā in proximo oppidū esse. Si placeret hospitibus,
r vnum ex seruulis suis quid illic sentirent homi-
s, posse intelligi. Laudato mulieris consilio de-
nderunt ad fores, seruoq; emissio imperant ex-
orate cōsternationis materiē, nec cunctanter re-



ferre quæ audiret. In tricliniū interim turbati succedunt, suscitatoq; foco, cū matrona ipsis media consedisset, interrogant, quis ille mos Siculis, quæve omnino nocturnorū ignium vtilitas esset. Nā &, inquit Poliarchus, plus iam aſſo in Sicilia vixi, & nunc primū illos aspicio. At Timoclea, Nū tu vero in cuiusq; collis iugo arborem non vidisti in longitudinem mali defixā, cuius apex, in caueæ modū, ferro vndiq; per radios præcingēte laxatur? Aſſuente Poliarcho: Hæ sunt, inquit, publicæ arbores, ad idipsū cōstitutæ, vt ad Regis imperiū impositis in vertice facibus, negotii signū dent, q̄ illico oporteat p̄ populum pcurari. Et hos ignes Angaros vocant. Qui primū illos conspiciunt, statim & ipsi suorum montium iuga pari fulgore illustant, & ab his porro admonentur qui longius colunt, donec totā insulam flāmā mirabili celeritate percurrerit. Populus interim in armis stat, ad obsequiū cui destinatur paratus. Et haud mora à Rege nuncius puadit in proximā urbē, publice q; quid ille fieri velit enūciat. Inde ciues recentib. equis deferuntur in proxima oppida, à quibus & in alias vrbes eadē celeritatis fides exigitur. Ita cōtinuatis officiis Sicilia ad Principis nutum penē momento erecta est. Neq; temere hos ignes excitamus. Semel antea illos vidi, cū sicarii solum Regē aggressi hoc modo q̄rerentur. Dii faxint, ne nunc causa tristiori, & in peractū scelus accensi sint. Adhuc non p̄babat Poliarchus rationē, subridensque: Expectabā, ô matrona, vt hunc morē ab antiquissima facū religione deduceres, quas in vestræ Ætnæ vaporibus orba Ceres accendit. Quid aut in publicis cōmodum hic tumultus: aut quid Principis interest res suas nocturna trepidatione potius q̄ diurnis

urnis ministeriis agi? Sed matrona, non prorsus, oliarche, huic instituto utilitas abest, maxime cū ostium classis furtim in Insulā timetur appulsura. Nam qui portubus præsident, ista flāma admoniti, in catenas suis claustris obiciunt, tum in transtris miges habent, si opus est, nauigia in pugnam pro-
:cturos. Sed & populus sub suis ducibus, tribu-
sq; à signis non recedit, ut nec si fefellerit in litto-
hostis, in imparatam Insulam possit inuadere. Est
alius publicorum ignium vsus, si quis reus quem
iblice interficit vlcisci, vel fugam extra Siciliam ad-
nat, vel in ipsa regione, amicorum aut montium
le contegitur. Nam his ignibus semel accensis,
fas est yllam ex Sicilia nauem soluere, & quisquis
a domo communicauerit reum hunc eodem cri-
ine pœnaque leges censent.

Ab his Timocleæ sermonib. diuerterunt in alios,
erebantq; inter se, quid potissimū crederent huic
sternationi causam dedisse. Poliarchus vltima o-
ia verebatur. In Lycogene nihil fidū: Patere Me-
ndrum insidiis, tum corruptis suorum ingeniis,
n sui animi magnitudine iustos metus auersante:
imq; vicissim ciuilibus belli incōmoda loquuntur,
moclea, hospitibus hos versus porrexit, quos a-
citia Regis, studioq; literarum notissimus Nico-
mpus in Lycogenem condiderat, libero furore
ecratus, quod ille & sceptrum Meleandri, & Ar-
midis nuptias, concupiisset.

*Qua terris funesta lues! ô sœdera mundi!
O Sceptra! ô Regum cognata potentia cœlo!
Qua tantum insanas voluit dementia gentes!
Scilicet ut vestrâ sedeant ceruice tyranni,
Ah miseri! iustos amor est euertere fasces.*

B 4 In

*In dominos scire iuuat; ius, fasq̃, piumque
 Occidit, & cacam nil purpura tardat Erinny.
 Qualiter irato fudit cum saua Gigantes.
 Terra sinu, tumidisq̃, procul monstrauit Olympum,
 Illi acres subiere nefas humilemq̃, per Ossam
 Sperauiere polos; donec lucente procellâ,
 Reddidit iniusta fulmen sua corpora matri.*

*At tu, quem furia, ceu primum à fronte Cerasten
 Attollunt, miseris signum exitiabile terris,
 Tu regni turbare decus, tu turpibus ausis
 Aggr. ssus sceptrumq̃, patris, gnataq̃, beata
 Connubia; ô impar, furysq̃, Ixionis ardens,
 Et tantum amplexus vacua ludibria nubis!
 Quas poenas vesane dabis? quo funere raptus
 Horrida Tartarei metues ad verba tyranni?
 An cita precipiti vinctum rota differet orbe?
 Vel iecori procumbet auis? vel fulmine tactum
 Aetna capax monstri, rapidos quâ plurimus gines
 Egerit Enciladus, crepitantibus hauriet antris?*

*Sol pater, armentis si pabula grata Pelorus
 Educat alme tuis, septisq̃, fidelibus ambit;
 Tuq̃, Erycis victor, tuq̃, ô Erycina, Ceresq̃,
 Vosque dei indigena, quaeque hospita Numina ritè
 Trinacrii casto placamus thure coloni;
 Ferte p̃js vires; Nec sit violabile Regum
 Numen, vt & iutus vestris honor excubet aris.*

Erant in illa lectione, cum nunciatū est rediisse Timocleæ seruum. Omnes ergo suspēsis animis circūstant intransiē. Nec diutius poterant dubitare, & interrogare timentē non audebant. Neque is ratus q̃ afferebat corā hospitibus euulgandū, seuocat Timocleā, delatoq̃, indicio, cū stupēte paulisper muliere, & ipse videbatur obriguisse. Tādē Timocleā,

et maxime subitis consiliis mulier valebat, manu
rehensum, ne cum cætera colloqueretur fami-
lia, in interiorum thalamum rapit; monitisque ut
requerentur hospitibus ostium tremens adducit; &
ubet palam seruum quæ audisset nunciare. At ille,
Vix in oppidum perueneram, (inquit) cum pleri-
que occurrerunt, ut in tumultibus solet, nec ipsi
quo irent satis certi. In omnium foribus micabat
ucerna, diuisique in coronas haud modica admi-
ratione marcebant; Cum me ad proximum cætum
applicuissem audio Poliarchum perduellionis reum
esse, & ad capitale supplicium quæri; in hanc quæ-
sitionem publice ignes accensos. Ego errorem no-
minis veritus, quod in multos cadere potest, curio-
se quæsiui quis ille Poliarchus, & quo facinore da-
mnaretur. Vox omnium fuit, Poliarchum eum esse,
qui plus anno in Sicilia, hospes, armis, & amicitia
Legis inclytus fuisset. De crimine neminem eo-
rum satis scire. A Rege damnatum; & quidem dili-
gentissime vestigari. Ab hoc cætu digressus ad a-
trium, eadem rursus accipio; & cum nemo suo dis-
sensu incertum rumorem faceret, rem satis explo-
ratam nunciare non distuli.

His auditis, Archombrotus, simulq; Timoclea,
non Poliarchum contemplationem iniiciunt. Pallēs
ille actremens, non ut conscio metu, sed indigna-
tione periculi, nec contumeliam ferente virtute,
dentidem à seruo requirebat, an vera & comperta
nemoraret; & à Matrona, satisne compos animi
esset is seruus. Nec secius quam inani somnio præ-
infectus agebatur. Vocem deinde aliquandiu re-
tuit; ne in tanto animi tumultu quicquam excide-
ret in fortunam aut Regem indignum. Sed tanta

B 5

res,

res, domusque incertum an sat fida, cunctationem non ferebant. Manum igitur atque oculos attollens in cœlū; Vos, inquit, Dij Siciliae, & quotquot præterea Superi ius fasque inseruatis; Vos Genij, Laresque; Meleandri, qui me hospitem excepistis, obtestor, ac veneror, ut si quid in Regem, remve publicam Siculorum offendi, si ope, manu, consilio violavi fidem hospitij, aut omnino traduci commerrui hac publicæ quæstionis infamia; tum me inter inimicorum manus atque ludibria quam potest funestissimo exitu conficiatis. Sin omnia contuli ad salutem imperij, inundatque hæc in infontem inuidiosa calamitas; date ô dij, saltem ut regi populoque purgatus, tuto ab Insula excedam, liceatque non foedam aut ignobilem mei memoriam in hac gente relinquere. Te vero, Matrona, in communionem periculi non voco. Hoc ipso noctis concubio recedam in agros, meæ fortunæ contagione tuas ædes liberaturus. Fremebat interim Archombrotus; & adeo vnius diei amicitia valuerat, ut extrema omnia Poliarcho polliceretur. Ex vultu imperuque, & loquendi ratione, utri hoc periculum esset nescires; nisi quod adhuc licentius Archombrotus videbatur irasci. Sed matrona sic quasi seruli indicio fidem non haberet, dissimulans, alios qui referrēt certiora se protinus legaturā dicebat. Subsistere tamen in triclinio seruum iubet, hospitesque extra illius conspectum in proximum conclave ad consilium ducit.

Illic vero non diutius gemitus tenens, deflebat fortunas Poliarchi. Neque se enim de illius innocentia, sed neque de Regis iracundia dubitare. Quippe sagacissimum seruum nisi fideliter exacta
renun-

renunciare non ausum. Se quidem suam domum, opesque offerre Poliarcho, iis ipse qua posset ad salutem vteretur. Sed quid, inquit, hæc tecta, aut tua Archombrote societas, possit in Regem? Iam aderit miles armatus, iam ædes aut aperte nos prodent, aut obrutæ in nos ruent. Nam nec sperari potest toti familiæ integram fidem fore, nullumque servorum, si hic clam hæseris, Poliarche, nostri furti secreta temeraturum. Scitis quid inter tam subitios metus succurrerit? Latens iter, & præter me hodie nemini notum, effoderunt sub terra qui has ædes condidere. Id triplici errore dissectum totidē ostia habet, quibus in varios campos erumpit. Illic facillime potes tegi, Poliarche, subducique discrimini. Simula modo te atroci rumore perterritum à me abire, ut ambo defungamur periculo; nec aut tu tanquam nocens, aut ego receptatrix, invidioso tumultu obruamur. Cum vero limine excesseris, continuus arborum ordo, qui à meis foribus ad Himæram est, eo te ducet unde non procul fluminis ripa arcanus in promissam speluncam est aditus. Ego nemine familiarium conscio per domesticas latebras cum face in eandem fluminis viciniā euadam. Exceptum deinde in hæc antra ope Deorum servabimus, dum tempestas exsæuiat. Hoc secretum Archombrotus ignorare non debuit; & candole violare non poterit. Libertum quem vnum hic habes, id celari magnopere interest, ne timoris ædio, aut præmiorū fiducia, mutetur. Poliarchus in gratias ad Timocleam effusus, id vero consilium in eam noctem probari sibi dixit. Neque enim in spelunca hæsurum, nisi ut certo intelligat quæ larvæ Siciliam in se agant. Exploratæ fidei liber-

libertum, ab ultimorum secretorum notitia arceri non posse. Nam & eius ministeria in illa tempestate potissimum exigi. Ab Archombroto non petendum, ut tantam rem silentio premat. Dignum se peiori calamitate fore, si de illius fide auderet dubitare. In hæc verba de triclinio excedunt: iustisq; mox armis, ceu pugnam capefferet, insignis Poliar-chus, procedit ad Timocleæ fores. Illic stupenti familiæ, & quæ hæc rerum mutatio esset, furtim quærenti, paucis exponit, denunciaturum sibi periculum illis ignibus quos videbant. Se igitur fugere, ne aut ab his ipsum prodi necesse sit, aut cum ipso hos perire. Salutavit deinde in speciem longioris discessus Archombrotum atque Timocleam; conscenditque in equum, & liberto vestigijs hærente in præscriptum à muliere iter se coniecit.

Periculi immanitas, & propemodum pudor, stimulum iuuenem angebat. & , ô me vesanum, Gelanore (ita libertum appellabat) quod ulli mortaliū potestatem fecerim in hoc caput! Quid attinebat ignotū, nec cultu ad meam sortem idoneo, in hac gente errare? Aut quid fabulæ aliud docent, quæ Lycaonem ad Iouis hospitis iugulum nobis effingunt; quam Principes qui insperato exitu luſt quod se externis crediderint, nō magis alieno scelere quam sua stultitia violari? Volui patere iniuriis. Bene est; lædorex merito, Gelanore. Hæc ipsa dum loquitur, subit memoriam causa quæ eum in Sicilia tenebat; cuius veneratione illico motus, timuit ne pro tantæ spei fœlicitate, in quam illic vivebat, scelerate doluisset de oblato discrimine. Gelanorus fidissimo metu in domini periculo turbatus, censebat debere Poliar-chum genus suum
& for-

& fortunas omiſſa ſimulatione detegere. Nam ſi ſibi perſonam detraheret, ſi ſe ad faſtigium ſuum reciperet, ſponte excuſaturum Meleandrum acerbiora iudicia, hoſtesque veniam petituros. Nihil ap̄is, retulit Poliarchus. Poſt acceptam iniuriam maxime intereſt me celari; Dignitatis meæ reuerentia peius forte accenderet cogitantes poſſe me æſum dimitti ſemel tantum; at ſemper meminſſe iniuriæ. Nihil referebat Gelanorus, ſententiæ incertus, & aſtra quæcunc; tunc micabant in opem, & mentem, ſibi atque patrono, inter ſilentium compellans.

Interim Timoclea munitis foribus, familiares ubebat ſecedere ad quietem: Nolle ſe quicquam nocte turbari; orta luce omnia diligentius exploraturos. Obire deinde ſingulorum cellas cœpit, anquam domesticis curis intenta, re vera ne quis ebus quas furtim agitabat, moleſtus inſpector accederet. Vbi acquieſcentibus vniuerſis, tuta res viſa, intrat exiguam cum Archombroto cellam, in qua ſecretum effoſſæ ſpeluncæ aditum peritus artifex abdiderat. Seratus erat aſſeribus locus, quorum inter ſe oræ clatis inſertis neſtebantur; niſi quod duos ex iis nullum ferrum cæteris commiſcerat; vt faciles eſſent, ſi quis hos vellet ab ſimulata compage reuellere. Supra illos oblonga ſtabat menſa, vetabatque calcari; ne quoniam aliis non uidebant, ad perambulantium quaterentur veſtigia, proderentque ſecretum. Pauciſſimos illuc intrare ferebat Timoclea; ipſa raro locum viſebat. Tunc vero ſublatis aſſeribus ſpecum aperuit, gratuſque in imum ædium ducentes: Mox concuſſiſſis ilicis ignem ſulphurato excipiens, preparatam facem

cem accendit; viamque auspicatur cum lumine. Sequebatur Archombrotus, sua & mulieris causa nudum enssem manu tenens. Gradus ad viginti erant, per quos subibatur subterranea porticus, quæ in longum porrecta abibat denique in varios colles; ne possesso ab hostibus vno ore, obstrui posset fugiendi utilitas. Terra huic operi apta fuerat; quippe adeo spissa, ut qua stare illam velles, cætera quæ egerebantur nulla ruina sequeretur, rursusque non difficilis accipiendis fossorum ictibus, quos nec obiectis saxis interpellabat, nec cedente arena frustrabatur. Longus ille, & arcuato opere continuus fornix, quamquam arua & incumbentem domum ferret, adhuc tot annis vitium non fecerat. In aditu modicum spatium calce liniuerant, ut pictura & literis imbueretur. Sed piger, nec solutus syderum luce aer, graui humore imagines corruerat. Adhuc tamen cerneret effigiem aræ hominisq; imponentis simulata thura in focum, propter cuius verticem eiusmodi versus vtcunque legebantur.

*Dî quos sub vacua fas est tellure precari;
 Seu Iouis hîc regnum est, seu Ditem hac antra verentur,
 Seu qui caruleis incinctum continet Orbem
 Fluctibus, hîc trifidi posuit fundamina sceptri;
 Has precor ô fidas dominis seruate latebras.
 Non istam fraudes scelerent, non turpia noctem
 Furta, nec attonitâ radians face tristis Enyo
 Terreat, aut dira vanis stridoribus umbræ.
 Sit pacata quies, sint sancta silentia rebus,
 Donec casta domus, nec parci grata nepotes
 Thura ferent vobis. Hic fontibus incubet horror,
 Hic Erebus; placidasque bonis mulcete tenebras.
 Hæc raptim legebat Archombrotus: Sed grauior
 de*

e Poliarcho cura à loci contemplatione mentem
eduxit. Timoclea percunctatam docebat, quam-
uam Poliarchus erat externus, neminẽ fuisse Si-
ulorum propiori amicitiaẽ gradu Regi admo-
im; neque bonos inuidisse. Sed nescio quod ho-
ie fatum, inquit, defœuit in illos qui Regibus fue-
e charissimi. Ita est, retulit Archombrotus; hic co-
retes paucis annis quas aulas non perstrinxit? At
Timoclea, Verum, Archombrote, cæteris omnib.
ainæ suæ causa, vel in se, vel in dominis fuit. Istum
antæ virtutis, sub moderatissimo Rege, quis casus
fflixit? Retulerisne ad exemplum Lydios coniu-
es, qui nuper in gente externa impotentis fœlici-
tis pœnas dederunt; hic ad regium limen, in suo
anguine fusus, illa ex carcere ad lictoris ferrum e-
ucta? notissima refero, Archombrote. Sed quid
a in scena simile Poliarcho? nihil illis ad regnũ de-
rat, præter nomen & purpurã, aspernabantur pa-
es esse gentilibus; nec qua virtute tantum superci-
um tollerent, habebant. Teneros quoque annos
æci calcabant, illius qui hæc bona & asserere vere
oterat, & fortiter sustulit in rudimentum potesta-
s. At Poliarchus, non libavit regiam gazam: Non
ræfidiis, non castellis fundabat suas vires. Appa-
bat denique instar Solis hanc virtutem in trans-
ursu lucere Sicilia. Longe aliter isti Lydi, & (haud
b simile fortunæ ludibrium) par aliud coniugum
e Phrygia: Nempe illi subiicit Archombrotus,
uos nuper ex regia penetrali, in qua omnia pote-
nt, beneficij crimẽ mittebat ad laqueũ, nisi Prin-
eps adhuc memor amasse, carcerẽ damnatis mu-
us dedisset. Ita est, inquit Timoclea; Scis igitur q̃
ultum peccauerint, ipse quidẽ tanquã immemor
primæ

primæ fortis, & à multis amari dedignatus; illa invidiam non verita abdicati cōiugij quod primum erat nacta: vterque autem auersæ lunoni non litās, ignarusque suum quoque deabus fulmen esse.

Miraremur hæc, ô Timoclea, (ait Archombrotus,) nisi eiusmodi ludorum consuetudo stuporem mitigauisset. Cerne Aquilij aulam, cerne Hippophili. Quid Procerum primos iuuit, post exhaustū immentæ potentiaæ cursum, ad purpuratum Sacerdotium confugisse, tanquam ad aram? Nempe ut preciosius funus esset expirantis dignitatis. Sed nihil reliqueris Principibus, nisi possint amicitias mutare. Hoc quoque priuatis, Matrona, concedimus. Imo, refert Timoclea, in fortunæ illa fuga, vix aut Principes, aut eorum pereuntes amicos absolueris. Nam hi Reges (si verum loqui licet) apud quos semper aliqui nimium possunt, fere mutabili amandi dulcedine feruntur in diuersa. Casu amicitias auspiciantur, tædio deponunt; & noua familiaritate reficiunt animum in veteris consuetudinis nausea fastidientem. Quidam ex iis, ut in morbis, ex calore in contrarium frigus rapti, finem amoris odium faciunt, intempestiuis affectibus semper captiui aut crudeles. Modestiores sunt, qui contenti superducere neglectis, sed non violatis prioribus, nouos amores, tamen indignatione, ambitu, rixis, regiam suam implent. Diutius quidem, sed non denique tutius, aut fidelius amant, qui ad negocia & subtilitatem curarum caligare se conscij, admouent oneri quem potissimum putant, nec res magis quam seiplos ei tradunt; tristissimo sæpe fato; quia vix sapientius eligere qui se regat, quam seiplos regere norunt. Cæterum non amare
modo

modo hunc solent; sed vereri, suspicere, timere ob-
stantem; donec iste oblitus precario se regnare,
trannidem nimis intenderit, aut ipse eodem erro-
ringeni nescientis libertatem, alium mirari ince-
rit. Ridebis mecastor, optime hospes, quod mu-
er apud te hæc differam: Sed publicæ clades hoc
ties peruulgarunt argumentum, vt noster quo-
ie sexus in eo sapere possit. Tum vero Ar-
ombrotus (vt Principibus fauebat) Fateor,
quit, in premendis amicis errare sæpe Reges. Ve-
m & illi gratiosi, quoties sua culpa fugam sibi
rtunæ admouent, serius, si saperent, recessuram?
uidam ex iis non æstimato domini ingenio, cau-
n qua amantur negligunt colere; vel adhuc cru-
& recentia domini studia, tanquam nondum
eparati ventriculi robur, importuno vsu obtrunt.
ios ignoratio satietatis decepit, qui quamquam
cumfluentes omnis fortunæ muneribus, tamen
minum in nouæ alicuius amicitia illecebras de-
nantem, tanquã iniectis manibus retinent, pro-
mantque ad promissi amoris vindicias. Ita qui
gratiæ statione recedere ad magnificum ocium
terant, rapi malunt quam abire. Quid vesaniam
am, cum in leuia ingenia hæc fœlicitas cadit?
; quam bene aut Phaethoni curru vsus sit, aut
rus pennis. Nec Ioui, aut Soli maledicimus, per
os illi mulctati sunt. Hic Timoclea; Sed vtcunq;
at illi vel pereant, recidantque in sortem quam
do exuerunt; Vide potius quid ex hac effuse a-
ndi caligine, redundet in Reges, quorum siue
nicles, siue salus plerunq; est publica. Equidẽ in
etropicis educata, nihil frequẽtius accepi peri-
ũ sermonibus, quã ingentis Principis esse, & cui

C

pur-

purpura oneri non sit, nemini adeo indulgere, ut ipse in partes, & factionum odium descēdat. Nam cum illi qui in immensum regia manu subuecti sunt, nimiae potentiae inuidia laborent; sicque tegantur à domino, ut peti nisi per illius latus non possint; licentius turbæ fiunt, Rex ipse vellicatur, & sub alieno nomine eo proteruius vapulat, quo illi qui hoc audent, patientiorem ad iniurias ex nimij amoris imbecillitate coniiciunt. Sed nihil est ad cæcitatæ humanæ contemplationem flebilius, quam cum Reges immensis his donis putant amari, cum potius si quid in illis quos sic extollunt veræ amicitiae antea fuit, plerumque imprudens liberalitas extinguat. Quamdiu enim Regum amici sensu fruuntur lætæ quidem fortunæ, sed modicæ, & veluti fragiliores hederæ arbore egent in quam recumbant; tamdiu Regem incolumem volunt; vel quod ab eo pendeant, vel saltem quod ab eius calamitate nihil utilitatis expectent. At postquam validiori trunco suæ magnitudini nituntur, sensim ramos expediunt ab arboris nexu qua fulciete iuerunt in altum; ut vel ea cadente, stare sublimes possint. Suas inquam res à Principis salute festināt seiungere; quemque illi debent amorem, sibi impendunt. Quippe Principem sciunt ab amandī furore reuocatum posse horrere ad suos errores, & quam condidit potentiam ultro metuere: denique propemodum esse fatale, ut postquam Rex summo illi fastigio quemquā admonit, alteruter tuat. Iam tum ergo ab ipso cauere incipiunt, & futuræ æmulationis suspicionem præsentibus dolis vindicant; eo commissa negotia flectentes, non quo Regis existimatio vel utilitas inclinat, sed vnde sibi secu-

securitas in fortunam, & proditum Regem affulget. Esse tamen interdum virtutem quam hæc celsitas non corrumpat, in exemplo est Poliarchus, qui nec fidem deseruit, nec improbe exultavit in tanta fortuna, ut in hoc illius discrimine non aliam quam factorum culpam inueniam.

Inter hæc emensi viam erant, & os specus Archombroto monstrabat Timoclea, quod non oserose referaretur. Vectes introrsum duo oppositum egressui lapidem tenebant, sic in terram nitentes, ut nulla vi quæ exterius moueretur quati possent. Sed qui intra specum erant eos facile obiquatos ab exiguis leuabant scrobibus, quibus ita iulciebantur ne ab imposito ostij onere possent ecedere. His ergo exemptis, saxoque deducto, ubi speluncam Archombrotus aperuit, egressa Timoclea iactavit manu facem, ut cum Poliarcho conuenerat, rursusque ignem suppressit, ne ex mora in alios quam quos optabat suspiciosus fulgor accideret. Ille cum non aberrasset à via, stabat ad lumen, expectabatque signum, quo dato perueit ad matronam. Sed quid illius & famuli equiseret, diu quæstio fuit. donec Gelanorus; ite, inuit, ad consilium in speluncam; dum de equis eliberatis, stabunt religati ad has alnos, quæ procul omni via propter flumen consurgunt. Dum illi descendunt, dum adhuc trepidi nihil in rem meritantur, Gelanorus equos reuinxerat, aderatque ad speluncam; in quâ ubi receptus est, lapidē quo viditus celabatur reductis fulciunt vectib. & ad consilium se componunt. Censebat Poliarchus dimitteum esse libertum, qui omnia exploraret, quod

fibi facinus obiiceretur, quæ hæc noua in Rege sæuitia, num denique amicorū in extremis fides duraret. Salubre (inquit Timoclea) consilium, Poliarche, si non scires nihil prius homines à Gelanoro quæsituros quam vbi delitescas. De illius fide non dubito; sed si in hostes inciderit, fortasse per tormenta expriment verum. Indignatus Gelanorus, se in salute domini, non verberibus, non equuleo, frangi posse respondit. Habere se præterea quo eludat inimicos. Iturum se attonito maxime similem; & si quis ex ignotis aut suspectis de Poliarcho roget, iam de luce abiisse vocē ad fidem composita esse dicturum. Neq; rem à vero abhorrere; quandoquidem sub terra secretus à sole recesserat. Quærentibus mortis genus mentiturum ab equo in Himeram flumen casum; Quippe fugisse Regis edicto perterritum, ingressumque nocte flumen, neq; vadum tenuisse. grauem armis, & subtrahente se equo, fluctibus haustum. (& tunc forte commode ad hanc fraudem Himera plus iusto abundabat.) Addam, inquit, nihil fuisse in me opis; cum viderem iratis vorticibus dominū in mare deferri. Hoc commento, fama tui interitus spargetur; qua nihil nostris rebus commodius. Nam & inimicos satiabit, & cæterorum miserationem intueniet; qui de extincta virtute magnificentius loqui amant. Laxabitur deinde custodia; quæ iam portus & nauigia asseruat; & omnia quæstione quam audimus in te decretam, non ægre aut latebis, aut fugies. Nec aliud mortis genus tutiori mendacio fingemus, quam quod nihil ex te reliquerit. Tuum præterea equum quo temere volet patiar ire; tanquam mors domini hanc fecerit libertatem.

Placuit

Placuit omnibus Gelanori calliditas; Sed adiecit Poliarchus, si incideret in Arsidam, cui inter Siculos maxime fidē habebat, rem ut erat nihil constaretur effundere; rogaretque suis verbis ne indigna calamitate iacentem adire vereretur. Aut si id minus posset, quæ saltem ex re essent perferenda concederetur. Consulebat etiam Archombrotus, ne perfunctus officio Gelanorus protinus rediret ad specum (nam nec satis posse pultantem exaudiri; & suspicioni locum fore, si qui viam in proximo obirent) Sed ad Timocleæ fores accedens, uteretur in matronæ familiares larua eadem qua cæteris imposuisset, patronique tanquam extincti falsa expressis prosequeretur gemitibus. Inde secreto Timocleæ ope ad Poliarchum esse venturum. Agitare præterea, quid suppellectili, quid familia Poliarchi faciendum, Instruxerat enim dominum, quæ non indecora, aut impar regiæ amicitiae esset. Sed nec familiaribus fidebat. Vnum enim suę gentis habebat Gelanorum. Cæteri erant externi, ac plurimum sibi ignoti: Nec multum de bonis laborabat; assuetus in abdito vestium circumferre summi pretij gemmas, & modicum auri; ne fortunæ omnia in absentem licerent. Siue igitur tanquam amnati hominis bona ad se traheret Meleander, ne illa mercenarij seruique diriperent; iussus est nihil mouere Gelanorus; sed tanquam à conuulsæ omnis excidio ceruices subtrahere. His præceptis ornatum dimiserunt. Ipsi Archombroto atque Timocleæ iam non diu licebat cum Poliarcho esse. Seruuli enim primo mane ad officia surrecturi mebantur, aliquo ludo fortunę tunc potissimum luduli cum minime velles. Hos matronæ in Po-

liarchū studia deprehendere, vtriq; pernicies erat. Rogant itaque vt in solatium virtutem adhibeat, quæ nec clades mereri, nec cum immerito accidunt deiici potest. Se quidem quam sæpissime liceret ad colloquium redituros. Tum puluinum in quod recumberet, facesq; (plures enim Timoclea intulerat) tradunt; & remenso sub terra itinere in thoros referuntur. Poliarcho quæ mens fuerit, quantum iracundiæ questibusve in illa solitudine indulserit, illinc intelligas, quod non plus de vita quam de mortis decore laborabat, sciebatque ex spiritu suo pendere quos supra se habebat eximios.

Gelanorus postquam domini equum adinota virgula libertatis admonitum auertit in cursus, & ipse in suum conscendit, destinatum iter ingressus est, cumque fere ad syluam peruenisset, in qua pridie Poliarchus pugnauerat, tres lecticas ferri vidit, multosque in equis comitari, post hos, peditum examen procedere. Quæ hæc pompa duceretur scire libuit. Propinquanti liquebat lecticas esse funebres, hominesque pullatos. Territus ferali aspicio rogauit ab extremi agminis vno, cuius exequiæ ducerentur. Ille ad corpora legatorum iri respondit, quos pridie Poliarchus contra ius gentium cæcidisset. Cohorruit Gelanorus, & quæ hæc fraudes, quodve piaculum esset, secum ipse volutans, quo certiora cognosceret, iuit cum illo agmine, donec hominis cadauer quem in limine syluæ Poliarchus fugientem peremerat, inter ferales ludus vidit attolli in lecticam. Tunc satis constitit, grassatores qui in Poliarchum inciderant, à Lyco- gene ad Meleandrum fuisse legatos. Sed cur præcipitata vltio erat? cur dies non dicta Poliarcho? Ergo lo-

go legati latrocinarentur impune? & Rex in hostes quam in suos pronior esset? Danda fortitudinis præmia fuisse victori, & legatis in scelere occisis crucem quoque pro funere.

Hæc confusa & tumida pietate voluentem tantaira inceserat, ut iam ægre aut colorem obtineret aut vocem. Satiùs visum à spectaculo recedere cui furiose indignari inceperat. Igitur deuotis hostibus, qua ad regem propior cursus erat concitat equum. Penetranti ad alteram sylvæ oram, iam sole prouecto, visi complures per viam procedere; nam & militaris hæc erat, & tunc regiis in propinquo castris frequens. Inter cæteros occurrit Timonides, non obscurus ex Meleandri familia, qui & de Poliarchi vice anxius ad hoc ipsum errabat, ut quid eo esset factum acciperet. Is posteaquam Gelanorum agnouit, ô te, inquit, opportunum! ubi autem in tanto tumultu Poliarchus? At ille promissæ artis memor, deiectos oculos in Timonidem vix attollens, Poliarchum vixisse respondit. Tum vero in Timonide pietas, atque amor, potior fuit præsentium rerum metu. Vaticinanti similis stetit. Deinde singultibus in hæc verba laxatis, ô infœlicem cum Meleandro Siciliam! vertit habenas. Vix res non mediocris solatij Gelanoro, fictam domini mortem adeo veros, nec occultos gemitus nuenire. Neque multum Timonides processerat, cum ad illum iterum redit, &, quod, inquit, viri maximi fatum fuit, Gelanore? quam subito, aut à quibus oppressus est? Cū edictū in se Regis metueret (retulit Gelanorus) ausus est per tenebras vadū in Himæta explorare: Sed imbribus tunc ille coarctantē diripuit, & quantū in syderū fulgore cōteci,

C

4

in

in proximum mare deuoluit. Rursus exclamauit Timonides; & nunciaturus maximam cladem, illico viam ad Regem instituit; Sic furenti, non procul Arsidas occurrit; cui vni Poliarchus furtiua cōsilia à Gelanoro credi voluerat. Hunc Timonides raptim implet funesti nuncij horrore; petentique vbi esset Gelanorus, ostendit venientem. Simul his ipse quidem, vt cœperat, versus regia castra stimulate equum; Arsidas vero ad Gelanorum pergens, salutemq; obiter ferens, de patrono protinus quaerit. Sed ille esse arcana quæ afferret respondit, quibus publicum satis aptum non esset. declinaret à via Arsidas; se cum nemo obseruaret sequuturum. Paruit monenti Arsidas, cui iam non paruum spem insinuauerat, nihil dum Gelanorum de Poliarchi obitu questum esse.

Solitudo in conualli proxima erat, quo postquam conuenere, ita prior Gelanorus; Viuit, ô Arsida, Poliarchus; sed te vnum vitæ suæ consciū cupit. In effossa sub Timocleæ ædibus via, matronæ fide celatus est. Me autem ad te misit, vt doceres quis ventus hanc tempestatem exciuerit; & si perclusum non fastidis, ad se quoque perducerem. Arsidas nullum se periculum defugere dixit; Duceret modo Gelanorus ad specum, cupidumque Poliarcho coniungeret. Imo, inquit Gelanorus, arte opus est qua Timocleæ familiam capiamus; ne resciant illic latere Poliarchum, & in sordidorum hominum potestatem summi viri fata perueniant. Prior ibo, subornatisque gemitibus, quod iam apud Timonidē cœpi, illius simulatam mortē deflebo. Tu quoque, Arsida, quoscunq; conuenieris illa fabula vtiliter eludes. Fiet Poliarcho vita securior;

urior, si crederetur extinctus. Medio die ad Timoleæ limen peruenies, quasi per æstum acquieturus. Nec suspicionem faciet, si in ædibus matronæ iam olim tibi notæ familiaritatis iure diuerteris. Est præerea quod te moneam; Iuuenem illic esse in Siciam heri aduectum. Ex Africa, nisi dissimulat, solit. Speciem, & cum loquentem audiueris, sapieniam laudabis. fides in Poliarchum summa est, cui ix dieculę commercio iunctus nunc in vltimis adæret. Ille tibi, aut patrono meo, suspectus esse non neruit.

His inter se constitutis sparguntur in diuersa; Et Gelanorus quidem qua compendium ad Timoleam erat; Arsidas, cui diutius vacabat, lento gradu in publicam viam diuertit. Sed deceptus Timonides tragœdiam late ferebat. Nam in quemque de notis incideret, author erat obiisse Poliarchum. Rumor inde in plures, & pro hominum sorte diuersis affectibus, sed vbique ingentibus, exceptus. Statuerat eo die Meleander Hypsa flumine superato, ire Magellam, quo ipso iubente Argenis filia Syacufis aduenerat. Iamque pronunciato discessu colligebat miles vasa, & Rex, dum apta itineri hora esset, in proximis vallo campis spatia batur. Medius proceribus erat, haud dubius multos ex illis specie micitiæ atque officii circumstare inimicos; Cum ecce in castra Timonides redit nunciatque amicis quicquid acceperat de Poliarchi fato. Dicto citius atrox fama dimanauit in milites. Neque ægre crelebatur. Ipsum denique Regem adire Timonides uctuque efferatus ita loqui non timuit. Multum est, Domine, quod gratulemur Lycogeni. Fato functus est Poliarchus. Ad hæc verba hæsit Rex incertissima

tissima mente perculsus. Amissi iuuenis calamitas & iactura, eo magis horrentem agitabat, quod in se tãquam authorem hæc factorum culpa reciderat. Lachrymæ deinde propemodum subibant, & triste venturarũ rerum auspiciũ. Sed nec publice dolere tũc securũ, cum in eius vultum pleriq; imminerent ex amicis Lycogenis, frontem, oculos, verba adnotaturi. Obfirmato itaq; ore, ne aut lætitiæ aut doloris ederet signum, pauca de genere interitus quæsiuit, rediitq; in tentorium, certus nemini lætam esse Poliarchi perniciem nisi qui & ipsum Regẽ periisse concuperet. Multis militũ reuerentia Regis obstabat, ne corã lamentarentur. Fidissimi procerum vel suspiriis constantiam fallentib. deflebant amissum, vel indignatione maiori, inter mutua colloquia, factorum temporumq; iniuriam non premebant. Illos Rex diligentissima memoria distinguebat à ceteris, tanquam dignos quibus vnus se crederet, sed nec sine pudore intuebatur, ratus se vt interfectorem Poliarchi inuidiose ab illis designati.

Mirum fuit, extitisse qui auderet subito calore effundere hos versus, furtimq; deponere in vestibulo Prætorij, qua Regem abire oportebat.

*Flos iuuenum, seu te id Stygijs timet omne sub oris,
Quo pallent alij manes; seu sydere calum
Auxisti; Siculas non respecturus ad oras;
Da fas sis veniam, grauibsq; accedere vindex
In miseros ne quare deis. Satis ausa luemus
Gentibus inuisi, memoriq; in sæcula famã
Hoc monstrante nefas. Tene ergo laceffere flamma,
Te potuit ripis haurire furentibus annis?
O Superi! qui nos ignes, vnde ve piabunt?
Ipsi amnes, ipse meruere piacula flamma,*

Cæte-

Cæterum dum profectio à castris ornatur, iam fusa in populo fama, Poliarchi cladē vulgauerat, lagellamq; peruenerat. Forte in thalamo sedebat Argenis, cultumq; non quem tranquillis rebus haberet, regia virgine tñ dignum inter puellas adornabat. Selenissa alumna Argenidi erat, secretorū omnium conscia, & tunc illius comā fingeat, cum vna ancillarum ex atrio, in quod forte processerat redit, nunciatq; Poliarchum obiisse. Fefellerat primo Argenidis aures, cui tunc interior de nocturnis ignibus, & Poliarchi inimicis, cum Selenissa sermo. Et Selenissam quidem allapsa ancillæ vox, ingenti tumultu animum, omniaq; præcordia concussit. Tum vero furtiuis nutibus, oculisq; silentium subinde iubentibus, monebat ministras vt premerent vocem: Sed iam susurrantium garrulitas sedem impleuerat, subitoq; horrore Argenis attonita, nec cum certa quid ancillæ loquerentur, rogauit quosnam casus aut clades inter se mussarent. Selenissa responsum intercepit, excidisse de ministræ manibus speculū, quod die natali Argenidis Melcander dederat: Illud nunc dominæ iracundiam reueritas ueri. Sed non persuasit iam sponte metuenti. Ergo e sede Argenis exiliit, proximamq; puellarum manuprehendens, & in eam ardentibus intuens oculis; Si iam, inquit, mentiri audebis, scias te hodie ultimo in conspectu meo esse. Dic vero numquid triste de Rege allatū est? Abominata illa dirū de Melcandro omen, & tanquam adhibitura solatium; Non, inquit, ō Domina, omnia quæ oportet de Rege audimus. Victor, & valēs, vt nosti, expectatur. In tantæ fœlicitatis mixturam parua clades est, extinctus Poliarchus. Nō alias fortius suas partes, quam
tunc

tunc in Argenide obiit pudor. Srenue reuocauit abeuntem spiritum, eodemque momento & constituit, & distulit mori. Ac ne vllam suspicionem mulieribus quæ astabant relinqueret. Regem, inquit, diis curæ esse non dubito, qui ciuilibus motibus secundum ius exitum dabunt. De Poliarcho loqui pertimuit, ne in ipso nomine hereret, iam pene collectis gemitibus victa. Cumque diutius coactæ frontis scenam non ferret, in arcanam penitus cellam sola se penetrat, tanquam subiti negotii causa: iamque fores obserabat, ne quis superueniret supremam meditati. Sed non fefellit illa rabies Selenissam. In vestigiis itaque Argenidis hærens (& alumna hoc licebat) redeuntem in claustra ianuam sustinuit manu, specieq; obsequii dominam in illo secreto sequuta est.

Tum demum obseratis foribus liberior in luctu Argenis, & lachrymas soluit, & direptum manu cultum laniatis crinibus proiecit in terram. Lectulus ex ebore erat, quem humilem purpureis tapetibus ad diurnam quietem auxerant. In illum tota corporis mole procubuit. Neque Selenissa loquebatur, sed tacita expectabat, donec sponte primus turbo lachymarum concederet. Sed vt vidit nunc mitissimis feruentem gemitibus, nexisque manuum articulis lacertos oculosq; inuidiose tollentem in coelum, nunc sæuius intra se, & errantibus luminibus, obloquentem, longio. em deniq; stylum, qui ad varios vsus definebat in acumen, aptantem in iugulum, nihil cunctata in frementem insiluit: & brachium iam pene sceleratum tremulis manibus tenens, laborabat dignos questus in fariosam expedire. Nam spississimis singultibus luctus obstabat,

t. Diu par miserabile in hoc statu perseueravit, ut
aque inualida manu esset, & nec illa ferro ute-
ur, nec ista eriperet, ambæ immobiles, & in alter-
tantum ora defixæ. Argenis præcipuè in nume-
n cervicem reclinauerat, ore quoq; incuriose hi-
si Selenissam intuita, Nihil, inquit, nihil agis, Se-
nissa. Vt cunque obstiteris mori licebit. Hactenus
te monstrasti, constantem, memorem, piam es.
Quid illa præcepta iam alia pietate peruertis? Mi-
quidem, tibi que, solatium erit, quod inuiolato
dore in tumulum succedam. Putasne me super-
em Poliarcho esse posse? Ille me intactam à Ly-
gene præstitit. Reddam nunc vitam, & hoc i-
m est pudore quem seruauit, & merito suo mi-
s. Ego, si nescis, Selenissa, Poliarchum occidi:
imen nō expiabo nisi sanguine abluerim. Quid
cum Sicilia, nisi propter Argenidem, fuit? In hæc
ba dolore confusa spiritum quoque amiserat.
abitur manu ferrum, & ipsa in Selenissam, tunc
oque malè fortem, incubuit.

At illa non de Argenidis modo, sed & de sua vi-
olenta, omnem medicinam adhibebat parum
audienti, nunc alterno dolore aggemens, & cito
diraturos luctus credens, si liberrime solueren-
, nunc in alumnae supercilium rediens: Patris et-
iam admonēbat, quem tumultibus publicis fractū,
sa moreretur, extremo vulnere sauciaret. Esse
ic enim veluti purpureum & fatalem patris cri-
m; Quem si euelleret instar Scyllæ Minoem a-
ntis, duplicato particidio, gnatam & patrem in
lem exitia esse tracturam. An præterea auidæ fa-
, & spontè iniquæ, persuaderi posse credebat,
a violento amorī pudicitiam superfuisse? Sed
hæc

hæc frustra apud surdas tunc aures iactabatur. Tunc vero in furem & ipsa sæuire audacius; Nolle se tam fœdum exitum spectare: Nisi viuere promitteret, se ad auxilium proclamaturam. Iamque ad fores videbatur processura, cum Argenis laciniam vestis ducens iterum in amplexus reuocat; & , ô mater, inquit, cur à tantis doloribus vetas abire? An Poliarchum si defuncta prior essem, fuisse victurum existimas? Non fallis, Selenissa; Ab cunis ad id quod ætatis meæ est, quid velis, quid commendes, intellexi. Quod iam fieri prohibes, cum mea manu patrauerò, ipsa potissimum laudabis. Si quid è mortuis superest, amat me etiamnum Poliarchus. Ibo, fœlix ad sponsum, & sine inuidia castissimas miscbimus vmbras. Ad extremum, si extinctis sensibus toti in tumulos condimur, hoc cum vita malum effugiam (horreo loqui) ne interfectorem Poliarchi venerari necesse sit. Scis cuius imperio ignes hesterni micuerint. An dubites illinc fortissimo viro fuisse exitum? Sed pater est. Impietas erit parentem auersari. Sic igitur inter Poliarchum & patrem partiemur affectus, ut deposita vita, quod mihi vtriusque beneficium est, neutri possim irasci vel fauere.

Contra Selenissa dedecus cædis vrgebat ad quæ amor impulisset, tandemque, veluti melioribus factis admonita, quid nos autem Poliarchum, tanquam proclamatum, deflemus? famæque tam sæpe ludenti certissimo dolore iam credimus? Nescis in fabulis errorem Pyrami vulgari, ut discamus periculosum esse ex primis indiciis furiose decernere? Quid scis an in paria fata nunc voces Poliarchum, quibus ille suam Thisben imprudens damnauit? Poliarchum audimus occidisse. At quam multa fingere

re rumor solet? Quis cadauer inspexit? quis macu-
tum sanguine ensem? Forsitan nūc securus, & de-
fectis hostibus lætus, si cecideris, per tuum vulnus
animam efflabit. Mitte qui certiora renuncient, &
item in hoc viue, ne eum, si viuus est, perdas. Tri-
risu diducta Argenis ceruicem mouit, & quam,
quit, vana spe extremos luctus differs? Hoc com-
ēto nec tibi, ô mater, nec mihi persuades. Sed hoc
abo Poliarcho, aut verius diis, ne temere credam
hoc facinus esse patratum. ea lege, ne cum certius
clade constiterit, molesta sis vitam & sensus po-
turæ. Hoc principio læta anus, quæ sciret atrociam
luctu consilia primo impetu pertimescenda esse,
im autem moram pati inceperunt, sua sponte ex-
dere, iurisiurandi arbitrium penes se fecit, & per
eos, deasq; , sed præcipue per genium Poliarchi,
cramentum Argenidi præiuit, nihil illam toto bi-
tio, quicquid audiret deinde, vel sciret, suæ vitæ
ocituram. Annuente virgine, & in verba quæ Se-
nissa conceperat iurante, monere anus cœpit vt
componeret comas, ne cuiquam ad tam arcani
coloris notitiam indicium esset. Formam, quam-
iam in Argenide summa erat, tamen magnitudo
nisi vincebat. Domuit scil. gemitus, momentoq;
vultus rediit quos ante dolorem habuerat, nisi
quod in oculis rubor tumebat, quem admota geli-
a temperauit.

Adhuc colligebat animum, & in lætius ora fini-
bat, cum vna ancillarum ad fores pultauit, mo-
uitq; iam Regem in limine arcis esse. Neque mo-
, Argenis, tanquam aliud egisset, redit in thala-
um, etiam porrectiori vultu quā res publicæ me-
bantur, siue quo à suspicione sui luctus abesset,
suo

siue vt inter simulationis dolorisque certamen, iniustum temperamentum omnia verba, omnes gestus redirent. A prætorianis inde excepta, qui non procul excubabant, per media regiæ atria successit ad portam. Haud procul erat Rex, qui ad genua accedentem, ponentemq; dexteræ osculum, sustollens, & mox leui manu verberans genas, vsque ne valuisset rogabat, maciem simul, palloremq; incubabat, quibus inter bellorum metus deteriorē formam fecerat. At illa haud licuisse per pietatē respondit, Patrem & Regem in castra profectum, saltem votis curisq; non prosequi: sumptaq; lugendi materia, non nihil lachrymis, quæ frequentissimæ instabant, indulgit. Rex eam bono animo esse iubet: Annuisse deos votis: Restitueret placidis rebus vultum, quem aduersæ exhauserant. Populus se circum effuderat, non minus quam senectutē Meleandri, speciem Argenidis virtutemq; reueritūs, quæ ea arte dispensabat supercilia, oculos, nutum, vt & populus humanitate captus acclamationibus exultaret, & ex Optimatum frequentia nemo neglectum omissumve se crederet.

Salutantium supplicumq; concursu Rex obsecus paulisper in atrio hæsit, in quo fons erat non plus aquis notabilis, quam arte signorum, quæ illic hospiti Coccalo aiebant Dædalum poliuisse. Aquę in altitudinem redeuntēs originis, per varias fistulas atq; formas micabant, mox in subiectum alueū recidentes, feruebant ipso tumultu labendi, reddebantq; colorem mari simillimum. In medio Galatea, tanquam in pelago, lugebat recens extinctum Acim, qui iacebat in littore, & tanquam inciperet solui in flumē, duos fontes ore soluebat & vulnere,
In

in confinio aquæ, contumax Cyclopi's imago, simul alio saxo imminerebat securæ Galatæ, simul augebat indignantem his versibus, quibus artifex ibiectum marmor inciderat.

Durior ô saxo quo nunc meus occidit Acis,

Asperior sylvis & Polypheme tuis:

Ausannes. Deus hoc faciet, quem tu inscie fati,

Quem non mortalem passus es esse virum.

Nam Deus Acis erit, viuetq; perennibus undis.

Quid facies? nullas hæc timet vnda minas.

Iam fons corda tenet: iam fons tenet omnia, qualis

Acis erat, dat nunc candidum auctor aquas.

Cinnamomiq; sui memores labuntur in orbem:

Errat & in tremulis annulus ille vadis.

Quam bona caruleis periit iam purpura venis!

Nec tamen in gelido sanguine friget amor.

Quo meus Acis abit? quo vos humeriq;, manusq;?

O quanti numen constat habere nouum!

Hei mihi! ne se hominem plus vulnere ser-serit esse,

Quam nunc thure dato sentiet esse deum.

hoc conspectu Argenis cladis admonita, dum Rex inctaretur in obuiis, solitario dolore se pascebat. erat sibi Galatea: meliorem Acim flebat. Sed quis e Polyphemus? Quamquam eo destinabat Lycopenem, tñ & culpæ paternæ inuita meminerat. Iam interiora Aulæ processerant, & purpuratis ad corporum officia dilapsis, pene soli familiarium obquiorum ministri cum Meleandro perstiterant. etus Rex hoc secreto, & ab his quoq; cū Argenide uersus, Tua, inquit, ætas & sexus, mea gnata, expertem facerent publicorum consiliorum, nisi te disciplina & indoles crexisset ad magna, & præterquod utcunque sis scæmina, tamen in te recum-

D

bit

bit fortuna Siciliae, & viris imperatura es. Assuesce
me viuo illis curis, sine quibus regia dignitas susti-
neri non potest, & quod potissimum in regnante
est, disce silere. Pessimo loco sumus, Argenis, nisi
pati iniurias ita possumus, ut videamur non sensisse.
Nam si pondere quod nunc urget flecti nolumus,
fortasse frangemur. Scis à me defecisse Lycogenē;
Multas vrbes in partes abcessisse. Peius nocent qui
intra viscera hærent, meisq; consiliis incubant, ve-
rius me captiuum quam Regem obseruantes. Præ-
lium quo nuper certauimus, videbatur Lycoge-
nem admonuisse quid possem. Victus erat, & nisi
fauisset nox, ne munitionibus quidem tutus vim
meorum tulisset. Tum vero Optimatum illorum
haud pauci qui apud me erant, quos arbitros consi-
liorum habueram, diutius sua studia non pressere.
Fœderibus opus esse clamabant; Validam populi
partem cōsensisse Lycogeni: Hos seruare præstaret;
an desperatione incensos in mutuam cladē excire,
tantum parricidas dubitare. Iam & ipsum Lycoge-
nem audebant excusare. & hunc quidem prælio vi-
ctum esse non bello: Sed præterea, ut funditus per-
di posset, non tamen expedire. Quo enim oculo Si-
culos inspecturos qui eorum delicias sustulisset? A-
crius pro vltione defuncti, quam pro viuētis decore
certaturos. Occupare igitur tempus, dum acie vi-
ctor, pacem ciuium beneficium meū facere poterā.
Non dissimulabo, Argenis, plus inter has voces ti-
mui, quam in campo cum Lycogenis signa fulge-
rent. Prodi dignitatē meā videbam, & timeri po-
terant grauiora si decipi abnuissem. Fecisti, gnata,
præcipuè, ut regnū retinere quacunq; pace mallē,
quam exheredem te facere obstinata defensione
maiestatē

naieftatis. Sed nec leges expectarunt à me Rege at-
ue victore. Tabulas à Lycogene obtulere, quarū
imma hæc erat. Meleander Rex, Siciliam pleno iu-
e obtineto. Lycogeni apud eum amicitia gradus e-
to, qui fuit. Eidem & maris, & Syracufani agri præ-
ectura feruetur. Erbeffum, & Heracleam, cū præfi-
liis habeat in fidei pignus. Cauebant præterea ne
iceret meminiffe iniuriarum, vllove iudicio quic-
uid per hos tumultus actum eft vindicare.

Non erat meæ dignitatis, Argenis, cōditiones ad-
acifcendam pacē accipere, fed nec recusare, fortu-
æ. Inter vtrumq; ambiguo, Ibburrantes atq; Du-
albius egregiam operā dederunt, ne quid præter
naieftatē tacere crederer. Nam intulas numinum
quibus ornantur, conuenientiffimas ſciebā, vt vel-
ti ex officio ad concordiam hortarentur armatos;
naiolem et fidem (quia externi ſunt) fore, hinc illis
aſtar ſequeſtrorū cōmeaturis. Panormi tunc erant;
acceptisq; codicillis, quos perplexos illis ſcripſi,
acilē quid vellem intellexerunt. Ergo nunc ad me
ec ad Lycogenem delati, tanquam inuitos ad ea
oegerunt quæ potiffimum cupiebamus. Ita condi-
onibus ſum aſſenſus quas ferebat Lycogenes, niſi
uod intra duas cohortes præſidium eſſe iuſſi, quo
rbeſſum & Heracleam teneret. Idq; maxime caui,
e præſidii ſpecie totas illic habeat legiones, in me
aptato tempore inuaſuras, neve ſuſpecta ſit lenitas
ica ad omnia arbitria inimici tam facilis. Hæc le-
atos iubebā nunciare Lycogeni, & ſi conditio pla-
ret, poſtero die ad nos redire. Neq; mora in his
at, ſed ad me aduentantes triſtis calus afflixit. In
oliarchum inciderunt. Diriguit Argenis ad rei
lectionem, & vt perturbatio oris lateret, ſpon-

te tam violentam tussim commouit, vt qui deinde horror aut rubor suffundi cœpisset, facile ad excusos spiritus referretur.

Diu expectante Meleandro, cum vtcunq; ipsa cessasset: Pessimo fato (inquit ille) in legatos Lyco-
genis Poliarchus inuectus est. Dubium cōsilio an errore. Sed ferro nō pepercit, & tres ea clade extin-
cti sunt. Duo supererant, qui ex fuga calentes ad me perueniunt. Hic tumultu cuncta complere, lamen-
tari indignum exitum sociorum, ita meam fidē ap-
pellare, vt pene criminarentur. Cumque aduocatis
extemplo Proceribus, concilium illis dedissem, iam non soli inuidiam mihi fecere. Multi ex meis par-
tes eorum questu acerbissimo implerunt. Summa clamorum fuit, oportere Poliarchum dedi ad pœ-
nam, ne credi vulgo posset immissus qui mea fide
tutos occideret. Nec mitius quam capite anquiren-
dum in tanti exempli facinore. Hæc iubentib. pro-
piores quam consulentib. vrgebant. Sed obstabat
ingens in me meritum Poliarchi, qui prælio mihi
victoriam conciliauerat. Et virtus experta, suspicio-
ni ignobilis facinoris non patebat. Cleobulo quidē
atq; Eurymedi cæterisq; qui in concilio sani erant,
incredibile erat id scelus. Reum illi audiendum
censebant, facile quæ sibi obiiciebantur excusatu-
rum. Igitur missurum me affirmo, qui eum ad di-
cendam causam accerferent. Fore enim sine exem-
plo si defensione sublata opprimeretur. Hoc audi-
to peius hostes accensi sunt: Eripi n. debitæ vindi-
ctæ Poliarchum, si vlisci differrem. Num n. post
tantæ audaciæ nefas, nisi vi & ingratis rediturum?
Imo nisi prohiberetur, excessurum ex insula, & in
patria iactaturum quam impune illusisset Siciliæ.
Cum

Cum me diutius confusa flagitatione lacefferent, rogavi, quid igitur facto opus. Nam abesse Poliar-
chum: & in absentem supplicia frustra constitui. Vox illorum omnium fuit, fugam ipsius occupan-
dam, quod per facile esset, si iuberem nocturnis ig-
nibus provinciæ signum dari: Ita enim occlusis por-
tibus tanquam in custodia hæsurum, futurumque
exemplo peregrinis scelera ubicunque possunt fie-
ri, posse quoque vindicari. Credidi (Argenis) è sa-
lute Poliarchi, ut assentirer quæstioni, ne negata vl-
tione accenderem suo se arbitrio vindicatu-
ros. Nā & ubi incolumis ad iudicium venisset, multa posse
occurrere quæ eum furentibus eriperent. Prima
igitur nocte publici è speculis ignes in Poliarchum
fulserunt, & mihi in malis solatium fuit, quod mi-
litum vulgus ægre eius periculum audiuit. Sed
speranti meliora, primo mane superuenit Timoni-
des maximi luctus auctor, nunciauitque Poli-
archum periisse. Non potuit Argenis dolori impe-
ræ, sed ingenti suspirio victa, primumque in genua
subsicens, mox tanquam expiratura, procubuit.
Exclamat Meleander, factoque proximorum con-
cursu, inter manus puellarum in thorum illata est.
Aqua deinde ori perfusa, vestibusq; laxatis, liberior
spiritus sudorem cōpescuit. Percunctabatur Sele-
nissam Meleander, quod ægritudinis genus, & num
primum filiam vrgeret, se quidō dum ambo collo-
quuntur aduersæ valetudinis signa notasse, inquie-
tos oculos, & sæpe reprehensos ab errore. Sed nec
eundem fronti colorem constitisse. Selenissa apte
dissimulabat, iam biduum esse ex quo illa satis ci-
bum non caperet, hinc se febriculam suspicari: Ex-
perientia tamen scire, hoc linquētis animi frigus in

te tam violentam tussim commouit, vt qui deinde horror aut rubor suffundi cœpisset, facile ad excus-
fos spiritus referretur.

Diu expectante Meleandro, cum vtcunq; ipsa
cessasset: Pessimo fato (inquit ille) in legatos Lyco-
genis Poliarchus inuectus est. Dubium cōsilio an
errore. Sed ferro nō pepercit, & tres ea clade extin-
cti sunt. Duo supererant, qui ex fuga calentes ad me
perueniunt. Hic tumultu cuncta complere, lamen-
tari indignum exitum sociorum, ita meam fidē ap-
pellare, vt pene criminarentur. Cumque aduocatis
extemplo Proceribus, concilium illis dedissem, iam
non soli inuidiam mihi fecere. Multi ex meis par-
tes eorum questu acerbissimo implerunt. Summa
clamorum fuit, oportere Poliarchum dedi ad pœ-
nam, ne credi vulgo posset immissus qui mea fide
tutos occideret. Nec mitius quam capite anquiren-
dum in tanti exempli facinore. Hæc iubentib. pro-
piores quam consulentib. vrgebant. Sed obstabat
ingens in me meritum Poliarchi, qui prælio mihi
victoriam conciliauerat. Et virtus experta, suspicio-
ni ignobilis facinoris non patebat. Cleobulo quidē
atq; Eurymedi cæterisq; qui in concilio sani erant,
incredibile erat id scelus. Reum illi audiendum
censebant, facile quæ sibi obiiciebantur excusatu-
rum. Igitur missurum me affirmo, qui eum ad di-
cendam causam accerferent. Fore enim sine exem-
plo si defensione sublata opprimeretur. Hoc audi-
to peius hostes accensi sunt: Eripi n. debitæ vindi-
ctæ Poliarchum, si vlcisci differrem. Num n. post
tantæ audaciæ nefas, nisi vi & ingratiis rediturum?
Imo nisi prohiberetur, excessurum ex insula, & in
patria iactaturum quam impune illuisset Sicilia.

Cum

Cum me diutius confusa flagitatione lacefferent, rogavi, quid igitur facto opus. Nam abesse Poliar-
chum: & in absentem supplicia frustra constitui.
Vox illorum omnium fuit, fugam ipsius occupan-
dam, quod per facile esset, si iuberem nocturnis ig-
nibus prouinciæ signum dari: Ita enim occlusis por-
tubus tanquam in custodia hæsurum, futurumque
exemplo peregrinis scelera vbicunque possunt fie-
ri, posse quoque vindicari. Credidi (Argenis) è sa-
lute Poliarchi, vt assentirer quæstioni, ne negata vl-
tione accenderem suo se arbitrio vindicatu-
ros. Nā & vbi incolumis ad iudicium venisset, multa posse
occurrere quæ eum furentibus eriperent. Prima
igitur nocte publici è speculis ignes in Poliarchum
fulserunt, & mihi in malis solatium fuit, quod mi-
litum vulgus ægre eius periculum audiuit. Sed
speranti meliora, primo mane superuenit Timoni-
des maximi luctus auctor, nunciauitque Poli-
archum periisse. Non potuit Argenis dolori impe-
ræ, sed ingenti suspirio victa, primumque in genua
subsicens, mox tanquam expiratura, procubuit.
Exclamat Meleander, factoque proximorum con-
cursu, inter manus puellarum in thorum illata est.
Aqua deinde ori perfusa, vestibusq; laxatis, liberior
spiritus sudorem cōpescuit. Percunctabatur Sele-
nissam Meleander, quod ægritudinis genus, & num
primum filiam vrgeret, se quidē dum ambo collo-
quuntur aduersæ valetudinis signa notasse, inque-
tos oculos, & sæpe reprehensos ab errore. Sed nec
eundem fronti colorem constitisse. Selenissa apte
dissimulabat, iam biduum esse ex quo illa satis ci-
um non caperet, hinc se febriculam suspicari: Ex-
perientia tamen scire, hoc linquētis animi frigus in

Argenide breue esse, nec grauioris mali indicio suspectum.

Dum in his rebus sunt, interim à Lycogene litteræ Regi redduntur, quibus significabat ei præsto se futurum, vt in Palladis sacrario (id rex sanctissimū habebat) iureiurando pax perpetraretur. Se postero die, si Regi videretur, esse venturum. Rex ei renuntiari iubet, id magnopere sibi placere, sciret se in crastinum expectari. Dimisso nuncio, Eurymedem vocat, virum semper animis successuque egregium. Nam & iuuenis semel in Olympia cursu, iterum lucta in Isthmicis, coronauerat patriam oleastro & apio. In paucis deinde Regi charus, & prætorianis Præfectus, semperque arcirector, aut vbi, quamcunque Rex iniisset, & fidem per hæc bella incorruptam præstiterat. Huic Rex quæ videbantur imperat: curarentur intentius ea nocte excubiæ; cohortes, quæ à suspicione perfidiæ aberant, in stationibus locarentur, vigilum numerus duplex esset; Cauendum, ne quid suo aduentu moueret Lycogene. Eum enim non tam conciliatæ pacis fiducia, quam factionis suæ viribus tutum, ad aulam accedere. Postquam mandata hæc dedit, quia Argenidi melius erat, in eius triclinio cœnauit, illic (vt erat mitissimi animi Princeps) maceratum curis animū non nihil refecturus. Reliquum noctis, quantum per solitudinem licebat, somno datum. Sed Argenidem interim dolor per indigna & horrenda consilia ducebat. Neque satis placida, aut secunda Poliarcho nox erat, Timocleæ quoque ædibus noua tempestate feruentibus.

Cum enim Gelanorus discessisset ab Arsida, rectam ad Timocleæ limen habuerat. Illic apud ser-
uulos

puulos fidum patroni exitum cautè defleuit. Matrona totam scenam ex arte prosequuta, coram familiaribus rogabat Gelanorum quonam fato Poliar-
chus perisset, & ille liberius apud intelligentem mentiebatur. Superuenit etiam Archombrotus, fideis-
que probè doloribus vocem suam & vultum mutauit. Aderat inter hæc Arsidas, quem ut ad hospitium diuertere nunciatum est Timoclee, ipsa ad vestibulum confestim processit. Cum q; ille excusaret, quod nimia familiaritatis fiducia ad eius limina de itinere deflexisset, & matrona, id ipsum beneficium vocando ageret gratias, succedunt intra recta, moxque Archombroto sociantur, quem prior Arsidas cœperat, utpote externum, salutare. Tempus prandii erat, quod Siculi supra ceterorum Grecorum mollitiem, curabant. Hoc confecto, cum ad sumendam cibum digrederetur familia, soli-
q; cum Timoclea Archombrotus & Arsidas superessent; Scio, Arsida, (inquit illa) te ad pium officium aduenisse. Poliarchum, licet in infesta fortuna, queris & amas. Ut ex Gelanoro didicisti, apud me est. Quæ illum causæ perculerint neq; hic quaero, & melius apud ipsum à te accipiam. Tum Arsidas, Dii, inquit, in præsens silentium commodent nostris rebus. Cæterum quod secreti (matrona) nunc agimus, nulla ætas tacebit; Sed in ambiguo tuæ domus fortuna est. Si fidem seruabit, si hoc grande virtutis depositum, cum tuto licebit, Orbis reddet, plusquam Saturni Latium posteris erit. Sin tumuli omen hic habet sub terra Poliarchus, polluerunt sedes: quicquid dirarum in Sicilia narratur, in his antris, in hoc Ditis adyto, vulgare factum inueniet.

Parata faxerat, quam cum accendisset Timoclea, ad Poliarchum ituros præcessit. Neque diu in illis latebris fuerant, cum vident assurgentem ex puluino, & aduentantium lumine excitatum. Is posteaquam Arsidadem vidit, cæteris obiter salutatis, in illius collum inuasit. Fidem deinde amici collaudare, & subinde rogare, an latitantem reumq; Poliarchū agnosceret. Et vides, inquit, hanc matronā? Si hæ latebræ mihi pudendæ sunt, culpam deprecari non potest: Sin salutare hoc capitis mei furtum, illi me debeo. Coegit apud se potissimum in hoc turbine esse. Dic autem, Arsida, quo piaculo meruerim esse facer Siciliae. An Rex de Meleandro Cercyon aut Busiris est factus? Aut vos Siculi habetis Dianæ Tauricæ signum, & hospitis sanguine grauem deam placatis? Ad hæc Arsidas non pauca de Meleandri rebus questus, exposuit quantum seditionis instar regiis castris intulissent legati Lycogenis, & cum illis purpurati aliquot Regi infidi. Tantis malis victum Regem, cum res in tumultum excederet, & Poliarchus fugere ex Insula diceretur, annuisse vt publice ignes fierent. Poliarchus non sine indignatione Arsidadem audiebat, crebroque, & mutatis vestigiis acer, & loquuturo similis erat: Cumque desisset, tum vero Timocleæ manum corripiens, Te autem, inquit, testor (nam quamuis præsentissimi dii sunt, tamen nec vsquequaque per sua numina fallentes perdunt, nec continuo adsunt cum rite inuocantur) Te inquam, Timoclea, testem volo. Adfuiisti facinori. Vidisti pugnantem. Num insidias struxi? num quæsi in quos certarem? num obuios lacessiui? Incogitantem adorti sunt, & ergo vel sub illis pereundum mihi erat, vel

vel si vicissem in me armanda Sicilia? Quod vero meditati sceleris argumētum? Vnus eram; & infirmissimum pugnae solatium, mulier comitabatur: Matronae, seruuli, meusque libertus, in pacata ut credebatur sylua praeuierant, ut nec ad illos certantium sonus peruenerit. Quo autem miserrimum Regem fortuna adegit? A coniuratis & perduellibus missos instar iustorum legatorum venerari, litare suorum sanguine cupiditati hostium, & infra eorum crudelissima vota famam habere.

Plura quae dolor, & conscientia, admouebat, ingerentem, vetat Arsidas de fama publica dubitare. Dicere omnes, nisi à Lycogene corruptos, esse in paucis eximiam fortitudinis laudem, vnum, & itineri non pugnae paratum, ex tot grassatorum manibus victorem euasisse, Ridere à militibus foedissime querentes, quod quinque, aut plures, ab vno oppressi sint. Sed iam aliud querendum, Poliarche. Indigna est, ut se hodie habet, tua virtute Sicilia. Exi parumper. Da Regi, ne cogatur aut periculosa suis rebus sanctitate te tueri, aut cum flagitio inimicis relinquere. Adhuc in te sic peccauit, ut possit excusari. Cædem enim vel lui, vel purgari iudicio, adeo mos est, ut ipsum Martem ferant, cæso Halirrhothio, in Areopago causam dixisse. Quod si securi & legitimi fori spes esset, suaderem, Poliarche, ut ultro tui copiam faceres accusantibus. Neque enim aliud in te decretum, quam ut ad Iudices venias; causa autem est, quæ vel iniquis probes. Sed odium & impietas hostilis, non expectaret iudicium urnam. Insidijs, aut impetu, facinus vrgerent. Horreo loqui. Abi modo Poliarche. Permite hanc Insulam non in totum esse scelestam. Poliarchus

D

f

chus

Chus se vero si liceret abiturum respōdit; Nec quid minus post tot beneficia quam pacatum discessum, ingratiſſimam terram posse præſtare. Male merito Regi ideo minus se irasci, quod à fortuna illum plecti ad inimicorum satietatem iam videat.

Inter eos deinde quæri cœptum, qua tutissime ratione emitteretur ab insula; placuitque in rustico habitu eum esse. Arſidas ex Brutiis vxorem habebat, poteratque Meſſana ad ſocerum sine suspitione transmittere. Is impositum ſuo nauigio Poliarchum recipiebat in Italiam deferre. Timocleæ habere se præterea dixit, quo vultum fugientis egregia fraude mutaret. Fuit, inquit, in Panormi finibus latro, non ſpernendæ calliditatis arte diu inuictus. Quippe vultus illi triplex, vt de Geryone quædam anus fabulis memorant. His dictis modico riſu cunetata eſt, quantum in triſtiſſimis rebus decebat. Ætas homini media erat, raua barba, & tenuis: Sed in ſinu capillitia duo, ex quibus totidē barbæ pendebant; hæc horridior, & in ſenilem efigiem cana; fuſca alia, in primæ virilitatis ſpecimē colebatur. Has larvas tanta ars concinnabat, vt nemo aſcititiæ formam deprehendere, nemo arguere furtiuos vultus poſſet. Igitur modo ſenex, nunc iunior, interdum dempra perſonā cernebatur. Sic impune latrocinantem mutabilis forma non ſupplicii tantum, ſed & ſuſpicioni diu eripuit. Nam iuuenili graſſatus ſpecie, mox ſenex occurrebat quærentibus; ruruſque fallebat iuuentutis imagine, ſi ſub canis peccauerat. Pater tūc meus prouinciā regebat, qui fatigatus peſſimi Chamæleontis ingenio, tandem captum meritiffima cruce fregit.

Sed

Sed miratus fraudis ingenium ad naturam accedentis, pilos iussit apud se asseruari. Si placet hos producam, aptabimusque Poliarcho.

Non expectauit donec ullus annueret; sed excessit ex specu; neque diu morata attulit hæc gemina iuuentutis & supremæ ætatis simulachra. Horum alterum cum imposuissent Poliarcho, frendenti, quod sibi alienis & improbis vultibus ad salutem opus esset, statim sic alius fuit, ut vel Argenidem fallere posset. Opportunissimæ fraudi bene precati, rogare perseverant, ut ea uti velit. Timoclea quoque idoneas vestes prima nocte delaturam se promisit. Nam debere in iis latebris Poliarchum in ignoto habitu esse, ut si qua illic fortuna tulisset curiosos, in proximos campos sui oris securus fugere posset. Iamque erant discessuri, cum Arsidas Poliarchus seuocat; Archombrato & Timocleæ excusans quod cum eo secretus loqueretur; & colloquendi causa erat, quod necessitudinem quæ ipsi cum Argenide erat amicorum fidissimus sciret. Eum igitur obtestatur, ne quam primum ad Argenidem grauetur contendere; sed de Virginis vice multo grauius quam de sua anxius esse. Scire enim suam cladem illi immodice dolituram. Quid vero quod extinctus dicebatur? Tristissimæ famæ errore, ad sæua & vltima consilia posse amantem adigi. Iret Arsidas, & mœrentem subleuaret. Ne illa fiat incolumem. Si dii exitum præstiterint, in Italico se littore expectaturum eius imperia; aut si iuberet, tunc etiam quamlibet periculoso furto ad eam esse iturum. Plura nec dicere tempus sinebat, nec Arsidas volebat committere; qui operam prolixè pollicitus, tamen quia iam vespera erat, hor-

hortante Timoclea, nec dissuadente Poliarcho, in crastinum distulit iter. Sumpta cœna redituri ad Poliarchum erant, cū vestibus quas matrona promiserat. Is interim allatis à Timoclea cibis perfunctorie vescebatur; &, quo illum à præsentium malorum sensu auerteret, non nihil iocatus Arsidas, Quid doles, vir fortissime, inquit, si te specus, si mutatus habitus ab hostibus teget? Tu vnus? tu plurimos fugis; At superos omnes, cum vnus insequeretur Typhœus, fugæ non puduit; nec fortasse euassissent, nisi Ægyptus animantium turpibus formis pauentes condidisset. Audi quanta audacia Nicopompus familiaris tuus in illorum metu versatus, diuinis vultibus rictus & rostra induxerit. Tradidit deinde librum, in quo erat poësis variij argumenti; iam iamque abiturus, hos versus quos ille legeret, yngue signauit.

*Iam prope congesti super astra Typhoea montes
Extulerant, tremuere Dei, nec saua Tonantem
Fulmina, nec certa Phœbum iuuare sagitta.
Non ferro insignis Mauris, non Gorgone Pallas,
Non animi, non ora manent, miserosque reliquit
Sanguis, & in capto pallebant sydera cœlo.
Horridus aëria cumulans fastigia bruma,
Exsuperansque Notos, cœlo coniungitur Atlas,
Inque solum prabet superis iter. Astra recumbunt
Verticibus, Libycis hærent vestigia campis.
Ergo per immensos humeros, mentique seueram
Caniciem, & riuis gelidos manantibus artus,
Defluxere polo Superi: Ne fidite terra
Cœlicola, Dirum peperit vesana Typhœum.
Qualiter imbelles volucris timor agmine mixto
Exercet cursu Damas, cum prima per arua*

Susti-

Sustinuere fugam, stant omnes impete presso,
 Haustura sonitum, seu quem latrantibus horrens
 Aura feret, seu quem venantia cornua mittent.
 Tum subito effusa celerant vestigia, qua dat
 Sylua locum. Sequitur falsi terroris imago
 Longa, nec audiri cessant simulachra pericli.
 Haud aliter toto fugunt vaga numina mundo.
 Nil certū miseris. Superant montesque, lacusque,
 Planaque, nec furus satis est sibi noctis in antris.
 Est regio, incertus patria qua flumina Nilus
 Diuidit, & septem succedit in aquora riuus.
 Si qua fides, illic mortalia corpora primum
 Aspexere diem, retinens cum terra supremi
 Aetheris informēs animauit Apolline glebas.
 Hac furto placuit tellus, hic fessa deorum
 Agmina sub Pharia latuere crepidine ripa.
 Huc quoque Sylvanos, huc & nemora alta tenentes
 Egit cura Deas, Panesque auxere tumultum.
 Haud procul ignara fati, securabidentes
 Gramina carpebant, queis rustica fistula signum
 Lene dabat: placidis suberant magalia septis,
 Plenaque ludentes poscebant vbera nati.
 Has videt, incerto lustrat dum singula visu
 Iuppiter, & felix, inquit, pecus. Ergo Tonantem
 Fata premunt, nullumque timet grex iste Typhæum?
 Ite procul radij, semperque inuisa potestas,
 Pax hūmiles si tanta fouet. Sic dixit, & albo
 Vellere crispatus demissos induit artus,
 Curuaque celata sinuauit cornua fronti,
 Qua cœlum & terras solitus, qua dira mouere
 Tartara, seu pacem, seu bella indigna iuberet.
 Nec mora, mentitis aries balatibus ibat:
 Permistusque gregi (mirere Typhœa captum?)

Et

*Et fallebat oues. Fraudis laudauit Apollo
 Ingenium, & similes sese curuabat in astus.
 Sed timuit terras, curuique horrentibus alis
 Plausit in alta viam, nec prapetis inscius ala,
 Ter Superos circum, facili dedit omnia gyro.
 Proh pudor! aspiciunt, passimque exempla sequuntur
 Cœlitola. Variis tecti Memphitica monstros
 Arua tenent, metuantque sibi; dum spondet inanes
 Interea supplex non exauditur ad aras
 Vota, & frustratis fumant cultoribus ignes.*

Interim Archombroto & Arsida, in Timocleæ
 hortis; nondum infalubris vespera per diuersos
 sermones agebatur; & occasione Poliarchi, de iis
 sermo erat qui indole & virtutibus præstant. quam
 hæ raræ in mortalibus gemmæ, quam sæpe cõtem-
 ptæ ab ingeniis quæ ad seruitutem facta, liberis ta-
 men vt plurimum imperant. Dum ista loquuntur,
 abstulit Arsidam cura virtutis, & præsentium fasti-
 dium rerum, vt cum imperii doceret, sine scelere &
 periculo; contumeliose haberi non posse eximios
 viros; sed & genus inhumanitatis noxiosissimum
 esse, nō illos extollere, & præmiis sollicitare de pū-
 blico. Nunc (inquit) peruersam rationem fortuna
 instituit; vt in multis gentibus prope sit ad egregij
 animi iudicij arceri à regiis, aut in illis iacere. Adeo
 timida aut barbara fœlicium vitia amant exarma-
 re virtutem; quasi ea potiores futuri sint, si egenam
 aut neglectā superbi calcauerint. Archombrotus,
 seu sapientiam Arsida eliciebat ad imbuendum a-
 nimum, seu agebat Regum causam; se quidem,
 quod ad Poliarchi casum erat, abominari dixit tā
 proteruam fortunæ licentiam; Cæterum, nihil mi-
 rum tot curis totque sumptibus Reges exhaustos,
 præc-

æterire aliquando non vulgaria ingenia. Nam
c compendio fore, si egregios viros oporteret o-
ri cæteris esse, & naturæ omnes dotes publico
ro signari. Sæpe etiam illas mentes quas tanto-
re miramur, inutiles Regibus nasci, nec aptari ad
gociorum vsum; Vt quidam fructus sunt ad vi-
ndi voluptatem; quos si velis ad gustum trans-
tre, famem ingrato aut noxio succo fallant. Cun-
abatur Arfidas respondere; contentus leui risu
bernari hanc defensionē pessimi fati; donec con-
tit ex Archombroti vultu (nam in eum erat intē-
s) velle se refutari. Curas autem obiicis Regum?
quit, quasi nō præcipua esse debeat, secum viros
bere, quos non adeo crebros ætas hæc protulit;
damnes nescio cuius lucernam in frequenti fo-
vnum saltem quærentis. At sumptum Respubli-
non ferret. O sollicitæ prudentiæ mentes! Ergo
rce aucupium procurari; stabula tanquam in Sy-
ritano exercitu saltatoriis equis non feruere; aut
n reparari iacturam, si de venaticis canibus vnū
per perculerit: Hæc, inquam, nō ad vsum aut vo-
ptatem Principum magis, quam in specimen
iestatis, omitti, nefas ducunt. Tantum auri pro-
ndi, tot vilissimos homines de ærario viuere pla-
-. Sed demum est graue haberi magnorum ani-
orum delectum. hic parsimonia in memoriam
lit. hic ærarium deficit; imo hercule bona mens,
chombrote. Fac enim ipsum Regem non ama-
eorum consortia. Num in thesauris sola repo-
nus, quæ in generato affectu grata sunt nobis;
non præterea quæ precio suo merent? Sed nec
guste habitant Reges, vt si eiusmodi virorum
loquia fastidiunt, aut verentur, nō possint tan-
● quam

quam absentem & reconditam penum habere. Nec de multitudine queraris, Archombrote. Quâlibet curioso delectu, tamen paucos efficias. Quosnam ergo subiicit Archombrotus, in illam refert classem? Tum ille; Si latius, & extra Poliarchi hunc casum, rem totam expendimus, isthinc primum ex eminentioribus disciplinis aut artificiis nulla exegerim. Domitandis aliis equis, alius pugilatu sit nobilis. Pingendo, aut canendo, sibi nomen hi fecerint, ille ædium moliendarum celebretur peritia, aut deriuandis in simulachra fontium aquis, vel si qua ars alia, suo, aut seculi genio valet: Statim emanant, etiam quanti seiplos indicarint, si vilius forte non poterit. Ipsa stipendiorum magnificentia commendabit artificem, & gloriam possidentis. Sed nobiles volo: & ut monui, quales paucos inuenias. Iam, quæ altiora sunt, belli & pacis artes, quid cessamus licitari? id est, homines fortitudine aut literis notos. Neque meram temeritatem in armis, Musæve vulgares, ad hæc præmia arcesso: Sed illos quidem duces, qui militarem impetum ratione compositum habent, aut fortuna propitium, eosque præcipue quos fama amavit, bellicis utique rebus vera momenta vanissimo numine sæpissime addens. Eruditorum vero præcipui adeo eminent, ut nisi imperitos non lateant raræ hæ faces, & sæpe in Orbe suis Musis pauciores. Quidam in illis publicæ prudentiæ sunt apti, sed quia hoc deorum beneficio uti nescit respublica, priuatis in curis consenescentes, non usu, non negotiis læuigantur. Cæteri, qui solis libris nati sunt, quid tamen apud præsentes & posteros valeant, cum ex ira vel fauore diuidunt mortalibus famam, cū suos amatores

ores præiudiciis, sectisque imbuunt, si quis nescire vult, dignus est malo omine experiri.

Ita sumus comparati, Archombrote, ut quemque aliquod studium trahat. In illa autem re quam probamus, aut colimus, eos qui excellunt miramur. Finge ergo artificiis, litteris, armisque præcipuos (nam ea ferme sunt quæ mortalium animos tangunt) velut in vno cælo stellas, conuenisse ad Principum vllum. Quis deinde toto Orbe de regia illa sermo? quis eam ignorabit? aut quia illic habet iuum deum, cum horrore tanquam sacrarium non colet? Principi ipsi, quanta operis merces? ut exceleat mortalium sortem? ut viuus, & sospes, multo certius quam per odores, & aquilam erumpentem ex funere, se sentiet consecratum? Triumphabit in omnium plausu; Hæc fercula, hæc opima gentium spolia erunt, quorum ad se veluti flores in sertum collegerit.

Optabile votum, retulit Archombrotus, si ad illud ipem facerent negotiorum turbæ, & diuersarum studia, qui Regum amici sunt. Etiam illi præstantes de quibus loqueris, non omnes utique sunt venales; multique præterea eorum, ut oportet, optasve, gratiosi in aulis versantur; Ut cæteros quos eiusmodi fœlicitas præterit sit æquius de fortuna quam Regibus queri. Tum Arsidas; Neque posse credidi, Archombrote, huius nostræ contemplationis venustatem ad effectum absoluta fœlicitate traduci. Sed ut cætera sapientia iuuat, licet in agendis rebus minus exacta sit, quam cū sequestri animo concipitur: Sic in hac parte plurimū erit, qua res & fortuna patietur, non negligere tantæ utilitatis compendium; ut si omnes illi non possint,

E

sint,

sint, ac plurimi beneficiis cogantur ad Regiam. Nam quod Regum palatia, summæ indolis viris destitui negas, non in totum à te abeo; sed audi me Archombrote. Est medius ordo, & velut equestris, ingeniorum quidem sagacium, & commodorum rebus humanis, non tamen in primam quam celebramus magnitudinem patentium. Eorum hominum, ut sic dicam, maior annona est. neque hos nego ad Aulas sæpe accedere, & cū prouecti sunt, ita splendescere ascititiis radiis dignitatis, ut exacte naturæ opera esse credantur; velut obscuriores gemmæ interdum ab artificio, & circumposito auro lucem accipiunt optimis parem. Sedulum esse, nihil temere loqui, assuescere labori, & imagini sapientiæ, parere, tegere angustiores partes ingenij. Hæc neque summum hominem desiderant, & sola interdum sunt quæ in laudatis Proceribus suspicias. Ut vel abesse vitia pro virtute sit; vel non inuidiosus prudentiæ riuus in Oceani famam se diffundat, dum exercitationem ac vsum quo isti in ciuilibus rebus pollent, pro natura & magnitudine ingenij plerique accipiunt. Et hos quidem à sua laude non arceo. Magnum est, in eam esse sortem productū, & præterea institutione creuisse. Sed nō illi sunt, Archombrote, de quibus disceptamus.

Præter hos ergo (ut aiebas) adhuc scio non unquam primæ illius summæque notæ ingenia venire ad Principes, adhiberique negotiis. Quippe & Poliarchus viuebat in regia, & te, egregie iuuenis, inter hæc naturæ ornamenta non dubito numerare. Habet & Meleander Cleobulum; habet Eurymedem; Nihil illis sublimius. Sed non ideo palatia Regum pro iustis aut foelicibus habeo, quod de
breui

breui eximiorum virorum numero paucissimos nonnunquam accipiant. Multo plures retuleris, aut spreto, aut quod peius est violato; ut his questibus meis æquitas sua constet. Culpa autem interdum est Regum, cum moneri non volunt timentve virtutem; interdum illorum qui Regibus adsunt, si natura barbaros fecit, aut incuriosos fœlicitas, aut fortuna superbos. Accedit, quod Procerum multi decedere aliquid sibi credunt, cum quis extra se suosve de Regia plenior abit. Sic neglecta virtutis familia, dispensant animum Principis, interdum nescientis, per suam clientelam. Lōge aliud facturi, si candide Dominum amarent, mo mediufidius, si seipso sapienter. Nam quid illustrius, quam publico sumptu homines ad ornam seculi editos in clientes sibi parare; dubitatu os certe an Regi plus debeant, an illis per quos ad hæc bona producti sunt? Ridere me hercule soleo illorum cæcitatem, qui non curant à literis eam audem impetrare, quæ eorum voluptatibus opusque superstes sit, & quam nisi aude ambientius concedi non oportet. Nam ut eruditi non placent qui precio conducuntur ut extollant immetuentes; ista æquissimos puto qui nō dignantur suis ræconiis fastidiosam superbamque virtutem, aut denique ignaram quantum sibi literarum favore rætetur.

Quod si eiusmodi apum mella non placent, saltem non sunt excitandi aculei iniuria vel contemptu. Vnus enim siue literarum siue militiæ peritus; uam sæpe priuatam iniuriam publice ultus sit? uam sæpe vnus vicit, vnus partes inclinavit? Eiusmodi capitibus solent populi plures instar ho-

stiarum mactari. Absit omen, nec & Sicilia sentiat
Poliarchum esse iratum. Ille enim aderat ultro Re-
gi; vt eo offensa sit grauior, quod non modo non
quærere, sed nec ferre potuimus hanc virtutem. E-
quidem nescio sanioribus Optimatum ac præci-
pue aduenienti hodie, vt ferunt, Ibburrani, qua se
ratione Meleander excuset. Ille enim quia exter-
nus est, dignitatis præterea suæ & familiaritatis iu-
re, liberius hunc casum audebit apud Regem ac-
cusare. Quamquam ea probabantur Archombro-
to, tamē Arsidam in hos prolixius sermones dela-
psum dolebat; libentius ab eo accepturus quibus
moribus Siculi viuerent, & quæ studia maxime vi-
gerent in Regia. Nam & memor à Poliarcho præ-
cipua nomina audisse, quæ tunc suis virtutibus aut
vitiis insignia essent, de illorum nonnullis ardebat
percunctari. Cum igitur Ibburranem Arsidas no-
minauisset, occasione arrepta; Quis autem ille vir,
inquit, & quæ illum virtutes vobis commendant?
Tum Arsidas; Ille quidem in Lydia natus est, ait, &
sola amicitia nobis iunctus, quā Meleandri huma-
nitas curiosè sancit; Cæterum dignus quem om-
nium gentium vota optēt in ciuem. Ex vetusta no-
bilitate Lydorum est, & inter negotia eductus, læ-
tum animum, rebusque maturum, disciplinis ac
solertia impleuit, cumque accederet opulentiæ vis,
omnes honestatura dignitates, cœpit iuuenis fun-
gi muneribus quæ sunt in deorum cultu eximia.
Paulo tardius tamen quam sperauerant amici ad
purpuram venit, q̃ multorum opinio illi cū lanu-
gine destinauerat. Sed ad gloriā fuit prius digni-
tatem mereri, quam habere. Inde Tribunalia, lega-
tiones, provincias obiuit, ne quære quo genio: Par
illi

latim arietant, irrumpuntque vecordes. Fela quoque, quæ singulorum conditio, casusve obtulerat, superbe sustulerunt. Nam iusta arma nemini erant. Vbi vero in triclinium intrauere, Timoclea quidē subito metu contabuit; Archombrotus autem & Arfidas se de thoro præcipitant, suggestosque à famulis enses impigre stringunt, si peterentur ea rabie, non facili aut inulto exitu perituri. Publici vero motus origo hæc erat. Mulier ex vicino oppido, eo die in Timocleæ domo versata, cū vidisset ignotum suis oculis Gelanorum, percūctata quis esset, audiuerat Poliarchi seruum esse. Festus Cereri dies erat, & ex vicinis mapalibus multi agrestes in oppidulum, quod Phthinthia dicebatur, conuenerāt. Illuc cum rediisset mulier, accessissetq; in circulum ociose compositis, temere retulit seruum se vidisse Poliarchi. Statim audientium vnus; quid si, inquit, & ipse Poliarchus clam illic asseruatur? Aderat alius audacibus consiliis præceps, qui rei tam seriæ quæstionem amitti non debere cum supercilio dixit. Toti oppido crimen fore, si in eius finibus Poliarchus latuisset. Iamque in multos eadem opinio peruaferat, cum attollente se fama, & subinde maiora iactante, iam non quasi rem dubiam aut quærendam agitantes, certo ferebant, receptatricem Poliarchi esse Timocleam: Illinc ad publicum iudicium esse trahendum. Vana esse quæ de eius obitu ante audiuerant. Quo indicio id crederent, quem autorem haberent, non curabant, sciebant-ve. Et ni dii obstitissent, non errauerat furiosorum coniectura. Adeo sæpe temeritas, & fortuna, felicitatis iudicat, quam inter momenta prudentiæ incerta laboransq; solertia.

Inca-

Incaluerat multitudo, forūque tumultuaria concione impleuerat, pro duce peruicacissimum equutura. Cumq; vnus inclamaret, nihil esse cunctandum, prosiliunt vniuersi, & rapta quæ quisque potuit arma ferentes, effringunt Timocleæ limina, creduntque in Poliarchum incidisse. Quippe eorum nemini notus, dicebatur esse iuuenis, iusta tatura, vultu amœno, & hæc omnia in Archombrotum cadebant, quem & vestis peregrina prior suspicione damnabat. Nam Poliarcho, homini extero, eam conuenire crediderant. His capti iudiciis plausum fecerunt, & ni viuum tenere voluissent, ipsa multitudine obrutus alienæ inuidiæ cœnas luisset. Cumque vultu & ferro se ad pugnam compararet, tum ille quem cæteri agrestes ducem habebant, propius mensæ admotus quæ sibi, & cōiuiis media erat, Nunc, inquit, secundo scelestus es, Poliarche, qui antea Regis iracundiam meritis, errum etiā in nos stringis publica mandata obeūtes. Pone ocyus telum, vinculisq; te dede. Timocleæ eadem pœna erit, quæ te tamdiu incolumem usa præstare. Post hæc vnus verba cæterorum clamor increbuit, sæuo confusoq; impetu festinari iuuentium. Archombrotus, quamquam Græce sciebat, tamen in rustica voce nihil aliud perceperat, nisi ad vincula se deposci. Mirari non vacauit, aut quid deliquisset rogare in præsentī periculo. Tamen, iuuenili feruore elatus, decreuit inter eorum ædes mori. Sed Arsidas in Sicilia natus, gnarusq; sermonis quo rustici utebantur, continuit irruentem, & siste manum, Archombrote, siste, inquit, Quid impari, nec necessaria pugna, frustra inter hos fortitudinem consumis? Ergo te vincent in-

E 4 digni

digni quos superes? & vel mortem vel victoriam maculabis ignobilitate certaminis? Neque in te adornantur hæminæ. Poliarchum siquidem quærunt. In illum deinde conuersus, qui subito imperio ferox turbam ducebat; nihil tumultu bene agi admonuit. Cur illa multitudo prius irascebatur, quam se, vel Regem spretum sciret? Adiecit præterea blandimenta; nec se scilicet dubitare, quin ex illius cui loquebatur nutu cuncta penderent. Si ei placeret saltem breuem quietem imperare, parituros vniuersos. Delinitus rustici animus insuetis sibi honoribus fuit, silentiumque liçtori quam duci similior indixit.

Desinebat in fremitus sæuientium murmur; cū interrogauit Arsidas quæ causa tantum vulgus in arma exciuisset; responditque ille antesignanus ad Poliarchum comprehendendum se venisse. Tum vero Arsidas sanctissime deierare, non adesse Poliarchum; nec, quod sciret, luce frui. componerent animos, pia quidem, sed cæca & præcipiti deuotione ad obsequium Regis actos. An neminem inter illos nouisse Poliarchum? frontem, os, oculos hospitis quem male vinculis destinabant, omnino diuertere. Modestissimi agrestium sibilis exceperunt hanc vocem; cæteris iracundia rediit, & diripiendum Regis hostem conclamauerunt. Ægre tandem reddita pace, cum Arsidas diu significasset se iterum velle audiri, in eundem intuens ducem; Vide, inquit, ne flagitij autor sis. Hunc externum nefas est violari. Quod si adeo sedet, iniuria immeritis probare vestram fidem, sane in vestrâ custodiam concedat, ea lege ne manicas, ne compedes detis. Vbi illuxerit perducatur ad Regiam.

de causa qui periti sunt cognoscent, neque fugiet
œnas, si meruit. Timoclea cum custodibus quan-
tum prohibendæ fugæ saterit, hic seruetur, donec
constiterit esse nocentem. Tu, qui potes, à cætera
hanc domum violentia abstine oppidanos. Hoc
fidei in Regem, & prudentiæ erit. Deliberanti-
us illis, iam nec tractabilis Archombrotus Arsida-
rat, negabatque deditionem sibi placere. An se e-
im iusticis & furentibus pariturum? aut quæ sæuæ
multitudinis fides, in qua, cum feruet, cuilibet im-
une peccare est? Sed ad genua aduoluta Timoclea
latum animum multo gemitu frangebat; Neque
expleta ratione Arsidas disputabat, hanc vnā sa-
tis viam esse, vt ad Regem se duci pateretur. Nam
ur mori placeret? aut quod solatium cladis esset,
condito tumultu (quod dii nefas auerterent) in-
igne pereunti?

His parumper vtrunque iactatis, ille æstus, ac vel-
ti procellæ vis ponere cœpit. Nam & Archom-
rotus monenti Arsida paruit, & mitigata plebs
rat, quod non tantum non contempta, sed & vi-
isse videbatur. Tum vero prosequuta concordia
fficacissima benignitate Timoclea, totos vtres
assit in medium proferri, prodigi que veterrimum
inum, multo quoque epityro agrestes excipiens.
lli se in excubias partiti, obtinebant stationes. In
Archombroti cubiculo, circa acquiescētis lectum,
cto in comportatum stramen iacebant: totidē in
imine cellæ in quam Timoclea secesserat. Cæteri
n triclinio, aut vestibulo ædium ducebant perui-
ilio simillimam noctem, nisi cum temulentis so-
nus irreperet. quo plerumque iacebant captiuis
ais faciles, si fallere aut nocere voluissent. Sed si fu-

gisset Archombrotus, id in Timocleæ caput erat, omnibus Poliarchum euasisse credituris.

Cæterum extra illorum curam Arsidas erat, quæ neque Poliarchum, neque ædium dominum esse constabat. Is communicato cum Timoclea consilio, in cellam ad quietem processit unde aditus ad Poliarchum ferebat. Inde munitis cubiculi claustris, in subiectam specum descendit, vestes quas Poliarcho mutando matrona parauerat ferens. Is ut solum Arsidam vidit, interrogare, non sine prælagio mali cœpit, cur Archombrotus, cur Timoclea, non adesset. Et ille furorem rusticorum, periculumque Archombroti narrauit, ad omnia verba horrenti, donec eum comperit esse incolumem. Tum vero circumposito sibi ornatu quæ mittebat Timoclea, multum Arsidam orauit, ut ad Argenidem primo mane properaret discedere, inde ad specum cum virginis mandatis, ubi illa iussisset, fide eadem & diligentia rediturus.

Cum haud modicam noctis partem posuissent in illis sermonibus, redit in thalamum Arsidas, momentaneam quietem petiturus. Sed marcidæ voces, & stertentium rauca ebrietas, interpellauere somnum, ut denique abiecta soporis spe, risu irato malediceret ludicris militibus, excitatisque eorum præcipuis, ad regiam se ire moneret; Ipsi ubi placeret, cum Archombroto sequerentur. Iter erat duodecim millium, quo strenuè confecto Aulam intrauit, cum vix pauci ex Argenidis familia euigilassent. Illa noctem turbulentis cogitationibus non sine Selenissæ horrore exegerat, quæ memor furoris pridiani, & ad omnem inquieti corporis morum pauens, surgebat subinde de strato, & quis mi-
sera

re status, quis impetus esset, anxie contemplatione quærebat. Adhuc in illis erat officiis, cum Ardas ministros excitavit, rogavitque ad Selenissam intronitti. Rem ipsi ad ancillas detulerunt, & na, cui licebat, reſerato Argenidis thalamo, in quo Selenissæ stratum erat, adesse Arsidam, & matronæ colloqui velle dixit. Ipsum diei tempus nonum salutationibus maturum, (cum præterea sciret, charum imprimis Arsidam fuisse Poliarcho) facile persuasit de rebus quæ tantopere turbabāt aliquid nunciaturū aduenisse. Sed si tristitia afferebat, spes erat scire Argenidem. Itaque Arsidam in proximum conclave matrona duci iubet, eoque processit, vix satis interiori tunica circumducta, & ubi soliterunt, prior sic orsa est. Scio venire te de Poliarcho dicturum. Age modo, vivimus, Arsida, an cum illo perimus? Non tulit Arsidas diutius animum amittere, & vero Poliarchum incolumem esse, ab eo ad Argenidem aduenire. Turbata gaudio Selenissa præcipitem Arsidam in Argenidis thalamum abigit, cumque se apud humilem thorum reclinasset in genua, nihil circuitu vſa est, (neque enim tanti gaudii festinatio sinebat) sed, vivit, ô domina, inquit, valetque Poliarchus. Sponsor tuę satis Arsidas adest. Argenis consumptis lachryis penè exanguis, & tunc fortè cum aduenit Selenissa, doloris quoque oblita, languerat, cum repentina consolatione icta, periculosius celeritate gaudi, quam antea dolore oppressa est. Vbi vero recessit, dicere Arsidam iubens, reſedit in thoro, adeque in eum intuita, cum audiret Poliarchum autem illi dicere, effugisse inimicorum manus, & tissimo secreto latere, ita exiit, ut tamen nondum

dum excusso metu subinde cogeret iurare Arsidam vera esse quæ afferret. Ille, venturum quoque Poliarchum affirmabat, si ipsa iuberet: barba capilloq; alieno notos vultus condidisse, vestem quoque indutum quæimæ sortis hominem deceret. Nec omisit de rusticorum vi dicere, qui pridianum conuiuiū turbauerant, ut furere, ut mitigari cœpissent, ut amœnissimum iuuenem, & maxima in Poliarchum fide, pro ipso Poliarcho ducturi essent ad Regiam. Hæc non semel narrari Argenidi satis erat: quæ tandem ire Arsidam ad Meleandrum iubet, & de agrestium aduentu nunciare, ne venienti Archombroto quicquam durum indignumve accideret: His curatis ad se redire; Interim quid agere, quo ire, Poliarchum præstaret, secum agituram.

Vix à secreto Argenidis dimissus Arsidas erat, cum urbem inconditi illi ex agris homines intrauere, medium Archombrotum latè stipantes: Et militibus qui in statione erant, quid vellent afferrent: verogantibus, Poliarchum à se captum, ad Regem adduciretulerunt. Simul his intra mœnia recepti ad arcem venere, à qua obiectis claustris exclusi, cum sciscitaretur Eurymedes qui essent, quemve quærerent, eodem errore dixerunt, ad Regem se venire tradituros Poliarchum. Hoc audito simul lætus Eurymedes, quod viueret Poliarchus, simulque de amici periculo anxius, petiit sibi Poliarchū monstrari. Illi totis manibus Archombrotum indicauerunt. At Præfectus in ignoto sibi vultu non hærens, negauit eum esse quem dicerent. Iamq; suspecti erant, & arma ponere iubebantur, verente Eurymede ne subornati à Lycogene venirent. Sed in Archombro-

leander auidissimo vultu in eum herebat. Iuuentus & species oris, tum luminum vigor, neq; tristis aut inepta modestia, conciliabant dicentem: Utque desit loqui, Rex primum gratias egit, quod ad se diuertisset, experturum omnibus officiis, nullos sibi chariores, quam qui ab externis regionibus virtutem non debitam, natāve Siciliae, vltro afferrent: Simul porrectam dexteram Iuveni tradit, quam ille subiecta manu excipiens, quaque licuit pronus, osculo pressit. Receptus est deinde in amplexum, (nam Rex summa de eo augurabatur) sed de genere, & patria postquam rogatus est, nihil aliud retulit, quam se natum in Africa. eoque intentius erecto Meleandri studio, haud quicquam vltius potuit ab obstinato extorqueri. Saltem cum ambitiosius rogaretur, vnde illi cum Poliarcho necessitudo, gentiles, an cognati, an duntaxat eos amicitia iunxisset? omnia, praeter Timocleae furtū, nihil dissimulata oratione exposuit.

Cum deinde de violentia agrestium inter iocos sermo esset, Rex ipse coniecit, praeter vultum & etatem Archombroti, peregrinum quoque cultum errori suffecisse, visumque inexpertis hominibus, quia Poliarchus erat externus, eū in externa veste solere. Atqui, refert Archombrotus, non committam amplius patrii habitus vitio plecti. Ad dam tunicæ pallium, & transibo in mores eorum quibus hic imbuendum animum trado. Tum Rex; Imo expecta donec magis placeamus, & consuetudo insolentiam nostri cultus apud te mitigarit. Nunc quidem tibi noui videmur, places tibi plenus veteri consuetudine, necdum ex animo imagine populi tui deleta. Sed postquam impleuerit mentem

tē noster aspectus, miraberis te diuersum, & ferre non poteris. Equidem memini, & cum iuuenis transirem in Africam, risisse me dispares à nobis amictus, cumque deinde illos usu probassem, redissemque in Siciliam, non minori aspernatum fastidio patrias vestes, donec has rursus mihi patientia videndi conciliauit. Adeo nihil est iniustius, quam damnare quæ ipsi non facimus, aut vidimus, si præsertim totæ gentes in illa consenserint. Cum enim ipso tempore iis placemur, apparet non vitio suo, sed ignoratione nostra, displicuisse primum visa: Et præterea cogitandum est, congruentes suis sedibus amictus atque mores singulas gentes habere, quos & tibi insinuabit genius regionis, si illum iustæ moræ experientia conceperis. Nihil te ergo, præter virtutem, aut vitium, magnopere moueat in tua gente vel extera. Velim tamen tuos ad mores atque usus, mi hospes, hic omnia tibi procedere.

Dum hæc loquitur Meleander, & senili ambitione philosophatur, interim Arsidas haud ægè ad Argenidem delapsus est, laudauitque Archombrotum, qui primo cum Rege congressus, Poliarchi mentionem cum honore intulerat. Sed cum auidissime à virgine & alumna hæc hospitis audiretur constantia; subitus per thalamum rumor fuit, correptum Poliarchum in vinculis esse, & ad Regem deduci. Nec territa Argenis, scil. rata de Archombroto imprudentibus esse sermonem, sustulit cum aliquo risu vultum, & errorem deponerent iussit, qui ad Regem erat adductus, alium à Poliarcho esse. Excepit sermonem Virginum vna, dixitque longè aliud quam quod ipsa crederet, iam afferri. Scire omnes

omnes externum iuuenem, quem rustici homines produxerant, non esse Poliarchum. iam vero certiori rumore constare, Poliarchum è specu in qua mutatis vestibibus latebat, ab aliis agrestibus erutū, trahi ad Regem. Quid nunciarent præmissos, ad aulam peruenisse. Hoc fulmine attonita Argenis, tamen vix horridius, quam aut Arsidas, aut Selenissa, contremuit. Et Selenissa quidem silentium tenebat. Sed Arsidas ad aurem Argenidis demissus; Vicit, inquit, nostras artes fortunæ malignitas. Actū est, Domina, nisi palam audebis Poliarchum defendere. Postquam specum audiui, cultusq; mutatos, non dubito quin vera calamitas nuncietur. Et illa velut vltimis & laceffentibus malis robustior facta; Cum, inquit, referretur de obitu Poliarchi, Arsida, res non minus solatio videbatur quam specarere. Solis luctibus tantos luctus prosequi tunc licebat. Nunc cum viuere possit, & periturus timeatur, nunquam digna pœna defungar, nisi vel diligentia mea viuatur, ve ego in illius malis consummar. Ibo ad patrem; Silentium pro crimine esset. Sciatur tandem, quid debeat Poliarcho. Solatio erit, si nos perditos dii volunt, nihil omisisse virtutis ad ruinam eluctandam. Selenissa audaci consilio perterrita, verebatur Regis iram, si quæ tam diu ipsa siluerat Argenide profitente cognosceret. Sed nec dissuadendi locus, nec ratio erat. Omnia fortunæ credi oportuit. Iam enim ad Meleandrum Argenis corripuerat gradum, paucēq; ex comitatu primum, vt in re improuisa, mox & ipsa sequuta est.

Rex tunc forte erat in hortis, & ipse de Poliarcho sollicitus, quem constans fama erat, esse in vinculis. Miserrimus senex, & nunquam quietus à fortuna.

ina. Quid diceret, faceretve? Omnia aduersa, omnia in nouos dolores composita. Propè biduum rat, ex quo tanquam mortuum sic apud se defleuerat, vt perfunctus videretur officio, & culpam abuisse. Nunc de integro quæstionem fata reduxerant, malletne peccare in iuuenem, an coeuntem Siciliæ pacem intutissima æquitate rescindere. Iamque qui acerbius oderant Poliarchum, frequentes conuenerant, dicebantque eo iuvene viuo nihil in Sicilia firmum fore. Aderat Archombrotus, Regisque vix minus quam Poliarchi misertus, expectabat donec erumpentibus hominum studiis, posset amicos Poliarchi dignoscere. Paulo antè aduenerat Ibburranes, & cum Dunalbio paris dignitatis Antistite, qui tunc erat in Aula, cogitabat de patrocinio Poliarchi. Cum certatim decedentibus cunctis subita Argenis ad Regem procedit, ita dolorem adgubernante prudentia, ne priusquam res posceret, suam causam vellet orare. Securitatem faciebat destinatus nisi vinceret interitus, oculisque in hostes Poliarchi circumlatis, acrius ipsa æmulatione accensa est. Nemo illic mediocriter Poliarcho vel infestus, vel propitius erat.

Ecce autem, dum omnes velut imperato silentio in incertos exitus animum intendunt, Eurymedes suspensis superuenit, Heraleontem manu tenens. Hunc lapsæ mentis error notissimum aulæ effecerat. Et hic, inquit, nobis est Poliarchus, hic ab agrestibus de fuga retractus est. Tum Heraleon ingenua supplex procubuit, veniam passis manibus petens. Rex iam hilarior, ecquid peccauisset rogauit; Nihil, inquit, nisi quod sum Poliarchus. Omnibus in risum effusis, Rex ab Eurymede periit,

hæc serio an ioco agerentur. Et Eurymedes; Cum prolimine arcis starem, illic ut imperaueras Poliarchum, si traderetur, excepturus, video rusticorum magnam turbam Heraleonti circumfusam. Is qui inter illos videbatur potissimus, multum suæ fidei imputabat, quod diligenter Poliarchum vinxissent. Erat autem Poliarchus, Heraleon. Suppresso egorisui, quæsiui qua fœlicitate incidissent in prædam. Qui ex nostris hominibus primi, inquit, hoc mane ad opus exiere, mirati quod iste per inuios campos ageret equum, nitereturq; in impeditum montem, primum monere errantem, mox sequi suspectum, instituerunt. Quippe tanquam omnes vitaret, ut in quemque inciderat, auerterbat equi vestigia, quem per totam fractus cum spiritus defecisset, ipse iam pedes specum in proximo natûs, præceps in eum se abdedit. Iam ad spectaculum coieramus multi, & factô agmine in speluncam concurrimus; Clamantem horrentemque cum educeremus, quis esset, curvelateret, rogatus, ultro se Poliarchum esse professus est. Vestis erat indigna Poliarcho, sed facîle credidimus cultu mutato aufugisse. Neque mora, vinximus reluctantem, & ad Regem, ut vides, reduximus. Cum sic rusticus perorasset, laudavi fidissimos homines, & ad suos agros dimisi. Hunc autem (Rex) tibi en sisto. quod videbitur in illius caput constitue.

Hæc loquente Eurymede, etiam tristissimis aliquem risum is casus expresserat. Quippe Heraleontem sciebant affectæ mentis vitio eo prolapsum, ut vulgo se esse Poliarchum iactaret. Solus erat qui fabulam ignoraret Archombrotus, quem à proximis sciscitantem quid negotii esset, Meleander
ad

ad se vocat, & de Heraleonte hæc memorat. Quo magis hunc mirere, Archombrote, cætera ad hunc modum non desipit. Rem familiarem sobriè curat, negotiorum meminit, in agendo, in colloquendo, non ineptus, nisi ad Poliarchum sermo flectat. tunc quasi æstro perculsum amentia sua rapit. Se Poliarchum vocari, laudes quæ illi nominantur, suas esse, & in alium iniquissima ratione transferri. Plus sex menses sunt, ex quo illi mens laborat sub hac larva. forsitan & accensis in Poliarchum ignibus se quæri putavit, aufugitque perterritus: & impetiti homines, neq; vultu, neq; insania estimata, pro eò quem se esse aiebat indignum multaverunt. Sed ipsum si lubet audiamus. Dic verò, Poliarche, quæ te res adegit ad fugam? At Heraleon, quid te autem, Rex, ut fugere me cogeres? Ex notis ignotisq; nemo fuit qui consilium latendi non laudaret. Sub hac veste quam squalidam mihi imposui, credidi fugam benè texisse. O ut nunquàm fuissem Poliarchus!

Avertit se risurus Meleander, qui subita deinde naturæ humanæ miseratione commotus est, quam præter fortunæ iniurias, nec sufficiens tot cladibus corpus, adhuc præcipua sui parte tot mala excernerent. Aderat Regis medicus, quem Philippum appellabant. Is parum rogatus, intemperie cerebri studiosè descripsit, quæ veluti summam mentis incertam relinqueret, partemq; duntaxat compleret nentia, quod Heraleonti accidisse multi stupebant. Sunt, inquit, in eiusmodi hominibus laxa cerebri claustra, suaque tenuitate nimis apta recipiendis imaginibus rerum quas vocamus phantasias. Has in rara illa substantia, & sua leuitate quor-

F a cunque

cunque impellatur obnoxia, semel impressas, ideo delere est arduum, quia ut plurimum aliqua suauitate placent, & præterea veluti intingunt animum, non aliter quam per vehementius succedentes diuersarum rerum species in alios colores abiturum. Vix est igitur ut illa ingenia vnquam vacent, semper immodicè ex irruentium cogitationum impetu aut ægra aut hilaria. Quod si in aliquem potissimum affectum isti homines cœperint inclinare, hunc assiduum habebunt in animo, hunc præsentem mentis oculis dulci studio alent, seu ille superbia erit, seu habendi cupiditas, aut impatientia ultionis, aut quicquid aliud turbidæ cupiditates nobis obiciunt. Ita spontè inclinati, si vis aliqua vehementior in eam partem ingruit, faciliè perturbantur, ut quod diu esse voluerunt tãdem esse existiment, nec iam illæ in domito & assueto animo imagines, rem ut optabilem, sed ut veram & præsentem figurent. Vis autem hæc vehemens, vel ex crescenti habitu est, & in dies grauius premente, vel ex subito impetu, qui ingens & improuisus occurrat, impleatq; tanquam turbine lacerata ingenia. At cur, inquis, sic mentes affectæ in totum eiusmodi tempestate non pereunt? Faciunt vero sæpissimè; Sed & interdum sola illius rei contemplatio quæ in animo nimia fuit, peccat; Nam ut membra iam sponte imbecillia, haud raro profluentium humorum vim sic in se deriuant, ut ex morbo nihil supersit, quod synceras partes afflet; Sic iste Heralcon, & si quos non iniucundæ amentia socios habet, consumpto in cupiditatum vna ingenii vitio, quo aliquid nimis velle coge batur, pacatius, & propemodum sine præiudicio, res alias intuentur, intelligunt, deni-

deniq; humano more viuunt: Vt plerisque mirum sit, quod aut insaniam reliqua prudentia, aut hanc illa non perdat. Adderes, subiungit Meleander, vix mortalium vlli pepercisse hoc genus insanix. Quotusquisque aliquid sibi non fingit periculolius, stultiusque, quam se esse Poliarchum? Hic deos non esse, hic omnia esse deos, aut nihil voluptate pretiosius, aut inulta numinibus facinora esse. Pauci denique Heraleontem non superant, nisi quod rectius, aut magis ad genium vulgi fuit, eo quoq; lachrymis digniores, quod excutere dementiam nolunt, iste non potest.

Inter hæc iacebat supplex Heraleon, ab auerso Rege ratus de supplicio suo agi; Nec defuere qui reuocarent Meleandrum ad iucundum spectaculum tam vana metuentis, scenamque ornabant, hi tanquam orarent, vt remitteret pœnam, alii proclamantes ad vindictam. Sed exhorruit Meleander ad Poliarchi memoriam, crudelis sibi visus, si eius nomini quem periisse ducebat suum crimen, adhuc superbæ fabulæ contumacia illuderet. Ergo solutum metu abire Heraleontem iussit, causatus, sat nugarum rebus seriis obstrepuisse. Nam & nunciabatur aduentare Lycogenes, quem ipse quo vultu exciperet, quibus verbis affaretur, non nihil cunctatus, tandem in cubiculum secessit, manuque ad proximam sellam nixus, cœpit ex composito Argenidi loqui. Quippe Lycogenes paucissimis familiarium comitatus, ijsque, quo fiduciam simularet, exermibus, intrauerat Magellam, non conscientia sua, sed Regis ingenio, & suorum studiis qui circa Regem erant, superbè securus. Vehi quoq; cursoriis equis voluerat ad longioris pompe

F 3 siue

siue molestiam declinandam, siue intempestiuam inuidiam. Quidam ex amicis regijs, interq; eos Timonides, à Meleandro iussi, tanquam sponte ei obuiam ire, ab limine arcis ad conclaue in quo Rex erat, tumentem deduxere.

Intrat ille, haud vulgari vir specie, quam ingens fiducia augebat, visoq; cum Argenide Meleandro in terram de more se demisit. paulum inde progressus, iterata veneratione cunctantes prosequitur. Nec tum quidem Meleander vilo nutu venientem excepit, obliquos in Argenidem vultus, tamquam sermonis causa tenens. Sed vt propior Lycogenes intra pauca vestigia fuit, tum Rex subito porrectissima fronte in illum aspiciens, petenti genua dexteram dedit, addidit expetitum venisse, & cætera quæ in humanitatis pignus omitti nō solent. At vero Lycogenes inter officiosæ demissionis verba nihil artis omisit, quo aliorum spirituum retinens, nec vilis esset Regi, & factiosorum animis, qui multi tunc aderant, fidem faceret adhuc se duce contumaciam belli posse resurgere. Excusauit breuiter necessitatem, vt dicebat, armorum, ad quam à salutis suæ insidiatoribus esset adductus. Se vero nec fœdera, nec publicam fidem, expectaturum fuisse, nisi vt ab iisdem hostibus apud Regem tutus esset. Meleander non modo abolenda odia retulit, sed & odiorum mentionem. Postero die, in fano Palladis, deos testes reconciliationis esse futuros. In varios deinde sermones digressi sunt, vtroq; potissimum lætitiā, & quæ est peruicacissima ars Aulicum, amorem fingente.

Eurymedes iubente Meleandro, Lycogeni suorumque præcipuis prandium eo die instruxerat, quosdam

quosdam præterea vocauerat meliorum partium Optimates, in quibus & Dunalbius fuit, qui quamquam exteræ gentis homo nulli Siculorum charitate in Regem cedebat. Erat ille in deorum ministerio præcipuus, ex Sacerdotibus qui purpura vestiuntur, tantamq; dignitatem ornauerat ingentibus animi bonis. Strenuus, & par negotiis; Inuenire amicitias, & colere optimus, nudis inter synceros affectibus. In tanta felicitate naturæ eminebat eruditionis amœnitas, omniumque Musarum consortium, quarum nullam factæ illæ ad usum & negotia virtutes excluderant. Nec id impunè fuit; Sæpè, ut solet, vlciscente fortuna in egregio viro virtutis amorem, & studium literarum. Nam & Auunculum olim Regem sacrorum habuerat, quem suo pro merito subuecturum, tam subito mîmo febris eripuit, ut triumphales lucernæ rogi flammæ spectauerint. Ab hac spe deiectus nouoque periculo legatus ad externos missus, penè temporum inuidiam subiit, quia gens illa subitis motibus cœpit ardere, ut difficillimum esset in turbulenta tempestate aut diuisis placere, aut ab armatis & ad sua intentis consilia exigere quæ sani dedissent. Fortissimè tamen ad litus enatauit. Tuncque fortè in Sicilia erat, cum isthæc agerentur, amicitia, & consilio vtilissimus Regi; Et in eius amicis eminebat Nicopompus, quem & Eurymedes ad idem prouocauit conuiuium.

Cum inter vescendum multa hilariter referrentur, & occasione mulsi de apibus mentio esset, Iuuenis quidam Lycogenis nepos, Anaximander nomine, siue patruo placiturus, à quo sciebat regiam potestatem oppugnari, siue iactaturus philosophiam

suam, negavit verum esse quod de apibus referunt, habere illas Regem : Sed hoc vanæ & facilis antiquitatis esse commentum, quæ & canere Cygnos credidit , & formidinis opinione Leones oneravit qui in Gallos cantantes incidissent. Addebat his pleraque similia esse, quæ maiorum inexplorata auctoritas pro veris tradidit famæ. Cæterum omnia animantia ductu naturæ non Regem, aut alieni superbiam imperii, sed libertatem sequi. Cum hæc ille dixisset, mox à conuiuiis cœpit vulgare agitari argumentum; Ecquod inter homines esset æquissimum imperii genus. Nec dubitavit Anaximander id præferre quo Populus , aut vero Optimates potiuntur. Cur enim ex vnus hominis libidine omnia pendeant, quæ si in vitia deflectit, nullus metus aut pudor cohibeat, qui sæuitia, qui exemplo, altissima reipublicæ vulnera imponat, qui sic denique patria ciuibuscque vtatur, tanquam sui vnus causa hæc omnia natura produxerit? Quanto vero alacrius symbola in ærarium conferuntur à populo, cum illa deinde pecunia sic plurimum consilio atq; fide collocatur, vt hanc quisque de priuatis adhuc suam iure existimet, quā vbi ex vnus Principis nutu ingratos ac sæpè indignos improuida & crudeli liberalitate effunditur? Quid quod ad reipublicæ vsum se plures aptabunt, ingenia excolent, militiā aut eloquentiā studiosius persequuntur, deniq; suis ciuibusc se probabunt, vbi eorum suffragio scient esset parata virtuti præmia, summasque reipublicæ dignitates patere merentibus, quam cum illas vnus domus ac luminis ambitiosa angustia ita dispensat, vt vix vnquam ex merito, vel publicæ famæ iudicio, probis viris aut laboriosis contingant?

gant? Num prætera vni Regi tantum solertiæ, tantum animi superesse, vt possit æquari tot Optimum ingeniiis, qui in liberis vrbibus ad publica cōsilia solent acciri? Illos quidem & idonea ætate, & claris virtutibus deligi; tum virtutis æmulatione, & dedecoris metu, vtilissima quæque reipublicæ sentire ac facere. Sæpe autem obstrepere adulationem Regibus, sæpe indolem monitoribus nō patere; ac illorum præterea mentes quamuis egregias atque rectas, eo ipso corrumpi, quod vtcunque præclare se gesserint, nihil est sublimius quo in præmium rapiantur; nec si peccent, vnum tribunal cui reddant rationem. Nihil denique aiebat suauius libertate, aut quod magis cum natura conueniat. Hac autem populos frui qui legibus suis viuunt, qui magistratus facere ac premere possunt. Nec vero cum ipse hæc dicat, se oblitum aut quis ipse sit, aut vbi terrarum. Scire se sub Rege esse Siciliam; & id cuique genus imperij charissimum esse debere sub quo est genitus. Verum vt quibus imbecilla valetudo est, corpuscula quidem sua amare ac tueri eī necesse, sed & illis præterea licet aliorum contemplari fœlicitatē qui firmiori habitu absunt à morbis; Ita se regiam dignitatem colere, cui erat nascēdi conditione obnoxius, & populorum tamen libertatem suscipere, qui sui potentes sunt. Neque præterea se Meleandro iniuriam facere, cuius virtutibus si similes vtique essent cæteri Reges, nihil se Regibus diuinius, aut regno inter homines vtilius crediturum.

Hæc audacter ingerentem Nicopompus non tulit. Vir erat literarum à puero amans. Sed qui solis in libris hæere contemserat: Adoleſcens re-

F 5 lique-

solertiam. Atqui si respublicas intelligis in quibus summum populo ius est, quid prudentia illic Procerum possit? Cum sæpe ad imperitos, atque ignavos, populi leuitas deferat fasces, cum factionibus, inuidia, impetu, rapiantur vulgi studia, & plerunque fuerit ingens virtutis specimen, ab imperita multitudo mala mulctari? Sin illuc referes, ubi Proceres omnia possunt, pudeat istiusmodi senatui regnum, Anaximander, posthabere, & multiplicato numero dominorum, augere seruitutis vilitatem. Nam pro vnico Rege tot heros obtudis, quot illic homines senatum constituunt. At scilicet maturius inter multos, quam Rege ab vno publica expendentur negocia. Quasi prudentum sententiis Reges uti non soleant, & iste quem laudas Optimatum senatus sæpe transuersus non agatur, dum quisque proprii commodi studio laborat, vel amore in suos, vel in pares inuidia. Sed enim maioribus præmiis excitata iuuentutis industria (inquis) ad studia & labores propelletur, florebitque illustribus respublica ingeniis, regna vero tanquam studiis & virtutibus aduersa marcebunt. Quæ autem respublica? An illa popularis? In qua ad seditiones, ad furorem, ad captandi populi atq; fallendi consilia, aptare se solent improbæ ac factiosæ mentes, adulatione, obsequio, suauitate orandi, in qua deniq; vix est, ut eximia ingenia, & ambitu accensa, nisi ad publicam perniciem emineant? Sub Optimatibus vero, quid spei laboriosis illis hominibus quæ amplior sub Rege non pateat? Intra certas (ut nosti) familias atque stirpes, includunt hi Proceres reipublicæ münera atque potentiam, ut generi non virtuti seruētur dignitates, nisi
forte

forte quædam obscuræ, & quæ te à supercilio nobilitatis non eximant. Et hæc præterea munera ad quæ licet peruenire, an putas in alios diuidi quam in istorum potentum clientelas? ne fœlicius, quam sub Rege eloquentiam illic, aut virtutis alia studia; sed gratiam, sed amicitias, sed priuata obsequia, valere existimes. Pone vero tam regnum, quam rempublicam, Principum vitiis tanquam affecta valetudine laborare, vtribi faciliora expectes ad publicam sanitatem remedia? Nimirum & Regem & ipsius vitia mors saltem de medio tollet, poteruntque à successoris indole sperari mitiora. At labem corrupti senatus non vniuscuiusque mors eluit, sed afflicti semel mores in deteriora semper labuntur, donec publicam salutem suo casu obruerint.

Sic differente Nicopompo, timuit Lycogenes inuidiam, quod ab suo nepote oppugnaretur ius regiū. Nam & hoc inutile suis cœptis facinus erat, qui non delere, sed habere sibi regnum optaret. Aliud commodius visum: quando quidem ille sermo inciderat, arguere gentium ritum quæ vni se stirpi in hæreditatem permiserant, cæterasque extollere post singulorum obitum Regum in comitia & suffragia euntes. Et hoc quidem Lycogeni placebat argumentum, tum quod sceptro Meleandri imminens id posse se consequi tumultuaria populi electione sperabat, tum quod illic erat Dunalbius, sibi protinus vt credebat assensurus, quia in illo Antistitum collegio summos ad gradus non hæreditate, sed suffragiis itur. Sic igitur exorsus turbauit Nicopompum, Dies abeat, inquit, priusquam, Nicopompe, quæ in vtramque partem dici possunt

possunt enumeres. Nā quotusquisq; Philosophorum non inuenit quæ pro Regibus vel Republica diceret? Et quidem tecum sentio, vnius imperio rem communem melius geri; Illud magis in perplexo est, an adigi populū præstet ad vnius familiæ seruitutem, an ius illi relinquere ex omnibus ciuibus optimum deligendi. Siquidem in ea populi libertate, qui regio sanguine nascuntur, impensius rectis artibus se dederent, certi non ante in sceptrum maiorum quam in virtutes venire se posse propter quas illi maiores regnauerunt. Etiam populo gratias quisque Regum haberet, memorque se ab eo subuectum, moderatius vteretur credita potestate. Nunc vero quasi nata mancipia, si subimus imperium, ne respicimur quidem, sin detrectamus, pro flagitio habetur. Cum deinde in infantem, in puerum, in imbecillis animi hominem, summam rerum fatorum ludibrium transfert, quid hac luctuosa successione acerbius? Non expectat mehercule ciuium improbitas donec ille Rex adoleuerit; sed dum simplex & inutilis ætas superbe despicitur, cæclades publice eueniunt, quas deinde vix multorum fœlicitas annorum sarcauerit. Tunc utique omnes regnant, populum omnes despoliant, ut nec saltem à solis calcatus Regibus contumeliæ solatium habeat ipsam peccantiū dignitatē. Quod si gubernatori naui utcunq; præstanti, filium rudem in successionē nō sufficimus, ne quos ille seruauit iste euertat; Nec Philosophiæ scholam proximæ extincto præceptori, sed sapientia similimus excipit: Cur regnandi vnā hanc artem præceptorum plenissimam, & ex cuius erratis omnium perniciēs pendet, pueris tradimus, qui si hæreditatis iuro

iure habent vt regnent, nobis iure eodem vt pereamus relictum est? Huic quidem instituto ignosco; si putamus populos atq; vrbes gratia Regum ipsorum conditas esse. Perdant enim illi quod suum est; ferantque populi illam sortem quam numina dederunt. Sin fatemur hanc tuendis gentibus dignitatem esse repertam; miror maiores nō cauisse, ne ex illa peior interdum calamitas esset, quā quæ eius beneficio præuertitur. Sed hæc tibi Dunalbi relinquo exequenda, Tu sanctior nobis author quæ comprobabis eligendorum Principū motem; quæ & vos in sacris comitiis iustissimo ritu seruatis.

Dunalbius in publice obloquendo semper religiosior, eo tamen denegerat, vt assentiri Lycogeni, vel in eum differere cogeretur. Præterea omnium oculos, & maxime Nicopompi, in se videbat esse intentos. Modeste igitur abnuens sibi placere quæ Lycogenes attulerat, tandem omnium pertinaci silentio, sic eum ad dicendum inuitantium, in hanc sententiam loquutus est. Scio te, Lycogenes, hæc philosophandi magis causa dixisse, quam quod reuera sic sentias: Nisi id forte tuæ in nos pietati dedisti, vt quia suffragiis Regem sacrorum renunciamus, author sis eum ritum vbique sancienti. Sed ne sceptri & sacerdotij iura confundas; Vide quam diuersa vtriusque sit ratio. Nobis quidem cum lex vetustissimæ sanctitatis matrimonia abstulerit; quomodo infulas relinquemus liberis nostris quos tollimus nullos? Multa præterea in sacris sunt, quæ sacerdotes per se peragere nō mandare, aliis debent. Si igitur in pueros hoc munus successionis iura deuoluerēt, quo aræ, quo templa, quo diuū illi cultus, qui profanis nec numini initiatis, com-

mitti

mitti non possunt? Ita quoque admonemur non diuitiis incumbere, aut cæteris mortalium curis, sed pro domo, pro familia, pro posteris cælum habere: neque illa nostra esse, sed numinum, quæ à nobis duntaxat procurata ad heredem non transeunt. Sed & vni familiæ si hæ summi sacerdotij infulæ donentur, quam diu putas illam cogitaturam se hanc Numinibus magnitudinem debere, neque sibi sed diis regnare? Vel Reges ac populos tantæ cognationis supercilium esse luros? nulli nunc stirpi, ac pepe nec homini, sed officij sanctitati, se ipsos sine æmulatione aut vtilitatis suspicione subiiciunt? At in ciuilibus imperiis quæ opulentia viribusque consistunt; quæ populo quietem præstare, & contumaciam frangere impiorum armatis legibus debent, multa sunt quæ successionis vtilitatem concilient: quorum præcipuū forte est ambitus Optimatum examinandus, ne in Regni spem audeant ipsum Regem violare.

Finge enim in nobilibus & inquietis generibus, quas cernimus hereditario contineri impetio, hūc quem laudas electionis morem vigere; quid facturos Optimates existimas, nunc quoque vix Regum patientes? Iam hæc illis accederet sui fiducia, posse se quoque regno potiri, iam despectus in Regem, qui & ex illorum ordine fuisset, nec maiores liberos relicturus. Ast vbi fortuna regnandi stirpe in vna consenuit, Regum præteritorum reuerentia adeo viuit in posteris, vt vel cunę puerorū in purpuram natorum tacita confessione sortis nostræ nos tangant; nec iis parere indignemur, quos priusquam lucem subeant scimus nasci vt imperent. Nec dubium grandius quiddam insinuari illis in
geniis

geniis quæ ad regnandū à puero instituuntur, siue natura hoc facit, siue disciplinæ rectitudo, aut potius deū cura. Certe enim consuetudine honorū qui ipsis habentur obstupescit superbiæ gustus ac veluti acies; aliturque imperandi fortis illa securitas quæ contemni vix potest, sed nec in odium venire, quia plerumque accedit comis animus, & cum Optimatibus familiaritas, nulla præteritæ humilitatis verecundia erubescens. Altiora deinde assuescunt cogitare, regnoque tanquam liberorum suorum patrimonio cum fide incumbere. Qui vero suffragiis in hunc verticem rerum humanarum attollitur, nondum primæ infemoris fortis est, in quam recidere sui heredes possunt. Itaque à publicorum munerum sedulitate propiori cura subducitur, ut filio vel proximo cognatorum eos conciliet quorum est regnum dare, aut familiam saltem tot opibus expleat, ne deinde ullus ignoret fuisse ex ea qui regnarit. Sic publica ornamenta, publicæ opes, quacunque ratione in priuatam degeruntur familiam, & quæ splendori, quæ utilitati communi vota maiorum destinauerant, tristissimo errore in nescio quos lares profunduntur, eosque laborant in lucem vindicare. Nec eiusmodi Reges suis modo peccatis Rempub. lædunt, sed & Optimatum erroribus, quos perniciofa indulgentia ideo sibi deuinciunt, ut purpuram cognatis suis seruent, aut largiri immodice non vententur, aut denique ne futurum lædant Regem (nā quis ille de tot Optimatibus incertum est) iniurias in decessoris familiam vindicaturum. Iactes nunc licet electionis prudentiam, quæ nouas identidem stirpes obtrudit malo publico saginandas. Ipsi A-
quibj

quiliij diuerso è genere lecti, quam sæpe Maiestatis suæ vires his proditas curis fregerunt? Inter hos ille cuius sanctiones aureas dicunt, vt filio regnum pararet, quo precio suffragatores emit? quo deinde sceptri incommodo cum soluendo non esset, publicanis vectigalia concessit, quæ primum pignoris nomine occupata, mox isti imbecillitate vel errore regnantum in hæreditatē verterunt? Multa præterea sunt, vt scitis, siue opera, siue consilia, quæ nõ statim ac concepta sunt, rei publicæ profunt; sed expectant maturitatem suam, & instar frugiferarum arborum legitimo denique tempore edunt baccas. Ex his longioris spei consiliis plerunque solida regnorum salus consistit. Spèrni tamen, aut omitti sæpissime solent ab Rege qui non patrio, sed comitiorum iure obtinet sceptrum. Quia illis operibus inchoandis labor est vt plurimum sumptuosus, eoque suis autoribus ingrator, quod non viriditatis, nedum messis, ea ipsis voluptas est, quæ posteris Regibus olim continget. Qui autem erunt hi Reges? liberi, amici, familiares mei? Imo forte ex ignotis, aut inuisis. His ego securitatis, lætitiæ, opulentiae fundamenta stabiliam, magnis curis, & iactura ærarij, quod nunc melius in meos effuderim? Fac me velle, at hi ipsi successores forte inuidia sua inutile meum munus efficient. & opera in spem longioris utilitatis inchoata, vel negligent, vel euertent, quoniam mihi meisque temporibus erit in decus ea instituisse, ipsis autem, vt altoribus tantum, & sapientiæ nostræ custodibus, inglorius sumptus accedet. Hæc neque vano timore, neque tamen præter rerum publicarum perniciem, eiusmodi Regum animos solent ab ingentibus cæptis auertere.

Minori tamen utcunque Reipublicæ incommodo regnare electi Reges possunt, quam eligi. Nam in viuidis gentibus, subtilique & exerto ambitu feruentibus, num quieta fore speres comitia? num largitionum armorumve immunia, vbi multi opibus, genere, animis pares, neque cedere inuicē poterunt, neque omnes regnare? Quid deinde cum in duos candidatos studia diuiduntur, amboque in regnum se asserunt, vt nescias vter vitio sit creatus? quantæ hæ turbæ? quam sæpe longissimo bello cruentæ? Vt filcam quod populus Regem facere iure assuetus, sæpe quoque eum audet amovere iniuria. Ne vetera nunc curem; cerne Aquilium. Duo regna totidem comitiis non pridem adeptus, paulò post eorundem hominum pœnitentia excidit sceptris. Rite inauguratum negauere. Ita ferro, cladibus, vastitate terrarum repetendæ res fuerunt hinc in Peranhyleum alterum ex regnis ambientem, hinc in Dereficum iam alteri incubantem, qui pro dapibus quas in mensam Aquilij ipsum ferre oportuit, fere sustulit & penū & mensam. Hæc vero nonne summa discrimina existimes, iisque peiora quibus interdum nostrorum pueritia Regum funesta est? Nam non nego vel regnantū infantiam, vel tenue ingenium, ineptumq; negotiis, sæpe publicis rebus nocere (quid enim sic ad hominum commoda exactum vt vnde quaque sit vtile?) Sed hæc ipsa multo mitiori tempestate in nos voluuntur, quam quæ procellæ ex comitiorum freto exæstuant.

At nec putes optimum quemque, aut maxime ad regnandum idoneum, per hæc comitia venturum ad purpuram. Quam multæ sunt factiones! Vt
sæpe

æpe qui stirpe & potentia præcipuus est, animi bonis deficitur, tanquam verentibus fatis, ne si summam fortunam ac mentem dent homini, deum faciant ex mortali? Non igitur dignissimus utique erit quem Principem comitia dicent, sed aut potentissimus, aut foelicissimus; quorum utrumque ab arte regnandi abesse multum potest. Ille viribus suis suffragia aut terrebit aut emet, ille ignavia faciliorem apud eos inueniet qui sperabunt sub tali Principe ipsi regnare. Nam si denique eligentium studia atque vota sic integra fingis, ut in eo quem destinant Regem, solam virtutem respiciant, solerterque inueniant; si præterea candidatorum modestiam & assensum populorum hunc facis, ut præbeant obnoxias ceruices sic ad sceptrum pro-uecto; Addas innocentiam noui regis inter recentis fortunæ blandimenta, adeo memorem sui futuram ut nunquam conuiueat; Tunc ego ad hanc foelicitatem proclamabo, diisque charissimas gentes credam quibus illa contigerit. Sed hæc bona sperari non possunt. Reclamant vitia hominum & toties experimenta in contrarium versa, Ut iniuria accusetur nationum sapientia quæ dedidere se vni stirpi, ex qua tranquilliora sint & magis illustria apud se imperia.

Iratus Lyco genes erat, destitutam à Dunalbio esse spem suam; quod tamē ne conuiuæ aduerterent, aliquot iocis, quos elegantissimos habebat, rei seriæ grauitatem mutauit; adiuuante Eurymede, cui apud se tot periculosa Philosophiæ argumenta iactari non placebat. Maxime de Peranhyleo, & Derefico, inter cōuiuas sermo fuit; quorū in Aquilium audaciam Dunalbius modo notaue-

rat; Ethos quidem dissitarum tumultus gentium, plerique narrare amabant, vel audire. Sed Arsidas inter hæc, iam prouecto conuiuio facile elapsus, ad Argenidem iuit, breuiterque narrauit quam cōtumax Lycogenes esset in Reges. At illa de temporum iniuria breuiter quæstā, codicillos ei tradidit perferendos Poliarcho, quibus sua mandata commiserat. Cumque plurimum nauem, & iter, & secretum, & quicquid ad fugientis securitatem erat commendauisset; Tibi denique, Arsida, inquit, qui tantum hominem suis inimicis subduces, primum præmium dij, consciusque virtutis animus persoluet; tum Poliarchus aliquando fœlicior, & si cætera abfuerint, à me saltem tuæ beneuolentiæ fructum expecta. Ille hilarior Argenidis verbis factus, & cum Archombroto deinde quæ videbantur loquutus prona iam vespere ad Timocleæ prædium venit, cui Agrestes comperto errore tunc forte pridianos tumultus excusabant. Illa sæpius cogitans se in leges peccauisse, quam scrutatoribus abfuisse fortunam, comiter omnes habebat, si quid in posterum opus esset, animos sibi parans. Arsidas eisdem benigne affatus est, omnibusque dilapsis, prima nocte ad Poliarchum descendit. Is mora & ægritudine æger, vt venientem conspexit, quid, ait, vobis placet me viuentem sepeliri? Eripe me ab hac nocte (Arsida) & vel hostibus permitte. Certum est non diutius ferre hunc situm. Illa gnarus quanti gaudij chartam afferet, nihil ad omnes questus; sed literas Argenidis profert, gemmamque, & manum, iubet inspicere. Confestim Poliarchus exultatione plenissimus, Vt valet, Arsida? vt meminit nostri? Neque nomen adiecit,

iecit, nam & Timoclea audiebat loquentes; Sed lino deducto, deflexit aliquantum ne legentis affectus vultusque notarentur. Perlecta Epistola, secretum Arsidam ad se trahere cœpit, illumq; consulere, satisne fidere vesti ignotæ, & ascito capillamento posset, sicque ad Argenidem ire; an tutiora sequi præstaret, & ad nauigium Messanam proficisci. Et hunc statim nauigare Arsidæ quidem placebat; sed cunctanter obstabat Poliarchus auidus videndi Argenidem, & verecunde pro amore suo pugnans: quod vbi Arsidæ sensit, exoneraturus pudorem amatoris, mutata sententiæ author maxime fuit ad Argenidem eundi. Quid enim facilius quam postera die templum quod omnibus patebat, intrare? Argenidem de more staturam ad aras, quibus osculum ponere nec miserrimi supplices vetantur. Obfirmato Poliarchi consilio, Timocleam aduocant, monentque sub diem Poliarcho eundum ad nauem, quæ in Italiam eum ferat (nam ad aulam proficiscendi consilium premebant.) Adiecit Poliarchus, nunquam hospitij gratiam apud se vanam fore; Vitam & quæcunque per eam homines habent, semper illi debiturum. Matrōna inter preces atque vota lachrymis manans, iam nō vt hospititantum, sed propemodum tanquam alumno, omnis curæ, omnis sollicitudinis affectum impendebat. Multum erat ad amorem beneficium dedisse, verebaturque ne iam suum Poliarchum inclementior fortuna exciperet. Et tunc quidem flens acquieturum reliquit.

Nocte vero inter vota, & metus, anxie ducta, redit in specum cum Arsida, attulitque frustra panis mero intincta, & ad Græci moris ientaculū adigit

adhuc de somno fastidientes. Emisit deinde paulo ante Auroram cum Gelanoro Poliarchum. Et Gelanorus quidem cum Arsidæ ad vxorem literis, Messanam profectus est. Nam Messanæ Arsidæ habitabat, yrbem sibi à Meleandro creditam regens. Literarum sensus erat, vt coniux instructum nauigium haberet in portu, quo ipse propediem in Italiam vteretur. Sibi necessariam Rhegium viam esse, hominem qui has literas ferebat diligenter apud se seruaret. Se Messanæ intra quattriduum fore. Postquam ille discessit, iam solus Poliarchus Arsidam sequebatur lente in equo præcuntem. Pedes erat, vilis amictus; & scipione nō necessario utebatur; manibus quoque ne candore proderentur, diluta fuligine, in sufflauum colorem mutatis.

Peruenerunt in yrbem, cum recluso iam Palladis fano deæ copiam fecisset ædituus; necdum frequens populus commodiora ad spectādum occupauisset. Poliarchus quam licebat proxime resedit ab ara; Arsidæ ad Argenidem iuit, docuitq; quam religiosus cultor in templo illam maneret. Obstupuit virgo, simul periculo Poliarchi, & oblata lætitiæ sensu perculsa; signisque diligenter quæsitis, quibus mutatum agnosceret. Res, inquit, periculi plena erit, Arsidæ, si Rege atque Lycogene mox ad templum ituris, Poliarchus vestium furto duntaxat & capillorum celabitur. Ex tot viris qui Principes circumstabunt, neminem putas sensurum hanc fraudem? Maxime cum mutuis suspicionibus crederi, qui Regi, quique Lycogeni student, vultus omnes, & quicquid insidias tegere potest, solertissimaration explorent. Venire iuberem huc ad ar-

cem

cem, sed laruam qui in statione sunt milites forte excuterent. Pergam potius ad Parentem, moneboque, ex quo me voluit Palladi ministrare, nunquam nundinarum hunc diem, imæ plebi ad vota negatum: Cum autem sancienda mox paci, ad sacrum Lycogene succeder, templum stipatoribus & comitibus plenum, nec capturum populiturbam, nec supplicum vilioribus posse patere. Si igitur placet (ne quid de consuetudine hodie pereat) me statim ad aras processuram, ut qui de plebe volent ritu solito lustrentur, Vulgi cultu finito, ipsum melius publica sacra procuraturum. Ita metu soluta videbo Poliarchum, commodiusque in in-curioso populo nostra consilia latebunt. Proban-te industriam Arsida, & ut maturaret monente, puella ad Regem digreditur: Neque is minus sententiam laudavit, idonea fraude deceptus; Et illa accelerata pompa (vix dum enim horam diei secundam religiosi homines Palladi nunciauerant) inter stipatores, ministrasque, ad templum producta est.

Is autem sacrorum ordo erat, ex quo Argenis sacerdotio fungebatur. Siculi nundinas ad fori conuentus, & mercatum, celebrabant. Tunc Regum edicta vulgari, tunc in fontes edicta constitui. Tempus hoc rebus, si quæ sacræ, si quæ publici ritus, datum. Confluebant in proximas vrbes ex vicinis municipalibus atq; vicis, qui vel rusticis opibus abundabant, vel egebant urbanis. Hæc dies cōstituta Palladis sacris erat, quo frequentior populus videret Argenidem; quæ quacunq; per Sicilia diuersa procederet, habebat in comitatu vates, & sacerdotum chorū: Maiores hostiæ, & cætera victimarū genera

sequebantur. Cum lucebat nonus dies, si quod Minervæ templum in proximo erat, illuc deferebatur simulachrum cui honores haberi consueverant: Sin minus, ex commodissima æde euocabatur qui deus deave habitabat, ut quia duo numina vnum templum non capit, suo discessu commodaret Palladi fiduciarium sedem. Fores laurea redimitæ augebantur lucernis atq; vittis. Signum quod ad arā colebatur, acre erat, & deæ sua arma decentis. Strictum supercilium hinc acie oculorum, hinc casside ad mediam frontem producta, pulcherrime horrebat. Vultus, qui virginis, sed implacidæ essent. Hastā ex auro, errantibus per metalli fulgorem radiis, quati à dea, sæpe vulgus asseruit. Ægidē quoq; in parma omnibus coloribus qui serpentum squamas mutant, pictor expresserat. Vestigium veluti stantis ad pugnam, læuo pede sic porrecto, ut totū simulachrū non nihil obliquaret in latus. Serpentis quoque specie Erichthonius erat ad pedes, spiris extremā hastam cingens. Cæterū lectas victimas, vittisq; & cætero ritu, præterquam mola, mactatas, producebant ad vestibulū templi (nam intus mitti sanguinem erat nefas,) Postquam victimis iam subiecta aqua erat, superueniebat Argenis, cultu eximia qui Principem & Sacerdotem decebat. Miri operis stolam erat induta, quæ per intextas imagines assurgens, Palladem faciebat de cerebro Iouis nasci, & in lite cum Neptuno inuenta olea triūphare. Hanc à tergo per multa volumina diffusam, nec vestigia verteret, sex virgines suspēdebāt. Crines Argenidis religabat purpurea fascia, ramis oleæ impedita. Ex eadē arbore summo capiti coronā posuerāt. Sic ornata, & postquā ad victimas accesser-

cesserat, imposito velo caput operta, cōcipiebat solemnes sacrificio preces, molaq; deuota animalia conspergens, muliebri ictu in eorum frontem reclinabat argenteam clauam. Vero mox ferro excipiebant victimas præcincti Sacerdotes, iugulisq; suffossis, fata, & deos in extis credebant deprehendere. Tum ingressa templum Argenis, thuribulo argenteo præferebat solitos diis vapores, & ad aram admota, demptam suo capiti coronam ad armati signi pedes suppliciter collocabat. Thura tunc, & odores, nouo igne refecti, qui dum ex acerra dissipantur, cantu à proximis virginibus orto, quisquis ex populo sciebat, hoc carmen modulabatur.

*O pars, sed potior, tui parentis,
O Tritonia, nulla cui dearum
Maternas tenera blanditias tulit;*

*O virgo studiis nata virilibus,
Sacris ipsa tuis ades.
At vos Sicelidum chorus,
Forti plaudite Virgini,
Cantus addite plausibus.*

*Tu belli decus, axibus seueris
Lethum, vim, gemitum, arma, fata, ducis.
Stat dextra iaculum; Gorgonis aspera
Monstris terribilis laua, dat hostibus
Facto viuere marmore.*

*Tu pacis dea, pinguibusq; campos
Exornas oleis: & ipsa stamen
Monstras, ipsa colum ducere candidis
Qua te virginibus cunque vocauerint
Casti thuris odoribus.*

*Tritoni cupit vnda te paludis,
Vrbs dijs hospita te vocabit Argos,*

G S Et

Et Pandionis quicquid arcibus.

Sed tu Tinacria pronior Insula,

Huc vultus melius refer.

Adsis Sicania benigna genti,

Servatosq; diu tuere Reges.

Nobis, diua, semel cum bona veneris,

Optamus merita sepius, & novas

Latere reddere gratias.

At vos Sicelidum chorus

Forti plaudite Virgini,

Cantus addite plausibus.

Sequebantur omnium vota, quibus palam incolu-
mitas petebatur Principibus, addebant innoxios
cœli haustus, nec fallentem Agricolas humū. Oc-
cultis precibus priuata familiæ comoda quisq; o-
ptabat. Tunc vero ad dexterū latus aræ, in altiori se-
de Argenis quiescens, vittatū manu ramū tenebat,
quem vndis lustralibus rorantem, modico victimæ
cruore asperferant, credebantq; efficacis esse tute-
læ, si fronti oriq; esset impositus. Stabat in ar-
mis circa virginem satellitum duplex ordo, ad eam
ituris semitam aperiens quæ vix binos capere pos-
set, ne tumultu, & imperitorum rixis, aut ara aut Ar-
genis pulsaretur. Sic admissi, ad illius pedes prola-
bebantur, abibantq; breuiter ramo tacti. Nulli de
plebe exclusi, pluresq; Argenis quam Pallas accie-
bat ad sacrum.

Quo igitur die Arsidæ Poliarchum adduxit, pa-
rata erant sacra in veteri templo, quod Magellani
habebant Palladi nuncupatum. Et Argenis matu-
rius, tanquam dimittendo populo priusquam cum
Lycogene Meleander adesset, reuera vt extra peri-
culum Poliarchum aspiceret, descendit ex arce.

Cumq;

Cumq; pro foribus templi tactas victimas reliquisset inter decollantium manus, & in deæ limine thubulum sumpisset, iam tunc quidem inquieto animi tumultu cōpleta, peruenit ad locum, in quo, Arida docente, sciebat sedere Poliarchum. Hunc vero postquam vidit, in ignobili veste, & genis alienis miserabilia in se lumina figentem, adeo ira & pietate accensa est, ut penè sacri ratio amenti excideret, utrunq; tamen perrexit ad aram, ibique in deæ signum intuens, interim dum cæteri solemne carmē celebrant, arcanos gemitus effudit. Testabatur cælestium fidem. Innocentiam suam, candorem, pietatem, tacita exprobratione ingerebat scientibus. Nunc si se adiutam vellent, auxilio esse tempus. Si nec mortalia curant reguntve, cur non virtutibus cretū erat? cur nec à se, nec à Poliarcho violati faciebant? Scire illos quam nō fædo amore, virginēq; audendo, in tanto viro hæsisset. Si per iura naturæ icuisset, optaturum hunc fratrem fuisse. Adeste altem fugienti, inquit, & si quid durum in vtrumq; paratis, illo incolumi omnia in meum caput citate. Ab his precibus, quamquam verissimo affectu flagrabant, subito cogitationum æstu auersa est. & nūc ui, nunc sponsi miserebatur. tum in Lycogenem nexpiabilis odii rabies. & quoties occurrebat nec non fontem patrem esse, qui tam facilis in Poliarchi annuisset perniciē, ab hac mente refugiens quæ periclitabatur pietatem violare, redibat ad deos, stutensq;, & inter mutos dolores attonita, plus illos uis malis quam votis exorabat. Eletum tñ in potestate habuit, pudore intempestiuos in publico luctus vetante, forte etiam quia erat calamitatis maior moles, quam ut irer in lachrymas.

Nequit

Neq; tunc minus ægritudinis aut tumultus in Poliarcho erat. Relinquendæ dulcissimæ sedes, aufugiendum veluti perduelli. Quam non generi, quam non animo conueniebat hæc fortuna! Iam quæ oblectamenta fuerant, lacerabant diductum doloribus pectus. Omnes Argenidis virtutes, omnes dotes, redibant in mentem, etiam quæcunq; exigua esse crediderat, tunc augustiori specie, quia erant amittenda, cogitationem implebant. Inter tot mala, nihil molestius visum, quam quod Argenidi doloris causa esset; Nec leuior metus repugnātem animum lentè subibat, ne sacramenta amicitiae inter ipsum & virginem concepta, tempore & absentia delerentur, essetque aliquid quod Argenidi charum deberet odisse. Simul in iram versus, cogitabat Siciliam armis repetere: Simul Argenidem in patre aut patria lædere verebatur, & iracundia dolori cōfusa, per varios affectus nunc stupebat, nunc errabat.

Inter hos animi motus, decantata ter carmina publicæ voci finem fecerunt, conseditque Argenis non procul ab ara, sacrum ramum venientibus pro- tendens. Selenissa, virginumq; delectæ, à tergo sedentis constiterant. Eurymedes, atq; Eristhenes, longè diuersum par, erant ad latera; Ab illis milites ad testudinem templi porrexerant geminum ordinem, definiebantq; viam processuris ad virginem. Eurymedes cum in Argenidis vultu crebros motus notauisset, submissus ad aurem, rogauit ecquid ipsi malè esset. Vtitur colloquentis commoditate virgo, ad illum utiq; vultu conuerso, quoties nimius dolor exundabat in ora. Vulgo digesto, penè vltimus restabat Poliarchus, qui ad iustralem ramum
acce-

ccederet. Et animus & vestigia deerant processu-
o: vicissimq; à frigente, & penè inutili puella, expe-
tabatur. O amantium insana consilia! Tanquam
iugitium gaudium percepturi, ad hanc brevis
nutiq; congressus audaciam deuenierant; Iamque
piger irritati doloris, simulq; periculi, multo acrius
deuoturos suam sortem, nisi sic dolere licuisset,
Demum miser, nec iam frustra innixus scipioni,
promouit ad Argenidem gradus, acciditq; ad ge-
nua: & tanquam vota conciperet, Vale, inquit, ca-
stissima Sacerdos, memineris Palladem tuam abire
semper tuam, ô virgo, sed si patieris, non sine patrio
fulmine redituram. Intellexit miserrima virgo, nec
aliquid ausa referre, tamen moestis oculis in eum
breuiter fixis efficacius omni voce loquuta est. Sed
ab illius pedibus abire non sustinebat Poliarchus,
siue illum obliuio sui ceperat in tantæ calamitatis
caligine, siue sentiebat poplites erraturos: Cœpe-
ratq; vereri Selenissa, ne ille intempestiua mora fa-
bulam proderet. Cum Eurymedes hominem ratus
ad Argenidis pedes ignara rusticitate cōsistere, vir-
ga quam dextera tenebat grandem ictum procum-
bentis lateri non sine risu inflixit, iussitq; abscede-
re. Poliarchus inter paucos Eurymedi charus erat,
& hanc iniuriam non ab odio vlllo, sed vestibus suis
factam sciebat à nesciente quem cæderet, consur-
rexitq; properè, suo quoq; iudicio merito castiga-
tus. At non Argenis tam composito animo ictum
aspexerat. ægrè pudore prohibita, ne Eurymedem
ab oculis iuberet abire; Mox discedentem Poliar-
chum qua licuit oculis sequuta, opportune Arsi-
dam in limine templi videt, vt coniici potuit, viam
fugienti præeuntem. Quippe ille gratulatus suo
Regi,

Regi, quod à bello quies esset, simulauerat necessitatem sibi oblatam traiciendi in Italiam ad socerum: Impetrata Regis pace, templum Palladis petit, cernitq; venientem ab ara Poliarchum. tum paululum cum eo secedens, monet per infrequentem portam abire ab oppido; Viam quæ Messanam tendit tenere, donec secundo miliari in dumetis quæ occurrunt lateret, se postquam loquutus Argenidi esset, confestim assequuturum.

Interim Meleander ad Argenidem misit, qui popularis sacri solemnia iuberet maturari. Tempus enim in multum dici procedere: Dandum sibi & Lycogeni templum esse. Illa apud se non erat, stimulisque quos credebat constantia sua domitos, iam sensim concedebat. Regi tamen renunciari iussit, peracta quæ pertinebant ad populum. Destinata sacrificia, cum placeret, obire illum posse. Ingens pompa, & pro decore Meleandri, atque Lycogenis, in regiae vestibulo stabat, manebatque ad templum prodituros. Ipse Lycogenes in Meleandri thalamo erat, specie officii, varios, ac plerumq; nō serios, cum Rege sermones instituens. Vbi maturum fuit, Meleander in regio cultu, pallioq; purpureo, manu tenens insigne maiestatis, ad stipatores processit. Proximus antecedebat Lycogenes, cuius latus de Regis imperio tegebat Archombrotus. Ante hos ibant quorum magistratus eminebat, aut gratia. Ingens egregiæ iuventutis numerus inchoauerat pompam. Ne populum quidem satis viatores arcebant, spectandi auidum, maximeque qua prohibebatur ruentem. Præter regium, assuetumque imperio nomen, ipsa senectus, vultusque lenissimi animi index, & suo fastigio digna maiestas, omnes

omnes in Meleandrum conuerterat. Neque tantum quibus incorrupta in eum fides erat, hoc conspectu mouebantur, sed etiam ex inimicis illi quos errasse potius diceres quam peccasse, ut is dies haud pœnitendus Regi processerit, in quo hos dolor, illos pudor incessit, quod ad hæc fœdera adigere-
tur. Ergo Lycogeni Rex iurabit? Ergo ad necessitatem fœderum cum ciue descendet? Et hæc publice? hæc tanquam legitima, populum testem habere? Quid amplius externum Principem, parem æmulum, iusto bello esse facturum? Quibus autem altior sensus, aut ipse vel metu sagacior erat, ultre-
rius cogitationem mittebant; Neque vero colendum illum diem, tanquam pacem relaturum: sc̃uio-
rare restare, nec futurum stabile quod coactus Rex cū ciue pepigisset. Nam Principes, quod à se iniuria extortum est, alia iniuria sæpe repetere. Aut itaque Regem, ubi licebit, illius facinoris vindicem fore, aut cessantem iri à Lycogene oppressum. Forte Senex, in aula educatus, interroganti sodali, quid vnquam humanius vidisset Regis vultu, ita respondit ut vox ad Regem perueniret, Humaniores dicerem, commilito, nisi sibi crudelis illa humanitate esset. Cum hanc vocem Meleander accepisset, à fidissimo homine missam, iam antea perturbatus, & in eos sermones cogitatione hærens quos de successione Regum, hesterno apud Eurymedem conuiuium, audiuerat à Lycogene esse iactatos, sic offendit in saxum quod aliquantulum eminebat, ut in terram manus affligeret. Subitus spectantium clamor terrorem latè dedit. Proximi ad subleuandum Principem concurrerunt. Qui longius stabant, ipsa ignoratione pauidius concitabantur, donec

nec constitit fortuitum & leuem lapsum esse. Ipse excusauit risu casum : Multum enim se telluri debere, quæ Principem venerata, cum exurgere non posset, eum deduxit ad oscula. Hanc, ut suam, libenter se amplecti. Triste tamen aut lætum singulis omen fuit, ut quisque Lycogeni vel Regi studebat. Nam quid eo portendi, quod stratus Rex ad Lycogenis pedes erat? quod procubuerat tanquam victima, ipse ad sacrificandum paratus? quam leui momento, quam subito fuisse euersum?

Dum hæc cogitant, iam in aream primi peruenerant, in qua hostiæ erant redimitæ vittis insignibus, præcinctiq; ministri expectabant, donec Argenis legitimis verbis ad munera deos vocaret. At illa magis magisq; superuenienti dolore incitata, in secreto templi loco, cæteris paulum iussis abscedere, ita secum loquebatur. Quid tu autem calamitosa Argenis? quid tu præstantissimo viro malorum omnium causa? quid vidisti, aut in quæ supplicia duras? Poliarchum abire: triumphare Lycogenem? Parti hoc potes? ô regia virgo, ô sceptro destinata! Si te Principem meministi, cur non Poliarchum hic asseris? si sponsam, quid ille solus fugit? Ecce autem, restabat ad fata ut pro Feciali esses tuo parenti atq; Lycogeni firmantibus pacem, ô dii, quam sanxerunt Poliarchi discrimine. Tu deinde qua fronte, non dicam in Poliarchum inspicias, sed loqueris cum absente, sed audebis meminisse virtutum, vultusq;, atq; verba, ad animum secreta cogitatione arcescere? At pietas in parentem, at publica regni salus hoc iubet. Quæ autem paterem impietas si inauspicatum scelus refugero? aut quid mihi cum regno, si mori decreui? Sed nec timiditate semper regnorum
salus

malus constat. Forsitan audacia mea corrigam quæ
ater mansuetudine peccavit. Sed quid ages? dis-
crimen nunc appetit, obruetq; imparatam. En ge-
nitor, en Lycogenes adest. Polcor ad sacra. Si sce-
ratæ paci abnuo ministrare, quæ verba mihi e-
unt, quæ publice ad patrem argumenta?

Sic dicebat, nec iam mœsta, sed concepto furore
angustior, graves oculos huc & illuc ferebat, cum
ubi hæc vltima verba abeuntis Poliarchi, me-
minisset Palladem suam abesse & cum fulmine pos-
se redire. Certè, inquit, abiit mea Pallas. quid fru-
stra hic morer? profanæ sunt preces, destitutum
lumine templum. Nihil consultius quam vt vati-
inari me similem, veterique à dea, vltra his sacris
incumbere. Sic effugiam factus huius pacis conci-
landæ, & ingentibus deinde consiliis liberius va-
abo. Cum illud placuisset, vt erat fœlicissimi inge-
ii, & tunc maxime concitati, cœpit orationē para-
re, qualem fatidici habent. Vultus atque oculos, v-
bi furori indulisset quem suggerebat discessus Po-
archi, sciebat suo ardore mendacium optime ad-
imbraturos. In his cogitationib. hærentem adiere,
qui monerent eam dicendis victimis expectari. Ad-
se enim Regem, & silentium per præconem im-
eratum. Hilarior virgo erat, postquam consilium
nimo federat, cui acquiesceret. Ergo se ituram
respondit, animumque simul & gressus ad desti-
natam tabulam comparavit. Iamque hinc Rex,
de Lycogenes, mediam hostiam habebant. Cir-
confusi Optimates diuersissimas mentes sub vno
componebant silentio. Populus cuneos vnde qua-
re stipauerat, & destinatum sacris ambitum, æ-
re apppositi milites tuebantur. Sed pro monstro

H

fuit

fuit Argenis, vbi primum à templo egressa, variantibus oculis, comisque per horrorem iactatis, sua vestigia turbauit. Furentis species erat, quæ motus deorum, nondum animo benè conceptos, prima ægritudine eluctaretur. Meleander in primis obri-
guit; Qui casus, quæ furia, quisve deorum filiam sic vrgeret. Ea autem aliquanto seuerius rotatis luminibus orationem exorsa est, non in carmina quidem conditam (nec tam subito licebat) sed tamen ab humana consuetudine in diuinos sermones vergentem, vt hanc facile fuerit Nicopompo, nō multis immutatis, in versus sic cogere.

*Cur fugis ò, sedesq, tuas sanctissima linquis?
En mea Pallas abit: video cœcūq, volantem
Auersamq, deam. Proh dira audacia nobis!
Exilio damnata fugit. Quid thurea flammis
Dona feram, cœsiq, greges altaria tingent?
Me mage Diua rape, & volucris per nubila tractu
Siste ferens, queiscunq, tibi placet ire sub astris.
Arma tamen quatis arma minax; procul Ægidis auro
Hasta incussa sonat: redeunt per inane tumultus;
Sæuaq, proscisso dirum rubet orbita cœlo.
Parce istis, ò diua, minis. Neu vindice ferro
Bella para, patrios neu corripe nubibus ignes.
Hec furia! quo fata cadent? Quid ponere templa
Iruit, & auratis attollere limina saxis,
Sic placet hoc audere nefas, si bella mouemus
Calitibus, Numenq, suis prohibemus ab aris?*

Atquam his similia vaticinantis vultu profudit,
etata in eiulatus, maximè impleuit speciem
no tumultu correptæ. Et in illam quidem o-
rum oculos stupor defixerat: Sed præcipua Me-
andri cura erat, reuoluentis quæ in oraculi mo-
dum

dum edicta erant; Iussam Palladem exulare, ab eundem deam minari, denique piaculum esse commissum. Hæc quo minus capiebat, eo frigidior animus metus incessebat. At Argenis, velut effusa spiritus qui intra præcordia ad vaticinium sequebatur, omissis infulis, quas ademit de capite, supplex accessit ad patrem, rogavitque ut sibi abstinere ab his sacrisliceret. Pudere n. se furoris inassueti, nec conspectum populi tam subito ferre. Hærebat Rex totominibus æger, & præter cætera metuens, ne Lycogeni in suspicionem veniret, quasi hæc monstraturbandis fœderibus ipse ex composito finxisset. Virgo autem inter silentium patris elapsa, deudentibus eam assuetis corporis suæ militibus, concessit ad regiam. Arsidaseque, tanquam officii causa sequutus, acceptis ad Polixarchum mandatis, statim arce digressus est.

Fremitus interim, & mox liberius murmur in irrita plebe. Alii pacem aiebant præsentissimo lumine improbatam, alii ad venturas Siciliæ ades referebant prodigium. pergere quidam ad ora ministros iubebant, & quicquid id erat expiari; Sententiam ferebant promptissimè, qui minimè consulebantur; Sed maxime eminebat vox, Fecialium vocantium. Nam ut Siculis Græcos mores suaigo tradiderat, sic vicinia Italiæ insinuauerat multis ritus, in quibus & Fecialium tota religio. Igitur Meleander, sedaturus pugnantium vota; Nihil tereft, inquit, Palladii ne an Iouis auspiciis firmentur, de quibus bona fide inter viros conuenit. Ades Fecialis Siculorum, & legitimos fœderum us obi. Fecialis in veste prætexta longum carmen citauit, quo dire in fœdi fragos cõtinebantur. Cæ-

sa inde hostia fuit, cuius exta Rex simul, & Lycogenes tenuerunt. Ab hoc sacro intrauerunt in templum, aramq; & puluinar tangentes, rursus fidem obligarunt numinibus. His peractis, se ad regiam pompa conuertit. Sed nec plausus populi sequebatur, nec gratulantibus amicis synceri vultus erant. Rex tamen, vt oportuit, animi dolore fraudato, & ad hilaritatis indicia versus, eo die publicum conuiuium iniit, ludosq; proximo die inspexit, in quibus poeta soccis egit, retulitq; facetos de populo iocos. Regia enim & tragica, edi illo tempore non placebat. Per multos hosce dies, vtriusq; amici, à Rege & Lycogene moniti, non modo abstinuere rixa, sed & frequentibus mutuisq; epulis, securitatis & lætitiæ laruam auxerunt. Nam & Argenis, quæ simulatione morbi iacuerat, in publicum prodiit, postquam Artidas literis significauit, se suumq; vectorem, incolumes Italiam tenuisse.

IOAN-



IOANNIS
BARCLAI
ARGENIS.

LIBER II.

POLIARCHVM ex Sicilia exegisse, visa Lycogeni ingens de Meleandro victoria : Quippe acer iuuenis, maturusq; consilio, sui genii magnitudine regias partes extrulerat, & faciora factiosis scelera erant hoc extincto, vel saltem absente. Mortis enim ipsius opinio diu non constitit, sed siue res suspecta tantum fuit, siue à consciis dita, non obscure Arsidas iactabatur, illi cum navigio salutem obtulisse. Et hæc prima Lycogenis in Regem criminatio, cum per homines subornatos, in populum spargeret, Meleandro fluxam fidem misisse & Rege indignam. Quippe illius iussu legatos à Poliarcho cæsos, & reum clam exemptum applicio, iamq; securum in Italia, fortè ad paria cinora, præstari. Hæc modeste Lycogenes, & tantum apud eos quibus inuisus Meleander : Sed cli- ntes licentius infamiam Regis urgebant. Nouis- nim motibus materia quærebatur; Nec deerât qui

H 3 hæc

hæc tumultuandi initia ad Meleandrum deferrent. Ille consulto in pristina lenitatis specie perseuerabat, vt quæ incuriæ imago res antea eius afflixerat, iam imponeret inimicis. Accendebat eius animum, præter facinora Lycogenis, periculumq; fortunarû virilis in Argenide constantia : Apud quam cum quereretur, quod sacrificium destituisset, fecissetque suspicioni locum, quæsitæ rationis qua fœdera turbarentur; Si quid hic (retulit ipsa) peccatum est, iustius erit de Numinibus te queri. Stimulos ego nec recusare, domine, posui, nec tenere. Cæterum plures sunt qui mirentur te iniisse pacem, quàm me Deosque ab ea refugisse. Ignosce libertati, quàm mihi bonitas tua facit : Forte melius esset inter strenua opera semel perire, quam tot iniuriarû patientes regnare precario. Rex indole supra muliebrem erecta permotus, diu pensatæ seueritatis consiliû exequi statuit; Cui rei conducebat, Epeiræten, siue bello, siue fugæ, aptissimam sedem, incolere, in quam pridem quæ vtrique fortunæ conueniebant dissimulata ratione conuexerat.

Epeiræte in Panormitanorum finibus mons est, aliquot millium ambitum amplexus. Imæ radices abscissis præruptisque rupibus attolluntur; Mox vbi per inaccessas cotes mons in modicum tumorem excreuit, paulatim faciliora latera acclinat, donec ad verticem peruenias haud modica planicie æquatum : in qua & tumulus commode eminet, tanquam à natura productus in arcem. Illud iugum munitionibus Reges firmauerant : Reliquus montis vertex iusto oppido, sparsisq; præterea, & amœnis ædificiis incolebatur. Quo latere ad mare mons pertinet, capax omnis nauigii portus sese in-

ter saxa insinuauerat, laxo aditu, aqua præalta, & propter montis amplexum, à procellis secura. Huic portui oppidum tam opportune imminebat, vt ijs inuitis à quibus obtinebatur, nec subire naues possent, neq; arcta semita teneri, quæ à mari ducebat ad iugum. Qua vero interiora insulæ mons spectat, duobus duntaxat callibus ascendi tunc poterat, iisque pari modo impeditis. Ingens quoque leuamen Epeiræten colentibus, quod quacunque intermittunt ædificia, vberissimi pecoribus pastus nascuntur. Et vt hunc situm, beneficium deorum putarent, effecerat copia fontium, & innoxius aer, in quo nulla veneno infesta animalia viuebant. In limine callis qui surgebat à portu, Cereris signum, cum spicea corona, & serpentum volucris iugo, religionem offerebat intrantibus, ne in salutato numine progredierentur, vel saxum negligerent, quod rudibus literis deam loqui in hunc modum faciebat.

*Si mihi quæ curuo Nereus vebit aquora cinctu
 Omnis humus fruges, atque omnis mitia debet
 Iura locus, vetuiq; fero nemoralia ritu
 Pabula Chaoniis miseros decerpere ramis;
 His saltem ô cuncta meritis concedite gentes,
 Sicano sim tuta solo. Reuerentia nostri
 Adsit, & has nullus surgat populator ad oras.
 Namque mihi hæc sedes, hæc fati dedita tellus,
 Hæc placet. Exerti tantum ferat arma coloni
 Pingue solum, & duro tantum de vomere vulnus.
 Haud iniusta precor. Si quis tamen impia contra
 Signa feret, me me ille grauem, me sentiat hostem.
 Ipsa faces, ipsa arma feram, cognataq; iunget
 Mecum omnis Natura manus. Saturnia proles*

De Ioue sum mater; fraternos cœrula nutus

Vnda timet, nigroq; gener capit omnia mundo.

Meleander multo antè assucuerat illuc diuētere, quasi pulchritudinem loci sequutus, venationum quoque simulato amore quas vicina regio ferebat; Fidissimi militum in præsidio erant, & ne si cœptis fortuna abfuisset, etiam intercideret fuga, vario prætextu, regiarum triremium partem ad stationem applicuit. Captatis quoq; temporibus, quicquid olim cumulauerant Reges, in eam arcem delatum est. Vis magna gemmarum: coraliorum multiplices rami, quos ex vicino mari petierant. Exoticam purpuram per aliquot sæcula coactam pinguis murex suo fulgori seruauerat. Vasa aurea atq; argentea, quorum pauca recenti artificio nitebant: rudia plura, impensius in vetustatis reuerentiam colebantur. Signatæ pecuniæ ingens modus non erat, per liberalitatem Principis exhausto ærario, quam deniq; futuri coniectura minuerat.

Rex vni Argenidi consilia aperuit, sibi regiæ dignitatis vltionem in animo esse: Si simul Lycogenes & factiosorum præcipui, varia negotiorum specie cogi possent ad regiam, (iam enim in diuersa secesserāt) omnibus se iudices, & supplicia daturum. Huic rei Epeircten esse idoneam, vnde & vicina regio teneretur, & in potestate maria essent. Forsitan, inquit, violenta consilia reliquos frangent, qui mee clementiæ fiducia peccant. Sin resurgent sæuius bella, consiliumq; euentus destituet, relinquam ingratissimum solum, tecumque diuitias triremibus imponens nauigabo in Africam. Neq; enim illic defunt qui fugientem excipiant: Et aut ego tantus natu, aut tu in annis eiusmodi clade indignis, fortunam

nunam placabimus. Si ea calamitas incidet, solam Epeiræten commendabo Eurymedi : Hanc cum delecta manu ad extremum propugnet. Interim nobis, (gnata) pœnas dabit Sicilia, grauib; inter ipsos coniuratos odiis lacerata, vulgusque errore discusso, quid illi sint, & quid fuerimus, tristissima estimatione pensabit. Quippe nec in diuidendis facinoris præmiis vnquam conuenient, nec Lyco- geni omnes accedent. Multi enim me percelli, non uerti, desiderant. Sic inter se commissi, pars ad nos respicient : & reditus noster forte illorum beneficium erit, quorum scelere pulsi fugerimus. Tu interim, Argenis, in arcem concede, Vereor enim ne bellum improuiso aut accipi aut inferri oporteat. Vnum vide, ne in tuam familiaritatem ignotæ dei mulieres admittas. Satis est, mea gnata, prodicione virorum nos lædi.

Ad hæc Argenis, gratulata fortissimum consilium Patri, & hortata nouo bello experiri fortunam, adiecit se hætenus cū fide curasse, ne ingenui ingenij mulieribus sua familiaritas pateret. Sed postquam digressi sunt, cogitare acriter cœpit, à qua muliere timendum Rex monstrasset : quæve eum omnino viueret ipsi inuisa. Statimque consuluit Selenissam, ignara illam esse, quæ Timocleam regi suspectam occultissima fraude effecerat. Et tunc quidem callidissima anus, quamquam lætas artes procedere, perfidiose apud Argenidem simulauit mirari se quis ad has curas impulisset Meleandrum. Causa autem cur arcanis consiliis Timocleam petiisset, hæc erat. Argenidem illius officiis in Poliarchum senserat esse captam, crebaturque ne iucundissima nouitate Matriona

De Ioue sum mater; fraternos cœrula nutus

Vnda timet, nigroq; gener capit omnia mundo.

• Melcander multo antè assueuerat illuc diuèrtere, quasi pulchritudinem loci sequutus, venationum quoque simulato amore quas vicina regio ferebat; Fidissimi militum in præsidio erant, & ne si cœptis fortuna abfuisset, etiam intercideret fuga, vario prætextu, regiarum triremium partem ad stationem applicuit. Captatis quoq; temporibus, quicquid olim cumulauerant Reges, in eam arcem delatum est. Vis magna gemmarum: coraliorum multiplices rami, quos ex vicino mari petierant. Exoticam purpuram per aliquot sæcula coactam pinguis murex suo fulgori seruauerat. Vasa aurea atq; argentea, quorum pauca recenti artificio nitebant: rudia plura, impensius in vetustatis reuerentiam colebantur. Signatæ pecuniæ ingens modus non erat, per liberalitatem Principis exhausto ærario, quam deniq; futuri coniectura minuerat.

Rex vni Argenidi consilia aperuit, sibi regiæ dignitatis vltionem in animo esse: Si simul Lycogenes & factiosorum præcipui, varia negotiorum specie cogi possent ad regiam, (iam enim in diuersa secesserāt) omnibus se iudices, & supplicia daturum. Huic rei Epeircten esse idoneam, vnde & vicina regio teneretur, & in potestate maria essent. Forsitan, inquit, violenta consilia reliquos frangent, qui meæ clementiæ fiducia peccant. Sin resurgent sæuius bella, consiliumq; euentus destituet, relinquam ingratissimum solum, tecumque diuitias triremibus imponens nauigabo in Africam. Neq; enim illic desunt qui fugientem excipiant: Et aut ego tantus natu, aut tu in annis eiusmodi clade indignis, fortunam

nam placabimus. Si ea calamitas incidet, solam
peiræten commendabo Eurymedi; Hanc cum
electa manu ad extremum propugnet. Interim
obis, (gnata) pœnas dabit Sicilia, grauib; inter
fos coniuratos odiis lacerata, vulgusque errore
discusso, quid illi sint, & quid fuerimus, tristissima
estimatione pensabit. Quippe nec in diuidendis
acinoris præmiis vnquam conuenient, nec Lyco-
geni omnes accedent. Multi enim me percelli, non
uerti, desiderant. Sic inter se commissi, pars ad
nos respicient: & reditus noster forte illorum be-
neficium erit, quorum scelere pulsi fugerimus. Tu
nterim, Argenis, in arcem concede, Vereor enim
ne bellum improuiso aut accipi aut inferri oport-
eat. Vnum vide, ne in tuam familiaritatem ignotæ
idei mulieres admittas. Satis est, mea gnata, prodi-
tione virorum nos lædi.

Ad hæc Argenis, gratulata fortissimum confi-
dium Patri, & hortata nouo bello experiri fortu-
nam, adiecit se hætenus cū fide curasse, ne igno-
ti ingenij mulieribus sua familiaritas pateret. Sed
postquam digressi sunt, cogitare acriter cœpit, à
qua muliere timendum Rex monstrasset: quæ ve
secum omnino viueret ipsi inuisa. Statimque con-
suluit Selenissam, ignara illam esse, quæ Timocleā
Regi suspectam occultissima fraude effecerat. Et
tunc quidem callidissima anus, quamquam læta
suas artes procedere, perfidiose apud Argeni-
dem simulauit mirari se quis ad has curas impulif-
set Meleandrum. Causa autem cur arcanis confi-
liis Timocleam petiisset, hæc erat. Argenidem il-
lius officiis in Poliarchum senserat esse captam,
verebaturque ne iucundissima nouitate Matrona

veteres amicitias anteiret. Ergo inuidiæ curis grauis ad familiaria in aulis flagitia & odia se conuertit. Nihil tamen aperte in Timocleam loquuta est. Arsenim & causa perierat, si deprehenderet Argenis fraudis ingeniū. Sciebatque præterea, se muliori grauiorem hostem fore, si eam odisse non sciretur. Varia itaque ingerebat, quibus consultissimum esse probaret vt Argenis beneficium in eam aut omitteret, aut differret. Visne, inquiebat, scire Timocleam hæc præmia esse occultati Poliarchi? visne secretæ inter te & illū fidei pignora in plures emanare? Solertius mecastor feceris, si tanquam tuo opte ingenio illi mediocriter fauebis; vt dari non referri beneficium credat. Sit vero suæ domi. Non careret suspicione, illa tuæ familiæ accessio. Finge enim (quod & Superi faxint) nunquam in vulgus periculose emanaturum, ab ipsa Poliarchum esse seruatum. At quid iste hospes Archombrotus? Scit quantum de eo sit merita; & præmia tam subito scilicet à te solui non sentiet?

His, & pluribus, sibi verius quam alumnae cauebat Selenissa, rata actum de gratiæ quo eminebat fastigio, si præter se alia esset cui nihil sileretur. Sed tam commode, tantoque circuitu peccabat, vt videretur vnā Argenidem curare: Assiduum & exitiabile Principibus malum, apud quos gratiosi prætextu iuuandi aut monendi, satiant inuidiam, & interdum æmulos laudibus attollunt, vt maligna deinde inferentibus sit pronior fides. Ergo & Selenissa suspiciones secreto ornauerat, quæ in Timocleam Regi allapsæ sunt; Hanc olim fauisse Lycogeni & adhuc incertam fide esse; tamen ab incauta Argenide amari. Rursusque apud Argenidem

dem eiusdem matronæ laudes, & merita, miscebat imagine periculi, quod in ea subuehenda timendum videbatur. Et quoniam partim vera monebat, effectum est, ut vix melius ab Argenide Timocleæ esset, nisi quod interdum, ut solebat, venienti, familiarius se præbebat, augebatque recedentem aliquot donis, liberalitatis occasione utique semper apte quæsitæ.

Inter hos dies Argenis, ut erat imperatum, comitante Ibburrante, qui tunc forte negotiorum causa in regia erat, Epeircten profecta est. Nec multo post Meleander, cum in idem oppidum se conferret, ingens vitæ periculum adiuit, siue suorum fraude, siue factorum consilio, gratiam & fauorem Archombroto quærentium. Lacus erat passuum non plus mille in ambitu, placidis quidem & facilibus ripis, sed aqua deinde præalta, & instabili fundo. Ad illum Regis auriga declinavit tanquam via magis aprica ducturus. Frequentia currum qui illic quotidie agebantur, multis orbitis notabilis, ne quid timeretur effecerat, cum ecce Regis equi seu sponte consternati, seu culicum palustrum stimulis acti, aut denique proditione ductoris, quasi satis alte iubis & periculose arrecti, viam in lacum præcipitant, omnibus quidem qui in comitatu erant pauidissima vociferatione certantibus: sed pauci ferebant auxilium, siue intempestiuo metu sibi cauebant, siue subiti atrocitas periculi vires torpentibus eripuit. Inter illos qui ruentem per devia currum cum fide sequebantur, nemo Archombroti celeritatem æquauit. Nunc aurigam ille monere ut acrius equis obsisteret, nunc Regem ut ab curru in aquas desiliret nondum hominis mensuram æquauit.

æquantes. Ferebatur interim currus, primasq; iam rotas altior aqua suppresserat. Tum vero Archombrotus virile facinus ausus, quia impeditus fluctibus equus tardius eum vehebat, se in lacum pedes misit; Ad vicinum deinde currum præcipitans, volentem Meleandrum arrepta pone veste tam mature detraxit, ut eodem ferme momento lacus subita voragine desidens, totos cum vehiculo equos absorpserit. Archombrotum Regis pondus in se e curru collabentis afflixerat, tum ex pingui argilla lubricum fundum, & ipsius aquæ instabilis moles quæ perueniebat ad humeros. Nec minus Rex laborabat sua vestigia obfirmare. Ita luctantibus similimi inter se inuicem hærebant, cū iam prope cedentes incumbenribus vndis celerrimi amicorum eripiunt.

Vbi ad ripam Meleander peruenit; tanti quod euaserat periculi horridior imago tum suo, tum suorum animo infedit. Illud præcipue horrorem augebat, quod imperitus natandi certissime periisset, nisi Archombrotus contempta salute veluti in se auertisset periculum, quem vbi & natandi rudem esse compertum est, cœpere utiq; omnes impensius mirari hunc in Regis discrimine adeo vilem sibi fuisse, iuuenem, externum, non beneficio, non lege obligatum, cum tot, proh pudor gentiles & obnoxij cessassent. Præcipue Regem, ut debuit, hoc beneficium permouit. Cupide illum amplexus erubescens ad suas laudes tenebat, & iam antea tanta indole ad amandum compulsus, gaudebat hoc casu potestatem esse factam eum sibi intima nec inuidiosa familiaritate iungendi. Interim Regis auriga clapsus fluctibus vultu horrendo
ad

ti ad ripam tendebat, cum Eristhenes diu ante verbis in eum bacchatus, gladium strinxit, & tanquam Regis periculum vindicaturus, improuiso omnibus ictu excipit infœlicem. Confossus ille ruit in aquas, magno quidem iuuentutis quę aderat plausu. At non illa consultioribus placuerunt. Sinon enim hæc aurigæ culpa contigerant, cur miser tam cruento mulctabatur? Sin noxam meruerat, cur nõ habitâ quæstione, non editis consciis, facili morte eripiebatur suppliciis? An vnus denique Eristhenes Regem amabat, tam properę vltionis minister? Lapsi inde animi, vt auriga crederetur factione Lycogenis emptus Regis vitam hoc facinore petiisse, & quoniam sceleri fata obstiterant, ne coniurationem prodere cogeretur, ab Eristhene Lycogenis amico esse sublatum. Sed Eristhenis potentia, nondumque maturum ad vltionem tempus, quamuis inuitum Meleandrum ad dissimulandum coëgit, vultu quidem sic placido, vt nec se Eristhenes senserit esse suspectum.

Vbi Epeircten petuentum est, frequens Optimatibus oppidum fuit, de Regis salute gratantiũ Meleandro tegente quid animi sibi esset, & ad omnem hilaritatem se cogente. Erant in primis Lycogeni amici Oloodemus, & Eristhenes, per hunc ad ingentis potentiaę gradum subuecti. Nam Eristheni summam ætarij Meleander crediderat, certus se has vires hosti conferre, sed ita tempora, & quam iniuerat simulatio, ferebant. Oloodemus, quicquid ad Pachynum promontorium iacer regendum acceperat. Hi facinus inter se partiti, diuersa procurabant, & cum Lycogene Oloodemus corrumpendæ Siciliæ à Regia aberat, Eristhenes maris

neris sui specie incumbibat Regis consiliis. In his tribus summam hostilium virium esse constabat. Rex quamquam consilij iam certus, tamen quid Cleobulo sententiæ esset scire expetiit. Eury medis quoque consilio plurimum utebatur; Et Archom- broti summa gratia erat. His tribus secreto conuo- catis Meleander Argenidem secum habens, ita pri- mum locutus est, ut non ostenderet suum sensum, ne præiudicio illo periret libertas sentire timen- tium Regi contraria, aut se frustra dissuadere cre- dentium. In quo rerum articulo Sicilia esset osten- dit, importuniorem illam pacem pristino bello, Hæc se pridem auguratum Epeiræten, in qua tunc arce erant, muniisse, scire se, ex paucis capitibus momenta tam atrocis seditionis pendere. Iam ro- gare quid authores sibi essent. Nemo in tantis re- bus audebat loqui prior, donec in ætatis reueren- tiam, expertæque prudentiæ, Rex Cleobulum di- cere iussit: Et ille, Strenue, inquit, agendum est, ô Rex, aut expectandum tanquam velatis capitibus maturum exitium. Mediocris virtus pro vitio tibi erit. Nec aut famam, aut deos, si te de istis hostibus vlcisceris, lædere puta. Nam & primus Lycogenes peccauit in fœdera, & ipsius supplicio qui te con- temnunt, vel odere, mutabuntur. Scimus sollicita- tas vrbas, descriptos milites pene sub signis esse. Quid moraris? An donec nihil amplius in Sicilia syncerum? Timesne turbare adhuc præcoces illorū apparatus, aut religiose expectas, donec ferrum iubearis recipere? Eristhenem hîc habes; Lycoge- nem, & Oloodemum, tanquam ad consilium in re subito oblata, accerere. Si venient, confestim maie- statis damnatos conficias. Sin abnuent, hos tu vero con-

contumaces, nec dum omnia instructos, iusto cele-
stique bello persequere. His Cleobuli verbis adiecit
Eurymedes, spondere se, peditum sex millia, equi-
tesque quingentos, in fide & potestate fore. In præ-
torianis partim hos esse, partim in Epeirætes præfi-
dio. Alios Panormi, & in arce Epipolis distribu-
tos. Tantillam veteranorum manum tyrønibus
posse præstare, quoscunque delegisset Lycogenes.
Et ubi regia vexilla fulsissent, haud dubie multos
se melioribus partibus applicituros.

Inter hæc, Archombrotus, illata armorum men-
tione hilarior, ratusque locum esse, aliquid pro Po-
liarcho audendi: Ego, inquit, & externus, & iuue-
nis, de summa rerum non disputo. Sed si bellum
vobis placet, cur auxilia vestra respuitis? cur ante
discrimen frangitis vires? Poliarchum Lycogenis
invidia pulsum, adhuc hodie nemo est militum
qui non optet restitui. Præterquam quod bellicis
artibus valet, timendumque est hostibus nomen,
scitote illius reditu conspectuque, tanquam salutis
auspicio, præoptiores ad omnia exercitus fore. Equi-
dem quærendum censeo, excusataque temporum
necessitate, quæ illum hinc abegit, ad nouam lau-
ream inuitandum.

Hæc fidenter pro Poliarcho orantem Argenis
intuebatur, eo potissimum læta, quod Rex illum au-
de audiebat. Itaque ne quis tam liquida & proli-
xa omina turbaret, ipsa adiecit, in eadem qua Po-
liarchus causa, Arsidad esse; quem omnes ferunt,
inquit, in Italia moras trahere, tanquam solum exi-
lij causa vertisset. Nec aliud ipsi crimen, quam ad-
uexisse Poliarchum. De Arsidad fide, ô Rex, non du-
bitas; & fortasse de nobis isto facinore, quæ de Po-
liarcho

exciderat superuenientium rerum mole, eo facilius quod non amorem mutuum, sed iuuenilem in Poliarcho insaniam esse coniecerat. Tum vero diligentius omnia reuoluebat : bis ad Argenidis nomen Poliarchum obstupuisse : bis de virginis ætate & moribus rogatum, respondisse strictim tantum, & ut scires incompositi ad hoc nomen animi esse. In illius rei memoria hærenti, succurrit, Argenidem, dum Arsidam apud patrem tueretur, inter seria verba & preces, totam arsisse. Facinus autem Arsidæ ad rem Poliarchi pertinebat. His utrinque pensatis; secretæ inter illos necessitudinis facta est Archombroto suspicio. Occurrerunt illicet cogitanti, virtutes Poliarchi, & quicquid hunc ad spem tantam subuehere potuerat, aut sollicitate Argenidem. Certe quod illius genus lateret, aliquid eximium posse subesse. Neque enim, inquiebat, solus sum, cuius genus, aut fortunæ, ex illa quam subij dissimulationis larua æstimari non debeant. Sed dum Argenidis speciem, fortunamque, ad animum reuocat suum, fœlicemque hoc amore Poliarchum tacita gratulatione ingeminat, ea ipsa laudare incipit & mirari, quæ antea intactus aspexerat. Nam quid Argenide venustius esse? cui vnquam ad tantum habitum, tantosque parentes, tot virtutes accessisse? Si non generis prærogatiua esset, sed ex Sicilia virginibus delectus haberetur, neminem ante Argenidem ad regnum asciscendam. Sapientiam, modestiam, verba, suo sexui præstare; speciem supra mortalem esse. Post hæc ad se redibat Archombrotus, nec indignam tanta spe nobilitatem suam; haud dubium nouis ignibus alimentum, reputabat. Et id primo non quasi amaturus; sed tan-

tum veluti ociosa, nec imparia tamen vota. Capi inde paulatim, & oblectatione iam anxia ad earum rerum imagines teneri; ignarus, si victor & liber esse vellet, fortitudine opus esse in hac ipsa amandi initia. Quantum charior fiebat Argenis, tantum de amicitia decedebat, quæ illum Poliarcho coniunxerat, primum invidia, mox æmulationis malo grassante. Ita æger, & ad animi captiuitatem adductus, horto digreditur, quem paulò ante fœlix solutusque intrauerat. Accessio mali fuit, quod ad solatium in ea tempestate solitudinem querens, solus cœnauit. Nam cum tacitus secretusque, non aliud quam amorem audiret, paulatim, illis curis se permisit, quæ intra paucissimos dies efflictum amantem nondum expertis malis vrserunt.

Dum hæc apud Regem aguntur, non solutioni cura cum suis Lycogenes meditatum facinus adornat. Is ad præcipua oppida non vno prætextu diuertens, magistratus exhibito conuiuio hilariores monebat, ne publicam libertatem sinerent prodi. Pessimis consiliis infestari Siciliam, meminissent se in regno, non sub tyrannide esse: Nec in Regem quicquam addebat, nisi ita perplexe ut id posset vel Meleandro excusare. Cum his verbis incitatos videbat, quasi familiaris agens, imperfectum aliquid inter suspiria, vel publice, vel præcipuis in aurem, loquebatur, ut pia sollicitudine plura timere videretur, quam quæ auderet euulgare. Inde non pauci, in eum ut patriæ columnen aspicere, cura que subtristi Meleandrum fastidire: Cum præsertim iactaretur in populo, nunc contemptis popularibus ad publica negotia acciri peregrinos, nunc tributa & portoria augeri: cædes denique imminere à Principe
super-

superioribus bellis infesto. Præter has artes, sacrificuli pretio empti haud parum valuerunt. Ominibus & auspiciis ementitis omnia in religionem vertebant. Seu publice, seu priuatim mactata hostia erat, effictis prodigiis spectantes terrebantur, nunc caput deesse iecinori, nunc turbato ordine, fibras commicare extra sedem, semperque noua fata instare, & meliora præteritis: Nihil autem quod tunc fieret diis placere. Contigerunt præter has laruas, non falsa, aut fucata prodigia, quibus affirmabantur proximæ clades. Nam & de cælo lapidatum est, & alicubi gemini soles micuerant. Sed pauca hæc monstra fictis innumeris fidem fecerunt: ut homines omnia temere crederent, timerentque. quem miserrorum statum quidam Poëta, & ipse publicæ infamiae non expers, descripsit.

*Parcite Cœlicolæ; Quid demere vincula rebus
Heu placet, & miseras monstris euertere terras?
Nunc cælo informis facies, nunc aëra fœdi
Incastant Manes. Liuent per inane Cometa,
Et nec friget hyems, vector nec floribus halat
Phryxæus, posuitque suos canis æstifer ignes.*

*Qualiter ignoto cum Sol nouus aëre gyrum
Per modo nascentis cunabula duceret Orbis,
Expers sæpe via, sæpe alti pondere currus
Errauit dubius, totumque immiscuit annum.
Cernis anhelanti quam nigra volumina tollat
Ætna iugo? cernis quanta uehat æquora mole
Auster, & in nostras spumantia degerat oras?
Ceu quondam Ausonio cum dissociata recessit
Littore, frangentes exhorruit Inſula nimbos.*

*Magna quidem portenta deum; Tamen omnia supra
Seuit corde pavor. Vates sibi quisque malorum*

re me pudeat contumeliosam numinibus vesaniam. Negat vllum mortalium, vlli sceleri operam dare, nisi qui illi perpetrando ab adigentibus diis damnatus est. Vtunque vero in vitia pugnes, in te sis innocens, commodus hominibus, in deos liberalis, eiusmodi pietate effici non vult, vt amicior diis viuas. Non hæc enim omnia esse illam virtutem, quæ acceptos immortalibus homines facit, sed illius tantummodo signa virtutis. Præterea non esse in delictis discrimina; sed in hominibus qui delinquent; Si quidem à diis exosos, vel oleris turto mereri quicquid Fariæ apud Poëtas faciunt. Cæteros vero non parricidio, nō incestu, libare amicitiam qua cum Numinibus sunt coniuncti. Ita ab vno scelerum cœno hos intactos, illos amisso decore excedere. Velut in aquas si quid anserini generis mergas, inde inuiolata siccitate eduxeris; cum cæteræ aues, aquis iisdem, & minori sæpe mora temporem & vsum pennarum corrumpant. Parco cæteram V sinulcæ amentiam memorare. Nec habuissent hæc monstra longi æui discipulos, nisi incidissent in Regum pueritiam, quibus temporibus vt plurimum turbulentis fœda omnia nec arceri, nec corrigi possunt. Auxit hunc morbum factionum atrocitas; & quidam Optimates odio eorum qui sub pueris Principibus rerum potiebantur, præbuere se tumultuantibus Hyperephanis duces. Tum vero luctuosissimo sydere percurrerunt domestica arma Siciliam, & ad Hyperephanios defecerunt quotquot seditionum licentiam amabant; in ipsos ausi Reges signa attollere. Nihil illorum furori relictum est. Calcare aras deorum, euertere templa, fœdare oppida incendiis,

I 3 & ci-

& ciuili sanguine suam furiis consecrare nouitatem. Post tot annos adhuc veluti truncas vrbes excisis Numinum tholis aspicias, in quibus sæuierūt. In illis tumultibus tanto diuortio à cæteris recessere Siculis, vt tanquam aliam patriam, aliumque populum facerent, ne iētis quidem fœderibus redierint bona fide in communionē reliquæ gentis: discordique ingenio acti semper arma aut minentur, aut timeant.

Ita affectis animis, quid Regibus putes liberi in eos imperij esse? Vrbes, milites, portus, tantumque non totas insederunt prouincias, ex quibus cum supercilio consulunt quid iuuari à se Regem aut sperni expediat. Cui si bellis occupato, aut inter alia laboranti negocia, operam suam promittunt: tanquam digni quibus gratiæ habeantur, fidem hanc iactant; obliti à bonis ciuibus tunc eiusmodi spōsionem non exigī, nec forte vt toties eam repeterent, si semel tuta esset. Sed sociorum vtrique magis quam ciuium more auxilia præstant, Regisque aut sequuntur aut auersantur consilia. Sic deorum Principumq; arbitros agunt; quid vtrisque ipsi debeant, non ex patrio ritu, sed ex suis ingeniis metiti. Quantas clades hic morbus minetur Siciliae vel nullo proficiente agnoueris. Nam vt peruicacissima sunt odia, quæ ex diuersarum religionum litibus feruent; iure timendum est, ne aliquando Hyperphanij quod suis consequi viribus non possunt, excidio patriæ quærant, peregrinis gentibus, æmulisque, nō magis ad bellum quam ad prædam, & veluti Siciliae possessionem accitis. Quod si ista meliores dii auertent, at iam quanta sunt quæ videmus quæque sentimus? Si filij irascuntur parentibus,

bus, si Regi Optimates, continuo in hanc sectam, veluti ad certissimæ manumissionis genus, fucata professione secedūt: nec ignari, quod sibi præcipue noceant; sed tanti est suo errore æmulos macerare. Quid de Vestalibus dicam? quid de mystis deorum? Vbi illos castitatis suæ rædet, impune maledicunt religionibus, & incestarum mercede nuptiarum se Hyperephaniis dedunt. His exemplis, illaque differendi & viuendi licentia, labefactatur vulgus; vt primum qui dii aut qua ratione colendi sint dubitet; mox rudi aut impio fastu nihil sacrum habeat, nihil de Superis certum; Sic Numinum rebus indicta est isto facinore calamitas, simulque in publicam pacem serpit, & ægræ Siciliae carpit vires; quæ nunquam in pristinū robur exurget, nisi prius Hyperephaniis ad saniora adactis vulnus hoc duxerit cicatricem.

Tum Archombrotus; Quid ergo Siculi cessant, ait, vna mole obruere incendium? quidve grauantur iusto ferro hanc tabem noxiosissima contagione serpentem excindere? Equidem vel ego exterius manus meas & ferrum ad hoc promitto; Neque me vnquam gratioribus victimis operaturum credam, quam si eorum sanguinem diis dabo, vel meum adactis vulneribus ipsi libabunt. Hæc te Melcandro dicere, Ibburranes, & ad hæc bella cum vrgere æquum fuit.

Hic Ibburranes; Laudo imperum tuum, inquit, egregio feruore succensum. Sed sunt tamen qui nō sine argumento contraria sentiant, quia rerum successu compertum est, vt quædam animalia aluntur veneno, ita hanc sectam inualescere publicis malis, interque bella & clades saginari. Alias igitur

tur artes, easque mitiores quæsiuere, quibus maculam Sicilia eluat, credideruntq; Regum prudentia, absque ferro & sanguine, morbi sæuitiem ponere posse. Si quid vero ipse sentiam quæris; neque cum illis pacem neque bellum simpliciter volo. Nam si quietem possunt pati, non hos puto ullis moribus sollicitandos. Sin in Regem remque publicam seditiosis consiliis sponte insurgent, ferendos non arbitror; sed vi armisque premendam vesaniam superbe furentium. Pia tunc arma, tunc omni laude digna in eos seueritas. Totis regni viribus enitendum ne impune auferant abominandi in Reges exempli audaciam. Et eo quidem celerius vindicandum est facinus, quo ipsi ferocius solent grassari in cunctantes: nostramque patientiam pro imbecillitate contemptim accipere. Neque enim hæc secta, ferendo, parendove (vt solent meliores disciplinæ) quærit sibi incrementa, sed iurgio, rixa, tumultu, sua facinora assuevit asserere. Ferro igitur, & plusquam æmula ferocitate, censeo in eos esse agendum, quoties suis iniuriis Regem ac Patriam laceissent. At si seditionibus, si rebellio abstinebunt, patienturque mitius se haberi, tunc ego cum illis pacem malim. Iam enim in plures serpsit labes, quam vt singuli inter reos scribi possint, & citari à lictore. Ac præterea iuuentute abundat Sicilia, quam nunc leuitas, nunc egestas, nunc ipsa armorum cupido sic versat, vt non iure aut pudore æstimato factiosus det nomina, & in militiam coëat quantumuis superis mortalibusque auersam. Ita multum armis certatur, accedunt spe prædæ ad istos Hyperephanios, qui eos in pace deuouerent: & Reges bello illato plures de nouo reos faciunt, quam

de

de veteribus extinguunt. Præterea veluti fila per se tenuia ac soluta facile rumpas : At si ea inter se violento implicas nexu, quo fortius premis, eo validius stipantur, coeuntque denique in funem cui frangendo nunquam suffeceris. Sic isti per se forte negligentiores suarum partium, vbi intentatos iugulis vident enses, qui coactam, id est, vt existimant, pudendam pœnitentiam extorqueant, interdum furioso & quem ægrè exolueris nexu coniurant. Itaque pace, ocio, regni fœlicitate (si ipsi importunis tumultibus ad arma Regem non cogent) debellandi sunt, quo tempore nihil ex publicis latrociniiis habent quod incertis & seditiosis auxiliatoribus largiantur, neq; incitati aduersantium feruore, plurimum quoq; de suo remittunt. Ex ipso enim deinde præcipuis multi ad Regem respiciunt, ex cuius amicitia in illo sereno omnia pendent. Is autem si non tam odio quam contemptu prosequetur eorû disciplinam, efficacius omni bello nobilium animos ad pœnitentiam coget : Qui si malo pudore prohibebuntur suam sectam eiurare, saltem liberis suis consulent, magistrisq; eos tradent per quos erudiantur ex veteri more, viuantq; in Regia gratiosi. Nam qui cœlo, argumentis, veterumq; præceptis vnam pertinaciam anteponunt, adhærentq; Vlnulcæ, vincentur, mihi crede, hoc honorum aditu, & spe regionum munerum, cautè præclusa. præsertim si non hæ pœnæ legibus publice latis in eos cōstituantur (nam id ipsum satis iratis esset ad questus, coniurationemq; & contumacia arma) sed lento quodam vsu, Principisq; ingenio, nequaquā in eos diuidentis reipublicæ munera, quæ conferri aliis possunt, neque ferentis vt extra licentiam quā

I 5 leges

leges faciunt exerrent. Cætera sit in eos mansuetus, & interdum familiaribus verbis dignus ipsis videatur cui placeant. Multi enim inter illos, Archom-brote, non suo, sed sectæ & institutionis vitio pec-cant, absq; hac esset, recta indole, paresq; maiori-bus futuri. Hos, cum licet, corrigi mehercule præ-stat, quam euerti, aut ad infaniora adigi necessitate. Ista vero utcunq; lenta remedia, paulatim Hypere-phaniis nervos excindunt: & qui specie altioris sa-pientiæ coaluerunt, tandè segni nec irritata vetusta-te, philosophia quoq; excussa atq; contempta, quæ exoriens tanti supercilii fuit, non ægre soluentur. Sed hæc sunt solidioris pacis consilia, quam ô huic regioni numina restituant, nec Hyperephanios pa-tiantur auxilium Lycogeni ferre. Hunc certe, quid-quid fama iactetur, ad eorum religiones accessu-rum non arbitror, nec ut illi factioni commende-tur, id est vix Siculorum quadragesimæ parti, cæ-terorum odia contracturum. Cum hæc Ibburra-nes dixisset, Archombrótum ad cœnam vocavit, monuitque familiariter, ut & ipse Hyperephaniis perbenigne vteretur. Nam plus illos (ut res Siciliae erant) corrigi blanditiis, exemploque, & sobria dis-sertatione, quam professo, semperque mutuo fasti-dio, posse.

Iamque maturis apud Lycogenem rebus, dicta facinori dies erat, medio vere, ad decimum men-sis, qui Thargelion vocabatur. Eristhenes haud procul Epeiræ prædium habebat, & saltum in eo, quem intactæ diu feræ impleuerant. Is destinata insidiis dñe illuc cum Argenide Meleandrum ad conuiuium vocare susceperat, si procederet fraus, Meleandrum atque Argenidem, tanquam signis
tabu-

tabulisque spectandis in ædium penetralia cum paucis deductos adorturus, emissurusque per posticum celerrime tradendos Lycogeni. Si restitisset Meleander, aut ad auxilium pertinacius prouocasset, eum interimi placuerat: Satis esse si potirentur Argenide. Quod si Meleandrum eo die omina, aut valetudo, intra Epeiræten tenuisset, tunc Lycogenes, ad eum opprimendum cum subito exercitu adesset. Hunc enim illo die Syracusis esse volebant, & ad eum suæ factionis homines, tanquam Procerum, urbiumque nomine, coire cum tumultu, ducemque dicere publicæ causæ in Regem. Superuenire debebat Oloodemus, cum manu ad hoc ipsum ante collecta, rei nouitatem suffragio asserturus, & viribus. Descitura ab Rege pleraque arbitrabantur, tum prioris belli exemplo, tum Præfectorum & Magistratum fraude, quorum multos ipsi subue-xerant, denique sponte animis ad seditionem spectantibus.

In hunc modum institutis utrimque consiliis, Lycogenem Meleander, & hic illum occupare decreuerat. Sed Argenis duplici sollicitudine icta, cum & Poliarcho & regno studeret, eximiæ diligentiae erat in ijs vrgendis quæ apud Regem amici censuerant. Comparanda Poliarcho erant dona. Arsidas reuocandus, & qui hæc curaret, fidum hominem resposcebat. Nemo, extra vnum Archombrotum, deprehendebat priuatas in virgine curas. Sed illum amoris assidue sæuienti pene iam imparem, & in Argenidis pro Poliarcho studia haud vulgari emulatione quærentem, vix fallebant illa consilia. Super omnia seipsum accusabat, quod reducendi Poliarchi author regi fuisset, adeo ut interdum sume-
ret

ret impetum adeundi secreto Meleandrum, & contraria sentiendi : Sed pudore coercitus, simulq; reueritus Argenidis iram, tam peruicaci consilio abstinuit. Accidit fortè, vt ad Meleandrum iret, super Arsidæ reditu cum filia colloquentem; Et tunc quidem ab recenti beneficio commendati apud Regē Poliarchi gratior Argenidi erat. Ergo vt suæ causæ patronum hilariter intuita, cum quoq; solito familiarius salutauit, ignarumq; cur hæc ad se blanditiæ essent, ita affecit, vt subita confusus lætitia, vbi primum licuit, ad colligendas vires in cubiculum rediret. Illic nimio nec securo gaudio, multum animi incertus, ita deniq; sibi loquutus est. Te autem esse fœlicem? te amori litauisse? Quid enim? Non frontem Virginis vidisti? non oculos? cum venisti, non tota exiliit? Infœlix! nimis ineptè meâ spem indulgeo. Nunquam dii tanta præmia tam faciles concedunt. Vulgares nuptias nulla tempestas, nulli casus illustant. Eximiis vero amoribus fortuna intercedit, vt ipso labo e sint pretiosi quærentibus. O fallar, nec illa salutatione, illo Argenidis vultu, quo tantopere mihi nunc placeo, exitium ipsa portenderit. Hei mihi! quod vix cogitare sustineo, num hæc beneuolentiæ signa Poliarchum petebant, & ideo blandior fuit, quod eum apud Regem sententia mea iuui? An orantis species fuit qua patrociniū rursus meum pro illo deposceret? Non est tanti, nō per Argenidem, vllus amor. Nec volo Argenidis in me beneuolentiam debere Poliarcho, nec mihi Poliarchum debebit Argenis. Egone alienæ fœlicitatis minister in meam cladem pugnabo? Ego vilis abiectiq; animi penè ad seruilia officia amabor, & Argenidem alteri tradam? Erras tamē Archom-
brote,

brote, si vi agendum putas. Precibus, patientia, obsequio, impetrabilis amor est. Servire, an imperare Argenidi paras? Aut quam hæc inuerecunda esset oratio; Nolo ut ames Poliarchum? Vix austerus aliquis pater sic iuberet. Quæ ametur indigna est, vel præstantissimum amabit. Virtute, gloria, fama in Poliarchum certandum est. Et tua quoq; interest hic eum reuocari. Semper enim de absentibus tenerius, & quadam miseratione sentimus; Præsentis autem ut placeat Argenidi poterit, sic aut rixa aut fastidio esse ingratus. Explorabis cur ametur, aggredierisq; eadem virtute virgini te probare. Quicquid ager, affectu superabis: & si cætera scilicet non cedent, ferro deiicietur. Facilis erit ad iurgia pugnamq; occasio. Ut sit vero fortissimus, tamen fortior amor est qui meam manum reget. Interim dum de reditu ipsius agimus, facilis ad colloquium erit Argenis. Me audire, mihi credere assuescet. Sæpe autem ubi adoleuit beneuolentia, longe ad alias causas valet, quam propter quas esse incepit.

Cum Archombrotus in hanc sententiam coegisset reluctantem animum, ad Meleandrum redit, ibiq; ad nouæ indignationis materiem præsentiori causa deductus est. Persuaserat enim Regi Cleobulus, ut quæ munera ferrentur Poliarcho tanquã ab Argenide essent. Ipsa exors est facinoris, inquit, quod eum à Sicilia expulit. Regni autem secundum Te etiam ad illam pertinent. Sciet præterea sub eius precibus tuas latere. & qui fortasse durior nobis esset, certè non litigabit cum virgine. Meleander mirificè probata sententia; Age, inquit, restat & munus, & hominem qui ferat deligere. Timonides strenuus iuuenis erat, fideique in Poliarchum notæ, quem

quem mox Argenide suggerente, huic furtivæ legationi Rex destinat. Hoc ita constituto, iam quod munus mitteretur, inter se pensabant. Forte mercator ex Syria Indicas & Arabicas merces, plerunque inutilem vanis gentibus luxum, aduexerat. Inter cætera erat armilla ex serico texto, quod totum varii generis lapilli sic implebant, per suos colores distributi, ut aliquot ferarum aut fugam figurarent aut iram, quas hic telis venatores sequebantur, hic excipiebant venabulis. Pretium gemmis, & operi, ingens, quippe quod talentis quinquaginta indicabatur. Multi Siculorum hanc viderant, plures audierant celebratam non ignobilis Poetæ opera, quem suo fulgore ad hos versus rapuerat.

Dicite surgenti confinia littora Phæbo;

Quam nitidus vestris hic Deus exit aquis?

Cum tingit virides hilari fulgore smaragdos;

Aut facit, ô adamas, te sibi luce parem.

Pallentemve onychem, varium vel iaspida miscet,

Vel cui purpureo nomen ab igne venit.

Caruleasq; notas & flammis implet, & auro,

Ceu variat curvas comptior Iris aquas.

Hæc tamen haud vno cuncta sub litore gemma

Nascuntur: Nam cui gloria tanta solo?

His nitet immensus Ganges, his flauus Hydaspes,

Est & Erythrai lucida concha sali.

Vna omnes armilla tenet, par omnibus vna;

Omnis in hæc Oriens lucida texta coit.

Dî super il pretium nitida formamq; corona!

Quam volet amplecti tanta corona manum?

Ut natat in solidis lux alternata lapillis!

Oraq; venantum quam bene gemma facit!

Diues en hic ceruus, quem ditia tela fatigant:

*Et leo, quem pretio cerne timere suo.
Lemnius? an nondum Telchines naufraga saxa,
Artifici gemmas sic posuere manu?
Digna quidem Iouis hac vibrare armilla lacerto,
Cum quatit imbrifera luce coruscus humum.
Ipsa, licet diues, placata hoc munere Iuno,
Poneret offensi iurgia saeva thori.
At te seu veri, seu fama gloria tangit,
O quisquis tanta brachia dote coles:
Vince animo censum, ne hac optima saxa putentur,
Tuq; genus Pyrrha vilior esse lapis.*

Eam armillam Poliarcho munus fore idoneum, Argenis atque Cleobulus cum Meleandro censuerunt, quippe quod se sua mole non proderet. Furto enim rem agi. Arma, aut eques, si mitterentur, conspectum hostium non posse defugere. Præterea hoc ornamentum in plerisque regionibus non fœminarum magis esse quam virorum. Aptissimum itaque quod fœmina viro donaret. Rex antea, cum illam mercator obtulisset, quia maiores curæ instabant, pene vilem habuerat; Apud Eristhenem tamē erat, utique præfectum ætario, iussuq; inspicere ex artificum fide an in rem Principis emptio esset. Tunc vero ne quisquam miraretur confestim hanc emi, Rex talos poposcit, & cum Argenide ludens, ac sponte inferior, quasi victoriæ præmium armillam statuissent, Eristhenem accessit, imperatq; quam possit rectissime eam Argenidi conciliare. Eristheni siue sua sedulitas, siue fortuna nondum Meleandro propitia, iam suspicionem fecerat legationem ad Poliarchum parari. Credidere à sua coniuge ortum suspicandi initium, quæ cum Argenide & Selenissa frequens, sæpe obliquos

liquos de Arfida sermones iniecerat, callida mulier, & ex viri ingenio ornata. Sed postquam Rex armillam, tali ærarii tempore, emi præcepit, adeo illi aucta suspicio est, ut illico ad Lycogenem scriberet, vereri se ne Poliarchi gratia hoc munere repeteretur. Is autem ad omnis flagitii atrocitatem celer, hortante etiam Oloodemo (nam is fortè tunc aderat) in hunc maxime sensum rescripsit; Nihil consultius quam ut armillam, quandoquidem apud Eristhenem erat, veneno imbuerent. Si eam Poliarchus accepisset, haud dubie lacerto circumdaturū, & tabem per gestantis calorem in vitalia peruasuram. Sin Rex eam dedisset Argenidi, rem temporè posse sciri. Nam venenum non ad tactum statim nocere; Admonituros autem ipsos prætextu aliquo, de peste quæ latebat, laturōsq; ingentis fidei nomen, substituto in crimen mercatore. Toxicum domi Eristhenis erat, quod noxiosissimum miscuerant tollendis inimicis Ephyræi, seu miscendis veneno poculis, seu sagittis imbuendis præcipui. dum illuc colonias vehunt, conduntq; Syracusas, hanc olim turpissimæ calliditatis artem quibusdam Siculorum tradiderant. Et Meleander ea peste tentatus, hætenus suorum cura euaserat, cibum Regis, & vestes, ambitiosa cura seruantium. Tanta autem veneno agerbitas, ut non modo gustatum sæuiret, sed ex diutino contactu insinuaret virus in cutem quam calor laxauisset. Eristhenes veneficio perpetrando nullum adhibuit, sed ipse in dilutum toxicum interiorem armillæ partem misit, byssino utiq; textu mollem, quia iungenda brachio erat, cumq; crederet vim succorum satis infusam, eam in pyxide defert ad Regē. qui tanti sceleris ignarus, omnibusq;

busque præter Argenidem semotis, vocatum secreto Timonidem monet eam fidem exhibere qua dignus censebatur. Ostendit deinde cui ministerio sit delectus, & literas tradit ad Arsidad, sua manu ita scriptas. Timonidem quem vides, Arsida, ad te misi. Ei sic auscultare te volo, ut me loqui existimes. quicquid dixerit, egeritve, ratum habebō. Scias tamen quo celerius cum hospite adueneris, eo te futurum gratiorem. Vale. Tum Argenis ex composito de recessu fluxæ vestis pyxidem profert, & hanc, inquit, armillam, Timonides, ad Poliarchū defer. eam meo nomine accipiat. vna illi has literas dabis, alterasque ad Arsidad. Tradit deinde codicillos, non quos Meleandro ostenderat: frigidus enim, nec amicitiae suæ cum Poliarcho pares obtulerat Patri, & inter obsignandum haud ægrè mutauerat, aliis quos ex mutua necessitudine scripserat præparatis. Quia autē Timonidis in Italiam iter ignorari non poterat, ne aueretur dissimulatione suspicio, spargere apud suos Rege authore cœpit, se Italiam Africamque visurum vacationem impetrasse à regia. Iuuenis erat, & commodum accidit, quod pridem transmarinæ peregrinationis studio ictus, æqualibus suis ea vota iactauerat.

Sed Eristheni ad insidias inuigilanti, pleraque nota, & suspecta omnia erant. Hunc igitur ad Poliarchum ire coniiciens, quo verum erueret, ita fraudem commentus est. In ipsius clientibus iuuenis erat, qui nuper agros reliquerat, nondū notus in regia. Callidum autem, & ad ea quæ præciperentur impigrum esse cognouerat. Huic imperat abeuntem Timonidem concitato equo persequi: Simulare deinde à Rege se missum, qui etiam atq; etiam
K moneret,

moneret, ne in Sicilia cuiquam mortalium indicium faceret de armilla. Dum loqueris autem, inquit, diligenter audientis vultum observa. Si annuerit, aut visus sit dubitare, tanquam mandato satis functus, ab illo protinus abi. Sin quid velis ignarus sit, ut facile deprehendes, quum ipse vocetur tanquam dubius sciscitare. Vbi Timonidem dixerit, pete ignoscat errori, alium nempe te quaerere; Et inde, si potes, sic discede, ne sciat quam viam institeris. Sin quia ignotus es, hærebit, & qui sis exquireret, ex Selenissæ cognatis te simula recens transmissum ad regiam; Nomen quod primum occurrerit tibi impone. Ille gnauiter mandata exequutus, nec à solertia, nec à fortuna aberrauit. Namq; Timonides ubi audiuit de armilla, quod rem secretissimam sciret, hominem suspectum non habuit: Ire igitur iussit, & Regi renunciare esse omnia in securo. Satis sibi hæc arcana esse mandata.

Sic eluso Timonide, cum iam de consilio Regis constaret, Eristhenes omnia cōfestim perscribit Lycogeni, ne siue Timonidem capi insidiis, siue quid aliud vellet, tempore excluderetur. Diu incerto Lycogeni, cum Regem iam non segnem, sed ex aduerso ruentem consilia, timidius sperneret, tandem nouo facinore visum est opus, quo inclinaret in Regem maleficia à se patenti inuidiam. Quod igitur nemo vnquam putasset, ipsum sollicitare ad fœdera Poliarchum, ei que scribere hoc exemplo instiuit. Lycogenes salutem Poliarcho. Quam tu in amicorum hostiumve delectu erraueris, hic dies aperiet. Me tanquam inimicum insectatus, Meleandro vtinam non plus æquo tribuisses. Sed omitto præterita. Nam neq; iam te accusari humanum est, neque

neque in eo statu sum, ut anxie me excussem. Malo te ex beneficiis meis scire, quam verbis, uter nostrum in pristinis odiis peccauerit. Meleander ex tuo exilio te infensum, & vindicem, cum timeret, ad nefarias artes confugit. Factusque de Rege veneficus, armillam infamibus illitam succis, tanquam pœnitentiæ suæ confessionem, mercedemque iniuriæ, tibi misit. Hanc tu caue gestaueris. Mortem enim circumegeris brachio, non armillam. Mihi quidem ante experimentum fidem esse non curo. Si igitur vel damnatus est seruus, vel humaniori consilio iumentum aut canē vis perire, nudę illius cuti hoc munus compone. Nisi intra quattriduum morietur, ego qui viuan indignus sum. Si sapias, illum ipsum pestiferi doni latorem, illum Timonidem coges, ut mortem induat quam tibi non inscius porriget. Ego has insidias, quas ægre detexi, te rescire ex me potissimum volui, ne tantæ indolis vir tam turpi exitu cadas, aut omnino sub inuidia mea pereas. Nam quis ex hostibus, non te potius iactet à me quam à Meleandro esse sublatum? De cætero, ut voles, gratias ages. Si infestus esse pergis, est quod publice te vlciscar. Arma, consilia, vires in expedito sunt. Deos cœptorum auspices habeo. Sin tibi detecta Meleandri perfidia, meliorem mentem dabit, volesque coniunctis mecum viribus vindicare iniuriam, spondeo nec te fratris, & quoniam hæc mea ætas est, nec patris gratiam me viuo desideraturum.

Tantæ audaciæ codicillos, expertæ fidei seruo cum his mandatis dedit, ut dispensato itinere ad Poliarchū perueniret octiduo post quam eodē Timonidem aduentasse constaret. Neque rem esse diffi-

K 2 cilem.

cilem. Messanæ vel Rhegii, in portu aut urbe, tanquam aliud agentem, de aduentu Timonidis posse habere quæstionem. Hæc autem improbæ solertiæ ratio erat, ut octo totidies interessent, quibus noxium textum gestare Poliarchus, eoq; interimi posset. Nam si extincto superuenirent hæ literæ, quantæ inuidiæ in Meleandrum forent? Sin forte Poliarchus tamdiu armilla abstinuisset, tum multum Lycogeni debitum de periculo in posterum momenti, tum in Meleandrum acriter exarsurum, quæ tanti indicii fallax scena damneret. Etiam Regem audebat contumeliose appellare, quia hæ literæ Poliarcho reddi vix poterant ante id tempus, in quod à coniuratis erat constituta defectio.

At Meleander demisso Timonide totus in eo erat, ut cum Lycogene Oloodemum ad se perliceret, utrumque igitur literis aduocat. Lycogenes nondum maturis ad secedendum rebus, parere constituit, & aliquot paucos dies esse cum Rege. Sed Oloodemus accepta Regis epistola, non prius ad Regiam quam ad Lycogenem contendit. Ibi communicatis consiliis suspectum illud fuit, quod utrumque Meleander accerferet. Si quid atrox parabat, liberius in ambos quam in alterum esse ausurum. Nihil securius, quam ut Lycogenes simulatione valetudinis absentiam excusaret, & Oloodemus explorandis consiliis iret ad Regiam. Is ergo à Lycogene profectus cum intrasset Epeircten, Meleandro protinus salutato, ea vespere ad cœnam admissus est. Dedit quoque literas Regi, excusationem Lycogenis ferentes: Illi enim fonticum morbum esse, nec aeris patientem. Rex haud dubius morbum fingi, tamen eadem qua petebatur simu-

simulatione non pauca de genere inualetudinis quæsiuit. Soluta deinde conuiuio, Cleobulum, Eurymedem, & Archombrotū accersit, rogatq; quid Lycogene faciendum, qui venire contempsisset, quid etiam Oloodemo & Eristhene qui pari fiducia qua ille imperium spreuisset, adesse nocentes sustinerent. Archombrotus, & Eurymedes nihildū mouendum putabant: sed Lycogenem adhuc alia fraude tentandum. Illo libero, frustra in cæteros fore sæuitiam. At Cleobulus; Ego vero arbitror, inquit, nihil de prædā quam tenemus amittendum. Putatis Lycogenem, nisi concepti sceleris conscius esset, tam vano ægritudinis mendacio Regi fuisse illusurum? Dij dent meliora. Sed quantum coniectura & fidorum hominum nuncijs assequor, & mox isti furtim abscedent, & nos illum cum armis aspiciemus. Videte quid sentiam, Rex hominem rursus accersat. Tergiuersionem non verebor pro defectione accipere. Oloodemum interim & Eristhenem per homines fidos sic seruari intererit, ne teneri se sentiant. Vbi compertum fuerit, non venturum Lycogenem, lege in eos agendum est. Multum Lycog:nis viribus decedet, si tantarum opum, & clientelarum, duces peribunt. Hanc præterea seueritatem, in multorum animis reuerentia aduersus Principem, timorq; supplicij, vtilissima mutatione sequetur. Visus est optime dixisse Cleobulus; Et ex illa sententia, Rex postridie ad Lycogenem scripsit, additoq; ad blanditias imperio, ad se se venire imperauit. Ille magis ac magis suspitionibus plenus, non modo nō paruit, sed & per nuncios monere Oloodemum, & Eristhenem cœpit, vt ab aula recederent. Beneuolentiam Regis insi-

diosam esse. Ac præterea aperta iam vi opus. Quippe statutum bello tempus appetere. Neuter spreuit coniecturam Lycogenis. Sed neque Cleobuli diligentiam fefellere, ad quem duo de Eristhenis familia diu ante pecunia promissisq; sollicitati, multa de domini rebus per internuncios sæpe retulerant. Illis tunc authoribus sciuit, præparatos sub Epeiræten esse equos quibus noctu Eristhenes vteretur. Lætus Rex quod eorum furtiua discessio futura in criminis partem esset, imperauit Archombroto, vt sub ipso deprehenso facinore vi ad se retraheret. Et ille haud remoratus imperium, sedulo quæ in rem erant, maxime ex Eurymedis mente instruxit. Sat constabat cum paucis erupturos, ne tumultus proderet fugam. Non plures itaque Archombrotus decem militibus assumpsit, iisque Hispanis, ne linguæ commercio, aut contagione factionis, cum Proceribus hærent in quos tunc armabantur. Singuli extra arcem vt Archombrotus constituit, sine suspitione elapsi sunt: Ipse deinde sequutus est, accinctosq; paulum à via sub veteri & opportuno recto continuit, qua necessarius à Regia discessuris transitus erat. Diu in statione non hæserat, cum Oloodemum atque Eristhenem per Lunam agnoscit, tribus omnino seruulis comitatos, celeriterq; & demissis capitibus euntes. Iis ergo cum sua militum decuria obuiam venit; & quote, inquit, Oloodeme, quote Eristhenes? Sontium per Iouem est ista molitio. Cur noctu? cur simul? cur in scio Regæ abitis? Vnde ista circa vos à seruis, ab amicis, solitudo? Obstupuere deprehensi. Ille vero conceptos, & subito malo horrentes reduxit. Tres viris inde permitti sunt qui noxios seruarent in

farce-

carcere. Fugæ erant manifesta vestigia: Equi haud procul cum agasonibus parati, & urbano sub amictu vestis ad viam expedita.

Summa omnium inde turbatio fuit, & postera luce cum id renunciatum Ibburrani & Dunalbio esset (qui tunc forte ad Apollinis templum nō procul Panormo profecti, ob Anteporium fani Antistitem suauissimæ consuetudinis vitum illic diutius morabantur) citatis haud mora quadrigis ad Regem reuecti sunt, qui amplexus venientes: postquam rem ordine enarrauit, Si me dii amant, inquit, in ambobus his exempla facere volo. Nunquam me saltem isti inultum despexerint. Neque me impiqum contumacia mouet, sparsis schediis minari audentium. Ecce enim quantæ audaciæ chartam Cubiculariorum vnus, in limine meo hoc mane offendit. Accepta charta Dunalbius, & Rege ad alios diuertente, horum versuum lectione cū Iburane inhorruit.

Redde viros, quid saua paras, & fraude tyrannus

Imbelli, haud vllō deuictos Marte fatigas?

Hósne duces, hæc Sicania decora inclyta terra

Ferre situm, & fædo squalentem carcere noctem?

Redde viros. Non Sidonia reuerentia palla,

Non quæ sceptrâ manu, non quæ stant vincula fronte,

Obstiterint. Ruimus caci, & te vindice ferro

Gens excita petit. Cuperent decernere montes,

Téque haurire solum. Sed nostra debitus ira

Talis eris, qualis sub crimine decolor ipso,

Ignotusq, suis, Tyrû pro vertice montu

Horruit iratos Pentheus concurrere thyrsos,

Diuersumq, trahi pectus, vulsosq, per artus

Ipsæ animam, & sparsum campis spirare cadaver.

*Et tua quod nostris nondum penetrata flammis
 In cineres collapsa ruunt, ne crede remissas
 Irarum pautare faces; Sed parcimus illis
 Quos Rex saue tenes. Hi sunt tua fata, nec ultra
 Quam spirant lux te alma manet. Meleagria non plus
 Mater in ambusto seruabat stipite natum.
 Hos serua (si cura tui) ceu pignora vite,
 Incolumesq; velis. Vel si meliora monentem
 Di te audire sinunt, genti tam iusta petenti
 Redde duces, tantoq; exora munere pacem.*

In his motibus regia erat, cum Timonidem alia in itinere turbæ verterent. Vix ratio, & fortuna, hæc fuit. A Rege dimissus triduum in suo prædio inuitus consumpsit ominum causa quæ Haruspex minori spatio procurare non potuit. Inde Messanam ad Arsidæ coniugem venit. Insana tempestas tunc maria exercebat, aquis ac ventis sub veris initium sponte surgentibus. Quattriduo nemo ex portu soluere ausus. Interim quassabantur nauigia, vndis mutuo cogentibus allisa, vel ciecta in arenam procumbebant. Timonides quod integerrimum ex ea peste superfuit, confestim instaurari præcepit, agique à littore, nec dum satis constanti maris pace. Præter suos nullum in naui vectorem recipi passus, iam tenebat medium freti; Cum occurrit recentis naufragij nefastum nauigantibus spectaculum. Naui erat receptis obruta fluctibus, ex qua tamen eminebat adhuc malus, quia non euerfa, sed depressa, defederat. Et quod omnium atrocissimum fuit, stabat in antemnarum amplexibus nauta, superstes naufragio, pallida & emorienti facie, nisi quod vento adurebatur; Ille manu nutuq; (fluctus enim intercipiebant fragore suo vocem) orabat eripi

eripi morti; & omnium misericordiam non ægre elicit. Aliquot igitur nautæ descenderunt in scapham. Cumque ille se de malo deorsum duxisset, prope rigentem excipiunt, adducuntque Timonidi. Tum vero laxatis spiritibus, quos antea nimius timor intenderat, semianimis super constratum navis se diu explicuit; donec vini odore excitatus, iussusque à Timonide dicere, quis esset, quo veentem tetigisset hæc fortuna; Rhegium, inquit, patriam habeo; censum ex nautica arte. Nunc in Galliam cursus erat; quo egregium virum deferendum susceperam. Mare videbam non à tempestatibus tutum. Cælum enim modico vento, sed incerto agebatur, & tristior aër horrebat. Itaque à portu solvere non volebam. Sed cum sæpius iussus processissem in altum, primum auræ inter se pugnantes nos alternis rapuerunt in auersos & contrarios cursus: destituerunt deinde simul omnes elusum nauigium; Ego in tam subita pace acrius, ut oportuit, timens, comites cœpi hortari ut remis eluctarentur pigritiam maris. Quippe illi sereno proximū malum esse. In Siciliam igitur, quam vicinam fors dederat, ratem appellerent. At ille qui nauigium conduxerat, negat sibi placere Siciliam, stringitque demum ensem, recisurus manus illius qui in eam primus partem remum egisset. Inter has cunctationes dies absumptus est, & mox luna igneis cornibus ventum exciuit. Tum vero non per gradus, ut solet, tempestas intumuit; Sed direptus subito aër ita miscuit maria, ut iam à principio mihi artem eriperet. Versabamur incerti quid exigeret ventus, mediam nauem aduersis complexus turbinibus. In his malis cum exacta nox esset, diesque affer-

K

5

ret

ret tristiora, capillos deponimus nihil profutura religione. Ecce enim improuiso exitio hæsimus deprehēsi in breuibus; Cumulauerat arenam vis procellæ, proramque tenebat. Iam tabulata soluebantur, & nos vtcunque remis & contis tendebamus in puppim, cum ille cui operam locaueram, cum suo liberto, duobusq; qui proximi erant, nautis, in scapham descendit, & fune præciso, haud dubio naufragio se permisit. Raptos per turbinem non licuit oculis sequi. Obstabant medij fluctus, quibus par scapha diu esse nō potuit, nec pereuntibus nobis vacabat alienos casus dolere. Fessa quippe carina aperuit vndis viam, quæ victis compagibus properabant intrare. Numinū pietatem! vt voces horruere! quam feralis pereuntium clamor, cum descendentem nauem mare contextit? Euado ego in arborem. Euado heu miser! mortem scilicet tantisper dilaturus, donec merfa carina in latus procumberet, & malus sequeretur. Sed supra spem dii fauerunt, arenisq; circumuallantibus adeo veluti fundata stetit ratis, vt me incolumem illa arbor præstiterit, quæ nunc non sine vtilitate extra aquas eminet, admonitura nauigantes vt mature ab istis breuibus deflectant. Biduum iam est ex quo tristi amplexu lacertos ad antennam continui, desperatione potissimum, & frigore exanguis. Nam nec somni, nec cibi memineram. Cum autem Deorum placata vis vestram opem monstrauit, tantum non laxata brachia mittebam in mare.

Hæc loquentem omnes audiebant cum lachrymis: Sed Timonidem altior cura subiit, ne ad Poliarchum pertineret calamitas. Nam quis vector toties à naufrago illo laudatus? Ab Italia veniebat,

niebat, fugiebat Siciliam; vtrumque conueniebat Poliarcho. Nautam igitur sociorum fata deflentē; vt nataſſent, vt cautium eminentiora amplexos ſæui fluctus auulſiſſēt turbatus interpellat, Et quod, inquit, viro nomen quem vehebas? Cuius Rhegij erat, an hoſpes? Ille ſe nihil præterea ſcire reſpondit, quam quod Arſidas Siculus, cui opima Rhegij prædia erant, conduxerat nauem, & proficiſcentem amicum ad portum produxerat. Obrigit Timonides, & velato capite, quo liberius poſſet ingemere, deſcendit in ſecretam partem nauigij, iuſſis remigibus quamquam proſperum ventum omnibus viribus iuuare. Haud multo poſt Rhegium applicuit, nautamque ſeruatum ſequi ſe iubet, & ad Arſidam contendit. Ille tunc forte media luce in ſcimpodio cubabat, variis cogitationib. miſcens animū proximi luētūs ignarum. Sed cū de amici aduentu admonitus, proſuiſſet ad amplexum, læta verba, & hoſpitalia ingerentem Timonides ſuſpirio proſequutus; quid, inquit, Poliarcho factum, mi Arſida? Nos miſeros! an & ego te ipſo plura ſcio? Inter hæc dicta nautam admonuit; quo viſo Arſidas ſubito metu præſagia cladis hauſit; & iam Timonide quoq; pallidior: Onus, inquit, ô Nauta, quod tibi tradideram, rite alicubi expoſuiſti? Nam deſtinata Gallia tantillo tempore teneri non potuit. At ille; Solum me naufragio ſuperſtitem vides. Nauem, ſocios, vectores, omnia, ſæua tempeſtas tulit. His auditis Arſidas multo gemitu planctūq; turbatus, intra tectum mœrentes recepit. Nec vacabat pene exanguis de ordine mali quærere; ſed cū Timonide in cubiculo ſecretus, acerbiffimū funus, & fata iniqua, terrasq; indignas Poliarcho, aliaq; in calido & furenti

furenti luctu consueta, ingeminabat. Cumque post multum lachrymarum Timonides rogaret, ecquo illa Poliarchi profectio? aut vnde exitiale nauigandi consilium? retulit Arsidas, Rhegium ob Siciliae viciniam suspectum fuisse Poliarcho. Nam nec poterat (inquit) latere isthic Lycogenem, & quam facile ab aduerso littore mitterentur sicarij? Galliam ergo petere statuit, patriam, vt arbitror, suam; illinc ad nos celeriter reuehendus. Sed factorum scilicet inuidia fuit, ne hominum genus se tam vicino immortalibus viro diutius iactaret.

At Timonides de Meleandri in Poliarchum animo inter singultus agens, literas Arsidæ tradit, armillamque ostendit de pyxide euolutam, inutile Argenidis munus. Sed artificium, gemmasque mirari, per dolorem non licebat. Eaque vespera luctibus data, ambo constituunt ad Meleandrum redire, ne aut ille de Poliarcho aliquid speraret, aut ipsi necessariis temporibus Regis abessent. Suspiciabatur iam armis infestam esse Siciliam. Circumegere itaq; cursus, vt in Epeirætes potissimum portu terram subirent. Varia, vt sub vere, & irrequieta flamina erant; septimusque demum dies Epeiræten aperuit. Sed quo propius admouebantur littori, eo crudelior miseros luctus agebat. Recedere terras amassent modo omni remigio quæsitæ. Nam quo ore tantum facinus nunciaturi erant? aut quis deinde pro ominosis non eos habiturus? Præcipue Arsidam non vnus, aut Timonidi notus dolor, conficiebat; Nectam illum Meleander mouebat, quam Argenis. Possetne videre morientem, & quod est crudelius, illam tristi oratione occidere? Quo supercilio exprobraturam, quod à Timoclea inter
hostes

hostes foeliciter seruatum, ipse ad naufragium dimiserat? Cur ire, aut cur solum, passus esset tam enixe commendatum? Hæc & similia reuoluenti, minimum erat quod fidei & operæ præmia sibi perierant; Verebatur Virginis iram, ex illius oculis accepturus, an viuere deberet. Nec ipsa poterat aut eludi dissimulatione, aut mora mulceri. Num enim *q* Meleandrum scire intererat non statim ad Argenidem perueniret? Ac vt silere ipse vellet, nec Regi tristem casum nunciare: At quid Timonides, tam silentij quam sermonis per nimium dolorem impatiens? quid vtriusq; familiares, festinaturi tantæ cladis nouitate sibi percunctatores parare?

Inter hanc cogitationum caliginem, nauis crepidini portus applicita, turbatos reddit Sicilia. Primum omnium amicis seruulisq; præcipiunt, ne quid in publicum efferant, priusquam ipsi Regem adierint. Superato mox calle qui in oppidum ducit euadunt in atrium Regis, & illic (ô mixturam factorum mirabilem!) neminem prius quam Gelanorû aspiciunt duobus Siculis medium, & temere læto vultu spatiantem. Prior Arsidas vidit, & ad idem spectaculum Timonidem veste prehensum rapiens, aliquamdiu impotens vocis, manu portenta anhelauit. Mox reddita voce, An monstris deludimur? inquit; aut quæ ista rerum omnium mira confusio? An non illic est Gelanorus libertus Poliarchi, quæ & naufragij fuisse comitem cõstat? quis hunc Mercurius reddidit, miscuitque viuentibus? Horrebat Timonides: Nec responso Arsidæ dato ad Gelanorum cucurrit, qui & ipse veniens visis amicis vltro obuiam properabat. Sed hi mutui stupentesque nihil nisi hominem contuebantur. Tandemque
cum

cum gemitu Aridas; saluum te video Gelanore? an vmbra es, tibiq; & naufrago domino saltem inanē tumultum quæris? Gelanorus deponere iussit hos metus: Viuere seruatum à fluctibus peiratisq; Poliarchum. Ab eo se missum ad Regem, Epeircten proxima die venissē. Auide illi rem omnem quære-re cœperant, qui casus egissent, quæ salus, aut fides, perdita naue in mari irato. Sed Meleander narra-tionem præuertit, qui è fenestra conspectos præce-pit aduocari, alterius scilicet prodigij suspensus ambagibus quas per eos solui posse sperabat.

Nam vt naus qua Poliarchus Rhægio Galliam petebat fracta in vadis est, cœpitque vndarū pon-dere diduci, ipse cum Gelanoro, nautisque duobus in scaphulam se recepit; Nec vento obluētabantur; nisi quod dispensatis remorum ictibus negabant fluctibus latus scaphæ. Ita proximum promonto-rium circumuecti, extra conspectum nauigij fue-runt ex cuius ruina profugerant: Inde mitius vrgē-ribus ventis, cum adhuc per multa spacia errarent, allisa est cautibus scapha quas vndæ humiles cela-bant vectoresque destituit. Exiliere igitur in me-dium pontum, solidis sed imparibus saxis ita exce-pti, vt fluctus nemini infra poplitem essent, nec vl-lus ad vmbilicum tingeretur. Longe littora; nulla naus in conspectu, & magnitudo cladis etiam vo-ta damnauerat. Placebat Poliarcho exire ferro mi-serias. Gelanorus rapidos vortices in exitium male-bat, & nautæ non vitæ spe, sed horrore interitus, aiebant in illis rupibus expectandum naturæ for-tunæve imperium. Sic de fato deliberantibus visa naus est è longinquo iactari fluctibus, & ad se pau-latim accedere. Peiraticus lembus erat, qui habilis, & in

& in tempestates comparatus pertulerat maris sauitiam: & iam remittentibus ventis, incipiebat ad gubernaculi inflexiones regi. Sciebat gubernator, saxa latere in ea regione, quorū viciniam iam probebat crebrior spuma, & fremitus in breuibus semper immanior. Detorquebat ergo nauigium, cum simul naufragæ scaphæ aliquot tabulas videt, quæ paulo ante vexerant Poliarchum. & supplices passis manibus apparent è proximis saxis inuocantes præteruehentium opem. Dubitauere Peiratæ an excipiendi essent. Nam quod precium auxilij; aut quid prædæ ex naufragis erat? Humanitatem vero in illis pectoribus deleuerat artis suæ crudelitas. Quia tamen plerunque vectores commeatū preciosissima suis vestibis recondunt, placuit ire ad prædam, expedieruntque subito scapham, minus acri iam pelago: Ac ne in saxa inciderent, lenta remigia agebant, subinde scrutati quam alto æquore veherentur. Admoniti quoque sunt supplices, ut quam proxime fieri posset, ad scapham per saxa solidasque arenas accederent. Tandem remi fucie pro ponte, quibus porrectis proximam rupem suæ scaphæ Peiratæ commiserunt. Sed obstupere ad Poliarchi & Gelanori vultus, simulque corporum, simul vestium pulchritudine capti, multa de prædæ fœlicitate inter se mussarunt.

Vbi autem è scapha in lembum recepti sunt, tūc non dissimulata perfidia veluti captiuis catenas iniicere audent, ad hoc monstrum stupente Poliarcho; qui stricto mox ense, quid vos autem vici? (inquit) quæ odia? quæve rixæ? aut quid tam subito offendimus, modo digni quos per vestra pericula ductibus eriperetis? Neque segnius Gelanorus
manu

manu ferrum tenebat, vinculaque repulerat. Sed cum nihil Poliarchi sermonibus fracti, sæuius tumultuarentur, ensesque expedirent, non distulit Poliarchus armis vti, & catenas sibi indere conantem ita multauit, vt in ima viscera ferro descenderet. Huic cum alium addidisset cōpari fato; victor quoque vnus Gelanorus sese patrono applicuit. Tum iuncto, ne circumuenirentur, tergo, vtrimque hostibus frontem obiiciunt. Fractis etiam remis, qui forte iacebant in nauī, raptas palmulas, instar clypeorum circumegere capitibus. Nautæ vero quos cum Poliarcho captos catenis Peiratæ onerant, tanto erecti exemplo, & ipsi contis arripis ausi sunt repugnare. Captiui etiam aliquot erant loris constricti præter eos qui catenis alligabantur remigio; Illi læti hoc certamen intuebantur; Videbatque oculos miserorum Poliarchus sibi propitios. Neque ratus inutile auxilium, lora aliquorum discidit ferro, prouocauitq; ad ingenuam in sceleratos pugnam. Et hi certatim sociorum vincula soluerunt, vt iam pene hostium numerus æquaretur. Tredecim omnino Peiratæ fuerant. Ex iis ceciderant sub Poliarcho duo: vnum Gelanorus abstulerat. Nautæ vero atq; seruitia à Poliarcho liberata, in se quinque auerterant. Ita res cum aliis quinque Poliarcho & Gelanoro fuit. Sed nec inulticadebant. Iam enim alterum nautarum Poliarchi in mare compulerant. Et vnus clauam spinis ferreis horrentem in ceruicem Poliarchi simulans destinare, subita fraude, adegit ad latus. Nisi lorica obstitisset, quam magnos Argenidi luctus hæc claua faciebat! Sic quoque multis quidem, sed non altis vulneribus intrauit. Accenditur violentius
Poliar-

Poliarchus, nec cunctanter suo hosti claua extorta cerebrum miscet, magna atque intrepida voce Gelanorum ad victoriam hortatus, qui & ipse iam in duorum sanguine victor haud segniter perculsus instabat.

Timidi, qui adhuc ex clade supererant, se se in aliam receperunt certaminis partem, qua scilicet liberati vinculis captiui dimicabant. Sed & illis successu partium geminata ferocia erat. Inclusi prædones hinc ab ipsis, inde à Poliarcho & Gelanoro ita mulctari cœperunt, vt ægre inhibuerit Poliarchus quin omnes cæderentur. Eos enim capi malebat, maturisque suppliciis seruari. Tres igitur ad genua prouolutos in vincula coniici iussit. Et inter gratulationem miserorum, qui eo duce de latronum potestate exierant, suauissima consolatione perfusus est, quod publicæ saluti videbatur operatus. Certatim ingerebant, hunc tutelarem, hunc vindicem deum esse; supra mortale robur affluxisse perduelles, denique vnum dignum ad quem toto ex orbe vota miserorum confugerent. Sed in vna omnium læticia vox dissona erat. Qui enim solis loris constricti fuerant, iamque sentiebant libertatem, sibi & patrono sine exceptione gratulabantur. At remiges plenum beneficium volentes, solui petebant, dimitti que in statum à quo per seueritatem exciderant.

Poliarchus ne pœnitendum beneficium daret, quis illius navis dominus, quis gubernator, vnde peiratæ, omnia ordine exegit. Proclamat de remigibus vnus, Miserere quisquis es, Heros. Hanc ego meo censu ratem compegi, hanc & dominus & gubernator regebam, frequenti inter Africam Hispa-

L

niamque

niamque commercio. Forte ad ostia Bætis appuleram; depositoque onere, Ibericas merces parabam; cum isti latrones, vectorum nomine, mihi cladem imposuere. Ne numerus suspicionem faceret, bini ad me aut singuli venerunt. Neque eundem portum fingeabant se petere. Hi Adrumetum nominabant, Clupeam illi, aut Vticam. De mercede conueniebat. Rudis ego impiæ fraudis omnes excepi; qui quo solertius fallerent, tanquam inter se ignoti egerunt, quamdiu in portu hæsimus, aut à vicino littore erat auxilium. Ast vbi procul terris ventus impulit ratem, sopor que in cælo securo nautarum pluribus irrepsit; subito impetu irruunt in nos; Me de gubernaculo deturbant. semisopitos alios portant ad transtra, nexibusque deuinciunt, & peitatico scelere iam pro vectoribus domini suo auspicio ferri cœpere: Nam nec deerat rei nauticæ inter eos peritus: & pro sarcinis catenas attulerant, quibus omnium crura impedierunt. Hinc in minora, vt occurrebant, nauigia, sæpe grassati comparaere arma, captiuos, opes. Nec in mari modo scelesti, exscensiones varias in agros fecerunt, & bene prædatos ad noua scelera littoraque agebat hæc nauis. Nuper quidem, cum plerique eorum tri-duo abfuissent, rediere ex Mauritania ad nauem, opibus graues, & quantum ex eorum sermonibus conieci, expilato per fraudem thesauro, quem Regina Mauritanix habebat charissimum.

His auditis, Poliarchus è prædonibus vnum, quem habebat in vinculis, rogauit, verane essent quæ ex nauta audierat. Ille omnia silentio confitebatur. Sed de vltimo facinore intentius vrgebat
Poliarchus

Poliarchus; Num de Reginae Mauritaniae thesauris prædam egissent; quæ illis via ad facinus, & quæ parte nauigij recondidissent furtum. Ille, gemmarum famam sibi causam audacis consilij fuisse respondit. Nocte concubia septem ex ipsis armatos constitisse in platea, ut ex proximis compitis tanquam illic à Regina apposti, arcerent transeuntes, dum alij duo ferrum, quo fenestræ spississimo iungebantur harpagine arreptum per secretas machinas flectunt. Ita, inquit, aditus nobis factus. Voto potiti ante lucem ad mare recessimus. duratque inuiolata hætenus præda; quia ab eo littore primum fuga, ac deinde tempestas nos tenuit. & ne tanta hereditas rixam faceret, placebat expectare donec in tranquillo diuideretur. Subiuit igitur nauis constratum Poliarchus latrone præeunte, arcaeque reclusa, ingentes & plerunque muliebres ex Mauritania opes inspexit.

Tum vero tamquam ad noua consilia vocatus à fortuna, se collegit. Professionem in Galliam Dijs turbare ac differre videbantur. Per tempestatem cursu exciderat, nactus erat assuetam Africanis littoribus nauem; nec fuisset humanum, recuperatas opes non statim Reginae nunciare. Et forsitan (secretus inquebat) gloriam meam cœlites curant. Quicquid spei priuato habitu in Sicilia exorsus sum, nolunt me persequi meæ gentis fortitudine atque armis; Ne generi, ne opibus, ne exercitui, sed mihi debeam quicquid fœlicitatis contigerit. Sequar illa auspicia. Ex Africa facillime res Siculas accipiam, measque nunciabo Argenidi.

Vbi hoc placuit, ita prædoni loquutus est: Equidem & Reginae suas reddi diuitias æquissimum

L 2 puto.

puto, & vos quoque (nefarij) dedi ad pœnam. Nauigatio in Mauritaniam flectenda est; ne vindicta pereat atrocis audaciæ, aut forsitan aliquot illic infantes vestri facinoris infamia laborent. Neq; mora, dominum nauis, per quem de prædonibus cuncta cognouerat, eximi vinculis iubet, clauoque succedere. Cæteros qui erant in transtris, solui prohibuit. Nam & remigibus egebat per quos in Africam veheretur, & tot ignotos, ac fortasse vinculis suis dignos, nolebat posse in se peccare. Itaque diligenter quæsitæ transtrorum & compedum clauēs, custodire Gelanorum imperauit. Et ne tamen nihil illi in sua lætarentur victoria, Agedum, remiges, inquit, in fœlicitatis articulo statis. Date modo Mauritanix oram, ita me amet dies piter, omnes ire liberos iubebo. Quid graue est, si in redemptionis pretium, breuem, sed mihi necessariam vecturam reposito? si non fallit gubernator, bidui in Mauritaniam cursus est. Illa mihi nauigandi, vobis captiuitatis afferet finem.

Compositi in tantam spem remiges, ita iustos remorum ordines instaurant, tanquam non Africam, sed suam domum, suas necessitudines quisque repeteret. Sed negabat gubernator genium pelagi ferre, vt cadauera in nauis portarentur. Irasci maris deos, & sæpe viuentibus periculi causam fuisse, eiusmodi pietatem in mortuos. Tres porro iacebant in lembi constrato à prædonibus inter pugnam perempti. Non ausus est Poliarchus intempestiua humanitate repugnare omni nauigatio. Igitur inferis diis religiose excusauit quod insepultos abiiceret; Vbi primum Africam dedissent, se ymbras in littore erectis tumulis collecturū. Facta
igi-

igitur potestate, cadauera cæforū corripunt; At ne frustra quid periret, scrutari cœperūt, si quid in vestibus pretiosum lateret. Duorum spolia intra paucos nummos fuerunt: Tertius, tanquam delicatior, ambientibus institis tibias & crura velaerat; quas cum vnus nauratum detrahēret, tabellæ cecidere, illic vt apparebat ad secretum repositæ. Cumque iussisset Poliarchus eos codicillos sibi tradi, linumque soluisset, veluti ad monstrum exhorruit, destinatas ad se literas, & à Lycogene quidem esse. Scribere ad Poliarchum Lycogenem. Ceram ad se per tot prodigia esse delatam? Cunctabatur oculis suis credere repetentibus hoc epistolæ initium, Lycogenes salutem Poliarcho. Statim erigi cadauer imperauit, & curiosus inspector diligentiam Gelanori adhibuit, si quo lineamento possent vultus nondum morte recenti confusos agnoscere. Sed ignobilem nuncium, & de seruitio Lycogenis vnum, facile fuit ab vtroque ignorari. Vbi vero diligenter vndiquaque inspectum est, num & alias literas aliave prodigia haberet, exonerare cadauere nauē, amicū an insidiatorē crederent adhuc incerti. Erat is autem quem Lycogenes ad Poliarchum miserat. Dum Timonides in prædio suo hæret, occupauerat iter, interceptusque à prædonibus, tunc in pugna ceciderat; tanquam dubitante fortuna vtrum tantæ improbitatis literæ Poliarcho tradi deberent.

Poliarchus totius scenæ ignarus sese ad lembi malum applicuit; Vultu deinde & animo perturbatus, ad omnia verba exhorruit. Veneficij accusabatur Meleander; delator Lycogenes erat. A Meleandro se ad mortē audiebat deposci; Lycogenes

amicitiam spondebat. Quæ autem illa armilla; aut quo missus ad se Timonides? Non se literas legere, aut satis vigilare, arbitrabatur. Vbi mora deinde restituit mentem, & iterato totam ceram euoluit; Aliquid magnum, inquit, agitur, Gelanore. Nunquam Lycogenem magis timui, quam ex quo meæ salutis curam agit. Si vixisset qui epistolam ferebat, forsitan illi excidissent indicia, quæ viam nobis facerent in tanta caligine. Nunc quid cogitem, aut quibus argumentis ad verum perueniam, est incertum. Secum deinde agitabat, an credibile esset, voluisse Meleandrum amicitiaæ specie innocentem violare. Magis conueniebat moribus Lycogenis de Rege mentiri, quam Regi tam infanda solertia. Hæc & similia animo versanti abiit dies; & nox per insana commenta animum deduxit. Varia agitantis consultissimum visum, si Gelanorum in Siciliam mitteret, nullis ad Regem litteris, sed cum hac ipsa Lycogenis epistola, quam redderet Meleandro, Non liquidius posse verum deprehendi. Quippe siue in vero crimine, siue in falso, doliturum maxime Regi, vel de infamia inutilis frustratique facinoris, vel de iniusta suspicione. Ex illius, & proximorum vultu, ac vocibus, Gelanorum intelligere posse, de hoc Lycogenis indicio quid credendum. Nec Lycogenem eo facto dubitabat offendere; cui, etiamsi Meleander hostis esse mereretur, tamē amicus fieri noller. Adiuuabat ea consilia ingens cupiditas scribendi Argenidi, ad quam literas, nisi Gelanoro, aut Arsidæ, non credebar.

Iam non modo erat Africa in conspectu, sed & Lixa, tunc Mauritaniaæ caput, pulcherrimo situ ab cogitationum solitudine non nihil Poliarchum deduc-

deduxerat. Fluvius, quem & Lixam appellant, non repugnanti pelago miscebatur, ut in utriusque vnde confinio, non fremitus discrimen faceret, non spuma, sed color. Arbores quęcunque fluviis gaudent, ab utraque parte aluci, cum cętera riparum imagine in aquis ludebant. Vrbs ingens, & mercatorum cōmercio grauis, vbi paululum esses à mari prouectus, vno duntaxat stadio recesserat à flumine. In urbem ab littore euntibus dexter erat omnium qui sunt in Africā pulcherrimus collis, & in eo Regina suburbānum, quam dicebant Dominę villam. Illuc amabat Regina diuertere, curis fessa, & ad negotiorum tumultum post alternam solitudinem reditura hilarior. Et tunc forte in ea versabatur. Quod ut ex obuiis linitibus percūctanti Poliarcho relatum est, in proxima ora iubet anchorā iaci; Et ne remiges quicquam se absente turbarent, aut etiam à portu discederent, quærit ex Afris, nemone custos portus, aut cui magistratus delegassent fluminis curam. Præsto lictores adfuere, & nescio quis redemptor portorij: cui sic Poliarchus, huius lembi custodiam tibi trado, quem Africę interest saluum esse, dum fero ad Reginam necessaria quę ex me intelligat. Simul his prædones educens detracta pedibus vincula iubet addi ceruicibus, vnumque licium ad omnium vincula pertinēs ponit in manus gubernatori navis, præmittitque versus collem.

Ipse cum Gelanoro sequebatur, loci formam curiosis oculis lustrans, quem recens maris horro faciebat gratiorem. Non anxia arte quęsitus erat decor. Plura Naturę debebantur; cuius facilitas atque ingenium, omnes artificum labores præuer-

tit. Rusticus ad villam ascensus (nec læuigari Regina passa erat) obliquum colli latus sic dederat, ut circumuegare montem potius videretur, quam in illum eniti. Læuam itineris tegebant densi frutices, crebrarumque stirpium inæquali viriditate lætissimi. Tumuli illic leues, crescente molliter campo, donec oblongum, & spissis opacum arboribus supercilium montis subito tumore cōsurgeret. A dextra conualles visebantur, vinetis hortisque excultæ; & in collium radicibus, qui dimidiatum orbem ducebant, vberima pastu prata se eadem viriditatis hilaritate porrexerant. Sub ipso montis iugo sublimis & sponte extensa planicies erat, in qua villam condiderant. Ad fores cum venisses oblectabat oculos alia loci forma, prospectusque in remota liberior. Quippe ante vestibulū patebat hominum curruumq; area capax, paucis, sed ingentibus distincta arboribus; ad quarum vmbra sedilia, & lapideas mensas, milites custodesque extulerant. Ac vreditus locus erat, errores fluuij in valle monstrabat; montes quoq; ex aduerso Magnatum prædiis distinctos. Visebatur à dextro latere pars potissima vrbis, per suos colliculos & templorum fastigia elatæ. Si oculos longius mitteres, mons Atlas inculta hyeme, & sterilibus saxis, per multos vertices in nubibus fractus, delectabat animū mutatione conspectus, & propinquam fœlicitatem plandius cōmendabat asperitatis imagine. Domus pro Regina non ingens. Sed debebat artifici, quod venti, quicunque perflarent, admissi, omnem æstū temperabant; & triclinia lumen accipere possent non obnoxium radiis solis. Hortus deinde modicus, & porrectus in longum, Musis quidem erat dignus.

gnus, & omnibus diis quos cepit stirpiū colendarū humanitas. A domo in illum, porticus ducebat, in qua solebat Regina conuiuari, aliquot signis & picturis exulta. Iam vero finistrum horri latus claudebat montis vertex non illi utique tantum horro, sed domui, saltuique perpetuo contiguus dorso, & duntaxat parietis interiectu coercitus. Hanc partem fons amœnus decorabat, è marmorei Elephantis proboscide in tessellati operis alueū decurrēs. At dextra ad prospectum vacua erat, exiguo muro in hoc tantum erecto, vt lapsus in abruptum caueretur, & in eum innixi fruerentur viuarii subiecti spectaculo. Nam mediocre stagnum coercabant latericii aggeres: Pisces in eo variæ senectutis, quos ab horro Regina amabat, præcipitato in aquam pane, inter se concitare ad certamen. Porta ex horro ducebat in exiguum saltum, quem facti manu calles, virgultisque liberi, secabant. Cerui in ea, & capræ, & cætera animalia in Africam importata, quæ ea pars terrarum gignere nescit: incisi. que Numidico marmore isti vertus, qui lucū Dianæ consecrabant.

Alma soror Phœbi, qua nunc per-confraga cursu

Præcipitas, volucris mandas nunc vulnera ferro,

Seu damam fortuna dedit, seu fortius ira

Intumet, & nostri fugiunt tua tela Leones:

Numen id nemorum: si Te, comitesque, pudicas

Castæ domus, castæque, iuuant pia iugera sylvæ,

Exaudi, mitisque, tuos agnosce, nec usquam

Hic, Dea, Syluicolis sit fœda licentia Fœnis,

Hostibi sacramus lucos, hæc surget honoris

Sylvæ intacta tuo. Tu nostris annue donis,

Et cum spumiferos iuncis in retia campis

L

5

Imp. Pe-

Impellemus Apros, & cum tibi sacra feremus,
 Non occulta veni; Vel si inuidiosa precamur,
 Huc ades & quo more licet, cursuq; tuorum
 Sape canum, & sacris aures laetratibus vire.
 Hic Dryadum committo choros, & Oreade multa
 Cinge latus. Nunc vos nemorum, nunc fontis in umbrâ
 Ludite, nunc magni qua subter viscera montis
 Antra per agrestes exudant frigida topas.
 Illic si calidas exoluet fibula vestes,
 Non erit Ogygius secretis arbiter undis,
 Cornua cui fingas; Non quem tibi vulnere parua
 Terra necet, campis tumidus se tollet Orion.
 Nec pharetram, vultusq; tuos, venator habebit
 Iuppiter, atque aliam caelo dabit improbus Vrsam.
 Hunc modo tu saltum Delo, Dictynna, sonanti
 Annumerare velis, Lyciaq; niualibus arvis.
 Nec magis Eurota, nec sis magis incola Pindi.
 Tum quacunque suos Nympharum exegerit annos,
 In formas abitura novas: cum frondea fiet
 Arbor, & erectis attollet brachia ramis,
 Seu quercus, seu laurus erit; fac, Delia, nostras
 Augeat hac sylvas. Erisichthonis impia clades
 Hinc procul, & lucus nunquam sciet iste securim.

Longum esset singula memorare, ut natura inæ-
 qualitate locorum luserit, ut exiguo spatio retule-
 rit omnes formas quibus totæ regiones variantur,
 ut syluam ex aureis malis, rhododaphne, lauro, pi-
 nu, subere, penè totam, non mutarit innoxia hy-
 ems, & antra hic sponte, hic manu aperta, dederint
 fontes, aut opacû subeuntibus frigus. Sed fons præ-
 cipue notabilis erat, de industria sic ornatus, ut
 quæ artificii etant, sponte producta viderentur.
 Quippe in arcum mons effossus modicam plani-
 ciem.

ciem dabat, exiguis lapidibus quasi temerè stram. At vtrunque lateribus saxa ingentia, tanquam rupes ita natas, admouerant. Vbi is labor duodecim pedes in altum excreuerat, semitā fecerant qua locus circumiri facilè posset: Tum vero super hanc molem in gyrum arbores ita seuerunt, vt inflexorum stipitum cacumina in subiectam aream verterentur. Hæ, vbi in procerum adoleuere, speciem referebant iamiam cadentium stirpium, & suo pondere radices extra terram trahentium. Inter illius ruinae innoxias minas, peribat sub frontibus calor Solis, & laterum aggere primum, mox curuatis in hunc modum arboribus, denique incrementis collis mole, tegebatur simplex Reginae hilaritas, quæ fontem illic per aliquot fistulas cadentem sæpè inter suas virgines læto ocio celebrabat. Viris, præterquam magistratum præcipuis, nefas domum intrare. Pauci custodes in vestibulo erant: A quibus iussus sistere gradum cum suis captiuis Poliarchus, qui aut vnde veniret, militari licentia rogatur. Ille negauit, quæ afferebat nunciari, nisi Reginae, posse. Res ad Præfectum custodum delata est, qui & ipse loquutus Poliarcho, Reginae significat externū iuuenem esse, habitu vultuque egregium, qui captiuos aliquot trahens, ad colloquium quærebat admitti. Regina in eo secessu tunc hærebat, non ad vacui animi voluptatem, sed vt in solitudine mœrori liberius vacaret. Lachrymarum causa erat, violatus à prædonibus locus, quo cum gemmis cætera quæque arcana congefferat. Neque gemmæ aut direpta alia quæ vulgo iactabantur, illam mouebant. Vna cistula, nec ea quidem opulenta, quam simul latrones abstulerant, illos gemitus, & penè



fai i

fati consilium ciebat. Hanc vita chariorem habuerat, illic filii fortunas sciebat inesse, nec de diis miti querebatur, quam si eum extulisset. Cum ergo nunciatum de Poliarcho esset, haud libenter accepit, aduenisse, quem vultu composito deberet audire. Hunc tamen per Micipsam Regio Præfectum cubiculo adduci imperavit, ipsa interstantes resedit matronas in suggestu eburneo, quem argentei leones depressis onere iubis ferebant.

Is vero ut in conspectu fuit, illam ad abducti filii memoriam vocans (nam & iuuenis, & formosissimus erat) subito sui favore incogitantem permulsi. Mox liberali salutatione perfunctus; Et si (Regina) parum, inquit, animum tuum tangunt, quæ pessimi nuper fures à tuo abuxere sacrario, tamen iustissimæ Principi gratissimum duxi, si tantum facinus impune non auferrent. In eos, diis ducentibus, medio ponto offendi. Plures in certamine perierunt. Tres adduxi superstites. Sunt ecce in limine, & fatum à tuo arbitrio expectant. Fidum autem hominem, ô Regina, mecum allega. Huic quæ à te abstulere restituam, adhuc, ut ab ipsis audio, illibata. Ea iussi in proxima ripa apud nauem asseruari. Regina, ad tanta & tam subita gaudia, muliebri ingenio impatiens, de sede exiliit, & ignoti manum amplexa; O auspiciatissime quotquot sunt mortaliū, aut potius, modo hæc vera sint, diis nostris iungende; Duc protinus, inquit, ad nauem. Ipsa furtū, ipsa prædam recognoscam. Neq; auidam voca, Arculam modo vnam restitue. Cætera te cōdono. Sic effata miranti Poliarcho viam præit. Nec iungendo currui, nec attollendæ lecticæ spatium fuit. Sicut erat in cultu priuato, virgere cœpit gradus, sibi vni
dere

de re tanta creditura. Matronæ, puellæque, illius assuetæ obsequio, nihil mutato vestitu, pedibus ibant. Fugæ speciem celeritatis tumultus imposuit. Cum vero Poliarchus pro foribus prædones ostenderet Reginæ; Sine quæso, inquit illa, priusquam alios damno, scire an me fortuna absoluerit. Nemo in regia fuit, qui non properantem sequeretur. Ignari plerumque quæ res ageretur stupebant, & aliis stuporis causa erant. Statim in urbem rumor perualit, sed incertus, ideoque audacior. Nunc Reginæ filium aduentasse, nunc eius cadaver naui delatum. Veriora alii referebant, ad recuperatum thesaurum Reginam descendere. Ergo omnes ad amnē properabant, parata seu plaudendum, seu aggemendum, turba.

Regina ut ad ripam peruenit, ponte ex tabulatis facto in lembum sublata est. Ac ut primum reserata à Poliarcho ingens arca inuiolatam prædam explicuit, iam leuioribus lachrymis madens, cistulamque quam quærebat, complexa, se denuo viuere, Reginam rursus esse proclamabat; Nec quicquam iustus quam ut Poliarcho diuini honores haberentur. Abnuebat Poliarchus risu modesto, & laudantem compescebat. Iamque lecticæ, ut potuerunt Reginam sequutæ, stabant in ripa, carpenta etiam fœminas subiectura, & ipsa ad tantæ lætitiæ auspicia angustam villam rata, in urbem reditum edixit. Innitebatur Poliarcho (qui maximus apud Reginas gradus) illoque ducente in lecticam se recepit, quam mox octo pænulati sustulerunt in collū. Poliarchus deinde præparatum equum conscendit, quem ipsi ex regis stabulis admouerant, non ex more gentis nudum, sed cum ijs ornamentis quibus
Reges

Reges assueuerant in bello aut venatu. Toto deinde itinere Regina, submotis lecticæ plagulis, cum ipso loquuta est, densis per viam Afrorum agminibus, & in eum præcipuè intentis. Postquam ad aulæ peruentum est, Magnates, ex Regina præcepto, hospitem in destinata triclinia deducunt. Illic ingentis opulentiaæ cultu exceptus, mox ad familiariorē corporis curam, solus cum Gelanoro relictus est.

Sed vbi paululum respirauit à colloquentium laudantiumque tumultu, haud mora redditus pristinis curis, resque Siciliae anxie agitans constituit ea vespera Gelanorum in Siciliam dimittere. (Nam nec amor, nec perplexæ à Lycogene literæ moram ferebant.) Ipse Clupeæ, maritimo Africae oppido, dum nuncius ab Argenide rediret, se tenere. Dū ergo Argenidi scribit, acciri nautam iubet, cuius remigio appulerat, quo ad se introducto, Nauigium tuum, inquit, non modo tibi reddo, sed præterea quicquid vi prædonum detractum est omne restituum, ea lege vt hunc Gelanorum in Siciliam deferas, inde huc rursus in Africam quo volet portu sistas. Cum redieritis, in promptu merces erit. Nunc necessaria ad viam duntaxat repræsentō. Ex remigibus, captiuisque, quos nosti, quotque opus est, delige. Hos faxo laboris ne pigeat. Inter cæterostalentum diuidam: ne illis reditus in patriam, mendicitate deformis sit. Nauta dominum & patronum appellando, de munerum magnitudine stupebat, operamque pollicitus ad parandum in illam noctem lembum dimissus est. Et remiges tam felicia nunciantem, primo impetu gaudii, inter amplexus, non sine discrimine diripuerunt.

Vespera appetebat, cum à Regina Optimates ad
Poliar-

Poliarchum intrant, nullo humanitatis genere hospiti defuturi. Is ab illis, inter sermonum ambages, hæc ferè de Reginæ rebus accepit; Eam Hyanisben appellari; Iubæ fratri ante annos viginti tres in sceptrum successisse; Priusquam regnaret, nuptam Syphaci fuisse, viro post Reges inter Mauros præcipuo, qui eodem tempore quo Rex Iuba morbo extinctus prægnantem reliquerat. Reginam paulo post virilis sexus prolem esse enixam, & Hyempsa-lem appellasse, qui fauentibus diis anteiuerit indole ciuium vota. Sed iam quærenda apud exteros gloria, cultu priuato, & præterquam vni Reginæ incertum in quas terras, abiisse. Hæc Mauri referentes, & ipsi vicissim quis esset Poliarchus; vnde, aut quo viam haberet, obliqua subtilitate quærebant. Sed ille perplexos sciscitatores, pari arte, quasi non sentiens, eludebat. Inuitatus deinde ad regiam, cænam, haud modicum tempus consumpsit cum Regina, non multum ab simili omnium inde cultu, quam si in purpura venisset. Perfecto conuiuium, cum tanquam postridie profecturus, iussisset valere Hyanisben, redissetque in thalamum, præsto fuere qui opulentioribus ferculis mensam integerent. Gemmæ erant, hæ torquibus, hæ armillis, in auribusve compositæ, magna vis vnionum, & præter vnicam arculam, plura quam à peiratis extorserat. Hæc Regina, siue meriti pretium, siue pignus hospitii, donabat Poliarcho. Sed ipse neque vendere beneficium assuetus, neque emi muneribus, multum laudata Reginæ comitate, negauit tantillæ operæ deberi inuidiosa præmia, sed neque hæc armatum decere. Referrent tot dona ad Reginam, simulque excusationē, & gratias. Ne tamen

men peruiacis superbiae haberetur, annulum quo smaragdus includebatur, sibi desumpsit, digitoque insinuans, eum se cum manu seruaturum impondit; Ita enim donantem meruisse. Ferrum inatus annulus erat, & in lapide Atlantem expresse-
rant suspecto Perseo negantem hospitium: Simul Perseus videbatur Pegaso insidens, & ad Atlantis ora sic Medusam reuelans, ut auerteret ipse vultum, ne & intra viscera saxum reciperet. Sed Atlantis habitus erat indignantis se mutari: Rige-
bant in sylvarum primordia comae crescentes, & in vultu figura serpebat, qualis nec iam hominis, & nondum in-
tis esset.

Aderat interim Nauta, monebatque ventum operam dare. Si veniret Gelanorus, Africam paucis horis longe relinqui posse. Hunc itaque Poliar-
chus arcanis praeceptis celeriter onerat, quae Meleandro ferret, quae nunciaret Argenidi: Selenissa, Archombrotus, ceterique amicorum, quid scire deberent. Etiam quid de suppellectili sua Rex con-
stituisset, an illa publicata, & qui sectores fuissent, cuncta solerter perdisceret. Illinc enim quid in se Meleandro animi esset, posse intelligi. Postquam in Sicilia mandatis esset functus, Clupeam, ubi eum opperiri decreuerat, diligentissima nauigatione re-
peteret.

Profecto Gelanoro, Maurisque dimissis, se ipse ad quietem defessus comparabat. Sed posteaquam in thorum secessit, remiseruntque se spiritus quos tenuerat variarum rerum imago, tunc vulnera quae lateri peirata inflixerat, non modo neglecta, sed negotiis, & contentione animi incitata, subito horrore atque aestu exardere in febrem coeperunt. Ille
casus

casus distulit præparatum in posterum diem iter, terribitque Reginam, haud secus quam si ipsi filius in morbo iacuisset. Nam præter beneficium quod à Poliarcho ingens acceperat, indolis specimen, & incompositum nihil in verbis; præterea generis opinio, & impetus nescio quid præsagientis animi, eam ad veræ benevolentiae affectus compulerat. Ægrum itaque primo mane inuisit adhibuitq; medicos suos. Et sequuti Reginam Optimates, anxios vultus ad mœstitiam figuraverunt.

Horum omnium ignarus Gelanorus nauigabat in Siciliam prosperis ventis. Sed quamquam commodissima tempestas Epeiræten nautis dabat, ultro ab ea statione abstinuit, appulitque ad ignobilem portum; eo consilio, ne quis nautas qui eum vexerant nosse, aut de Poliarcho interrogare posset. Ipse ad templum Apollinis iuit, quod non procul à littore, versus Panormum erat, Sacerdotis quam sui Dei fama nobilius. Sacerdos Antenorius vocabatur, in placidissima senectute vacuus curis, & ad arbitrium fœlix. Nam cū iuuenis primos honores facile cepisset, & summa ei omnia destinaret amicorum opinio; plurimorum casib. monitus quam miserum esset inter ambitiosa vota pendere, respuerat ad animi libertatem; & secessurus ad genium suum, elegerat Phœbi templum, in quo senesceret. Quippe illi numini amabat operari, & inuocatum sæpe receperat; adeo comparatus in casus, seu ipse seu amici laborarent, ut omnium victor constantissima hilaritate discederet. Aderat literarum copia ingens; acie acumen, & celere; quæ omnia vitæ integritas honestabat in iucundissimo sene. Cæterū amabat Poliarchum, audebatq; laudare nondum

M

dum

dum publice restitutum. Nec ignarus Gelanorus cādidissimum esse, à via ad illum deflexit, inuexitq; cubantem in sui templi vestibulo (erat enim pedib. æger) & vt solebat, cum familiaribus inter libros sapientissime ridentem.

Adhuc in primis hærentes blanditiis nouo gaudio interpellauit Nicopompus.. Amicissimus Antenorio erat, & curis tumultuq; aulæ plenus, quærebat inter suauissimi senis colloquia turbatæ Reipubl. tantisper obliuisci. Eo viso, Antenorius vrbanè quæsiuit, ad Phœbum, an ad se diuertisset; Ad vtrumq;, refert ille: Sed quis iste Numinis consultor? Ades ergo Gelanore? & ô Numina faxint vt nec procul sit Poliarchus. Quamquā præter Antenorium, & Nicopompum nemo iam aderat (cæteri enim Antenorio iubente discesserant) amen Gelanoro non visum consilia casusque patroni vlli mortalium priusquam Argenidi concedere. Eum ergo in Italia esse finxit, seque ab eo ad Regem ex Baiano portu dimissum.

Dum hæc ita loquuntur, ecce tibi cumulātæ fortuna illius diei lætitiā, Hieroleander veluti ad conditū alio itinere ad templum cōuenit. Erat ille ab Epistolis Argenidis, summus & ipse virtutibus, inter paucos imbutus literis, nec patruo præter fortunam, minor, qui sacerdotij purpurā ex virtute gestauerat. Is sæpe Antenorij causā commeabat in id templum; & tunc exorando Apollini ab Argenide erat missus. Sed vt conspicatus est Gelanorum, seq; primū repetitis satiauit amplexibus; leuissimæ rei momento, nec cogitans, illi aditum fecit ad ea exploranda quorū causa in Siciliam aduenerat, obuiisse Aldinam oculis ex dolore turgentibus querens.

Siue

Siue excusationem sic parabat, quod eam omnino habuisset, siue quod infœliciter custodiuiſſet. Audito Aldinæ nomine, iſtus aliquantum Gelanorus, in Hieroleandrum reſpexit. Fuerat illa venuſtiſſima catellarum; quæ Poliarcho impenſe placuerat. Poliarcho ex Sicilia excedente, eam Hieroleander Argenidis iuſſu quæſierat, alueratq; ſollicite. Ipla Argenide non auſa ſuccedere in id munus, ne aut aliquid de ſpoliis Poliarchi crudeliter habere videretur, aut contraria ſuſpicionē abſentis domini gratia canem amare. Ea tunc ex partu deceſſerat, magno quidem, ſed occulto dolore Argenidis. At Hieroleander catulæ blanditiis aſſuetus impatientius mortem hæc tulerat; adeo vt in eius gratiam illa celebris eſſe in Aula inciperet; maxime multorum Poetarū carminibus, qui eum demeriti, omnes fides, omnes Parnassi frondes, canino funeri adhibuerant. Tunc vero de illius interitu fieri mentionē (quamquā viuam maluiffet) ſentiebat Gelanorus ſuis rebus conſuere; quia ab eo exordio poterat quæri quod Poliarchus præceperat; cui nempe ipſius opes & veluti ſpolia ceſſiffent. Sed poſtquam intellexit innoxia domui curatores à Rege adhibitos; qui eam domino ſuo ſeruarent; ſolamque Aldinam ab Hieroleandro captam quo delicatius haberetur; viſa ſunt omnia ex voto procedere. Nam quod Aldina ſaltē in Argenidis domo vixerat, rite coniecit id datū memoriæ Poliarchi. Cumq; audiſſet, ne dolore quidē intactam in eius interitu fuiſſe Argenidem, ſatis quid hanc charitatem & dolorem faceret gnatus, Nicopōpo aures præbuit dū Epitaphium recitaret; quod & ipſe Hieroleandri laudibus plenum de mortuæ catellæ his verſibus fecerat:

Occidit. Exequias pulchra celebrate catellæ;

Occidit ante suum pulchra catella diem.

Ipsæ facem mæsto canis Erigoneius imbre

Condat, & attonitis terreat astra sonis.

Plangere scit; meminitque sua lachrymabile murmur

Erigones, patrios cum stetit ante rogos.

Dura Venus, quam non pariens Aldina gemendo

Flexit, & Aldina sic parientis berus!

An quia Phœbeis nemo est acceptior aris,

Invidiam Veneris, Solis alumne, laus;

Aldinamque tuam (ius in te haud maius habebat)

Vlterius rapuit diua seuera manu?

Plangite sub tenero vulsæ certamine chartæ,

Quas auferit Domino blanda catella suo.

Et toties paruo repetita cubilia cursu,

Dum querit veritas illa, fugitque fores.

Plangite nunc muta sedes, nunc strata, socique,

Et quicquid viduum sancta catella facit.

Vos sola gaudete niues. Nil vellere vestro

Candidius, post hæc funera, portat humus.

Gelanorus commendatis de more versiculis; ne quæ de Domini supellectili, ipsaque Aldina, acceperat, animū tangere, & maiori omine implere viderentur, ad alia sermonem deflectit. Ac, gaudeo; inquit (amici) eo loci esse res Siculas, ut de catella sic dolere, aut scribere vacet. Et hinc otium vobis à pristinis bellis, & ciuili insania, esse coniiciō. Imo, refert Nicopompus, hæ sunt velut induciæ, quibus publicos dolores interdum fraudamus; ut imposita à fati onera subeamus fortiores. Tum vero Gelanorus rogare prolixius; An duraret Lycogeni fides; aut interuersa pace nouis scelerib. recruidisset seditio. Referebāt protinus illi, perplexa omnia
esset

esse; Eristhenem & Oloodemum teneri vinculis; armari Lycogené, & in mutuum exitium diffidere ciues à Principe. Tū Nicopompus, siue incitator feruore ætatis, siue quia frequētior malorum conspectus in Regia indignantem impleuerat; non modo fortunam, sed & Regem atque Lycogenem pluribus accusare adorsus est. Quamdiu, inquit, pro ratione impetum habebimus? nec ex nostris parentumve successibus metiemur consilia? Quanto satius fuerat (apud amicos prolixius loquor) Regem in suos maiores inspicere, & malo cauere ex eorum siue consiliis, siue erroribus; quam accepto vulnere in medicina laborare? Isti autem perduelles in eum erecti, quem seditioni titulum, quodve nomen, iam non antea paribus turbis infame inuenient? Iactent licet nunc iri assertum labentem rerum statum? nunc se Deorum cultus Regibus velle monstrare. Non agnoscunt irreligiosissima arma dii toties neglecti; non vtilitatem patria, multa strage deformis; Quacunque specie facinus tueri & ornare molientur, diu est quod eandem alij rebelles maculauerunt. Nescio quo grandi tumultu dii animum meum implent: Abominari inquieta ingenia, pugnare in noxios, & vindictam occupare. Et ne hoc facinus supra meas vires putetis, eadem numina mihi arma literarum præbuere, à quibus immissa vulnera, si modus & veritas adsint, nō viribus arceri, non deleri sæculis possunt. Credam tandem impetui illi, ducamque libera manu sty- lum; quid Rex offenderit describam; & quam anchoram pene naufrago porrigat priorum sæculorum historia. Tum factiosis eripiam laruam, ne eos populus ignoret; quid sperare, quid timere videan-

M 3 tur;

tur; qua se recipere ad virtutem, qua contumaces obrui possint. Non deinde tacebo apud populum suæ crudelitatis ineptiam; non, si suades, mi Antenori.

Imo, subiicit Vates, (simulque celeri motu multies nutans arrisit) si me audis, compesces hoc æstrum. In quæ usum, aut quibus hæc scripseris? Regem scilicet hoc pacto monebis? Saltem si secretus hoc faceres. Nunc vero quam egregia ratio confulendi, ut publice quod illum peccasse credideris exscribas; & si quid plusquam populus in eius vita notaueris, inuidiæ iam in illū nimis aliquid addas? Quid acerbius Lycogenes instituat? Imo quia amicus es, plus fidei inuenies, supraque hostes nocabis. At factiosorum scilicet vitia, quæ tegere laborant, persona detracta produces; Ex priorū successu temporum ibis in eorum consilia, exitumque prælagies. Nēpe, ut ad omina quæ facies timeant; & qui Deos non curant, qui spe, scelere, armis turbati sunt, ad tuam Philosophiam componantur. Parce vero labori, Nicopompe. Diu est quod illud sapientiæ genus euiluit. Non ignorant se errare, nec moniti emendationem promittunt. Sed & finge te adeo efficacis prudentiæ documenta scripturum, ut possint legentium furorem mitigare; velut quidam morbi sunt qui per tibicines curantur; quotusquisque vacabit lectioni? Soli te legent qui perpetuo liuore procaces, in eo eloquētiā statuunt, si Principes viros iniquiori oratione perstrinxeris. Vel humiles forte in scholis, ab negotiorum usu se-moti, & gerendæ reipublicæ præcepta tantum in libris assueti contemplari. Hisne tu scribes? apud hos summa laudis tibi erit, Nicopompe? Taceo libertatis

bertatis periculum quam vsurpas. Etiam qui vere moneri se sentient, te oderint tanquam suæ infamiae authorem.

Substitit Nicopompus ad Antenorij hæc præcepta; & iustissimos metus faceres, inquit, diuinissime vatum; si maledicentiam habere in animo, aut timore intempestivæ censuræ iam vulgarem plebeiamq; vanitatem inflarem. Cui non sit in oculis adhuc recens Poetæ impietas; cum Principē contumeliosissimo scelere laceravit, cum facinoris pretium crucem tulit; famamque quam flagitio quætebat, inuenit supplicio? Cæteros omitto, quibus leuius peccantibus, aut ineptam sapientiam afferentibus, satis pœnæ est ex prudentum fastidio. Longe ab illis consilij mei ratio, mi Antenori. An nescis qua arte egris pueris medicamina conciliantur? Vbi medicum cum poculo vident, fastidiunt valetudinem quæ tanti emenda est. Sed qui ætatem illam curant, vel mitibus succis vim domant acerbis saporis, vel præmiis inuitant ad salutem, deceptisque pulchritudine poculi oculis, non videre, non scire patiuntur, quid hauriendum sit. Ita ego, non subito & aspero questu, veluti reos, citabo ad tribunal, illos qui rempublicam turbant. Par odio non essem. Sed inscios circumducam per suauissimas ambages, vt etiam eos delectet sub alienis nominibus accusari. Erectus his verbis Antenorius, simulque Hierocleander, cupere se dixerunt, audire lepidissimi commentationem. Tum ille: Grandæ fabulæ historiæ instar ornabo. In eo miros exitus circumuoluam; arma, coniugia, cruorem, lætitiā, insperatis miscebo successibus. Oblectabit legentes insita mortalibus vanitas; eoque studiosiores in-

ueniam, quod non quasi docentem, seuerumque, in manus accipiant. Pascam animos contemplatione diuersa, & veluti pictura locorum. Tum periculorum imagine excitabo misericordiam, metus, horrorem. suspensos deinde subleuabo, serenusque diluam tempestates. Quos libebit fatis eripiam, fatis dabo. Noui nostrorum ingenia; Quia nugari me credent, omnes habebō. Amabunt tanquam theatri aut arenæ spectaculum. Ita insinuato amore portionis, addam salubres herbas. Vitia effingam, virtutesque; & præmia vtrisque conuenient. Dum legent, dum tanquam alienis irascentur, aut fauebunt, occurrent sibi ipsis, agnoscentque obiecto speculo speciem ac meritum suæ famæ. Forte pudebit eas partes diutius agere in scena huius vitæ, quas sibi cognoscent ex merito contigisse in fabula: Et ne traductos sequerantur, neminis imago simpliciter extabit. Dissimulādis illis multa inueniam, quæ notatis conuenire non poterunt. Mihi enim non sub religione historiæ scribenti libertas hæc erit. Sic vitia non homines lædentur; nec cuiquam licebit indignari, nisi qui vexata flagitia in se turpi confessione recipiat. Præterea & imaginaria passim nomina excitabo; tantum ad sustinendas vitiorum virtutumque personas; Vt tam erret qui omnia, quam qui nihil in illa descriptione exiget ad rerum gestarum veritatem.

Excitauit Antenorium scribendi nouum genus; alacerque vtramque perfricuit manum; & da, inquit, hunc sodes Reipublicæ laborem, Nicopompe. Si te, si seculum respicis, prorsus hoc debes. Feret multam ætatem ille liber, & gloriæ plenum authorem deducet ad posteros. Vtilitas autem eximia,

mia, artes malorum excutere, & in eas armare probitatem. Excepit Nicopompus; Et das beneficium, Antistes, quod impetum meum probas. Faciam te authore. Dum res est recens, dum animus calet, per tormenta poesi simillima concitatum laxabo ingenium; fabulam pangam. Neque te Gelanore, neque Poliarchum omiserim. Sic effatus, ne periret is calor, quem dii eius animo ad scribendum subiiciebāt, cum in diuersorium secessisset, vix passus cœnæ moram, tabellas petiit; iamque tunc cœpit variæ utilitatis fabulam exarare.

Non hæc erant iniucunda Gelanoro. Quid enim nisi eximiū de Poliarcho scriberet Nicopompus, olim ipsi amicus, & in Lycogenem grauis? Postera die cū egregie Hieroleander litasset, Nicopompum diutius cum Antenorio hæsurum reliquit in templo; Ipse Gelanoro comite Epeircten profectus est. Cumq; hilaris nunciasset Argenidi Apollinem pulcherrimis extis læta omnia portendere; addidit libertum Poliarchi in vestibulo templi obuiam sibi factum iamque in vrbe esse; ignarus quantos animo virginis motus hoc nuncio cieret. Illa prosperis victimis Deos aduentum Gelanori comprobasse haud tarde coniiciens, trepido gaudio dubitare subito cœpit; An sine Poliarcho venisset Gelanorus; an potius ille lateret, viam furtim ad colloquium affectans. Saltem se cogitabat à Gelanoro audituram, vbi is esset, vt valeret, quid aut se facere iuberet, aut ipse moliretur. Nihil minus Gelanorus conueniendæ Virginis auidus erat. Sed cum casu incidisset in Eurymedem, nec dissimulare potuisset quin ad Regem esset missus, confestim ad ipsum perductus, vultuque, vt oportuit, nec fra-

Et o, nec superbo, hæc pauca loquutus est. Poliar-
 chus saluere te maxime iubet, ô Rex; & has literas à
 Lycogene sibi scriptas, ad te potissimum mittit, ne
 eum, aut nescire, aut credere putes, quæ de tuis in
 eum consiliis referuntur. Simul his epistolâ tradit;
 qua diligenter perlecta, Rex nouitate infamie mo-
 tus eum accersito Cleobulo atq; Eurymede literas
 cōmunicat: Neq; illi aliud referebat, quam rem al-
 tam plenamque periculi esse. Nihil vnquam per-
 plexius visum; cum nec ipse Gelanorus precibus ac
 deinde propemodum minis tentatus, quicquam
 afferret (neque poterat) quo Lycogenis deprehen-
 derentur insidiæ. Inter occisi spolia, vt res erat, aie-
 bat hos repertos codicillos; neque aliquid præter-
 ea, aut se, ut Poliarchum scire. Et Rex ad illum;
 Neque ipse, Gelanore, quicquam in hac caligine
 video. Armillam ad Poliarchum meo iussu misit
 Argenis: & delegatus ad ferendam Timonides. Sed
 de veneno nec scio; nec de armilla quâ si iuerit Ly-
 cogenes possum coniecere. Tu rem apud te contri-
 ne. ne quis sciat quid ad me detuleris. Diis, & mihi
 curæ erit, vt arcana hostium scelera eruantur. Per-
 cunctanti deinde vbi Poliarchum & Timonidem
 reliquisset; negabat Gelanorus aut Timonidem,
 aut armillam ad Poliarchum peruenisse; quem ab
 Rhegio profectû, in pelagi varios sinus illico tem-
 pestas compulerat.

Dimissus deinde à Regis colloquio, ad Selenif-
 sam iuit; & vbi commodum fuit, Argenidi literas
 tradens cætera quoq; aperuit quæ Poliarchus man-
 dauerat; In Africa eum esse, illicque hæsurum, do-
 nec ipsa statuisset, quid potissimum res vtriusque
 exigent. Si opus armis sit, iam non vnum se, aut
 priua-

priuatum, in Siciliam esse venturum, aut si quid commodius virgini succurrisset, ne parceret volenti præcipere; Fœderumq; memoriam, nulla interim pateretur absentia deleri. Pignus autē amoris non minimum fore, si nunciet num ipse à Lycogene fideliter moneatur. Mota Argenis ad metus Poliarchi, & immeriti contumeliam patris, sancte confirmat, nullum tale facinus profectum à parente. & pene peccare Poliarchum, quod posset suspicari, si quid eiusmodi moliri Rex vellet, se ad ea exploranda, aut ei nuncianda, tardio rem Lycogene fore. Vbi vero Gelanorus de Poliarchi periculo egit; vt perdita rate, inter breuia inuenisset salutem, vt propius quam in naufragio inter opem prædonum periisset; illa tantam periculi speciem non ferens, simulq; reticere Gelanorum, simul loqui imperans, ad omnia verba pauebat, quasi non absens, aut exacta pericula audiret.

Iamque anxio Rege, armillamque, & Lycogenem, & venenū in oculis mentis habente, biduum quæstioni res fuerat; cum Arfidas atq; Timonides in aulam perueniunt, de Poliarchi naufragio quæ credebant nunciaturi. Ergo & rati extinctum cum Poliarcho Gelanorum, ad viuentis conspectum expauerāt; & subito à Rege accersiti sunt, vt si quid ad has Lycogenis literas haberent audirentur. Ad erat & Argenis, & cum Cleobulo Eutymedes. Illi dicere exorſi quid egissent, ante omnia pyxidē protulere, in eaq; armillam, tot monstrorū materiem; Aiebant diuertisse ab Arfida Poliarchum, priusquam adueniret Timonides; & idoneis argumētis elusi (inquiunt) iam vt naufragum defleueramus; cū Gelanorus spem hic nobis restituens, nō vivere modo

modo patronum, sed valere asseruit. Post hæc, literas Lycogenis ad Poliarchum iis Rex tradit : ad quas illi cum stuperent, Cleobulus altiori genio omnia agitans; Videamus autem, ait, an syncera armilla sit, satisq; mendacium refutet innoxio texto; an medicamine infecta criminationi argumentum præbuerit. Dum hanc tractant, dū nexus euoluunt, protinus notant in bysso ad quam gemmæ tilis argenteis hærebāt, disparem colori reliquo tabe exiguis maculis passim virescere. Qua cōspecta; quid istud est, inquit Cleobulus, nisi venenum quod Lycogenes significat ? Sed videamus cuius crimine hoc munus funestum sit. Nunquā mihi coniciendi fides sit, ô Rex, nisi ad Lycogenem, sociosque id facinus pertinet. Nam & Eristhenes, quem reum in carcere habes, tuo æratio Præfectus, apud se armillā hanc habuit. Et quidni existimes, vel solertia sua, vel proditione tuorum, hos sciuisse id munus Poliarcho destinari, armillaque corrupta, huic vitam, aut denique tibi famam, inuidisse nefarios ? Sed Deorum auspicio bene cuncta cesserunt: Impij suo scelere obruentur. Oloodemum, & Eristhenem, quos perire maxime interest, occultis quidem criminibus fontes habes; Sed aperto scelere, & apud populum valituro, hætenus argui posse non contigit. Hos id facinoris si admisisse constet, nemo erit cuius suffragio non damnentur. Rex Cleobulum, quæ solerter coniecerat excutere iubet, & de reis habere quæstionem. Ille omnia ab Eurymede utilius perfici posse causatus, quid agendum sit breuiter docet.

Nec detrectatus Eurymedes Regis imperium, ad custodiam peruenit, in qua seruabatur Eristhenes;
& jam

& iam à limine (vt Cleobulus recte monstraerat) simulatis luctibus ardens; tandem, inquit, de Poliarcho triumphasti, Eristhenes. Perit armillæ cōtractu, quam lethalibus succis imbueras. Num tu vero, quod Oloodemus facit, vltro in gloriam duces quod operam facinori tanto præbueris? Ad hæc Eristhenes tanquã subito fluctu perculsus, quid loqueretur non habuit. Audiebat extinctum Poliarchum, à quo eius spes nequaquam diuertebat. Iam vero conscientia pulsabatur ad crimen obiectum. Et quid præterea dissimularet, si Oloodemus (ita enim finxerat Eurymedes) iam confessus veneficiū erat? Nec prolixiori consilio, aut recomponendo animo tempus dabatur. Ergo, vt in perditis rebus, restare putauit ne languide cunctaretur; aut frustra negato facinore, videretur censuisse pudendum quod nollet confiteri. Vrgenti itaque Eurymedi, Bene est; retulit. De me quod placebit fata deliberent. Satis est gaudij quod post Poliarchum Siciliae hostem vixi. Tum solerter Eurymedes, tanquam de re nota agens, sese penetrabat in eorum consilia. Ad extremum, Lycogenis perfidiam obiecit; qui literis ad Poliarchum, in sui flagitij infamiam substituebat innoxium Regem; Et Eristhene fallaciam leui risu confitente, Eurymedes ad Regem ab eo digreditur; nec sine horrore quid ille sit falsus ostendit; Restare, vt Oloodemus pari indicio se damnet.

Tam fœliciter peruestigato facinore exultans Meleander, laudatum Eurymedem ad Oloodemum mittit. Sed ille præsentiori ingenio, auersatus venefici nomē, tanquã de inaudito facinore, cum interrogaretur, ipse plura quærebat: Cumque Eristhene

sthenes iam flagitiū confessus diceretur, ratus hanc
 esse fallaciam, nec se credere respōdit turpissimum
 crimen in Eristhenem cadere; nec si maxime cade-
 ret, se cōscium: Ille. Ad extremum, expugnauit
 pertinaciam Eurymedes prudenti consilio: Oloodemū
 in arcano loco sistit; vnde Eristhenes posset
 audiri, quo cum ipse antea cōtos sermones repetere
 cōepit. Et Eristhenes, tanquam in pignus constan-
 tiæ, nec suum abnuebat, nec sociorum crimen; do-
 nec adeo Oloodemi patientiam vicit, vt repente
 exclamaret; ô te vel simplicem, Eristhenes; vel
 tuorū proditorem! Stragulis deinde reiectis, com-
 munem suorum perniciem appellauit, & solum
 exitu dignum, quem pluribus comparauisset. Se-
 ro intellexit Eristhenes se ab Eurymede esse delu-
 sum; neque Oloodemum communis flagitij indi-
 cium fecisse. Verbis ergo quæ tempus dolorque
 ferebant errorem excusare parabat Oloodemo.
 Sed vt satis explorata res, adhibitique idonei te-
 stes, in diuersum abstracti conduntur in carcerem;
 & postmodum ad publicum iudicium trahuntur: ne
 si quæstio populo teste non habita esset, clientelis
 & factionibus deinde reorum tanquam partū legi-
 tima inuidiose traduceretur. Sed quanquam Epeir-
 etanis ciuibus Rex fidebat; tamen ad reorum cu-
 stodiam, Prætoriani cum armis in foro locati sunt.
 Et ex eiusmodi loco dicenda causa erat, vnde faci-
 le si tumultus exarsisset, recipi in arcem possent;
 & carceri reddi. Populus in forum per præconem
 euocatus effuse conuenerat; & ille qui orare in
 publicis iudiciis regias causas solebat, in hunc sen-
 sum loquutus est. Scire populum quanta ipsius
 charitate Rex flagret, nec Regem vicissim dubita-
 re.

te, quin sit illi charissimus. Itaq; Eristhenem & Oloodemum, multorum in se scelerum reos, quamquam poterat suo iure damnare, tamen distulisse ad publicos iudices; ut optimorum ciuium studiis potissimum vindicaretur. Audiret populus pro se dicentes, & ipsis Iudicibus sua voce præiret quid de illis statuendum. Triginta tum Iudices de rebus capitalibus quærebant, ad quos Eristhene & Oloodemo productis, accusator multa eorum in Regem facinora, fidem sæpe frustratam, habita cum inimicis consilia strictim explicuit. Acerbior oratio fuit, de veneno, & parata in Regem infamia. Cumque verba, cum testes, cum literas protulisset, adeo Epeirctanum populum mouit, ut nihil expectato iudicio à plerisque lapidatio vrgeretur. Sed deprecatus est actor imperiū vulgi, donec Iudices in suffragia iuissent. Plurimum interesse ut rei publice diceret. Plus illos oratione sua, & percussæ conscientia notis, quā accusantis voce laboraturos. Duplicē quoq; aquam, si peterent, eis ad defensionem à Rege concedi. simul his, reos prouocat ad dicendum. Sed illi (ut coniecerat) causæ inopia marcebant. Nec deflecti crimen poterat, nec populus conciliari. Timide ergo pauca; & illa plus in Regem, quam pro se loquuti sunt. Dimisere tunc Iudices in urnam suffragia; qua publice effusa, fabæ omnes atro colore noxios damnauerunt.

Rapti statim in carcerem, ut veneficij conuictos idoneo supplicio cicuta conficeret. Illic, tristi & ultima libertatē exercuere ius, quod ita pereuntibus leges indulserant. Diras igitur dicere Regi; ultorem ciere Lycogenem; venerari Deos manes ut hostes ad peiora seruari hunc exitum sibi inuideant.

Inter

Inter hæc ananæum poculum aderat; quod prior Oloodemus de carnificis manu rapiens; Age, inquit, propinemus Meleandro. Nos quidem eximus miseras, peius hunc nostro fato oppressuri, quam viuentes voluisse existimat. His dictis nō cunctanter totum hāusit. Denuo impletum cum Eristheni porrigeretur, supercilium ille duxit, & circumspiciens, ecquis, ait, amicos meos monebit Meleandro quid debeant? Epoto veneno, ambo à carnifice moneantur, vt quo facilius virus conciperetur venis, minorique cruciatu occumberent, quantum carceris spatia sinebant, ambulationem vrgerent; donec tibiis grauib; sentirent iam ab imo calorem excedere. Cum paruissent, frigentibus mox pedibus procumbunt in lectum. Illic veneni nebulis imitantibus somnum, languebant sine sensu; donec coxis iam exanimatis, tanquam stimulo icti, prodidere lethalem vim ipsa intrantem vitalia; nec multo post extincti sunt. Vulgati mox versus celeritate Poetarum; quorum alij vili audaciâ plus iusto lacescebant percussos; alij tanquam adhuc pœnitentia in integro esset extinctos monebant, & de obitu iam exacto sero vaticinabantur: Minus hæc carmina displicuerunt; quæ prolixius ambitionem quam ipsos reos notabant:

*Debita funestis cecidit tibi victima fati,
Ambitio; Nunc pone minas, satiataque tanto
Sanguine, Sicaniis pacem concede colonis.
Heu quoties victrix nostri de cladibus Orbis
Umbrarum implesti sedes; dum vertere regna
Dulce tibi, & sauas terris indicare pugnâs.
Prima tuos ducunt periuria fœdâ maniplos,
Contemptusque deûm; metasque in limite nullâ*

fulere. Tunc vero cum ad eum cōprehendendum Rex misit, non defuerunt ex coniuratis quidam, qui aduentum Eurymedis occuparent, nunciantes de amicorum pernieie, ipsiusque periculo. Cœnæ tunc tempus erat, & conuiuium militaribus viris frequens. Ad quos ita Lycogenes; Ne si frustra conuenisse vos putetis, Commilitones, Sepulchralem hanc cœnam Eristheni, & Oloodemo edidimus. Meleandri crudelitate perempti sunt; & nisi quid opis in vobis est, eadem tempestate corripior. Eri tyranni satellites, pene pro foribus, quibus mea perniciēs mandata est. Quæ fors inde vos maneat, quæ optimos ciues, neminem reor ambigere. Cum principum cædes ea audacia faciat, an modestius de cæteris decreturum coniicias? Non vos ad salutem meam sollicito, Commilitones, nisi cum vestra creditis esse cōiunctam. Simul his de strato exiit. Cæteri proiectis quoq; mensis ad arma discurrerunt. Omnis domus sedulitate tot militum sibi simul duci; timentium, feruebat. Missi quidā qui ex vicinis locis ampliorem manum accirent. Multi, duce Menocrito, lecti, qui obuiam irent Eurymedi; positisq; in cōmoda valle insidiis, incautum; & itinere fessum exciperent. Sed confusa dimicatio fuit; quia pr̄ usquam delitesceret ad insidias miles, Eurymedes venit & ipse imparatus ad certamen. Viriliter tamē vtrinq; pugnatū est: frendente præcipue Eurymede, capi admonitum Lycogenem non posse. Cæterum quamquam & in hostico, & viribus impar; (nam Lycogenes strepitu pugnantium ad se illato suos omnes promouit in aciem) confessa tamen fuga non dilabi sustinuit: Et sensim recedentem nō sequutus est Lycogenis miles.

tes: Seu fraudem ab hoste, seu iam mistum tenebris
cœlum pertimuit.

Periere non multi, nocturno discrimine: Sed vi-
cisse videbatur Lycogenes, qui suorum impetu læ-
tus, amicos vndiq; accersit: præparata concurren-
tibus arma distribuit: vnoq; exemplo scribit ciuita-
tum conciliis: vt se publicæ authorem libertatis ve-
lint adiutū. Nec tarde deficiebant ab optimo Rege
illi ipsi qui sub eius mansuetudine creuerant: Do-
cumentum mortalibus, quantumuis egregiam in
Rege virtutē, nisi fortitudinis opinio accedat, posse
contemni: nec fidelius vllos Principes amari à Po-
pulis, quam qui timeri meruerint. Triste mortali-
bus spectaculum exhibebat Sicilia. Pulsa religio;
iura neglecta. Infidæ euntibus viæ; domus, vicique
passim, rapinis, furore, incendio afflictæ; Sola de-
nique castra in squalentibus campis fulgentia. Nec
populus primo furore sentiebat, grauiora se pati
sub grege tyrannorum, quam quæ tanquam à Me-
leandro illata vindicari voluerat; Proditor sui, &
proditionis merces. Multos tamen ille fluctus non
abstulit. Quatuor præter Epeircten vrbes reueren-
tia Maiestatis continuit; Messanam, Panormum,
Catanam, & in umbilico insulæ Eanam.

Iamq; Lycogenes iura regni & insignia vsurpās,
soli nomini parcebat. Solium, cū accumberet men-
te; vestis purpurea in castris, & vbique fica ad la-
tus. Blandus immodice, aut seuerus, vt teneret ter-
reretve contumaces. Nec segnior ad res suas Me-
leander subitis delectibus multum militum effecit.
Epeirctæ comæatu & munimentis instructissima;
in arcem belli delecta est. Ex regiis triremib. quot-
quot in officio manserant, in illum portum dedū-

Etæ. Ipse & propria indole, & tunc anxiiis rebus, erat in Deorum curam intentior. Et quoniam rebellionis nefas instar morbi peruagabatur Siciliâ, tanquam plus fati atq; amentię quam sceleris esset, publice clauum fixit. Ita sperabat posse componi mentes quas furor rapuerat. Etiam ne in suos milites labes inferperet, placuit lustrari exercitum. Iuit ergo ad castrorum principia (nam sub Epeirctes radicibus milites tendebant) & inde cum Tribunis ducibusque, & Deorum simulachris, processit ad campum in quo facturus Sacerdos instruebat altaria. Omnis in armis, & sub signis exercitus, sibi ad rem diuinam coronas texuerat. Hastæ quoque, & iacula, circumactis frondibus induebantur. Interim hostiæ omni cultu maectatæ, taurus, hircus, & aries inter legitimas preces ter à ministris alte præcinctis circumactæ exercitui, ad aras sistuntur. Tum rex & in orbē ipse se egit, Deos appellaturus; Adessent melioribus partibus, & si qui hæctenus non fauissent, rite propitiati ad se transirent. Incolumis esset exercitus. Vires, animus, consilium, hosti exciderent. Quod si ope, salute, victoria iuuissent, tum se Ioui Seruatori, Martique, & Mineruæ, & Cœli potentibus diis, quotquot bellum aut pacem curant, templum de aduersariorum manubus extructurum. Annuos etiam ludos fore, in quorum præmiis hæc in Siciliam deorum beneficia cælarentur. Inter hæc vota hostiæ cadunt; fibrisque spirantibus aruspex admotus est. Is cum integerrimum iecur, sed crassiorib; membranis pertinaciter obductum inspiceret; exta quidem esse bona asseruit, & iis magnam fœlicitatem portendi, sed lentam, & quæ labore constaret. Post hæc, milites gestu inani, &

hastis

hastis ex arte aliquoties quassatis, tanquam ad hostem præsentē succlamantes, edidere simulachrum coeuntis certaminis, & innoxie velitati in castra redierunt.

Sed Meleander quod superfuit lucis, haud multum dispari curæ dedit. Quidam enim ex Assyria hospes, specie quærendæ in diuersis gentib. sapientiæ errabat, reuera vt suam iactaret. Is tunc in Sicilia erat, & in Mathematicorum cœlo versatus, vendebat suæ artis ludibria; si quis ex syderibus quæ nascenti affuerant, volebat de fortuna, quæ viuenti, quæ morituro debebatur, vanissima credulitate cognoscere. Nondum erat capitale in ipsos Principes quærere ex eiusmodi syderum fide. Cum is ergo laudaret vix imparem diis scientiam; & de successu apud multos mentiretur; quoties fœlicitatem aut mala non frustra promississet, quam multi nec risissent impune hæc fata, nec frustra timuissent; accidit vt ad Archombrotum fama illius peruaderet; Ad quem accitus, cum prolixè eandem cœlestis influxus vim commendaret; iuuenem amantemque sic perpulit, vt de cupiditatum suarum exitu eam artem interrogari vellet. Chaldæus, quicquid sydera portenderent, se cum fide renunciaturum promisit. Sed cur priuatæ duntaxat fortunæ mortales sollicitant, (inquit) hanc venturi scientiam? Quidni & imperat Meleander, inspecto cœlorum ordine deprehendi, suisne an hostium fatis pugnetur? Mouit ea oratio Archombrotum; per quem & Rex in spem plusquam oraculi Chaldæum acciuit. Is mercedis spe plenus; iamque melius sibi quam Regi, ex ea negotiatione auguratus, venit ad Regiam; Rogatque qua disciplina, quo ve-

numine, oculos posset in futurarum rerum caliginem mittere; sic incepit. Non ille nos spiritus ad vaticinium (ô Rex) agit, quem fatidici de hiatibus terræ eliciunt ad turbanda diuinitatis stimulis ingenia. Sed neque de more illorum, confusis dubiisque oraculis sciscitantes frustamur. Vnam cœli vim, vnos syderum cursus scrutari, nostræ genti est studium. Primi deprehendimus metas Solis; primi liquidas, nec vestigiis notabiles, cœlestium facum vias, nominibus mensurisque distinximus, contemplatione libera in sudo aere, & nebulis non infesto. Assyriis enim raro pruinæ, aut squalentes nubi-
bus venti, cœlum eripiunt. Dum in ea contemplatione hæremus, experimēto nobis compertum est, hæc humana ad astrorum motus regi; nec alias esse Parcas quæ nascentibus fata disponant. Quippe ex eorum inter se commercio si vniuersa tellus accipit vices, & ad vbertatem, aut frugum internecionem adigitur; si annos, si sæcula, vis illa definit; quid miremur singula mortalium corpuscula, inde vitam, cupiditates, læta, & tristia sorti-
ri? Liceat modo scire momentum quo te peperit mater. Effingam ego in tabula cœli imaginem, & quotquot syderibus facimus domos; Ea in illis constituam quas cum nascereris obtinuerunt. Iupiter, Solque, & Venus, optimi planetarum, deterimusq; cum Marte Saturnus; Mercuriusq; & Luna, varij ex sorte locorum quos insidunt. Cuius illorum regnum fuerit cum in Orbem intraisti, quo gradu, quo aspectu, illum cæteri temperarint, vel viderint. Illice go, ne dubita, quicquid de te decretum est legam.

Fiducia orantis, & promissi magnitudo, tetige-
rat

rat Meleandrum. maiestas præterea artis, & tanquam ex abdito formulæ audientib. ignoræ, venerationē addiderant. Sed dum omnes laudibus fremunt, Nicopompus (nam tunc forte inter paucissimos aderat) intentus in Chaldæum, risu severo: *Euge mi homo, inquit; Occupasti Deorum imperium. Scribe spei timorisque improbas leges, & si qui hic decipi amant, impone lubentibus. Imperus Meleandri, cæterorumque, ad hæc verba substiterat. Auide ergo quærere omnes, quid diceret, sentireve Nicopompus, ipsumne Chaldæum, an artē illius incesset maledictis. Præcipue Meleander sciscitari, cur hospiti inclemēter diceret. At ille, quidni hunc veteratorem iurgio premam? (ô Rex) qui in te sibi plus iuris facit, quam ea ipsa quæ mendacio præfert sydera habeant? Quicquid enim mentiri voluerit, labefactabitur assidua expectatione successus animi tui quies, quam astrorum nulli motus potuissent cōuellere. Sic in te hic tyrannus sub insōntis cœli inuidia regnabit, ac ceu Iouem se faciat, multum sibi censebit te debere, si fœlicia fata exorabili ore præfagiet. Quid denique ab eo credis audire? Ego absque Mathematico vlllo cœlo quicquid facturus sit, dicam. Vbi ingentem chartam (non sine suo risu, si sapit) multis lineis punctisque vexauerit, tandem exitus mites & fortuna tua dignos grauissima voce promittet. Id enim ad gratiam & lucellum esse non dubitat. Sed inter hæc, ad imitationem non mercenarij oris, supercilium ducet, perplexe cunctabitur, nunc in te, nunc in astra respiciet; addet denique formidolosum quiddam; ambiguum tamen, & quod in varios euentus facile trahas. Hæc laboris tanti summa; hæc responsa ille*

vendet, quæ gratis nunc refero. Sed cesso hominem adoriri; quando hanc pugnam tum silentium tuum, Rex, tum ipsius in me obtutus efflagitat?

Ais ex astrorum positura, Mathematicæ, ex ordine, ex vi qua influunt subeuntibus lucem infantibus, vitæ atq; interitus rationem disponi; Sed fate-
ris ea vertigine rapi cælum, vt paruo momento syderum status mutetur. Si igitur celeritas quantam ægre cogitatione conceperis cœlestia corpora aue-
hit; ex statione porro diuersa, minæ eorū aut promissa inflectuntur; cui hominū sua fata certo retu-
leris, cum incertum sit quo syderum temperamēto productus sit? Nisi credis hanc esse obstetricibus curam, vt continuo solaria consulāt, notent distri-
cte diei articulum, & nascenti suas stellas tanquam patrimonium seruent. Quoties matrum pericula curam hanc circumstantibus adimunt? quoties nemo est quem superstitio illa tangat? Finge ta-
men esse continuo qui id curent: At si diu nascitur puer: si, vt sæpe fit, manum exertam, aut capitis par-
tem, reliquum corpus nō sequitur: quænam astro-
rum collocatio fatalis illi erit? An quæ astitit ex-
eunti capiti; an quæ denique productum afflauit? Præterea cum frequenter exerrent solaria, & ple-
ræque machinarum quæ horas designant, ex sicci-
tate aut humiditate aeris amittant tenorem; Vnde habebis verum illud fuisse, & ex mēsurā cœli tem-
pus, quod in ortu infantium homines curiosi, aut amici, notauerint?

Finge tamen in eo non errari; deprehendas uti-
que stellas quo situ, quo vigore fuerint, cum illi in
quos inquiris nascerentur. At vnde tantum syde-
ribus in corpora nostra, imo in mentes imperium?

Ex

Ex iis scilicet expectabo fœlicitatem, ex iis vitæ genus, & mortis arbitrium? Num ergo qui prælium subeunt, simulq; extinguuntur, omnes sub eodem cœli ordine erant nati? Num si navis peritura est, nullos vectores accipiet, nisi quos nascentes astra naufragio damnauerint? Imo sublydere omni producti, coeunt in aciem, nauigium onerant, & dispares ortus vna morte coniunguntur: Rursusque non quotquot eodem nexu astrorum lucem aspiciunt vno fato aut viuunt aut pereunt. Regem hic vides. An omnibus illius æqualibus putas Regnum contigisse: vel aliquas saltem opes, quæ indices essent beatæ & opul. nræ collationis astrorum? imo an omnes superesse ad hunc diem? Ecce Cleobulum; ecce te. An qui cum illo nati sunt, cum illo quoque sapiunt, Regibusque sunt accepti; aut qui tecum, omnes (ne quid grauius dicam) Mathematici sunt? Quid autem cum in prædonem quis incidit? Fatale erat, inquis, vt hunc prædo obtruncaret. Num ergo eadem astra quæ viatorem, dum nasceretur, ferro prædonis mancipabant, ipsi quoque prædoni, diu fortasse antea nato, mentem vimque dederunt, vt aliquando hunc vellet, & posset occidere? Certe enim non minus dicitis ex astris fieri vt hic interficiat, quam vt iste mactetur. Cum quis vero ædificij ruina obruitur; an quia erat in astris, vt eum sua domus sepeliret, afflictus est murus? Imo mehercules quia afflictus est murus, hunc subiectum moles oppressit. Eadem de dignitatibus ratio, ad quas per suffragia ascenditur. An enim sydera quæ alicui nascenti adfuerunt, & (vt vultis) promiserunt dignitatem; aliis mortalib. potuerunt imperasse, qui sub iis nati non sunt, &

N 5 ex

ex quorum tamen suffragiis destinatae dignitatis constat effectus?

Hanc ego vanitatem ineptia & stoliditate praecipuam dicerem, nisi supra haec nomina peccaret. Pessimae superstitionis ingenium est. Quo libertas enim mortalium, si à praescripto syderum non possunt recedere? Curem ego valetudinem, me honores sollicitè; vitia abiicere cogitem; animum ad virtutes appellere; si nascenti dictum est quid me esse oporteat? Iacturam humanae libertatis deploro? Etiam Deorum munus perit. Amplius thura non perdo. Deos nec timeo, nec ambio; si non possunt, aut nolunt, quod de me est statu: ù inflectere. At pro nascituris liberis scilicet orabimus, ut propitia astra habeant. Dicam quod ego in Mergania vidi. Quendam haec superstitio afflauerat; ut nec uxoris cubiculum intraret, nisi exploratis antea astris. Si aut cauda draconis implicabat sydera, aut ea Scorpius incinctu brachiorum corrumpebat; vel omnino quid monstri minabatur in coelis, solus oppido dormiebat. Quid quaeris? nati sunt ei liberae aliquot, & omnes insani.

Dum Meleander, cæteri; infœlicem Merganicuram rident; Chaldaeus, quanquam insperatissima accusatione turbatus, collegit animum, similisque eam rixam contemnenti; Nihil detrahi Diis dixit, quorum iussu haec ipsa vis quam praedicabat inesset syderibus; quique adeo non se abdicarunt potestate, ut res super sint innumeræ quibus se vel propitios vel vindices prodant. Non deniq; adeo Mathematicos delirare, ut omnibus qui cum Rege nati sunt deberi regnum putent. Ad venturi praesagia multarum quoq; rerum praeter astra habendam
ratio;

rationem; in quibus præcipua sunt, sæculi genius, stirpisque conditio. Cæterum si quis neget aliquid cælum in hominibus posse, dignum esse cum certis piari; Cum omnibus cõster aerem ex cœli conditione vel turbatum vel placidum, se ipsum insinuare in mortalium cor, ora, ex quorum deinde afflatu inclusi animi inspiratos affectus accipiunt. Ita modestiora loquentem interfatus Nicopompus; Nec omnia, inquit, Mathematicæ, negamus syderibus. Incitari hominem ad segnicie, laboremve; callidam indolem, aut ingenuam simplicitatis nancisci; esse hilarem, aut ad iracundam solitudinem declinare; in vitia denique, aut virtutes, aliquo pondere & impetu ferri: Hæc non nego ex cœli in ista terrena imperio esse. Itaq; non multum repugnem; si coniicias eos qui ex mitib. astris hauserunt lenitatẽ, victuros fortuna ab iis dispari quos graua & turbulenta sydera in feruidiora studia agunt; Vel quibus placidum cælum hilaritatem infuderit, gratiori consuetudine placituros, quã homines receptum Saturnum acri & molesta solitudine contemplant. Eiusmodi non certæ quidem artis, sed egregiæ prudentiæ præcepta non carpo. Alia sunt quæ me tibi committunt; & hæc præcipue quatuor. Primum quod sydera, contra quam sentis, impellere credo, non cogere, ad rectas cupiditates aut impias. Tum ex syderum, vel cupiditatum contemplatione prænunciari certo non posse, quid hominem in vita maneat, vel quem finem dii statuerint. Tertio, non satis intelligi quæ astra hos infantibus affectus ingenerent. Res denique liberas, res fortuitas; huic necessitati syderum vel inepte vel impie dari.

De

De iis vbertim dicerem : Sed video te fatigatum (Rex) ad Cleobulum respicere ; à quo fateor , vtiliora super bello , quam à me , vel Mathematico , accipies. Imo , inquit Rex , sed strictim de his ediffere , Tum ille : Non nos cogi syderibus vel hinc constat , quod haud pauci impetum ab iis concitatum ratione domitamus , & nulla re magis nostrum genus à beluis discrepat , quam hoc libertatis priuilegio ; quæ sollicitari subiectis & flagrantibus motibus , sed ad vitia aut virtutem adigi inuita non potest. Hinc in Philosophorum scholis nihil vulgarius , quàm sapientis animum , experte seruitutis , iplis quoque imperare syderibus ; Hinc & quotidiana eorum præconia , qui sciunt moderari iracundiæ , amoris , cæterisque torrentibus , quibus hæc castra in animos nostros inundant. Quorum omnino nihil esset , nisi accepta astrorum imperia mens nostra fastidire aut recusare posset. Præterea vt Sol omnia quæ luce eadem & iisdem radiis corripit , non iisdem effectibus damnat (nam fouebit alia semina , alia enecabit ; vrentur exiliores herbæ , & defendet alias crassior succus :) Ita cum tot infantium qui nascuntur velut ager diuersissimis modis præparatus sit , ex varia parentum indole , valetudine , habitu ; vna illa vis quæ è cælo in plures simul manabit , non poterit idem in omnes ; Si consentientem sibi infantis indolem inueniet , in ea regnabit ; si repugnantem , vix aliud quam corrigit ; Adco vt de infantis moribus vitæque dicturus , non inspicere modo cælum debeas , sed parentes , sed fortunam , quæ grauidæ matri fuit , sed diuersa alia , & plerumque tibi ignota. Et ex his quidem secundæ quam posuimus quæstionis ratio ipsa se aperit ; ex
astris

astris scilicet non statui certo posse, quid acturi passurive mortales sint. Nam cum moderari possimus in generatis affectibus; qui. In & ea declinare quæ illi affectus peperissent si fuissetus obnoxij? Cumque ex variis causis nunc leuius; nunc grauius nascentis hominis animo incidat illa prementis cœli conditio; cur vno effectu in omnes valiturum existimes, quod non in omnes eadem potestate inualuit.

Addebam, nec deprehendi satis posse quænam sit connexio vel auersio syderum, quæ infantibus semina venturarum cupiditatum ingenerat. Vos eam spectatis, quæ superstat nascenti. Quidni & illam, quæ fuit cum animaretur fœtus in vtero? quidni cæteras sub quibus tenerum corpus, & adhuc anima sui ignara, in alio materna instruebatur ad viuendi patientiam? Equidem ex eorum syderum conditione, non minus quam ex ipsis natalibus; pendere infantem existimem.

Quod vltimum asserui, res liberas aut fortuitas huic syderum potestati sine sacrilegio non addici, vrgerem vehementius; nisi timerem prolixitatis meæ odio tibi Regem conciliare. Dicam tamen & vos id velle, & sine scelere aut amentia velle non posse. Quid liberius quam vxorem ducere; hoc vel illud vitæ genus insistere? Aut quid magis fortuitum, quam vt homo pereat ferro, aquis soluatur; inimicitias suscipiat; certo vitæ anno ægroter; principibus charus, dignitate vel contumelia insignis sit? De his tamen respondere, Mathematici; soletis. hic audacia, hic præda est vestra. Nuper furtum à seruo erat factum; fugerat ille, & à domino quærebat. Nihil magis fortuitum, quam vt caperetur,

peretur, aut abiret incolumis. Contigit ergo ut sospes euaderet; & continuo de vestris vnus mystis, ratus de præteritis augur, retulit nobis, inultum latronem aufugisse; quia intercesserat Luna Mercurio, scilicet furum patrono, eumque contexerat. Ægre mihi persuasit se serio hanc fabulam nobis afferre. Non in deū ergo cura, non in domini diligentia, aut furis ipsius solertia fuit, ut ille caperetur, aut tuto lateret: sed hoc totum ex astrorum imperio factum. à quibus si hæc humana sic aguntur, frustra negotiis quisque nostris operam curamve impendimus. Fuit enim vel cessantibus nobis quæ ipsa præscribere; & quæcunque vetuerint, nulla nostra industria procedent. Ut cætera vero præteream, quibus ista reuelatur quam diis naturæq; inferius iniuria; Quæro, Chaldæe, utrum illa vis quæ scelicem nascenti puta infanti vitam portendit; aut violentæ mortis casum, in trigesimū forte, aut amplius, vitæ annum constituit; utrum inquam illa vis quæ hos casus, illamq; motura fortunam est, duret in cœlo; & destinatum tempus expectet, quo terris illabens, cogat in necessarios affectus necessaria instrumenta; An vero inseratur ipsi infanti; ut veluti fota, & paulatim coalescens, iussu tempore erumpat, impleatq; quod astra mandauerint. Si dicis in cœlo perstare; manifesto es impudens. Nam cum fortuna infantis, constet (ut vultis) ex modo quo astra, dum is nasceretur, inter se erant nexa; postquam eum modum in cœlo deleuerit eorundem syderum cursus; aliumque effecerit, forte priori contrarium; qua in arcta, vel penu cœlesti, recondetur prior illa vis, quæ post multos demum annos exerenda est, & in scenam

nam mittenda? Sin putatis adhærere ipsi infanti hoc fatum, quod in virum deinde valeat; adhuc peius nugamini. Scilicet in naufrago causa est, cur venti se tollant, cur sui oblitus gubernator infigat vadis proram; aut colonus causa est belli quod eum pauperat; vel mitioris cœli, quo fruges abundant? & quos excidentium terrarum labes absorbet, solidos illos naturæ sinus frangunt fati sui violentia, vt. destinatos à syderibus obitu defungantur? Plura in perniciosissimam amentiam non dico, quæ deos, hominesq; vna captiuitate damnat; quæ ratione destituta, vanisque successibus sæpe elusa, tamen inanes, ac interdum sceleratas spes, subiicit consultorum animis; aut inutili metu suspendit incautos.

Iactant tamen quædam suorum oracula, quibus euentus responderit. Ex iis conciliare fidem, tanquam non spernendæ arti volunt. Primum quidem, si quæ talia extiterunt, nego necessitate fatorum contigisse, astrisve cogentibus. Facilius crediderim aliquod esse numen quod in vindictam impiæ credulitatis nonnunquam representet mortalibus ea ipsa quæ sibi non à diis, sed syderibus metuerunt. Deinde vt insomnia, quamquam sine arte vel duce oberrantia, tamen interdum fortuitas rerum venturarum species referunt: Et cæcus si vim lapidum spargit, aliquando imprudens tangit metam; Sic dum multum & passim Chaldæe mentimini, nihil mirum si nonnunquam fortuna vestram audaciam commendat; & miramini vos vera dixisse. Etiam pauca responsa quæ vulgo celebrantur, vanitatem artis proscribunt. Nam quod luculentius signum non solere vobiscum veritatem;

tem; quam instar prodigij iactari si in illam interdum vester ludus incurrerit? Sed nec tantū tribus famæ, vt quod de vaticiniis vestris memorat vtiq; credam. Prodigia cum narrantur excipi solent favore mirantium; & quamquam non ad verum exacta sint, postquam semel Scriptorem inuenerunt; pluribus placent, veneratione crescunt, vetustate commendantur. In hunc modum fabulas vestras inualuisse existimem; Nisi dicas impia arti accessisse nefandorum geniorum commercia. Hi enim transacta inter homines, secretaq; accurate explorant, & sagaciter de futuro coniiciunt: Vestros ergo Chaldaeos, si in pudendā eorum familiaritatem acciti fuerunt; nihil mirum suggerentibus ipsis atque monstrantibus quæ supra mortaliū ingeniū erant, interdum claruisse. Nimis moror. Si quæ Siciliae ventura sunt nosti; quidni, Mathematicæ & tua ipsius fata perspicias? Cur nescisti me tibi hodie grauem fore? Cur non in experimentum artis monuisti adesse qui te turbaret? Denique si potes explorare, an Rex de hostibus triumphaturus sit; illud primum explora, an sit tibi crediturus. Tibi autem tantus Rex crediturus summis in rebus, eaq; ex arte quæ vel si de leuibus ac quotidianis prædicere audet, inani euentu in omnium risu solet incurrere? Nam serenos aut nubilos dies, vim imbrum, turbines, ventos, dispensari generi humano ex astrorū inter se commercio vos quoq; proclamatis, & nos partim agnoscimus. Adeo tamen frequenter erratis, cū ex inspectione syderum aut solē promittitis, aut pluuias; vt in prouerbiū abiit vestra illa ludendi fingendique licentia. Tu ipse cœlum explora: Sequere lunæ cursus; bella vel fœdera

foedera cœlestium ignium confer in tabulas. Inde, si potes, destina sudos dies, foedos ostende. Si non erras, si te euentus non arguet, ego me tuæ arti quâ laceſſo dedi ad pœnam non reculo. Neque tamen in ætherem, in nubes, in serenum, minus sydera posse dices, quam in corpora fortunasque mortalium. Cum tu igitur illa ignores, cur te illa existimemus prænoscere? Scies nempe ex astris quo cessura sint bella, & quæ fors Siculas mentes actura sit, ne scies autem quando hortulo tuo imbrem, quando pecori solem eadem astra annuerint? Imo fatendum ex hac ignoratione tempestatum, vel quid velint ac iubeant sydera vos nescire; Vel esse præterea vim aliam quam nescitis, quæ ut lubet hæc syderum decreta atque imperia antiquet.

Quod si de publicis regisque negotiis, adeo facilis tibi notitia, priuatam rem tuam cur eadem scientia non protinus auges? cur præuisis rerum euentibus molesta omnia non declinas, foelicitatem non sequeris? Cum in Phrygia essem, erat anus quæstiosa diuinationibus. Accidit ut in opulenti ciuis domo intercideret furto paropsis pretiosa. Is cui supellex credebatur, amico comite ad hanc vatem cum nummis pergebat, iam furem se tenere, iam recipere paropsidem, spe oppido vana præcipiens. Mane erat, & cum isti aduentarent primum anus fores soluebat, quæ tunc forte iniecto sterquilinio altissime sordebant. Nescio quis vicinus per illam furtim iniuriam illuſerat mulierculæ. Substitit ergo irata; & si scirem quis ganeo, inquit, ad hanc insolentiam tenebris vsus sit, regererem, per Apollinē, regererem in os impurum quicquid meis liminibus sordium dedit. His auditis qui consultum venie-

O

bat

bat inspexit in socii ; & , quid pecuniam, inquit, profundimus? Sciret anus sciet quis nos prædo vexauerit , quæ rerum suarum ignara, & stercore pene in os ingesto, adhuc nescit cui irasci oporteat? Nec segnius quam venerat, discessit à Sibylla. Rem epigrammate vulgavit nescio quis Poeta , quod adhuc hæret memoriæ, & quia breue est, si placet recitabo.

O sors, sydera, Pythij recessus,
 Et fati bene præscia volucres,
 Vos sauis anus en verenda rugis,
 Vos illo vocat efferata cultu,
 Quo lunam quatit Aemonis rubentem.
 Quid Rex cogitet, aut dei minentur,
 Quid sub pectore delitescat omni,
 Novit scilicet, indicatq; nummo.
 Vnum dicite quod misella nescit;
 Ecquis stercore limen omne pavit?
 Quæ nunc auguria, ô potens Apollo,
 Quæ lux, quæ via, ducet ad nocentem?
 Frustra sollicitas, Sibylla, diuos,
 Sortes, ydera, Pythios recessus,
 Et fati bene præscias volucres.
 Nam Phœbus pater, verenda Phœbas,
 Hæc oracula naribus reliquit.

Plura dicturum Nicopompum Rex Cleobulo innixus destituit. Reliqui inter iocos sequuti sunt. Sed Cleobulus Regem monebat, quamquam vanum hospitem, tamen periculosum, non per iniuriam dimitti debere. Facile esse ut læsus perniciose astra fingat ; Non ægre superstitionibus militem laboraturum. Ergo iam mœstum vocant, aguntque promissæ operæ gratias. Sed ne ea vterentur,
 obsta-

obstare tunc tempora. Neque enim videri ex Regis maiestate, ut tanquam victoriæ incertus anxie ad sui natalis fata respiciat. Tamen oblata beneuolentiæ præmium fore. Nec morati, medium præstigiatori talentum, redimendæ quam timebant iniuriæ, mittunt. Inde ad grauiora conuersi sunt: nouis subinde nunciis de Lycogenis apparatu haud læta ferentibus: Nam in exercitu Regis non amplius decem millia iustæ armaturæ pedites erant. Duo millia numerus equitum impleuerat. Funditores & sagittarii ter mille & quingenti dicebantur. Triginta falcati currus erant. Decem naues cataphractæ: aliorum nauigiorum ad bellicos vsus numerus duplex. Hyperephanii nullo publico consilio defece-
runt, sed ut cuiusque ferebant studia, hi cum Rege, alii apud hostem militauere. Sed in Lycogenem rerum hominumque maiorem vim tempestas contulerat. Recensitos haud procul Syracusis sub Præfectis distribuit. Triginta peditum millia, equitumque sex, nomina dederant. Et ne omen deesset, qui primus descriptus est, Nikon appellabatur, quod superstitio vulgi quasi rem fortuitam, in auspiciū accepit. Certus erat Lycogenes, non se diutius imperaturum quam illi insanirent. Dum res ergo ferebat, totius exercitus mole in Regem contendit. Rex contra promouit ad ignobilem riuum, qui humo per torrentes direpta sub altioribus ripis fluebat. Infidum circa solum faciebat perceptus venis humor, & aqua quæ extra alueū non pridē stagnauerat. Eo obice sustinere Lycogenem vel pauciores potuissent; Et strenue ille aderat, conatumque circuire iniquitatem loci, quacunq; transitum parabat, obiecti à Rege milites prohibebant. At ille

ne interim non tempore vteretur, Anaximandrum ex sorore nepotem, & fratrem Oloodemi Menocritum, qui Ennam, qui Catanam obsiderent, cum aliquot cohortibus misit. Ex suis autem castris, & regiis, multi assidua velitatione collati variam in dies fortunam ad suos referebant. Nihil tamē summe rerum decedebat inter illa priuatorū certamina.

Quis putet in tam horridis motibus, & sub ipso discriminis ictu, aliarum rerum affectus durare potuisse? Atqui vehementius Archombrotum, atque Argenidem curæ secretæ, quam quæ palam videbantur, premebant. Illa in Poliarchi virtutibus tota, conficiebat macie corpus, animi viribus inter solitarios fletus cōsumptis, prædicabatq; confestim reuocandum veterem Lycogenis hostem, & assuetum de eo triumphare. At diuersa agitabant Archombrotum. Inquietatus miserrima spei incertæ dulcedine, nunc bellum deuouebat, quod inter castrensia nō promoueret de amore profirendo cōsilia, nunc gaudebat prodendæ fortitudinis copiam factam, & vtraque de causa in hostem concitabatur. Sæpe tamen seipse incusabat, quod solus adesset tanto Meleandri Argenidisque discrimini. Debuisset scilicet comparari exercitum, & magnitudine beneficii, simul amorem, simul natalium decus ostendi. Et hercule nihil horū neglexisset. Sed res temporis multi erat, hunc Siciliae statum, nunciare in patriam, cogi inde milites, traduci exercitum: Præceps vero imminebat à Lycogene periculum, neque tam lenta expectaturum auxilia. Neque leuior de Poliarcho cura erat, quem ubiq; fauciæ menti insana æmulatio referebat, & hunc quidem dissimulato odio ita eleuabat apud Regem,

vt

ut videretur sibi ipsi nil agere. Ergo in contumaciâ trahebat, quod Poliarchus cum mitteret Lycogenis epistolam, nihil literarum ad Regem dedisset. Sui, Regisq; fuisse oblitum, in illa siue negligentia siue superbia; Nec facturum ex maiestate Regem, si scriberet prior. Sic malignis, & quotidianis verborum insidiis paulatim assuescebant Regis aures, eo facilius quod nihil esse Archombroto dissidii cum Poliarcho suspicabatur. Gelanorum quoque non latuit aliud Archombroto animi esse quam quod Poliarchus discedens reliquerat. Sed quod videret in aula gratiosum, facilè id supercilium in fortunam retulerat, quæ priores necessitudines tãquam præsentis fastigio indignas, aut graues, sæpè timeret agnoscere. Interim patroni familiam, (hanc enim à curatoribus Rege iubente receperat) sic admonitu Argenidis instruxit, ut omnes propediem eum coniicerent esse venurum.

Cæterum properabat redire in Africam, diuque otiosa dilatione frustratus est Tandem ex Archombroti sermonibus institutus Rex, indonatum, ac nec saltem blandus habitum, iubet renunciare Poliarcho; Regem se, non veneficum esse; Oloodemii, & Eriſthenis exitium peregiſſe suam causam. Nec se facilius inuenire cur ad se non scripserit Poliarchus, quam cur scripserit ad Poliarchum Lycogenes. Gelanorus inexpectata acerbitate motus, vix tenuit iram. Memor tamen Regi se loqui, nec plus sibi in expedito esse verba, quam illi ultionem, haud aliud retulit, quam non modo scripturum Poliarchum, sed impigrè ad futurum, ut si quid errauerat, discuti posset. His verbis Meleandrum, iam spontè omnia metuentem, in diuersas cogi-

Q 3 rationes

tationes diripiens, reliquit, nunciauitq; Argenidi, quam inclementer Rex dixisset Poliarcho. At illa, vix lacrymis temperans; Nihil dii reliquum fecerunt, Gelanore, quo mihi & Poliarcho noceretur. Diuisi, ideoque, miserrimi, alter alterius dolore conficimur. Accedit ab Lycogene de regno mihi periculum, quoniam ei chara sum, ipsi quoque tristissimum. Quid proderit eum superflua ægritudine onerari, ut & patris in se mei iram intelligat? quæ ut opinor non mala mens, sed calamitas mutauit. Si me fas est aliquid exorare, da mihi, illiq; , Gelanore, ut ipse hoc nesciat. Ego curabo ut delicti pœnitentiam agat pater, ametque Poliarchum. Et silentii præmium erit quicquid tua conditio potest agnoscere. Frustra autem speraueris, si de ista re patrono indicium feceris, clam me futurum. Ut spondeat tutum fore secretum, at si illum mihi fata reddiderint, expugnabo taciturnitatis fidem, sciamque quam multum fefelleris. Apud eum quid valeam nemo melius teipso intelligit. Confirmante Gelanoro, se Argenidi pariturum, ipsa literas ad Poliarchum tradit. Iis vehementer petebat, ut quam occyssime in Siciliam traiceret. Si vinci Lycogenem fatum erat, ab eo potissimum vinceretur. Sin dii parabant tristiora, te geret fugientes. Cumulatum deinde muneribus dimittit ad nauem.

Iam secundus mensis erat, ex quo Ennam fatigabat obsidio; Defecerant alimenta, nec spes erat à Rege auxilii. Igitur consumptis omnibus præter fidem, legatos ad Lycogenem de deditioe mittunt. Exhilaratus ille, quod victoriæ simulq; clementiæ exemplum hinc quæreret; Nihil se optare respondit, nisi ut fœlices esse vellent. Ad hoc tantum vim
adhuc

adhibuisse. Redirent ad Siciliae corpus, cuius in Meleandrum consensui imprudentes obstiterant. Sed multi petiere ut tuto liceret ad regia castra concedere. Quo permissio, plus pauoris militibus Meleandri, quam auxilii fuit; Cum isti Ennae miseras, & obsidentium robur, in traditae urbis excusationem augerent. Domita Enna licentius exultare Lycogenes, aditusque multiplici ratione tentare, quibus riuum, & paludes à Rege incessas superaret; Diffususque Meleander obtineri diutius locum posse, prima vigilia totis castris ignes accendit, ne hostis intelligeret deserì stationem, nec signo tuba dato, militem reducit ad campum qui Epeiretæ subiacebat. Insequutus postera die Lycogenes triumphantes copias effudit totis campis, terribili specie, militumque fiducia in barbaros clamores parum ciuilitate elata.

Et Rex quidem tot curis in somnis, nunc praelio optabat decernere, nunc se visibus munimento tueri, interdum tanquam perditis rebus, de fuga cogitabat in Africam. Forte fuit, ut neglecta quiete, solitarius in hortum prima luce concederet. Sublimis erat locus, marisque subiecti prospectu liberrimus. Agitantem quid in extremis esset honestius, nunc subibat non ignaua pugnandi mens, nunc senem, & patrem, filiae cura ad cautiora reuoluebat consilia. Victorisne praeda esset hæc virgo? & quæ in sceptrum genita erat, à libertate excideret? Rursus occurrebant fugiendi incommoda, rursus numinum ira, & quod in immerita calamitate tristissimum est temporum exactorum foelicitas. In hoc inquietæ mentis æstu stupentes oculos mittit in pelagus. Sed nebulae, quæ ex vicinis montibus incubuerant, altio-

ri sole discussæ, aperuere paulatim faciem rerum perculso horrentique mirabilem. Quippe nauigijs stratum mare, haud procul à portu, vexillis latè vibrantibus, nouum bellum, nouos terrores afferre videbatur. Classis ingens & incitata sublimibus velis. Fulgor præterea armorum, hominumque frequentia. Cumq; non multo exterius quam extra tormentorum iactum fuere nauigia, subito clamore nautarum demissæ à puppibus anchoræ totam classem stiterunt. Nec diu secum exegit, Rex, qui homines, aut vnde venirent. Sed in deteriores metus sponte iam versus, & aliquoties pedem terræ incutiens; Heu, inquit, ergo nec fugam mihi fata reliquerint. En à Lycogene classem, en obseruatuos portuum claustra exercitus. Sed neq; hoc immerito accidit, Coget te iste casus, senex ignaue, ad iustā bellicamq; virtutem, & quid sponte facere debueris, en hostis admonuit. Tantillam meam classem contra promoueam, fortuna, nauibus, copiis impar? An iis omissis, quod est satius, vertar in Lycogenem terrestri certamine, & saltem in Sicilia memoriar? Turbatus, nec aliud quam honeste cadere expetens, proximos aduocat. Ijs monstrat terribilem maris speciem, dimittiq; speculatorium nauigium iubet, quod de suspecta classe referret certiora. Archombrotus ad omnia pericula contumax, hanc sibi deposcebat non securæ quæstionis provinciam. Sed annis & virtute feruentem Rex iussit digniora discrimina expectare. Inter hæc lembum vident ab classe aduersa aliquot remigijs ad portū promoueri, & missus Timonides qui venientes exciperet, discitareturq; quæ erant pernoscenda, primus mitioris fortunæ auspiciū accepit. In lembo
præco

præco erat; ac ne duriora nunciaturus crederetur, baculum atque caput oliua circumdatus. Sed quis esset, quidve afferret, non fassus Timonidi, cum Regis colloquium petiisset, illum protinus Meleander, iam intepescente metu admisit in conspectum. At Præco; Radirobanes Sardinia & Balearium Rex, (inquit) hanc tibi hospiti Meleandro Sicilia Regi tesseram mittit. Si conferre volueris, inuenies esse illam, quæ mutua fuit tuis suisque parentibus. Simul dimidiatum annulum tradit, in cuius summa parte pusilla ex auro manus erat, quæ si parti alteri iuncta esset, simili quoque manui, itemque porrectæ, tanquam in fœdus occurreret. Rursus præco; Agnoscisne, Rex, hospitium? ait. Et Rege fatente, quippe alteram annuli partem apud se seruari; Adest, inquit, in æquore tuo hospes Radirobanes cum præcipuis imperij viribus, quas in classem coëgit, & cogendi causa fuit, quod te maiorum ciuium defectione premi cum fama retulisset, statui hoc pessimum in Reges exemplum, maxime hospes, ferre non potuit. Silebat Meleander, deorum tam subita beneficia prope non capiens. Sed ad constantia specimen erat, ne vultus mutaretur. Referes, inquit, tuo Regi, ô præco, iam me ignoscere furori meorum, quos aliquis non inimicus deus concitauit ad facinus, vt tanti hospitis beneficio, & conspectu frueremur. Subeat modo Siciliam, atque intelligat nihil nos fore in eo colendo segniores quam ipse in promerendo fuit.

Simul his, Præco ad curandum breuiter corpus abductus est; interimq; Meleander aduocato suorum consilio quærere cœpit, ipsumne oporteret ad Radirobanem ire, an fidei maiora pignora per pur-

O

s

pura-

puratos exp̄eriri. Varia illi censebant; tantæ fortunæ nec diffidere, nec credere satis ausi. Nam cur Radirobanes illos sumptus, laboresque, alienæ utilitati daret? præsertim nec rogatus, nec hospitio antea usus? Omnem nimiam gratiam suspiciolam esse. Vix credibile hunc potius Meleandro, quam sibi, eam classem adornasse. Nam & (inquit Rex) meo patri, multa ut scitis cum Radirobaniis patre discrimina fuere, fœdera inde, & imago hospitij, verius bello lassatis, quam odia ponentibus. Nunc quid censeam, auxilium an insidias aduenisse, adhuc incertum est. At Cleobulus, nihil dubitandum asseruit, quin Regem deberet ad Radirobanem ire. Nam si ille amicus accedebat, certe auxilium venire in tempore; & nullâ in ipsum humanitatem nimiam videri. Sin aut sponte Regem odisset, aut faueret Lycogeni, non posse Meleandrum terræ mariq; coniurato obsistere, & ex Maiestate Regis fore, si fidei simulatione deceptus potius videretur, quam expugnatus ingratis. At vnde (inquies) hic Radirobaniis in Meleandrum amor? Fallor, aut Rex iuuenis, & ut audio, in gloriæ cupiditate immodicus, hanc occasionē rapuit, qua præter bellicam famam (Rex) nuptias filiae tuæ tanquam ex merito, sibi conciliet. Pugnabit itaque tanquam pro rebus suis, eo Siciliae amicior, tuæque reuerentior maiestatis, quo propius sperabit in tuâ regiam adoptari.

Et Cleobulus quidē, ex vero disputabat. Quippe Argenidis fama, simulque Siculi regni, quod ad Virginem spectabat, cupiditas hanc Radirobani mentem iniecerat. Naues ad expeditionē in Mauris, quam secreto moliebatur, instructas habuerat.

Sed

Sed perlato Siculi belli rumore, distulit paulisper Africam, & laudabili incepto ad Meleandrum nauigauit. Sed Archombrotus (nam tunc consultant Meleandro aderat) ipso nomine nuptiarum Argenidis offensus, adeo in Radirobanem, Cleobulumque excanduit, ut vix mutatio animi tegeretur in oculis. Nihil tamen repugnare, aut omnino dicere ausus est. Cleobuli vero sententia à Rege laudata, missi confestim ad portum sunt, qui regiam scapham instruerent. Tranquillis rebus Rex tutalittora in ea circumuehi amabat. Mediocris erat; nec plures cupiebat octo remigibus totidemque vectoribus. Sed aureis argenteisque picturis notabilis, totam in ambitu vndam fulgore imaginum ludebat: & haud procul à puppi pusillis ex auro literis hi versus erant scripti.

*Hac te ceruleo natam, Cythereia, ponto
Parua ratis, similisque tua, pulcherrima, concha
Tutelam numenque petit, non martia fortis
Tela pati, aduersas si fors Bellona carinas
Implicet, & tremulo suspendat in aquore bellum.
Nec saui patiens Borea, cum turbidus ille
Stridet, & alternis medium se se obruit vndis.
Littoreis tantum apta vadis vicina secabit
Æquora, cum pluuium deterget cantibus Austrum
Cymothoe, & pectet virides in rupe capillos.
Tunc leget extremos portus ratis ista, potentem
Tunc dominum paucis audebit credere tonsis.
At tu, si meritos Eryci seruamus honores,
Ne leuibus ne, diua, notis permitte tyrannum,
Ipsa manu contos, parua breuia arma carina,
Ipsa tene, & placidam se se crispantibus vndis
Sterne viam. Tecum Oebali duo sidera fratres,*

*Et soror. O magnis versata potentia semper
Fluctibus, & semper ventosum Regibus equor!*

Tunc vero purpureis tapetibus auxere sedilia, & in puppi instar solij fuit, quod caperet duos. Eurymedes ad arcis custodiam relictus est; Arsidas parua rate præmissus, qui Radirobani nunciaret aduenire Meleandrum. Facile tota Epeiræ se fama diffudit, adesse cum validis auxiliis Sardos hospiti Siciliae opem laturos. Nec tarde credebatur. Subita ergo hilaritas, nec modo spes, sed victoriae fiducia, paulò antè deiectos mutauit. Toto foro concurrebant, manibusque, ut quisque aduenerat, sibi salutem gratulabantur. Nec temperantior eorum qui muris ad custodiam præsidebant lætitia. Cum vero Rex ad portum descendit, acclamationibus vulgibusque mox, & omni cōcentu quo tunc martem acuebant, cœlum implentibus, sonus in hostium castra illatus est. Et quoniam militaris erat clangor, Lycogenes ausus est credere Regis exercitum spe amissa exarsisse in ultimos impetus, & in se inuehi morituros. Itaque ad proximos ita locutus fertur. hic dies nobis laborum postremum est, modo copiam mortis iis fecerimus, quos viuere non posse effecimus. Ite ad milites; & ad prædam vocate prope emeritos. Dij omnes quo gratiores esset victoria, insperatam maturauere. His dictis, dum ordines instruit, vultuque ac voce omnibus fortitudinis author est, interim exploratores præmittit qui certa de aduentu hostium referrent. Et illi toto itinere prouecti, postquam nihil hostile occurrebat, in castra reuersi sunt, nunciantes, nullos quidem armatos in campis apparere, cæterum pene bacchantiū tumultus audiri in mœnibus, tubisque & tympanis persequ-

personare totam circum regionem. Ictus ex merito Lycogenes fortunæ recedentis prælagiis, tamen in procinctu constituit aciem, aliosque non militari cultu, sed tanquam ex proximis villis agrestes, subornat, omnia tutius exploraturos.

Iamque Arsidas Radirobani colloquutus, promota ex portu nauigia quibus Meleander cum suis vehabatur ostenderat. Quippe plurimi lembi Regem comitaturi, procedebant in altum, tumultuq; & studio vectorum, de more subitæ lætitiæ strepabant. Prætoria Radirobanis, regij fastigij opulentia insignis, stabat religata anchoris tribus. Ab omnibus velis inutiles, & ex solo luxu pendentes laciniaæ aura rapiente ludebant in aëre. Cornua, & antennæ fluitantibus quoque vexillis incumbentem ventum temere sequebantur: Multiplices autem à tribus malis funes, religabantur ad latera naves, speciemque procul visentibus aut amplissimi, aut detecti tentorij præbebant. Puppem Helena cum fratribus illustrabat trium syderum auro. At nautæ eo die non sordidi, in cæruleis erant vestibus; & vel instabant officio, vel antennis ac funibus, ad artis suæ specimen, tanquam alis ferebantur. Eadem remiges vestis in transtris ornauerat. Milites armorum & sagulorum pretiosissima erant induti. Rex quoque frequenti in Liguriam commercio, didicerat ab Hetruscis decora maiestatis, habebatque in prora lictores, virga & fascibus instructos, tanquam aquas submouerent. Lignei gradus à latere navis ad mare descendebant cæruleis strati tapetibus, in quorum summo excepturus Meleandrum, Radirobanes stabat, vestem regiam indutus, quam ex auro & carbaso textilis zona præcinxe-

cinxerat. Ensis ex ea pendeat, cælatæ vaginæ opẽra præcipuus. Ipse capillitium promiserat in humeros, paulò preciosius delibutum quam militarem decebat. Familiarissimum habebat, ex Liguria senem, cui commissus puer fuerat, & adultus nõ tam illius consilia sequebatur, quam quæ facere decreuerat scire sinebat. Virriganes dicebatur. Huic tunc & Arsidæ loquens spectabat Siciliæ oram, situmque, & ignota adhuc bona, superflua humanitatẽ commendabat.

Tandem ad nauem scapha Meleandri applicuit, qui in paratos gradus enixus est admotò ad fulcienda vestigia Archombroto, Donec eovsq̃ peruenit, vt tradere Radirobanes munum posset. Tum vero tanquam olim familiares coiẽre amplexibus; & gratias agente Meleandro, quod is se adiutum voluisset, ille beneficium modestissimis verbis augebat. Pauca deinde inter se colloquuti, hinc ad salutationem Proceres Siciliæ, ille Sardinia, admisit. Amicos, hospitesque appellabant. Mox & Radirobanes, nec rogatus descendit in Meleandri scapham, qui se in naui prior, eius potestati traderat. Personabat toto littore, nauibusq; symphonia; simulque militum & remigum clamor, celebrantium mutuam Regum fidem; Non ferro, non aggere, non custodibus tutos, simplici pietate; atque iure hospitij, inter se iucunde versari. O miseram sæpe potentiam, in qua raræ fœlicitatis est ad bona priuatorũ, nec suspecti cõmercij humanitatem, peruenire. Expositos in littore Reges, rursus amplexus, rursus blanditiæ tenebāt. Hinc Radirobane, cũ in prima arena adorasset deos Siciliæ, Meleander illi exterior ad equos deduxit, qui haud
pro-

procul vtrumq; expectabant. Inde amicis septi primum in urbē, deinde in arcem prouecti sunt. Purpuratis Meleandri curæ fuit, vt Sardinia Optimatibus illa vespera bene esset. Præbuere certatim hospitia, adeo omnis generis officiis cumulata, vt vix belli quod arduum instabat, meminisset hilaritas.

At non Archombroto læta hæc erant, sibi æmulum aduenisse cogitanti, quem à Rege & Argenide non amari nefas esset. Ergo dum cæteri Radirobani amicos excipiunt; ipse specie utilioris curæ discedit ad mœnia, quasi excubitores per omnes speculas Regis nomine aditurus; ne vigilias solueret auxiliorum fiducia: Sæpe immatura gaudia aditum hostibus ad nocendum præbuisse. Atque vbi frequentiam euasit multo ante molestam, cœpit in longo & vacuo aggere spatium, temere inclinatis ceruicibus, nexisque lacertis, & ad pectus obnoxie

ductis. Nunc amens stupebat, nunc simul videbat innumera, incertus quid cogitare, aut vnde dolere inciperet. Et, ô deos, inquit, ultores! Tu enim Poliarchum odisti, tu hominis quem charissimum habebas reditum interuertisti, vt æmulum grauiorem acciperes. Quam male Radirobanes successit Poliarcho. cui me hoc pectus, hi lacerti, sed maxime amor, parem fecisset. At Radirobani quis me impetus, quæve virtus æquauerit? Non modo sibi nixus, sed tota regnorum suorum fortuna, procedit in certamen, verius in me quam pro Meleandro, aut in Lycogenem. Quod si Argenidem amo, istum (ô dolor!) necessaria ferentur auxilia, non licet auersari. Tu ignauus amator nesciisti mereri quod optabas, ille inuenit quo prius beneficium afferret quàm posceret.

Sub

Sub hæc sui incertus, & grandiorib. vestigiis ferociter obambulans, silentium aliquandiu tenuit; doneciurgio cum fortuna restituto, inter acerbos risus; En iam (inquit) tres in Argenide laboramus; tres in foelicitatem quæ duntaxat vnum capit sumus erecti, ego, Poliarchus, & Radirobanes, vt eos omittam, quos nihilo me esse saniores nondum intelligo. Miser! Non vides quotidie plures in hæc vota orituros? Nisi forte aut illa amari indigna est, aut solus es oculatus. Sed cæteris amouendis tempora sua erunt. Vide modo iste à Radirobane fluctus ne nauem euertat. Incolumi Lycogene, in tempestiua cum illo sunt odia. Certe præmium non auferet ante victoriam. At quot in armis vices sunt? quantillo momento se fortuna in diuersissimas retulit formas? Quid si fortitudinis ostentator extinguetur in acie? Quid si Meleandro grauis erit nimij beneficij conscientia? Curandum est vt hæc in Lycogenem bella mihi apud Meleandrum honori sint, & in Radirobane rudimentum. Fraudandus interim animi impetus, vt cum quo meditaris dissidium placide viuas. In hanc mentem vtcunque compositus, successit ad vigiles, monuitque ne turbati læticia stationum curam omitterent. Eadem Eurymedis cura, eadem Præfectorum omnium fuit. Sed militum castigata securitas, tamen plerunque inter vina & coronas vigilabat.

Postero mane de belli ratione cum suorum primoribus Reges egerunt. Radirobanis legiones erant adhuc in nauibus: Nec ille ignarus suspiciosum fore, si cuperet validissimas in urbem copias induci; subleuauit his verbis pudorem Meleandri, quod se vereri liberaliter dissimulabat. In hac classe
 quæ

quæ stat in anchoris, charissime hospes, octo millia grauis armaturæ milites aduexi, funditores, & sagittarios, ad millia quatuor. Equestris apud me iuuentus est, sed pondere spatioque absterritus, equos in nauibus paucos imposui. Si plures dederis, sessorum à nobis inuenient. Cæterum, ne Lycogeni diutius sit impune, si placet, in terram exponemus exercitum. Et quoniam impeditum rupibus littus solam per vrbis pomœrium viam præbet, cohortes singulæ recipientur in mœnia. Hinc ubi per aliam portam munimentis oppidi excesserint, castra quæ in montis radicibus ponemus peritura, rursus aliæ, aliæque, à littore ad urbem conscendent. Præsidium ex tuis in vtraque porta erit, tam qua copiarum intrabunt, quam illa quæ receptos euoluet in campum. Meleander tanta sollicitudine nihil esse opus respondit; Nec quicquam à militibus timendum, qui fuissent sub Radirobanis disciplina. Custodes in portis si Radirobanes vellet constitui, ex suis sane apponeret. Nunquam sese tutiorem quam inter illius præsidia arbitraturum. Tali vtriusque colloquio prolixum de humanitate certamen Regibus fuit.

Sed ut Sardi, Balearesque, de classe in littus effusi sunt, ad spectandos, cohortandosque milites ambo in equis ad forum processere. Radirobanes, aurea arma purpurei saguli ambitu non tota contexerat, nudo capite, nisi qua fascia ambiebat. Meleander & ipse armatus, longe constantiori maiestate omnium oculos & studia trahebat. Primi funditores urbem ingressi sunt. Baleares hi erant, tribus quisque fundis armati. Nulli tunc genti eiusmodi habenarum maior peritia, quam scilicet vnâ co-

leban

lebant à puero. Dicebantur excipere in aëre aues, & in probris numerare, si quem ictus fefellisset. Sequebantur vexilla Sardorum, qui punico more, ex gentis vicinia, armati, læuigatis atque ingentibus clypeis tegebantur. gladij breuiiores pendebant ex balteo, quo consumptis iaculis vterentur; Cassides plerunque ex ære, verticibus in vrsarum leonumve rictus horrentibus. Tantum exercitum ægre illa dies transmisit. Archombrotus atque Timonides in Meleandri castris erant, qui hospites ab vrbe in præparatum vallum descendentes exciperent. Nouum illi aggerem excitauerunt, valloq; quod Meleandri milites præbuerunt, aucta castra cinxere. Largus fuit à Rege commeatus, iussique Siculi partim ad Sardorum cœnam ire, partim in suis illos tentoriis prouocare ad epulas.

Longe alia facies in Lycogenis castris. Quippe postquam de Radiobanis, & auxiliorum aduentus certa fide relatum est, plerisque metus insaniani excussit. Quid in Regem essent ausi tum demum intuebantur. Subiiciebat patientibus sollicitudo, adesse iam deos violatæ vltorês maiestatis: & consternatio animi in omnibus, etiamque vulgaribus rebus, dira omina inueniebat. Auxit hos metus, alacritas Regum; viriumq; suarum fiducia. Quippe puduit tanquam obseffos in vrbe considere. Promouerunt itaque castra à radicibus montis propius hostem, vt, si prælium detrectaret, vel pelleret vallo, vel fossis incingerent. Causa, & Imperatorum maiestas, magna sæpe in bellis momenta sunt. Regia castra maiori auspicio venerationem inuenerant, Meleandri & Radiobanitentoriis per summi imperij insignia late surgentibus. Hinc eorum
mili-

mililibus spes acrior subiiciebatur; inde hostes ad suæ militiæ ignobilitatem iam laxatis animis respiciebant. Sciebat quoque Lycogenes nihil optabilius sibi quam prælio experiri, priusquam alius timor in suorum mentibus perciperetur, gaudebatque id ipsum Reges velle. Adhuc enim incerta lux erat, cum ex regis castris educi ad pugnam exercitum, exploratores ad eum retulere. Ne itaque remoraretur vir acer, in tentorij culmine coccineam tunicam committendi prælij signum exposuit. Per varia deinde caltrorum ferebatur, nunc militibus, nunc præfectis, spem & animum, fronte, verbis, habituque sufficiens, Quid metuerent tot victoriis clari? An Meleandrum veluti ex fuga reprehensum; an peiraticam Sardorum insaniam, qui non tam propitij Meleandro in Sciliam appulerant, quam ex bello prædam quærentes? Si inclinabit victoria ad nos, inquit, properabunt egregij auxiliares Æpeiræten spoliare, & in suam inde classem relati, circumferentur ad alias fraudes. Ac etiam ut illis fides sit integra, at num putes pro ignotis & externis sanguinem gnauiter duros, cum præsertim sint à nobis in quos pugnandum est, nulla rixa lacerasti? Destituent sua fuga Meleandrum, si vos senserint viros, si quicquid minantur experiri inceperint, deniq; si cogitabitis in omnibus quidem bellicis pericula esse, at raro tantæ laudis offerri materiam, ut duo simul Reges inter spolia aut captiuos possint haberi.

His dictis cum milites processissent extra vallum, caninum catulum de ritu Spartano (nam origenis milites admonerat) Marti Enyhalio immolauit, & esse litatum emptus aruspex in manipulis spar-

sit. Acies autem eo modo ornabatur. Dextrum cornu frater Oloodemi Menocritus ducebat, partium studiis, & privato dolore Regi hostis. In læuo, quod paludibus tegebatur tyrones, & mercenariorum suspectos Lycogenes locauerat, Nabide duce, ut intercepta fuga animos ad vincendum acueret. At ipse delecto suorum robore in medio erat, equo sublimis, vultuque terribili, quem tot simul affectus in incerto sceptri vel mortis incenderant. Expectabat ut hostis copias, ut apparebat, instructas admoueret cum ex Meleandri acie visus quidam in equo procedere, quem modico intervallo pauci milites tanquam ad præsidium sequuti sunt. Is confecto plus medio campo, longe à cæteris stetit solus, & vario corporis motu videbatur postulare colloquium. Misit quoque Lycogenes haud imparem manum, vnumque qui præiret, seu colloquendum esset, seu certandum, idoneum. Coniecerat ex iuuentute Meleandri aliquem esse, qui singulari certamine prælium partium præcepturus, parem ex hostibus superbe flagitaret, cum ex illis quos explorandæ rei dimiserat, vnus redit, publiceque renunciat, hunc à Meleandro cum caduceo, & infulisse præconem. Mira expectatione acies tota dirigit, quid hostis armatus nunciaret; quæ fœdera, quæ commercia iam telo erecto mutuas cædes ferentibus. At præco, postquam habuit qui audirent; Rex furoris præteriti, inquit, gratiam facit, si qui defectionis pœnitentes ante vesperam in ipsius castra transfuerint. Quicquid hætenus est delictum; nullum forum, nulla lex vindicabit. Hanc veniam sua fide publice sancit. His dictis, schedia, in quibus eadem referebantur, plenissima manu spargit,

versif-

versisq; habenis ad suos, qui haud procul expectabant, reuertitur. Milites plus viginti illas voces acceperant, quibus ad suorum ordines reuersis, statim fremitus per cohortes increbuit interrogantium, proximisve narrantium, quid præco attulisset. Et Lycogenes cū præter spem hæc auide à multis audiri frenderet, dissimulato metu; Meleandro, inquit, parendum, ô milites. Ad illum, sed armatis, eundum est, & accipio omen quod ad sua castra nostros exercitus inuitat. Spes est in iis nos hodie victores accubituros. Intertalia, suorum cuneos adhortanti relatum est, Reges eo die potestatem pugnae non facere. Sed exercitus partem locauisse in tumultum, qui ante castra erat; excepturos si qui ab ipso deficerent. At ille, Eliciam, inquit, ad pugnam, sollicitatores fidei nostræ, cogamque iam viribus, nō improba arte decernere. Ite sub suis quisque signis, ite milites, diis volentibus, & iam sua confessione impares vobis opprimite.

Sed ægrius miles imperata exequebatur. Inter se mussantes videbat, & in pluribus impetum fractū, utique postquam primus Acegoras ausus est deditione experiri Regis fidem. Viregria fama, clientibus, & stirpe præcipuus, minus suo quam temporum vitio sequebatur Lycogenem. Gnarus ergo ingentis gratiæ locum patere occupanti, cum quadraginta fere militibus, & amicis aliquot erupit, emensoque qui interiacebat campo ad primam Melandri stationem posuit arma. Tum ad Regem deductus; Desertoris nomen, inquit, hoc facinore non metuo, ô Rex. Abscedo enim ab adulterina militia ad iustum imperium; errorisque in te mei solatium habeo; quod tarde cum factiosis con-

P 3

iunctus,

securiorem vindictam seruabit. Ego cum intactæ fidei viris rempublicam non deseram, & Meleandri in vos perfidiam, immemor quid hodie meriti sitis, vlciscar. Et quidem gratias diis habeo, quod ante certamen secernere a fortibus viris voluerunt lubricam vestram fidem. Potuissetis in ipso discrimine bonos milites permouere, quos iam abitu vestro lustrabitis. Absit enim tam male Siciliae consultum sit, vt non plurimis restet integer animus. Hos iam vultu, hos alacritate secerno, videoq; plus indignatione vestri erroris, quam eiusmodi commilitonum iactura commoueri.

De suggestu inter hæc descendens, potestatem iterum fecit si qui vellent abire. Tanta libertas paulo ante charissimi ducis plurimorum pudorem excitauit. Itaque multi illius partes obstinauere, maxime qui conscij sibi erant præter ciuilis defectionis fas aliquid peccauisse, aut quorum egestas propalicio metuebat inopem pacem. Interim alij passim excedebant manipulis, & nunc viarum amfractibus, nunc publice, & per compendia, signa Regis petebant. Non pauciores quindecim millibus sui deditionem fecerunt, sæpius asserente Meleandro noluisse se tot ciuium morte victoriam emptam, quot sibi ille dies reddiderat. Tanta clade perculsus Lycogenes repetit castra, cum illis quorum fidem probauerat cæterorum defectio. At Reges incruenta fœlicitate sic potiti, vix gratulantibus sufficiebant, dexteram, chlamydem, equum, ipsa vestigia, omnibus pro cuiusque sorte tangentibus.

Redeuntes in castra omen etiam excepit, quod maxime vatibus placuerat. Cum enim tentorium

Meleandri incommodo loco positum famuli in editiora transferrent, fierentque exiguae fossae statuendis stipitibus quibus religatum tabernaculum niteretur, reperta sunt aliquot ossa, corporis quidem, ut videbatur, humani, cæterum longe a fluctu hominum illius sæculi mensuram vincentia. Nec dubium quin alicuius de gente Cycloperum reliquiae essent. Continuo Augures interpretati sunt, omnes Siciliae vires subiici Meleandro; Cum nihil in ea fuisse validius Cycloperibus memoretur, qui tabernaculo Regis subiecti, seipsum denique tradebant. Nondum intra aggerem Meleander & Radirobanes erant, cum hæc illis immensorum corporum frustra gratantium vatum adulatio ostendit. Plus inde stuporis Radirobani quam Meleandro fuit, non tunc primùm ossa Cycloperum contemplant. At Radirobanes, qui antea ipsam Cycloperum memoriam in fabulis habuerat, cum & ossa contrectaret, & videret Meleandrum vix ad spectaculum, tanquam haud insolens esset, moueri, sciscitari impensius institit, quæ gens illa Cycloperum, quibusve moribus; unde orta; quomodo periisset; Et Meleander, qui belli atque castrorum cura Eurymedi tradita, ad securitatis regiam speciem, variis hilariter sermonibus vacabat, Sardis maxime circumfusus, lætusque de suæ Siciliae monumentis interrogari, dum in castra procedunt sic orsus est. Cycloperum omne genus quidam, ferum fuisse, & sylvestre, alij non deorum modo cultores sed & sanguinem, putant; Primos tenuisse has sedes, simplicibus legibus vitam inter se agitauisse. Illud in confesso est, excessisse humani corporis mensuram. Et hinc exteris forte error; ut cum isthuc appellerent,

in immanibus corporibus impias mentes latere crederent, aut nec colloquium ausi, in ipso terrore spectaculi toto remigio abirent à littore. Præter cætera, ne eorum mores damnem, facit vetus Græcorum religio; Apud quos in Isthmo Corinthiaco ad veterem aram Cyclopibus tanquam cœlestibus fieri mos est. Vnde his ortus, quæ leges, quæve facinora, rudis ætas inuoluit, nisi quod maximè insederunt Ætnæos & Leontinos specus, quodq̃ genitos Neptuneo iactatum est, quem plerumque immanibus viris patrem, nostri maiores fecerunt. Nec mirere tam pauca durauisse ab intima vetustate eorum vestigia. Quippe & priores Saturno hic regnarunt, à quo sunt tot ætates, vt Chamæseni, quod præcipuum oppidum condidit, dudum ruinæ exciderint. Sola de Cyclopibus sepulchra supersunt, sed & illa plerumque in antris, quorum ora vel voraginibus mutata, vel cumulis ruinarum celata sunt. Sæpè tamen in illa imprudentes incidimus. Quantæ illæ cadauerum moles? quis in extinctis frontibus vigor? ac quam denique ora fabulis suis digna! Haud procul Syraculis venatum exiueram, cum in campo, quem Gereatem dicunt, canis sagax, tanquam feram indagaret, ad incognitæ speluncæ ora se penetrat. Pertinaci latratu cum nos illuc traxisset, video antri intactum horrorem, ad quem veluti sacrum exhorui. Subiit inde animus vltèrius explorandi id quod dii obtulerant, sentibusque vtrunque dimotis circumspicio à limine quicquid lux tenuis, & eo tantum aditu accepta aperiebat. Locus desederat in profundum, ducebantque in imum saxei gradus. Illatis igitur facibus cum exiguo comitatu subeo terram, frigore, & solitudine,

P 5 graue

graue aliquid inspirantem. Angusto progressi vestibulo, tandem in patentiora successimus. Pandebatur late specus. Tophi sublimes, laterumq; exundantium curuatura nitebat pellucida crusta, & crispam gelu aquam imitante. Ingens erat in medio saxum, quod illic, vt ex radicibus constabat, natura posuerat; Id vero terribili prodigio onerabatur. Timeo proloqui, mi hospes. Nam quid sperem apud te fidem, qui hisce oculis & manibus vix credo? Dicam tamen, vt vel mihi persuadeam ipse quod vidi. Iacebat supra saxum terribilis moles ad membrorum humanorum distincta figuram. Sola magnitudo vetabat pro cadauere id haberi. Tarde igitur accessimus, diuque, siue monstrum hoc esset, siue deorum aliquid, manus non admouebamus. Caput adhuc non inuiolatos modo crines, sed & vultus seruabat. Ferox barba procumbebat in pectus, & à genis vtrunque cum pari miscebatur cesarie. Quid crura? quid lacerti? quid metarum instar pedes? Signum probe effictum (cogitabam) si hoc artifex figurauit: Sin naturæ opus est, vnde iam imbecilli, vnde homunciones à magnitudine illa excidimus? Mox stupore, vt solet, dilabente, primus iniecta manu, ausus sum quid hoc esset experiri. Sed quodcunque ad contactum peruenit, video in puluerem residere. Et hinc facta cunctantibus fides, verum esse corpus humanum. Ac ne periret mensura, priusquam inter attrectantes solueretur, cadauer quam longum esset exigimus. Conuenit inter omnes ad viginti cubitos peruenire. Tanquam Heroi sacrum fieri volebam, & inuiolatum relinqui. Sed dum hæc cogito, sub meorum manibus, momento in cineres defluxit. Restabat occiput solum,

solum, arcusque costarum, & crura omnino paria moli quam fulserant. Ea meo iussu seruata, charissime hospes, & pro Neptuni foribus Syracusis appensa miraberis. Ex Cyclopibus fuisse non ambigo maxime cum ad hanc pene mensuram aut interdum agrestes repe iant tota in antris cadauera, aut ossa inter egestam humum effodiant. Sed malui quibus ipse interfui apud te memorare. Neque Siculi mei, ut forte existimas, quæ modo effoderunt utrumque grandia ossa, ad nos ideo detulere, quod nescirent sæpe mihi maiora diuersis casibus fuisse oblata: Sed quia visum est Aruspibus lætissimum monstrum, ea in solo esse reperta quod meo tabernaculo destinabatur.

Inter illos sermones ad locum perueniunt, unde hæc ossa fossiles eruerant. Cœnauit ea nocte apud Meleandrum Radicobanes: Adhibiti que conuiuio fuere præcipui utrimque amicorum. Ecce autem dum pœnitentiam tot ciuium qui redierant ad Regem, omnemque illius diei fortunam sermonibus celebrant, intrat cum literis ad Meleandrum miles. A Præfecto Catanæ veniebat, inuitatæ felicitatis index. Quippe Catanam Regi fidissimam Anaximander Lycogenis nepos obsederat. Sed cum extrema imminerent, Ætna subito furore exæstuans, præter ingentem vim lapidum, & cinerum moles, tres ex liquidissima flamma riuos euomit, qui tanquam conductæ opera in Anaximandri castra fluxerunt. Nocturna hæc strages fuit. Iacebant homines, pecudesque, machinæ, tentoria, arma, quicquid in cursu ignis torrens offenderat. Ea peste trecenti milites consumpti sunt. Anaximander, & ipse malo afflatus, postera die, amissis quæ ad incœptum

cœptum necessaria erant, obsidionem laxauit, cum
 que lectica ad Lyeogenem referretur, erupere Ca-
 ranenses, cæsisque quotquot repugnare ausi sunt,
 ipsum quoque ceperunt. Iam Regem consulebant,
 quid fieri eo vellet. Hoc nuncio semel iterumque
 audito, in tantum repente gaudium tam conuiuæ,
 quam qui ministrabant, effusi sunt, ut non voci, nō
 plausui temperaretur, secuti que licentiam qui ad
 fores in statione erant, serpente lætitia, tota castra
 impleuerunt. Non iam ferro, non viribus opus, i-
 psos deos, ipsa pro Regibus elementa pugnare. Co-
 ronæ inde passim deorum signis datæ congestique
 in utrumque Regem flores, & promiscuo impetu
 ausi militum multi, non prætorium modo, sed &
 tricladium intrare.

Sedatis deinde gaudiis, Raditobanes curiosa se-
 dulitate à Meleandro quæsiuit; Vnde illud ab Æt-
 na in Anaximandrum auxilium, an credibile esset à
 solido monte posse tantam vim ignium efflari, quis
 in visceribus ardor, quis genius, quæ soli natura.
 Hic paucis docere Meleander, longè altissimum
 esse illum Siciliæ totam montem, qui natiuo sulphu-
 re, receptoque in visceribus vento exæstuans, impa-
 tientem custodiæ flammam per hiantis ruinas ca-
 cuminis attollit. Neque vero quotidianis ignibus
 (inquit) feruet hic apex. Sæpissimè ater fumus est,
 per longa volumina cœlum inficiens, fauillas in-
 terdum aspicias huic mistas caligini. Rarius deni-
 que seipso citatior turbo proruentibus flammis, vi-
 cinam regionem fœdè pernastat. Quippe spississi-
 mus ignis à summo emanans cacumine, torrenti-
 bus veluti riuis deorsum exigitur, in perniciem tra-
 hens quicquid occurrerit. Tunc vero grauiora quàm
 è cœlo

è cœlo tonitrua, & populis terror, ne quanta est Æt-
na, se soluat, obruatq; Siciliam. Nec minore quam
pro tumultu prodigio, saxa ingentia ex montis vi-
sceribus hoc tormento in campos mittuntur. Ad-
huc fuligine plena sunt, totoq; colore indicant ab
incendio se venire: Cinerum deinde tanta vis ab
igneo iugo, ut ad multa millia impetu primū suo,
mox vento, circumlati, obruant altè campos, & de-
prehensas segetes enecent, solumve corrumpant,
ad sementem deinde inutile. Ita saxis, cineribus, &
maximè flammis, non tantum armenta hauriun-
tur, vel casæ pastorum. Syluam omnem hæc pestis
quacunq; inciderit, necat. Tota oppida sic inter-
dum periere. Catana vix multi operis aggere se tu-
tatur; Vrbs inter montem & mare, opportunis sedi-
bus, si hæc pericula absint. A Lycogenis militibus
obsidebatur. Sed ut audis nunciari, dii hos ignes ex
Ætæna supplicia antea nostra, nunc beneficium suū
fecere.

Postquam desit Meleander, ipsa res, conuiuii q;
alacritas, sermones prouexit in diuersa. Quicquid
in Sicilia dignum quod nossent externi, memora-
batur. Fabularum inde voluptas historiam abegit.
Qui canes latratibus Scyllam ambirent: Quæ Cha-
rybdi proluuies, quæve ora inexpleta naufragiis.
Acis inde infœlix amator de calido vulnere pro-
uoluebat frigidissimam aquam. fugiebat Galatea
saxa Cyclopis, non sine aliquo metu narrantium.
Ab Elide alter amator subibat maria incorruptus,
& Arethusæ pernicitatem prosequabatur. Cadebat
sub Hercule Eryx, & maledicebat cæstibus Venus.
Religiosa etiam repetebant, facili in deos inter cō-
uiuia pietate; Qua Insulæ parte erupisset ad connu-
bium

bium Pluto, quæ horridi currus signa, quæ dimotæ
 ad exeuntis impetum rupes: Vbi rapta Proserpina;
 vbi ferta, vbi zona illi exciderit, in quem cespitem
 primum sese Cyane fluere sit mirata: Frustra vsur-
 pare Eleusinos aliena monumenta, nec prope Ce-
 phissum, sed à Sicilia fuisse Diti viam, qua dotalibus
 vmbriis sponsam inueheret. Errores inde Cereris
 referebantur, & nocturna religio, quæ tædas plan-
 ctusq; secretos initiatis credit. Primam noctis vigi-
 liam inter illos sermones cæna consumpserat, quod
 ex tuba vt constitit, impetavit Meleander ultimam
 mensam tolli. Sed de cõuiuiis consurrecturos, iam-
 que libantes Mercurio, subito ferox clamor,
 vnoq; per castra tumultu terribilis,
 longe alio motu com-
 pleuit:



IOANNIS
BARCLAI
ARGENIS.

LIBER III.

CUM in castra iam pro militibus laxa perturbatus Lycogenes intrasset, ferrox mali insania, & mox necessitatis ingenio, ultimis consiliis aperire animum cœpit. Inclinatam rem, nisi statim erigeretur, sisti non posse. Noctem si suis ad cogitandum dedisset, forsitan tutiores sequuturos. Quid vero si nec simplici defectione contenti ex sui ducis captiuitate præmia apud Meleandrum quærerent? Infœlicibus inimicos omnes esse. Sed nec noua auxilia iam sperari, nec aperta vi se Regibus parem fore. Belli furto igitur opus, dum restabant quibus adhuc imperaret, & recenti gaudio cuncta in Meleandri castris feruebant. Oppressurum forte incautos, & in partibus esse noctem, illatos tumultus geminaturam. Celere saltem exitium pro beneficio fore peiora metuenti. His secum exactis primores amicorum aduocat, ostendit hostium castra. Et quid agere iam creditis, ait, immerito suo victo-

viatores? Gaudio marcent, & inter suas infulas tanquam victimæ opprimi possunt. Age modo, & transfugarum nostrorum beneficio utamur. Laxauerunt suo aduentu, tanquam bello iam confecto, quicquid neruorum erat in hostibus. Superuenimus ergo incautis, & quo plures sunt, eo magis confuso exitu seipsi onerabunt. Nemo fuit cui non videretur solertissime dicere. Ad suos igitur qui que digressi, monent ut sufficere modo velint diis vocantibus. Offerri victoriam contra foelicitatis impotentes. In solutos, vinoque depositos, esse eundum. Iram deinde acuebant; Et vero ferendum ab iis omnem cladem quam non priores intulissent. Tenebræ, & dulcedo fallendi, ad alacritatem plurimum erant; Multisque magnitudine criminum à spe veniæ exclusis, strenuè aut mori aut vincere placebat.

Cum igitur prouecta nox esset, bipertito agmine, quo latiori terrore hostem obruerent, iter ingressi sunt. Via erat per parentes facilis campos, & ad ipsa hostium ducebat prætoria. Per eam Lycogeni placuit ire. Angusta alia, sed propior, dumis plurimum tegebatur. Hanc iniit cum parte copiarum Menocritus, lentissime progredi iussus, nec aliquid ante mouere, quam præliantem cum statione Lycogenem ex tumultu cognosceret: Tunc & ipsi multo clamore in vallum niterentur, quippe dilapsis in Lycogenem illarum stationum militibus, nudum latus subito occupaturi, vel auersuri saltem ab eo aliquam belli partem. Plus duodecim armatorum millibus hoc biuio in Meleandrum ibant, haud impar ad spem victoriæ exercitus, maxime in necessaria fortitudine ferocior. Et silentio

tio quidem iuere, donec in vigiles subito cursu iruerent. Tum vero quicquid ad horrorem valet impigre cumulauerunt. Tubas & tympana ex composito plura quam pro usu portauerant. Accessit inconditus clamor se mutuo ad victoriam inuitantium.

Iamq; pellebantur stationes: cum qui proximi in tabernaculis erant, subito metu attoniti surgunt ad arma. Sed accenso per tentoria tumultu, maxime à somno, aut vino venientes, seipsum in condite premebant. Territi, semiermes, sine imperio aut consilio palantes. Quæ tam subita clades? Quis in castris grassaretur? An externa hæc pestis, an domesticum prodicionis nefas? Multi arma, fugam plures meditabantur. Neque satis ad signa poterant conuocari, misti tumultu, & inter tenebras licentius metuentes. Conuiuantibus Regibus famam mali simul clamor, simul nuntii attulere. Nec quid certi nunciabatur, nisi ad portas castrorum pugnari. Radirobanes à suis in tentorium raptus, cingitur armis. Eadem circa Meleandrum cura erat, cui ad secretum vocato Archombrotus toto ore interritus, Si pateris, ô Rex, ego hac nocte tuo periculo defungar. Quid iuuat tenebris te committi, & pugnae, quæ vnde sit, aut vbi, adhuc nescimus? Subductuam senectutem ex qua tot mortalium salus pendet, siue hoc prælium est, siue fortasse insidia. Si placet, auspiciu tuum subibo, mea q; fortuna si quid in tuum corpus paratur, excipiam. Arma tua, & chlamydem concede. Tu per portam quæ ab hoste auersa est, egressus, cum delectis aliquot militum, ad necessaria pericula te seruabis. Placuit fraus illa Meleandro, fidemque miratus per propria discrimina

Q

crimina capiti regio cauentis, tradit iuueni sua insignia. Ipse in ignotis armis ad portam cum paucissimis elabatur. Apice ergo & purpura insignis Archombrotus, cum iis qui conscii fraudis erant tabernaculo egressus ferebatur qua pugnantium clamor vocabat. Præcipitatio, & quod intra cassidem vox inclusa suum genium non seruat, vetere ne qui loquentem audiebant, intelligerent non esse Meleandrum. Vbi vero ruit in pugnam, omnes non tam in hostem quam pro Rege accensi ad subsidium properauere. Lycogenes vallo reciso occupauerat turrem, neque paucos suorum in eam receptos vltius effuderat. Iamque in primis viarum angustis per castra pugnabatur, cum ferro Archombroti tres continuis ictibus ceciderunt. Qui circa illum erant, Regem senem in hoc robur valuisse credebant, & æmulis per lætitiā viribus pugnantem sequebantur. Eo impetu territus hostis pedem versus aggerem referre cœperat; Cum ex alia castrorum parte auditus est Menocritus, & ipse cum suis ingenti vlulatu noctis & belli pauores ingeminans. Dubio & multiplici malo territus miles, regi ægre iam poterat, cū Radirobanes strenuè ad illam periculī partem conuersus est. Occurrit ergo Menocrito, repellitque cum eo irruentes. Sed illi non periculis, non vulneribus tardati, sola morte sistebantur. Nunc in propugnantes erecti, nunc alternis tecti clypeis, & pertinaci testudine succedentes ad aggerem. Atrox facies rerum. Hinc Archombrotus iam receptū intra castra Lycogenem sustinebat, illinc Radirobanes arcebat Menocritū. Vtrimque infesta nox, incertis per tenebras quid oppugnare potissimum oporteret, vel tueri, donec
 Lyco-

Lycogenes in proximum tabernaculum facem emisit, suis admonitis ut passim castra incenderent. Hostem cum suis sarcinis conflagentem, sibi ad victoriam lucem daturum. Contra regius miles confestim diruere vicina incendio tentoria, ne ulterius diffunderetur incendium. Adiuvitque sollicitos imber, qui impetu fusus, malum compescuit. Sed & lubrica inde terra fallebat subinde militum pedes, neque certos ictus esse patiebatur. Nocte inter mutuas cædes exacta tot corpora quæ iacebant, tantum sanguinis fusum, & omnia strage immania, calidos furentesque erexerunt in rabiem. Tanquam primum ad certamen coiissent, toto impetu implicabantur, videbaturque singulorum potius odiorum crudelitas, quam publicarum partium esse certamen.

Iamque non diutius sustinebat Meleander abesse à suorum discrimine. Ergo ultima ausurus, iussit Archombroto nunciari se esse in procinctu: At ille Eurymedi, Si Rex cum suis advenit, inquit, labortabimus multitudine, ô Eurymedes. Castrorum angustia tot propugnatores non capiunt. Præstabit ex his ipsis quos nobiscum habemus educere, qui improvise circuitu terga hostium cædant. Nam quid equitatus noster cessat? quid arcus inter tentoria ista compressi? Facile Eurymedes assentitur Archombroto, delatusque ad Regem, quid è re præsentis sit, monstrat, simul partem copiarum per aversa castra deducens, cum ipso ad includendum hostem convertitur.

Lycogenes intellecto periculo (iam enim ultimam suam aciem circumveniri audierat) tamen ab hostibus quos habebat à fronte, in Meleandrum averti

non voluit, ne species fugæ esset; Sed ad Menocritum mandata dimisit, ut quam ocyssime illuc suos inuheret. Cum ille pateret, Radirobanes recedentem insequutus, partem secum exercitus eduxit. Multa planicies, & explicandis militibus apta erat: Illic ergo Menocritus in Meleandri & Radirobanis medio deprehensus, & utrimq; in arctum compulsus est, balearicis sagittariis & Siculo equitatu in aperta demum pugna valentibus. Hi cursu effuso, illi contentis arcubus, prope simul longèque turbabant. Tunc vero Lycogenes, gnarus si cum copiis deleteretur Menocritus, de partibus esse actum, frendens, & animi impositus, eo vexilla omnia ad ferendam opem egit, obliquo tamen cursu, ut & latus infestaret Meleandri, neque terga insequentibus Archobroto præberet. Nec segnius Archombrotus laxata casside vultus exeruit. Et sum, inquit, sum Archombrotus, Comilitones. Dii bene quod Patroclo fœlicior sub maioribus armis fefelli. Regis iussu quos videtis cultus sumpsi, ne frustra noturna discrimina subiret. Si saluum hunc vultis, bis vincendus est Lycogenes. Iam enim in Regem contendit non tam quod victoriam illic speret, quàm quod hic victus est. Tamen à furentis & morituri impetu Regem eripite.

Post hæc dicta, qua direptum à Lycogene vallum erat protupit, & acies acclamationibus exultans, ducentem sequuta est. Nihil vero illo certamine crudelius. Alternis cohortes fugiebant, & sequebantur, confusa late signa: non frons, non terga aciei, non latera aut cornua erant. Surgebant acerui cadaverum, & per ipsa mortuorum vulnera viui pugnant. Meleander supra ætatem fortis inter milita-

r-m

rem audaciam ducis oblitus videbatur. Circa illum Eurymedes & Arsidas, eximia virtute simul intenti ad certamen, & Regi metuentes. At Radirobanes propria ferocia, præmioq; quod sperabat accensus, omnia audebat. Nunc hostium turbabat ordines, nunc vulgaribus non contentus periculis, quacunque rem perplexam aspiceret, impavidus effundebatur. Sed non idcirco hostes cedebant. Rabies, & quid de Rege meriti essent nihil fallens conscientia multum ipsis commendabat nobiliorem in acie mortem. Eminebat Lycogenes notissimis armis, & per suorum ordines ferebatur, collaudans milites increpansque, prout cuiusq; exigebant facinora, strenueque si qua lababant, hostium cæde restituens. Tandem Archombrotus, inter ipsum pugna ardorem, animum sumpsit ad facinus supra omnia quæ in acie edebantur eximium. Vrebant iuuenem & Radirobanes æmulus, & hostis Lycogenes. Itaq; vicino Timonidi curam dedit eorum quos ducebat. Ipse cū suorum aliquot auiderit quæ pugnabat Lycogenes. Et ille se quæri indignatus, ultro in venientes prorupit. Prior Archombrotus hastili in pectus impresso cum frustra illius clypeum tentauisset, haud mora grandi ab eo bipennis ictu sine successu excipitur. Vterque dexteræ suæ iratus, relisque absque vulnere redeuntibus, fatali quodam æstu efferbuit. Ac dum repetunt ictus, dum armorum aditus vestigant, Archombrotus moræ impatiens quam proxime equum admouet, subitoque amplexu Lycogenem ligans, simul ab ipso astringitur. Inter hos nexus mutuo pondere ad terram ducuntur. Eoq; in lapsu, virtute & industria Archombroti euenit vt Lycogeni incideret.

Q 3 Plurimi

Plurimi militum vno turbine luctantes oppressere, hi Archombrotum, alii Lycogenem subleuaturi. Versabat se in arena Lycogenes obligatus tiliarum & lacertorum hostiliū articulis. Sed Archombrotus, quamquam multum inter turbam & ictus anhelabat, non passus attolli iacentem, breui pugione repetiit vulnera qua lorica desinebat, donec eum constaret expirauisse.

Vbi vero extinctum Lycogenem utrique viderunt, longus clamor dissonusque exortus est, his de victoria exultantibus, illis horridum eiulatum in proximorum funerum confessionem tollentibus. Incumbit attonitis acrior cum suo milite Archombrotus, terroremque per illorum aciem late circumfert, utique postquam decisum Lycogenis caput arrepto capillitio alte concutiens, de clade dubitare non passus est. Sat deinde quassatum ad Meleandri pedes proiciens; En, inquit, iam tranquillum Lycogenem, & cui fidere, o Rex, possis. Pari exitio ceteri hostes, quotquot clementiā tuam nolent, deorum seueritatem experiantur. Meleander Lycogenis caput asservari præcipiens, in trepidos, & dilabentes inuectus est. Iam n. totis campis non certamen, sed strages videbatur. Nemo ferebat ora victoris, aut reuocantem audiebat Menocritum. Quidam montes ad fugam petiere, alii locorum periti in proximo antra, plerique qua metus & fortuna ferebat improuidi errabant. Nonnulli cursu exanimes procumbebant in terram, mox fœde insequentium equorum ungulis protriti. Nullis in miseros calibus ruina peperit. Radirobanes fugienti instans Menocrito, ex armis & galeæ apice cognitum, capi præceperat. Nec ille, iam fuga
prece.

prærepta, ignauiter certabat, donec capto, subitiffue astricto vinculis, non modo non in hostem, sed nec in se sæuendi copia fuit. Vespera erat, priusquam se ad Meleandrum omnes ex persequendo hoste reciperent. Et Rex quamquam peracto iam bello, in castris per tot mala corruptis pernoctauit; Sed prioris noctis furæ inquieta gaudia suspenderunt, appositis vñdiquaq; vigilibus, ne qua bellum resurgeret.

Nicopompus licet de prælio erat lassus, tamen nescio qua hilaritate compulsus ad carmen est. Læticiæ impetu ad eum furorem sponte vergente, qui rapta vaturn ingenia diis miscet. Ergo siue quo maturius gratularetur suo Regi, siue vt ex celeritate æstimeretur industria, forte etiam vt ineptos poetæ terreret, haud dubie nisi statim arcerentur velt osè cruciaturos victoriam, paucis horis condidit illud carmen, tradiditq; filio, adhuc scilicet prætextato, cui id Regi primo mane tâquam suos labores porrigeret.

*Vicinus. ô magnis tandem ex audit apiorum
Vota deis. Nunc alma salus, nunc secula curat
Iuppiter. Omnis iô Superum domus, omnis hinc nores
Ara ferat, nulli q; vacent à fronte corona.*

*Viderat infidos latè sentire manipulos
Armipotens, Sicularq; rapi vertigine mentes; -
Quamquam saeuus amat ferrum, quamq; iâ ardua m...
Sanguine tela madent, semperq; ad fræna tumultus,
Et furor, & fracta vastis in montibus hastæ;
Has tamen inuitus strages, hæc funera vidit,
Tunc primum iratus bellis, ex quo improba cælum
Terra Gigantea tetigit formidine pugna,
Et Pallenis Superi sudastis in aruis.*

Ergo animis, vultuq, calens, & grandior irâ,
 Terribilem dextrâ pinum, lauaq, frementes
 Exhortatur equos. Vix Thracia liquerat arua
 Phryxasq, sinus, & iam nostri alta Pachyni
 Toruus in aspecto pulsabat litora curru.
 Tempus erat quo mista acies, infensaq, signa
 Certabant, Regisne forent, hominumque, deumque,
 Iura soli, an nostris Erebus regnaret in oris.
 Iam partes, Meleandre, tuas, iam numine toto
 Aucturus, volucris Mauors se nube tegobat:
 Cum medio obstupuit cursu, librataq, tela
 Continuit; Rapidi vix audiuerunt iugales
 Imperium, & pronò non sat stetit orbita cœlo.
 Tum sic ore loqui. Quanam hæc spectacula belli?
 Inuideam, laterne magis? Nil Marte fauenti,
 Nil opus est. Vincent, sed non heu munere nostro,
 Quos vicisse velim. Virtus hæc fata peregit;
 Indulsiq, suis. Quanam hæc sub casside sancta
 Canices? Tunc his animis annisq, verendus,
 Tu pugnas Meleandre, & nondum deficit hostis?
 Talis sy terea quondam Saturnus ab arce,
 Assertor si stare sui, si bella subire
 Noffet, adhucq, recens dextra terrere periculum:
 Non Latio celandus erat, non aurea nostro
 Sub Ioue, mutatis liuerent secula metallis.

Quinam autem (ô animos! ô nostram æquantia sortē
 Pectora! & emissa plusquam mortalibus hasta!)
 Quinam illi mediis victores hostibus ardent,
 Impelluntq, acies? Parili quam fulgure cassis
 Emicat & geminos mors effera surgit in enses!
 Nempe ambo externum Siculis genus, ambo triumphos
 Adproperant Meleandre tibi. Sardoa veretur
 Hunc dominum tellus, Libycis hic venit ab oris.

Maest

*Maſſe animis gens ambo deſum; Vos omnia fama
ſecula manent, donec veſtris ſeruata lacertis
Inſula ſpumantes circum teret altior vndas.
Quid reliqui, quid deinde duces? quid ſydera miles
Promeritus? Vade ô celeri victoria grefſu,
Sudantemque tuâ lauro deterge laborum;
Vade lubens meritoque para ſubuecta triumpho,
Te ſimul, & magnos populis oſtendere Reges.*

*Dixerat armipotens; Et iam fuga deuia cœtus
Fregerat hoſtiles; Diri ducis impia ceruix
Iam ſumma Libyci ſtabat victoris in haſta;
Cum fragor humano maior ſcîd t æthera vaſtum,
Et plaſu Superûm, & furis vlulantibus hoſti.
Iſta loquebatur Phœbus mihi, & iſte tumultus
Eripuit noſter dixit quæ cætera Phœbus.*

Rex quamquam occupatus, dum mane induitur, totum carmen perlegit; cum Nicopompo iocatus, quod adhuc rudem filium ſubſtituebat in gloriam ſuam. Miſit deinde ad Radirobanem, qui referrent an iam adiri poſſet: Nec multo poſt cum procerum cœtu ad illius tentorium contendit. Ille quamquam auxiliij quod Siciliæ præſtiterat, editæque fortitudinis, plus iuſto erat memor, inter hunc tamen ſuperbæ lætitiæ tumorem ægritudine macebatur, quam ingerebat Archombroti Lycogene victoria. Tanto inuidiæ ſupplicio incubantem adiuit Meleander, humaniſſime acceptum beneficium commendans, Sardis que imputans momentum armorum. Victoria noſtra (inquit) ô hoſpes, tui operis eſt. Ego reſtitutis à te rebus cum vtar, ſæpius meminero hæc à te accepta quam cogitabis te dediſſe. Fruere interim bonis auxilio tuo partis, & ex læticia populi intelligas quantum nobis præ-

stiteris. Radirobanes, quamquam nimium ratus vere hæc dici, publice vetat Regem, ipsius verecundiam onerare. Causæ enim, & fœlicitati Meleandri omnia deberi: Se quoque beneficium accepisse cui sanctissimis armis misceri licuerit.

Sic inter se loquentibus nunciatur, Argenidem ad castra peruenisse: Illa pridie in Epeirætes mœnibus, vnde pugna poterat prospici, non lacrymis magis pepercerat quam sanguini miles. Decolor, & nunquam fœlicius habens, quam cum timor sensus extinxerat; nunc cōcedat doloribus, nūc redibat in spem ac vires, nunciis identidem missis qui statum pugnantium referrent. Nunquam tamen Poliarchus animo excidebat. Hunc intra se nunc deiecta, nunc cum iurgio alloquebatur. Malim ego, charissime, hos fletus, hæc incertæ mentis mala te scire, an vt facis ignorare? Perires me castor ad dolorum meorum memoriam. Quod si audies captam; aut ex hostili ludibrio, sua manu, suo vulnere ereptam Argenidem; ô facinus! ô amor infelix! nondum semel morte defuncta, iam nunc iterum tuo exitu conficior. Abes autem Poliarche? Tene, an inimicum aliquem deorum reum agam, quod tam lentus es? Quæ obliuia? quæ te in Africa lotos à rēditu arcet? Non te genius tuus quid hîc rerum gereretur admonuit? Aut plus apud te odiū patris, quam nostræ familiaritatis iura possunt? & qui cessare non potes, an, proh scelus! gratiora pericula inuenisti? Adesses, Poliarche; pugnares in hostem. certa essem victoriæ: Deberet Siciliam, & me ipsam, genitor tibi; quæ nunc aut perire pateris, aut saltem alienam gloriam esse. Nam si velles, non elementa, non casus, non natura obstaret redeunti.

derinti. Post illam obiurgationem, tanquam sacrilegio confusa quod Poliarcho irasci esset ausa, in contraria animum rapiebat. Satis sibi dolorum & curæ, quod in ea acie genitor versabatur. Si Poliarchus in idem periculum missus esset, non se suffecturam sollicitudini. Bene, inquit, fata consulistis, quod in tantarum rerum discrimine, saltem de Poliarcho non timeo. Donec viuet, donec erit incolumis, quid me calamitosam existimem? Aut quid tantopere formido? quasi ille in fidem, vel dii in illum, ut æqui sunt, peccare vnquam possint.

Hæc & talia inter lachrymas expendentem, quæ paulisper peplo summisso tegebantur, nunciata hostium fuga, quam & ipsa vtcunque cernebat, in solatia erexit. Tunc passa alloquentem Selenissam, & gratulationem cæterarum quæ proxime constiterant. Populus quoque in palatium sequutus redeuntem, suo more intemperanter lætabatur. Postera luce, cum maxima ciuium parte ad castra se contulit. Sed ne integra illi gaudia essent, crebra in populo fama effecerat, pactum ipsius cum Radirobanc coniugium ita credente, ut etiam tanquam votis virgini gratis rem palam celebraret. Rex inter suauissimi amoris lachrymas venientem amplexus est; & te, gnata mea, iam heredem Siciliae teneo, inquit. Periere qui gentium iure peruerso ad se regnum trahebant. In Radirobanem deinde intuens; Hic est mea Argenis, inter cœlestes Siciliae tutelae numerandus. Deum virtute, illiusque ut hodie regnemus, effectum est. Archombrotum præterea eximie commendans, ad minores quoque duces, & præcipue externos, laudatione apertissima descendit. Argenis conuenientibus verbis vnumquemque
prose.

prosequuta, vicissim audiebat gratulantes, & à solius Radiobanis, quem timebat, blanditiis, ut licuit potuitque auersa est.

Meleandro Epeircten dedituro solum obstabat, quod persoluenda cæsorū corporibus iusta erant. Iam enim & spōte, & monitu vatum, dispersus ad opus exercitus postremæ in mortuos pietatis officia vrgebat. Hi cædere arbores, aduehere alij, thoros cæteri multo gramine apparare. Sedulitate tam varia extiterūt subito pyræ, & funera in quamlibet digesta iacuerunt, maximeque vulgaria. Nam præcipuorum cadauerum multa, quo preciosius cremarentur, pietas propinquorum lecticis obuexerat. Rogos ergo militari pompa subornant deuictorum exuuiis, ut inter omnis generis tela & arma, trophæorum instar esset. Qui priuatas necessitudines inuenerunt, purgatis lymphæ vulneribus, vinctique, aut ut cuiusque opes erant ornati, expectabant ignium munus. Omnium vero capitibus corona data ex Apio, victoribus & mortuis quippe conueniens; Nam & tumuliseam herbam amabant inferre, & Græcia plerorumque certaminum victores coronabat hoc præmio. Fœminatum multitudo, puerorumque conuenerat; planctuque & iactura comarum, vltro incipiebat exequias celebrare; ut appareret non conductas lachrymas esse. Siue propinquos deflebant, siue mœsticia spectaculi, aut ciulantium tot exempla, non ingratum lugendi impetum vulgo admouerant.

Compositis cadaueribus, pullatus Meleander procedit ex castris. Sequebatur Regem exercitus, versis telis, & in terram negligenter pendentibus. In hunc modum funebrem campū aliquot dies ambie-

bicte,

biere, iussis per vices clamoribus, rursusque non minus atroci horridoque silentio. Rex denique ad maximam pyram venit, facemque accensam manu sustinuit, donec socios iam aruros miles conclamauisset. His tertio vocatis, vultu operto, auersusque, ignem subiecit. Idem Radirobanes ad alium rogam fecit, Archombrotus ad aliū. Cæteros subito amicorum officio flamma corripuit. Sed atrocissimum fuit de captiuis inter concitados furentesque supplicium. Et parcebatur quidem gentilibus: Sed qui externi sub Lycogene meruerant producebantur vincti ad rogos, & multipliciter confossi fundebant sanguinem, quo ignis spargebatur. Inuocabat miles victor ad tam dira solatia manes sodalium, donec Rex abominatus crudeles inferias, captiuos qui supererant seruari tanquam ad alia supplicia præcepit. Ad cadauera autem hostilia, ne per infestis aëris tractus, in morte etiam noceant, publici lictores cum vncis sunt dimissi, qui in proximos gurgites foueasque insepultos pronoluerent.

Mox tumultu intepescente, & pyrarum labentibus flammis, Meleander conscendit in suggestum. Illic breuiter, vt Regem oportebat, eos laudauit quibus sepulturæ honorem habuerant; Victores appellabat, & in morte fœlices, qui inter ipsam virtutem defuncti non perichitarentur suas laudes vllō facinore vllave fortuna corrumpere. Pulcherrima hos præmia breuis doloris ferre, diis manibus charos, futurosq; in terris fama superstites donec vlli Siticines canerent. Conuersus deinde ad circumstantiū præconia, nauatæ operæ, fideiq; seruatæ gratias egit. Deos quidem, virtutemque, &
con-

consciam recte mentem, gratæque posteritatis memoriam, viris fortibus mercedem summam esse: Sibi tamē præterea curæ fore, vt beneficium in memorem Regem, bene collocatum cognoscerent: Luctu depolito se in urbem sequerentur lætioribus sacris operaturi. Aderant ex composito familiares, qui ad hæc verba (nam & sacerdos aquam lustralem spargebat) detraherēt eius humeris funebrem vestem, palmatamque reponerent: Alij Pæanem exorsi sunt, ex felici omnigramine aut arbore decerpentes quod temporibus, manūque gestarent.

Iamque omnibus præparatis, Rex cum suis Epeircten redire maturabat. Nec visum est triumphare; quia de ciuib. victoria erat. Proximus tamē triumpho reditus fuit. Nam & milites lauro, & qui pompam procurabant, olea caput incinxerant: Antecedebat cum signis exercitus, & vario cantu ad spectaculum inuocabat læticiæ deos. Currum omnibus maiestatis & victoriæ insignibus spectabilem Meleandro admouerant: Ad quem ille cum Radirobanem inuitaret, longa fuit humanitatis contentio. Radirobanes hunc Argenidi locum assecrebat conuenire: Sederet cum Patre princeps virgo. Ambo conspicui populo essent, ambo omnia plaususq; exciperent: illis deos, illis fortunam pugnauisse. Se sane. si ipsi paterentur, equum funalem incessurum; Si nollent, currum proxime sequuturum. Palam erat à iuvene ambitiosissimo hæc amoris tribui, & spei nuptiarum; Cui cum non persuaderet Meleander in currum conscendere, aut expectare dum alius ornaretur; ipse quoque vehi non voluit. Deniq; non Principum modo consensu, sed
& vo-

& votis acclamantium militum, sola in eum Argenis collocatur. Currum Reges in equis, & ipsis laureatis, præcedebant. Ante illos Archombrotus in candido equo ibat, læua temperans frænum, dextera opimum spolium gestans, Lycogenis caput, in quod alacer populus intuebatur, gnarus illic summam esse victoriæ. Arborem armis Lycogenis indutam miles quidam præferebat Archombroto charissimus. Neque procul Menocritus grauis catenis visebatur. Prætoriani autem, militumq; præcipui, tam currui quo Argenis vehebatur, quam regibus circumfusi, in virginis quidem honorem, licentiam triumphalem, salesque prætextatos omiserant, sed nuptiales passim deos, Hymenæumque, & Iunonem, & Erycinam vocabant, nunc in Argenidem nunc in Radiobanem intenti. Ortum à Sardis hunc ludum credidere. Et cum Siculi conuenissent de nuptiis inter Reges arbitrarentur, lubentes futuri Principis animum per hos iocos laccessisse. At non Argenis hæc patiens audiebat, indignata victoriæ si eo pretio emeretur, iamq; prope Radiobani inimica.

Interim populus, fores ornatas impedierat lucernis atque lauro. Quisquis maiores ex cera in atriis habebat, apertis armariis simul genus ostentabat, & mortuorum imagines citabat ad gaudium. Ciuium quoque distincti ordines, obuiam Meleandro processerunt. Primus erat puerorum, in pæa, & candida veste chorus, rudi pæane plusquam iuebantur clamantium. Mox quotquot in vrbe Musicam excolebant; hi voce, illi plectro ac fidibus Regi canentes. Succedebant artificum collegia, quos statim Magistratus sequebantur quisque cum infulis

fulis dignitatis. Hi Regem longissima gratulatione morati, locum ministris deorum permiscere, qui ultimi in honorem veniebant. Signa quidam ex iis, & inculti operis veteres deos, coronas alij, omnes ignem præferebant, tuto, nec sine prudentium risu, deorum omina ingerentes, prænuntiatumque Lycogenis exitium ab auibus, fulminibusque, & extorum prodigiis. Inter hanc pompam Rex ad portam urbis peruenit; in cuius limine sublimem stauerant Pacis imaginem, cuius dexteræ Mars Olivam inferebat. & adulatione immatura, quasi pacatæ res Sicilia tota essent, subiecta imagini tabula Meleandrum affabatur his versibus.

*Victor ades, tecumque redux (Pater optime gentis
Sicania) festo Pax cingitur aurea culcu;
Et cælo nuvis Pietas demittitur alis.*

*Aspice quam facili redeunt tibi Numina cursu;
Aspice quam subitas mutas Concordia terras.*

Alma quies, diuesque labor, se numine misto

Indulgent late campis: Hic flore comanti,

Hic culmis stipatur ager. Se blandius vlmus

Porrigit, & lapsa repetunt connubia vites.

Bella procul, scelerumque mina, ferrique licentis

Nunquam tuta fides. Solio sublimis auito

Tu, Pater, & tantum lex tecum armata sedebit.

Rex à porta processit in editum Iouis fanum. Inde Menocritus in carcerem missus, & cum eo Anaximander, quem paulò antè Catanēses victū adduxerant (sed ille ex vulneribus intra quattiduum, alter non multo post ægritudine animi decessit.) Fractæ quoque Lycogenis imagines, editumq; ne seruari priuatim, aut in suorum deinde gentiliū siue honoribus siue funetib. has aspici vel
ferri

ferri liceret. Peraetis inde sacris ad arcem Meleander digreditur. Fessus erat pridiano certamine, cussisque, & mox ipsa læticia. In cubiculum itaque sededit, sumptaque leuiter inter domesticos cœna componitur ad quietem. Neque minus imitatione soporis, solitudinem quæsiuerunt in grauissimis curis, Radiobanes, Archombrotus, & Argenis. Singulos suus dolor vrebatur. Radiobanes quamquam plenus temeraria sui fiducia, grauius tamen acceperat virtutem successumque Archombroti, & populi voces, & vultus in eum Meleandri. Sed ut imparem contemnebat: Nisi quod omnia magnus amor formidat. Versus igitur in contemplationem sui, quantum auxilio, quantum viribus præstitisset, suati sopore & per fœlicis prælij imaginem ludente, est obrutus. Alius ictus erat Archombrotus: expertus nihil esse crudelius quàm quod homines appellant suatissimum amorem. Nec tam sibi nocere fortunam arbitrabatur, quam silentium suum. Scire enim haberi in priuatis, dum genus atque opes patitur ignorari. Nihil esse cōsultius, quam ut suas fortunas atque vota apud Meleandrum profiteretur. Hac ita decernenti, occurrebant parentis mandata, adhibitiq; iureiurando dii, se in Sicilia sui generis indicium non esse facturum. An ergo scribere ad parentem, an ipsum illuc ire satius esset, iurisiurandi gratiam petiturum? Tardum utrumque videbatur. Minus tamen scribendi displicebat consilium. Nam ab Sicilia tam diu abesse, hominis esse credebatur non ex merito amantis Argenidem. In hac animi tempestate inquieto strato negligenter iactatus, mentis mala transire ad corpus non satis sentiebat.

At Argenis multiplici malo confusa ad solatium

R

adhi-

adhibuerat Selenissam. Simul ambæ de Poliarcho & Radirobane querebantur. Cur ille abesset, aut heu miseræ istum viderent? O grauem (mater) victoriam! inquit Argenis. Quid interest Lycogenes an Radirobanes vicerit? nisi forte, quod ereptus à Lycogenis telo pater iam patricidio meo concideret. Nam si me Radirobani traderet, ego effugiū in morte inueniam, & mei vulneris dolore conficiam patrem senem. Ergo vel in prædam nata sum, vel in spoliū, mercedemque victoriæ? Ergo fatum mihi in exitiū destinauit quæ præcipua dabat, regnum & formam, & ideo tantum perueni in Poliarchi notitiam, vt scirem me indignam quæ tantæ virtuti coniungerer? Quid hunc autem cessare existimas, Selenissa? An experimentum capturus constantiæ meæ, hæret alicubi dissimulatus, & in Insula fortitan ista? An insidiis æmulum petitus est vir fortis, ideoque non suspiciosus? Cui iam vero fidere possim? quem exploratorem suæ salutis, quem miseriarum mearum nuncium mittere? Sub hæc in lacrymas lapsa audiebat Selenissam, maiora solatia, quam quæ ipsa capiebat, credebaturve, ingerentem: Donec resumpto loquendi impetu; Non prima, inquit, sum, ô Selenissa, quæ infelicititer amauerit. Quid fortunæ manus damus? Mors vltimum remedium erit, & quod nunquam effugiet. Possim cultu mutato ire ipsa, & inuestigare Poliarchum? hei quod non sufficio illi audaciæ, rudis fraudum, nec fronte ad mendaciū obducta; forte etiam, (sed hoc leuissimum esset) inter labores expiratura. Præterea, neque me sequi posses, & in crimen substituereris, si Rege ignaro elaberer. Audi quid potissimum probem. Archombrotus est, vt intelligis, amicis-

amicissimus Poliarcho. Causam absentis pridem egit apud Regem, author maxime ut reuocaretur. Facile efficiam, ut Poliarchum quærat, reddatque Siciliae. Nesciat tamen quæ me illius videndi causa sollicitet. Aliquid poterit fingi; nec carebit veri specie mendacium quod ad credulitatem exegerimus ambæ.

Laudauit ingenium Selenissa, siue fraus illi placebat, siue defessa, sibi & Argenidi quærebat ab eo luctu quietem in reliquas noctis horas, quibus ab infomni Argenide consumptis, Præfectum cubi- culi vocat, & de Lycogene occiso pauca quæ- dam locuta, palam iubet ab Archombroto sciscita- ri, satisne à vulneribus (nam leuia, sed pleraque ac- ceperat) ea nocte valuisset. Meditabatur enim blā- ditias, graula demerito iuueni imperatura. Archō- brotus, tanquam in cœlum raptus, & prope non dubius se amari, Præfecto respondit, si Meleander & Argenis valerent, quoniam ab eorum salute pē- debat, se satis esse incolumem. O mortalium men- tes, plerumque rimentium gaudia sua, & calamita- tes amantium! Lætus iuuenis, ignarusque consilij quod Argenis iniuerat, fatigabat superuacuis cogi- tationibus animum, & in limine virginis stabat, ut egredientem salutaret. Nec ingratus aduenit; toto- que itinere, dum ipsa ad Meleandrum procedit, cum eo colloquuta, nihil dum tamen de Poliarcho dixit; Nondum enim matura res erat, & sermoni- bus illis solitudo debebatur. Ecce autem novos er- rores. Radirobanes, ab amore non sanus, habebat pecunia emptos, qui de Argenide, & Meleandro assidue referrent. Ergo adhuc in cubiculo hæ- renti nunciatur, Argenidem primo mane ad

Archombrotum misisse. Illum statim adfuisse, & oppido quam familiariter virginem illi loquutam. Exarsit illico suspicio, & vt in litigiosa fœlicitate, non secus animum ad amandum, quam antea ad bellum composuit. Prendens cum Virtigane secessit; qua arte quove prætextu Archombrotus tolli posset, aut quid indignius quam ab æmulatione ignoti priuatique Regem tantum metuere? Mulcebat accensum Virtiganes, eleuando Archombrotum, suadebatque eo die aperire Meleandro (cui ad prandium promiserat) ineundæ affinitatis consiliū. In expedito rem fore, despectumq; Archombrotū infaniæ pœnas ad satietatem daturum, cui si magis anxie aut publice vellet Radirobanes irasci, nimia supplicij solatia forent, tantum Regem æmulatione vssisse.

His cutis amoris vacuus Meleander, maiora procurabat. Belli enim non remnendæ reliquæ erant, Syracusæ, Lilybæum, Agrigentum, & quæ cæteræ vrbes à Lycogene steterant. Illis simul opprimendis an diuidi præstaret exercitum, an in singulas totis viribus niti, consulebat Cleobulum. Is nihil dubitabat de deditioe oppidorum, quia nemo factioni supererat quem ducem dignarentur. Satis est, inquit, ô Rex, si minari perseueres, ostentesque paulisper armatum exercitū, tantum vt timor pœnitentiam ciuitatum acceleret, à quibus propediem, videbis hîc legatos. Nam præter ingenium lymphatæ, amabunt redire in naturam, quam videbatur excussisse defectio. Ne time. Bello isto defunctus es: Sed nec illius vere causa in ciuitatibus fuit, & si dehinc securitatem amas, longe alij sunt malorum fontes quos obstruas. Meleander tot recentium
malorum

malorum cruda imagine sollicitus de futuro; Curandum est, inquit, ut diuturna sit hæc regni restituta valetudo. Nec unquam certius, quam cicatricibus adhuc novis, deprehendemus vim telorum, & formam, quibus paulo ante faucij, rursus peti possumus à fortuna. Quod si inter atrocitatem periculi obiecisses, quæ antea à me peccata sunt, non tam monere quam exprobrare visus esses. Nunc autem in tuto, si quod sentis edisseres, in futurum cautio erit ne eadem peccemus, Cleobule. Ille veritus quamquam volentem Principem contumaci libertate irritare, amoliebatur omnem ab eo culpam. Temporum enim, hostiumque, & fatorum esse crimen. Et postquam ea modestia, consiliis quæ parabat obnoxium Meleandri animum fecit; Quādiu, inquit, lenitas in virtutibus erit, non diceris villo vitio impulisse labentem in clades Siciliam. Lenitate, inquam, tua malignitas fatorum in tuas & patriæ clades abusa est. Illa facilitas, illa indulgentia in Magnates, illa tua tuorumque Maiorum incauta in eos profusio, prodidit præcipuas imperij vires, aperuitque iniuriis despectam dignitatem. Iam quidem perculsi sunt, iam silebunt defessæ factiones. Ast ubi respirarint, expecta alios fluctus, nisi ventus plusquam Æolico utre tenueris. Pugnant erumpere, & quamdiu nimis poterunt illi, nunquā satis Reges poteritis. Nec in tyrannidem te adorno. Ipsis quoque consules, ô Rex, si efficies ut timore, aut fastidio culpæ, paulatim inquietos mores dediscant. Tum Meleander; Scio, inquit, ex his nubibus feruere plerasque procellarum. Sed vires eorum hominum adultæ sunt, & ipso tempore ac patientia Regum iam prope legitimæ. Has itaque

R 3 que

que accidendo vel iniuriam facere credar, quia nam ante me potentiam percellam; vel nimio in conatu regias vires iam sæpe delibatas, & quarum infirmitatem celari interest, inconsulto experiar. De successu (reponit Cleobulus) melius ominare, dum ordine, & per partes euellas eam segetem qua isti luxuriant. Sed nec crede iniquam fore causam, & quam dii hominesque non probent, si pugnabis pro regia dignitate, & Siciliam à parricidio prohibebis quo ipsa se furiis mactat. Quinam illi sint, vide, vnde processerint, quæ illos machinæ fastigio suo admouerint. Vt cunque se iacent, Maiorum tuorum beneficio, opes comparauere, in præfecturas missi sunt, regięque amicitia indulgentia hoc culmen condiderunt, ex quo hodie siue ipsi, siue eorum posterici certant in Reges. Tua sunt ergo tela quibus lacefferis: tua acies tot mucronum, cæca discordiæ manu infelicitatem sui authoris vouentiū. Si merentur, si ferre fœlicitatem suam non possunt, ab iis duntaxat recipe quod à vobis acceperunt. Nudos mediusfidius relinques, cogesque obliuisci spirituum quibus nunc intumescent, vestras apud se mirati diuitias, suæ vero sortis ignari. Ac quo maturius consulas sceptro, vide quam multū coalescat illorum in vos imperium; quam publice, quā periculoso consensu hæc veluti iura peccandi nunc asserant. Inter se æmuli, inimici, tamen vix libenter accipiunt à Rege vllum premi. Quisquis ergo rebellat, cæteri adsunt vel publice, vel priuatis affectibus. Nunc causæ se addunt, nūc tempore vtuntur iam satis occupato, quo alio iurgandi prætextu distrahant Regem. Alij tuum latus, tua castra non deserunt. Sed lento, & per ambages fracto regionum

tum consiliorum, aut militum usu, diu volunt rebellium contumaciam conferri viribus sceptri. ne videatur indignum Regibus aut impar esse periculum, assuescatq; populus vereri hos motus & pari. Ita sibi ipsis & exemplum faciunt, & exitum ornāt, si irasci in Regem contigerit. Hanc coniurationem nisi anteuertis consiliis, quantum aberis à Merganiæ fato? Regio erat sub vno formidanda, nunc segnicie vel patientia imperantium, adeo in varios Principes lapsa, vt domino tota exciderit.

Quamquam recenti memoria tenes, Rex, quid hæc possint factiones, permittis hic tamen earum cunabula, & ingenium percenseri. Nam & accendi te volo, vel parari ad patientiam haud dubiæ cladis. Igitur si quos amas, si quos attollis, præter veterum Optimatum libidinem, tanquam de eorum bonis sit quod largiris, excedunt ab Aula, queruntur se contemptos, in arces, in præsidia, quæ iis credidisti, confugiunt. Fortunas populi deflent, examinati regni sanguine paucas hirudines repleri, non ferendam eorum superbiâ qui fascinato Principi illudunt, veteresque & emeritas stirpes inexpertæ recentis potentiæ gaudio calcant. Frequens hæc quidem (vt nosti) dissidendi est ratio, prorundique ad ciuilia arma. Sed & aliæ præterea causæ illis ingeniis faciunt defectionis audaciam. Diu ipsis largitus, cesses vt cunque: Magistratus, Præfecturas, iam plenis, necdum tamen satiatis negaueris: his arcana omnia non credas, habeas alios fideliores tibi: Non accesseris odiis quibus æmulos deuouent; Illico indigne haberi se putant; frendentque, tanquam contumelia violati. Alij, vt reuerentiam sibi concilient, & quid possint Regem a

moneât, quærunt offensionis materiem, & gratis ineunt consilia in publicam pacem. Cæterum quæcunque illos occasio tollat in rixam, viribus quas vos Reges tribuistis succincti, mox clientes armatosque inueniunt, eo prolixius quod hæc secedendi facinora semper inulta sunt, & plerunq; præmia habent. Sic erecti, sic veluti in suo regno collecti, opimiora ad conciliandam pacem à vobis Regibus extorquent, quam si ipsis obsequium & fides mansisset; Vestro interim auro, vestrisq; stipendiis (quis ferat?) militant acies quas in vos educunt. Ætatio vestro feroces, aut rationem imperij deposcunt à vobis, aut regnandi modum præscribunt. Vestri coloni sunt, vestri ciues, qui plusquam externis tumultibus per hæc bella eruuntur. Quid deinde? Emitis pacem, (Reges:) His prodest peccauisse. Vos in regno nunquam bona fide pacata, expectatis solliciti ex quo cinere se flamma refundat, cui placeat gloria nouæ litis, quæ foederum tabulam plenissimis libris addendæ sint. Minimum putem, quod hæc bella, hæc paces, exterarum gentium ludibriis euilescunt, quodque minor quam pelago fides est, siue quietem agimus, siue tumescimus. Maiora sunt vulnera, quibus viscera patriæ lancinant illi mores. Robur enim maximæ gentis, & cui si hæc absint incommoda, nulla non cesserit, hic assiduus & pestilens ventus affligit. Pereunt urbanae rusticæ opes, quascunque prouincias turbo afflauerit. Consumitur impetus animorum, & Prudentum quos multos habemus, solertia, digna Orbi imminere, his domi pacandis tota vix sufficit. Instituuntur præterea animi iuuentutis ad audaciam, & contemptum maiestatis, infandam.

landamque dulcedinem belli civilis, in quo furor & auiditas, subitas pugnas & presentia premia habet. Ita domestico facinore marcescit quicquid ad terrorem exterorum Dii Siciliae nostrae tribuerant. Neq; putes haec esse rudimenta flagrantium animorum, qui castrensi disciplina eruditi, estus inter se conceptos, mox in peregrinum hostem validius effundant. Utinam haec solatia saltem essent civilis insaniae. Sed ne isthic tyrocinium ad fortitudinem aut militiam credas, cogita quam saepe plus vanitatis & minarum hi turbines habeant, quam iusti laboris in castris. Conveniunt illae cohortes in arcibus, urbibusque obnoxiiis, facilem ciuem, aut imparatos agrestes diripiunt. Haec plerunq; fortitudinis summa. Acies rara; nulla, aut subita discrimina, quia obnoxie placantur, & ante fortunam armorum ab facinore donatos dimittitis. Sed etiam ut bella haec durent, ut saeviant mutuae turbae, at interim miles optimae patriae spoliis saginatur, & in bonis miserorum civium bello quam pace delicatior latrociniiis magis quam constantia, robore, arte, imbuatur; Ut ad disciplinam deinde veri & sobrii Martis, & in externis regionibus interdum infœcundi, frangatur enerui fastidio, doceatq; diversissimos esse labores, praedatoris & militis.

Temnimur interim, ô Rex; Et si quid in vicinos minaris, robori minus suo quam malis nostris fisci, tuos conatus despiciunt. Largitione tantilla facile credunt excitare de Siculis, qui civili seditione te implicent. Sic tradunt te iis debellandum, per quos tuis auspiciis debuerunt everti. Nobilissimae genti infamiam an perniciem haec plus creent, ipsa existima. Vis denique quod tui ciues queri possunt

hic audire ? Componendis his fluctibus olim populus ad regiam potestatem respexit. Ne collideret Optimates ambitio, ne vnam gentem factiones diuiderent, essetque timendum à ciuibus, quod hostes solent minari, transtulere in Regem purpuram, solium, ferrum. Quod si adhuc in regno vexantur reipublicæ malis, quid pretii illis erit traditi sui iuris, exutiq̃ue imperii ? Aut illos in libertatem restitue, aut domesticam præsta quietem, propter quam libertatem reliquerunt.

Meleander ad hæc verba ingenti suspirio perctus concussit, & facilius argui morbum posse respondit, quam expelli medicina. Iam se Eristhenem & Oloodemum, ferro vltum. Lycogenem occubuisse. Si ad illud exemplum quotidie seueritatem res exigunt, sibi ipsi in odium venturam potestatemq̃ sanguine Optimatum alenda sit. Summa in illis indoles (inquit) animi vigor, multæ virtutes. Scilicet extinguiam, aut premam hæc sydera ? Omnia autem ? Sed illud inhumanum, & fortasse supra regias vires. Quænam igitur ? Nempe suspecta. At vero & solæ suspicionis pœnas luere est indignum, & præterea sæpe nullum est ante tumultus suspicionis vestigium. Impetus in viuidis mentibus præceps haud raro simul cogitat, simul excutit hos motus. An omnes habebō mea rigiditate auersos ? Viuamne ferè instar in solitudine, an potius nouis hominibus regiam implebo ? Acerbius mehercule ipso malo remedium. Deos & fata spero, postquam sumus emoliti acerrimam tempestatem, pro habena reuerentiam nostri fore expertis quid possimus. Saltem, Cleobule, quam mitissima consilia habes exprope.

Tum

Tum Cleobulus. Fauco tibi, ò Rex: Id est, Proceres quantum licet tecum excuso. Læti in illis, & ingentes sunt animi, & hæc ipsa quæ arguimus magnæ indolis notæ sunt; &, si legum habenis teneretur, rebus publicis salutaris: Nunc quia illam passi estis lasciuire, eorum quæ cogitat, quæque audet, inclino in vos Reges inuidiam. Cæterum cum virtutes ac vitia non plus ex merito æstimentur, quam ex populari iudicio, nihil mirum, si consuetudo & peccantium claritas, atque successus, nobilitauerit hanc culpam: Quam si premi & eripi cupis, reuocanda est paulatim ad suorum natalium vilitatem. Hoc autem efficies, primum nominis veri dedecore, vt apud te perduellio, coniuratio, perfidia, nominetur; Nō vt solet, magnitudo animi, prudentia, societas, publici boni cura. Deinde vt qui à te secesserint, saltem efflagitata veniæ humilitate frangantur; Cum nunc (miro gentibus ritu) damnare te soles, publicis professus codicillis hos esse innocentes. Nam si rei non fuerunt sumptis armis, certe tu reus in quem illa sumpserunt. Triste dictu. Si hæc postrema exceperis arma, in quibus simpliciter victores, vide sub te & patre tuo turbas. Omnes precautiones dimissæ sunt, vt terras populas, conscriptos milites, cætera defectionis facinora, nimia simulatione, & prodente captiuitatem imperii, imputaretis vobis. Iussu hæc vestro, aut vestri gratia, esse patrata, publicis chartis sustinuistis inscribere.

Sed durū est, premere illas stellas. Enim nec obui illas, ac nec regi oportet inhumana ratione. Luceant, ò Rex: dum meminerint cui Soli lumen hoc debeant, nec caliginem faciant tuo orbi. Fere necesse videbatur alicuius sanguine lui hoc crimen,
Extorsit

Extorsit atrocitatem remedii à tua bonitate cum Oloodemo Eristhenes, & infælix vindex Lycogenes, cæterorū animos aliquandiu sui memoria tenebit. Quisquis aut temporū istorū oblitus, in hunc ludū primus descendet, ocius hominē preme, non tardis, non incerta consultatione libratis conatibus. Ipse tibi expeditionem desume, ne tuorum ducum prævaricatio illam causam inutili mora cōficiat. Si audebis, si non cunctaberis, multi maiestatis reuerentia capti tuum auspiciū sequentur, qui dubitare incipient de suo officio, si & videberis deliberare an impune possis offendi. Tunc nitendum, ne timida remissione spirituum videaris istorum tēporum oblitus, aut veniam petere extincti Eristhenis. Consentias cum impetu isto, ut tuus esse potius videatur quam fortunæ. Fœdera, leges, pacta, cum armato rebelli, nec audi. Vnum sit pœnitenti remedium, si supplicet, si supercilium ponat, si se & causam damnet. Lenitatis tuæ erit sic composito indulgere, nisi nimis perniciose errauerit, aut in necessitatem distulerit pœnitentiæ laruam. Sed ignosce ea lege, ut aliquid ipsi in multam decedat. Si prouinciam à te habet, partem ex ea delibā quam alteri tradas, si arces aut suas, aut regias, vnā ex iis futuræ fidei pignus cape. Timebunt alii spolia dare ad regiam Gazam, qui nunc contrario voto æs, fasces, præsidia audent in pretiū pacis exigere. Caue autem dare hos reos precibus cognatorum, qui apud te in illos militarint. Nam vix vlla vulgarior fraus est, quam istorum Optimatum, non studio, non vero affectu, sed veluti sortibus, se in aduersa diuidentium castra. Fratres, affines, patruels, hic pro te, ille cum factionis stabit,

ut victoria aut favore in vtramlibet fortunam lecturi sint. Hoste maxime suspectos habere æquum est, ô Rex, & si anxie pro cognatis suis orant, prope modum hostes.

De ducibus factionum hæc sentiam. Sed quid illi absq; militum manu? Hi sunt sanguis, hi nervi tumultuum; Nec in eos impune severitatẽ omiseris. Quos igitur placidis rebus seu præfidiarios milites seu prætorianos conscripseris, si defectione oborta Præfectos forsitan suos in Regem sequentur, iis infamis sit missio. Cingulum ponant. Nullus poenitentium clamor, nullæ procerum preces te moveant. Discant non tam Præfectos venerari quam te in illis. Quippe hos secum à te ali, à te pendere. Ita exercitus quos comparas, quos in pace educas, sincère erunt tui, nec te Magnates creditarum fiducia copiarum despiciet. Si qui autem concitato tumultu, nullis stipendiis tibi devincti, ad factionem accesserint, his mitiora imperari non abnuã. Simplicis defectionis rei sunt. In eos, si lubet, mansuetudinis obtine famam; Modo veniam te dedisse, non se ingratis vsurpasse, intelligant.

Sed de suppliciis scilicet multisq; iam agimus: Atque qui ante vincendi sunt, aut quod est humanius fleendi, ne aut vinci mereantur aut plecti. Duo sunt, ô Rex, quibus Proceres in te armantur, sollicitanturq; ad ambitum. Has tu vires si solerti ratione subduces, te, an illos, plus iuveris, nondum intelligo. Sed nunc ea non licet memorare. Video enim ad te venire Sardinia Regem. Respexit Meleander, & Radirobanes iam aulam intrauerat. Ergo, quam inuitus, dilatis arcanorum sermonibus, processit ad hospitem, & hilariter colloquutus ad con-

uiu

uiuij locum deduxit. Amplissima Regiæ sedes erat, foribusq; laxatis populum ad spectandum admitti placuerat. Illo iam quo mos erat Siculis accumbere in conuiujs, vesciq; ex lectulis. Sed vetusti sæpe mores occulta veneratione afferunt rebus auspicium, quas Reges publice obeunt aut Sacerdotes procurant. In illum itaq; diem Meleander maiorum māsuetudinem reuocauit, vt conuiuæ sederent. Inuitauerat Optimatum præcipuos. Ipsa Argenis aderat cum delectis matronarum, ingens æmulis proci ad odium & vesaniam incitamentum. Furebat in Radirobanem Archombrotus impetu vix se premente. Nec integrior Radirobanes furtim intuebatur, si quid ille in Argenidem inspiceret, aut ab ea aliquo nutu dignatus exultaret. Vterque furioso timore plurima fingens, improuisos aspectus, aut gestus, in suam trahebat iniuriam.

Peracto conuiuio Radirobanes amoris odiiq; impatiens, Meleandro significauit, si otium esset, se secreto colloqui velle. Statim Rex cum eo secedit in porticum, & Radirobanes, Si apud alium agerem (inquit) eius animum meis votis pararem, Optime hospes, referendo me Sardinia, & Corsica esse Regem; Baleares insulas meas esse; Occupari à meis plures portus hinc in Africa, inde in ora Liguria; Terras illas populo & opibus graues; Classē ingentem, & formidolosam mari, quodcunque se ab Oceano ad nos diffundit. Adderem seriem Regum, quorum antiquissimos ferunt à diis generatos. Sed apud te alia oratio habenda est. Ego hospes cum hospite quæro arctiora fœdera iniire. Liceat meam fortunam miscere cum tua, aut, vt simplicius loquar, nomen patris, & auspicium in
me

me fume. Tua sint quæcunque possideo. Filiam tuam mihi desponde. Nec scio utrum has nuptias avidius expetam, ut te socerum, an ut uxorem hanc habeam. Sic loquutus nullam intulit de allato auxilio mentionem, quod maxime apud senem valiturum sperabat.

Meleander, præfatus à se omnia Radirobani deberi, Conditionē, inquit, affers, charissime hospes, non accipi modo, sed anxie quæri dignissimam. Nam quis Radirobani, quis Sardinia affinitatē nō optet? Et tu, fortissime iuuenis, minore patrimonio & Sardinia non tanto sub Rege, maiora quam quæ postulas sperare potuisti. Sed scis coniugia plus animorum quam corporum fœdere esse suavia. Liberæ hominum mentes sunt, nec ullis legibus cogi possunt velle quod nolint. Maxime fors Regalis in quam gnata mea est edita, eam captiuitatem nō fert. Ego habeo à maioribus sceptrum, illa à me expectat, liberum ipsi deinde esse debet in quem venturæ fortunæ Siciliæ transferre. Hæc non ita accipias, dulcissime hospes, tanquam quæ tu vis omnia, & præsertim hoc ipsum, non velim. Sed mirari te nolo, si filia mea suas vices relinquo. Quicquid possum ego polliceor. Tu apud illam fac, ut digna sit à te amari. Nam nec tibi expedirent coacti hymenæi. Denique finge te filium meum esse, quantumcunque tu ames, quamlibet magnas dotes in ea tibiingas, nollem mihi esse nurum, nisi te maritum exoptaret. His verborum ambagibus quærebat Meleander, & Radirobani placere, & habere paratas negotio tanto moras, quod filia mentē ab illis nupriis sciret auersam. Quippe antea eius sensum explorauerat, nō dubius in hanc spem
Radi-

Radirobanem venisse. At ille recti virgere, senecti ambire; dicere suam vitam in eo esse sitam ut getier appelleretur. Tanto in æstu non verba, non mentem capiebat Meleandri, ita spem oblique ostendentis, ut prudenti, & quem amor non turbaret, sat negatum videretur. Iamque Eurymedes utrumque monuerat ludorum tempus esse, quos subitos, & tantum ut populus in Regis victoria lætaretur, in Regiæ vestibulo instruxerant. Processere itaque ad Orchestram, in qua multa ex Regiæ penetrali curatores ludorum conspicienda locauerant, antiquissima signa præsertim, & Heroum imagines, non modo quibus artifex pedes & man⁹ indullerat, sed & plurimæ ante Dædalum factæ solo vertice de sui saxi impolitia exhibant. Postquam Reges confederunt, statim cum Selenilla & ministrarum grege intrauit Argenis, haud mediocre Radirobanis Archombrotique supplicium. Non igitur illi in personas satis inspicere, non in veteres Siculorum Regum opes. Ac ne virginem quidem multum intuebantur, alterno inter se conspectu agitati. Inter hæc Radirobani videbatur Argenis, blandius sæpiusque in Archombrotum vultus advertere. Quod ut miserrime credidit, ita secum loquutus est. Furiosum esse amorem non proderit; Solertia optis est nobis. Nam si Archombrotum sustulero, peius crepti memoria apud Argenidem me perdet. Num autem non & bellum est æthor? Atqui in bello quas hostibus vrbes munimenta eripiunt, proditio sæpe aperuit. Tentandi sunt muneribus quorum gratia apud Argenidem valet. Laudationes eorum assidue me chariorem ipsi efficiunt. Sumus omnes incauti ac faciles ad ea imbutenda, quæ sæpe, & veluti non ex

ariæ

arte, familiares insinuant. Iisdem machinis nihil
me præteribit arcanorum quæ huic cum illa inter-
cedent. Perpendenti deinde, quosnam ex familia
Argenidis aggredere tur muneribus, nihil difficilius
aut utilius visum est quam ad Selenissam hoc iter
habere. Quippe oris constantiam illi matronæ es-
se, quæ ad perfidiam vocantes terreret, sed si in po-
testatem redigeretur, facilem de Argenide fore vi-
ctoriam. Erat ingeniosus, præsertim cum imperus
naturam acuerat. Audendum est, inquit; Facile erit
apud anum ita loqui, ut si integra est, meæ largitio-
nis fraudem non capiat, si vendere fidem potest,
intelligat empto emaduenisse. Hæc gnauiter agi-
tantem non arena, non scena (nam utriusque spe-
ctaculum dabatur) poterat delectare, quamvis
hinc incertamen producti qui Erycis artem cæstu
iactarent, inde autem Catanenses ex sui Andronis
disciplina saltarent ad tibiam. Sed in auspiciu tra-
xit, quod largitioni intentus, non absimilem victo-
riam aspexit in theatro, in quod Argiam & Eriphy-
len Poeta produxerat, hanc diuino monili mercæ-
tem crudele suffragium, illam munere victam, &
coniugis fata prædentem. Inter cætera, istos versus
quibus Eriphyle accepto proditionis pretio exul-
tabat, sic laudauit, ut contestim ad se præciperet af-
ferri, & aliquoties tacito voto perlegeret.

Absiste tandem, cura. Sat sterili vigil

Marcere cecidit vultus. O grates, Dei.

Fauistis omnes. Teneon' armillam manu;

Meamq, teneo? Vota cecidistis bene.

Nunc tuta, nunc excelsa, nunc cælo fuor.

His se decora sueuerat gemmis Venus

Ornare Marti. Tyrius has stupuit gener

S

Ardere

Ardere collo coniugis. Quis hic decor?
 Quis radiat ipso non minor Phæbo dies?
 Quo pergis amens? Dî, fides, lares, amor,
 In pretia deposcuntur. Heu nimio tibi
 Armilla stabit. Poteris infelix tuum
 Damnare bello coniugem? Bellum vetant
 Saga volucres, Delphicus pater vetat,
 Et omne sacris exta quod præbet pecus.
 Funesta merces! Vidua si tantum potes
 Sic esse fœlix, melius ab pietas malos
 Omitte cultus. Trahitur en dubiâ vice
 Instabile pectus, sic ut incertam ratem
 Non vnus atro ventus inuoluit freto.

Sic nempe simplex! sorte nunc dubitas frui
 Quam fata præbent? Quid times vanas aues?
 Ne bella fiant, reddere armillam voles?
 Hæc ipsa bellum faciat, hæc regnum est mihi;
 Meliusq; Thetis. Augur infelix redit,
 Inuisa pietas, mensque non credit sibi.
 Quid agimus? O sors dura cum timet miser
 Quod optat animus! Digna cœlesti tamen
 Si viuas auro, sacra si tuos decet
 Armilla vultus, vindica hoc ingens tibi
 Munus deorum. Coniugi si fors tuo
 Es vilis, aude quod times; Sin te colit,
 Opibusq; summas optat ex æque deas;
 Tibi ipse cupiat sanguine hoc emptum suo.

Lætus Radirobanes huius exēpli augurio, post-
 quam finitis ludis in aulæ interiora recessum est,
 Argenidi in conclauis ipso Patris, eadē narrauit
 quæ antea Regi. Orabat ut in munus placerent
 Sardinia opes, cæteraque haud inconcinnus ama-
 tor addebat, quæ vtriusque fortunam decebant.

Argenis

Argenis non modestia tantum, sed occultissima ira erubuit; Non alia retulit tamen, quam quæ Radirobanes hoc primo congressu expectabat: Nec eam scilicet Virgini curam esse debere, nec filiarum familias potestatem. Habere interim gratias quod ille tanti faceret amicitiam patris. Radirobanes aliquantum cum ea cunctatus, ad insidiarum suarum initia digreditur: Proceres, Matronasque, huc illuc toto triclinio obibat, simul maiestate regia, & iuuenili comitate. Tandem in Selenissam incidit, ut optabat, & vulgaria quædam effatus, laudare deinde ipsius filium cœpit, qui in aula vivebat: quærere deinde pluresne genuisset, quid ex stirpe restaret, & quæcunque mulierculæ gratissima erant. Et hinc sponte ad se deflexus; Optimæ matris meæ multa, inquit, lineamenta in te agnosco: Iam sæpius dulci memoria illius amissæ, cum ad te respicerem, perculsus sum: Et hodie efficiam ut scias quam multum de vultu illius tibi fata communicauerint. Superuenit loquentibus Meleander, à quo Radirobanes sub noctem digressus, Selenissæ filium accersit; Demades nomen erat. Cui postquam multæ familiaritatis specie imposuit; Vade, inquit, & hanc matris meæ imaginem ad Selenissam defer, si sceptrum & corona obfuerint, ab ore suo non disparem. Erat autem brevis imago, ætatis conditione à Selenissa non abhorrens. Anum enim Reginam, & rugis obsitam, referebat. Sed insigni artificio, gemmæ olim talentis viginti Radirobani emptæ, faciebant imagini thecam, ex qua vnio prægrandis pendebat.

Selenissa ubi cum munere Demadæ vidit, tā precioso fulgure concussa, dubitauit an conscia esse

Argenis huius fœlicitatis deberet. Verebatur in suspicionem venire fidei prostitutæ; Aut ne remittere donatori iuberetur hoc plusquam simplicis liberalitatis pignus, si crudum nec præparatum puellæ animum illa nouitate pulsasset. Hæc exigens secum, adhucque deliberans, filium rogat pluresne adfuissent cum Radiobanes id sibi perferendum tradiderat. Imo, inquit, seuocauit me ad secretum ne quis arbiter esset. Et tu igitur, retulit Selenissa, apud te, fili, rem cõtine. Id agitur quod ignoras; Neque mihi, vt existimas, & apud te Radiobanes finxit, hoc mittitur. Sed commodius, & vbi fas erit, plura intelliges. Vnum iam memento, vt sileas. His dictis ad Argenidem redit; Adhuc quidem illi fida, sed iam desierat Radiobanem odisse. Tum versare animo cœpit, quanto suo & Argenidis periculo Poliarchus amaretur. Nam quoties reprehensam à cœpto moriendi Argenidem? aut quem spõdere posse, non illam aliquando anteuersuram furioso impetu vitæ consilia? Denique sibi quemque debere consulere. Nam quid de me (inquirebat) meritus Poliarch? Radiobanẽ post pauculos dies quam limina hæc attigit, vtiliorem mihi sensi, quam illum, plus anno familiarem Argenidi. Quid si de se mentitus est ignotus ac externus? At istum prius auxilio Sicilia Regem sensit, quam alto nuptiarum & regio voto. Si propitiam Argenidem illi effecerò, quantum mihi sperandum est, cum iam præmia vsurpem, quæ pene ad præstitam operam satis essent? Abest deniq; Poliarchus; Num viuat incertum est, cum si redeat, impetratura sit publice hunc à patre virum Argenis, an vero clam discessu dedecori me quoque frustratura. Radiobanem autem
non

non dimittere possumus, nisi iratum; Neque parem conditionem (si ista abiuerit) neglecta fortuna mihi & Argenidi curabit reducere.

Inter hos dies (quod Cleobulus ante cōiecerat) legationes passim ab urbibus veniebant ad Regē, sedebantq; in deorum liminibus, ramos supplicilana obductos cum gemitu aut silentio tenentes. Multa oppida, & ex insignioribus ciuium multi, Ibburrane & Dunalbio deprecatoribus vsi sunt, quorum ea apud Regem gratia erat, vt nihil negaretur petentibus. Igitur Meleander virilem in deiectos & obnoxios ciues clementiam sequutus, solo maiestatis conspectu ultus est pœnitentes, legatis inter armatos custodes intromissis in curiam, in qua ipse regio cultu ad formidinem supplicum sedebat. Cumque illi de sæculi genio quererentur, qui populi mentem auerrisset in tumultus; Ipse paucis incusatos in mitiorem spem purpuratis relinquerat, iubebatq; abscedens ab eis arbitrium suum audire. Leuia autem imperabantur, paucae in multā pensiones, & peruiacissimorum exilium. Nacti igitur expectatione mitiora amore victoris suas vrbes impleuerunt. Hyperephanii seorsim legationem volebant ornare, suas gratulationes & vota, nouasq; fidei sponsones laturam. Sed intercessere cōsilio, qui id Regi ingrātū fore cognouerāt. Quippe Rex cū audisset hoc eos cogitare; Pero, inquit, an Hyperephanii plus minusve Siculos esse se sentiant quam cæteros ciues. Nam quid ab reliquis vota discernūt? Cur non Prouinciarū, non urbiū, sed partiū nomine me affantur? quos ō sciāt semper inuidiolas esse Principibus, sed tunc maxime cū videri, & veluti p̄dire in publicū, iactatione suarū viriū volunt.

Cum vero alia aliq; prouinciæ redirēt ad reuerē-
tiam maiestatis, legati Syracusarū intromissi in Se-
natū deiectis diu luminibus, significauerunt esse
promere nō auderēt nisi dicere iuberētur. Sciscitā-
ti Cleobulo quid afferrent, supplices libellos obtu-
lere, quibus cōtinebantur ciuiū vota. Addiderunt
sæpe contingere, vt vexatus mālōrū hominum in-
iuriis populus stulte in Regem aut patriam suos do-
lores vindicet: Velut quidam ex ægritudine insani,
vrgentibus morbi stimulis in proximos furūt. Nec
se priorem excusare amentiam, sed scire ex illis quæ
Syracusii deprecabantur incommodis eam incita-
tam fuisse, & plurimum ad sanitatem mentium fo-
re, si eadem in posterum arcerentur.

Cleobulus hos libellos se Regi traditurum re-
cepit, iussitq; propediem legatos responsum oppe-
riri; Tum soluto Optimatum senatu iuit ad Regem.
tunc forte de ipsius Cleobuli prudentia multā fe-
cum voluentem, qui redituras ad officium vrbes
haud vane coniecerat, memorq; eius monita nuper
Radiobanis interuētū suppressa, hunc ad illos ser-
mones reuocauit (Syraculiorū codicillis, quia lon-
giori consultatione egebant, in aliud tempus dila-
tis.) Aiebas, si memini, esse duo, Cleobule, quæ in-
synceram in Sicilia pacem efficiant, & in Procerum
manu ponant, in bello an ocio degamus. Sed dicō-
tis orationē tunc Rex Sardinia interuertit, quam
hic pacatius exequi potes. Quænam ergo illa duo
sunt vincula aut verius fata, quæ Siciliam Proceri-
bus obnoxiam permittant? Ea ipsa (retulit Cleobu-
lus) quæ, Sapientissime Rex, sæpe dequestus es.
Primum, munitionū, arcium, præsidiorum, in Sici-
lia numerus ingens. Mos deinde constituendi Re-
tores

ctores Prouinciarum in eam legem vt non ante magistratu quam vita decedant.

Tot equidem arces, si non incommodæ essent, sed duntaxat inutiles, tamen euerti consulerem. Nunc cum ad eorum custodiam & sumptus, & pericula, & plerumq; pernicies accedat, quid ad nostra vtiq; damna misere obstinati, illas diutius seruamus, aut in quos deniq; hostes arbitramur valituras? In externos, an vero populares? Atqui externi iis satis excluduntur quas in finibus regni portubusque substruximus; Harum utilitatem nihil sollicito. Satis virium illic nobis, satis moræ externis est; Qui deinde si qua per obices illos perumpent, nostris exercitibus excipientur, oppidisque passim obiectis, quæ crebra, nec adeo inualida habemus vt primo hostium impetu diripi possint. In viam peregrinam illa suffecerint. Domi autem quos timemus? Num populum, & incolas ciuitatum? an non potius magnatum ambitum, inquieto vtiq; genio strictum semper ad audacis nouitatis pericula? Raro, populo tuo mens est in Reges consurgere. Vesania qua nuper intumuit, prope line exemplo est, sed nec illa, vt expertus es, tot arcium cautione de quibus iam disceptamus, aut præuerti potuit, aut saltē coli beri; Vnde inde has munitiones intelligas non tibi (Rex) asserere oppida in quorum stant ceruicibus, sed ea Præsidiorum Præfectis tradere incertissimam seruitutē, qui sæpius ciues inuitos stare in Regem coegerunt, quam rebelles aut dubios traxerunt ad Regem; Adeo vt quoties sibi postulant arcem credi, videatur hæc eorum tacita esse oratio. Trade compedes, ô Rex, quibus obnoxiam arcem oppidum mihi deuinciam. Captiuos ha-

beam ciues; Quicquid repugnes, & quantumcunque hi nolint, seruiant imperiis meis. Sub munitionibus istis tremat circum prouincia. Isti hic recipi, hinc effundi possint armati. Regnum denique minus in ampliori tuo mihi constitue.

Refere te fidissimorum hominum delectu exarmaturū tantæ potestatis licentiam. Faceres quod nemo antehac Siciliae Regum. Quod enim aut ciuile bellum fuit, aut ab externis illatum est, in quo non istarum arcium plurimi rectores à sceptro defecerint? Aut quis omnino in nostra gente motus, nisi his claustris erumpens, aut in illa receptus? Ne id quidem dissimulant, qui post factiones ad fœdera tecum descendunt. Arces in salutis pignus efflagitant; Nempe ut iis incolumes te inuito esse possint, & recrudescente armorum libidine, rursus in te secuta contumacia armati. Vide quam sit iniqua conditio. In præeritæ defectionis veniam tua sponsione non contenti, arma, arces, milites sibi poscunt: Te porro in pœnitentiæ, quam sæpe simulant, pignus, eam fidem verbis suis cogunt habere, quam detrahunt tuis. At his munitionibus è regno sublati, in tua suaque fide, ô Rex, statuent sibi præsidium, & in creditis urbibus, obsequium duntaxat inuenient quamdiu voles, nec inuitabit ad peccandum tot aggeribus totque fossis sibi placens rebellandi securitas.

Sed utiq; non damnanda est, dices, maiorum disciplina, à quibus aut hæ conditæ arces, aut condendarum exemplum est. Ne vero illa eras tantum sibi, Rex, placeat, Maiores nostri res suas ad sæculi quale tunc erat genium curauere; Nobis pro diuersitate temporum in quæ incidimus interdū pro salute
est

est à mente eorum & consiliis abire; Vt & profanæ
superbiæ putem vbiq̃ue negligere auitam pruden-
tiam; & absurdum reuerentiæ genus esse quod nos
perpetuo illorum institutis velit addicere. Et has
igitur arces, quæ iam nobis molestæ sunt, ipsi rectis,
vt arbitror, consiliis eduxere; & nos non minori so-
lertia deiiciemus. Olim enim aut nondum Sicilia
in vnum coierat, aut singulæ saltē Prouinciæ, Prin-
cipes suos habebant, paruo duntaxat ære, vel tenui
obsequij imagine, Regi obnoxios. Non mirum sibi
tunc quemque prælidia statuuisse; quibus aut vici-
nos repellerent, aut si à Rege vis fieret, non excute-
rentur à patria. Nunc omnia bello, hereditate, fœ-
deribus, in te dij retulerunt; ea fœlicitate, vt ne-
minem videas, cui charius non sit commune Sici-
liæ nomen, quam angustum prouinciæ in qua est
natus. Quid igitur memoriam pristinorum discrimi-
nium limitumque seruamus in castellis, iam vti-
li te abolita? Ne parce locorum nominibus, seu il-
la conditor seu vetustas nobilitauerit. Ruat cum
aggeribus suis ambitio. Paucissimas de tot arcibus
serua, necessariis locis; vnam præcipue Syracusis,
non tam quæ regere tantum populum queat, quam
interdum morari insanientem. Hæc sat erūt tutan-
do imperio; Sed cō quidem omine ne Procerum
summis credantur. Tale sit Præsidum genus quod
nec egenum, nec opibus impotens, sperare à te plu-
rima debeat, & nil possit extorquere. Relinque illis
Regibus hunc crebrarum arcium morem, qui pe-
grino, ideoque inuidioso imperio, premunt diffi-
tas gentes, quæ nec moribus coalescunt, nec fidem
ruta amicitia obseruant, quæque vbi respexere in
maiorum suorum historiam, crubescunt se alieno

beam ciues; Quicquid repugnes, & quantumcunque hi nolint, seruiant imperiis meis. Sub munitionibus istis tremat circum prouincia. Isti hic recipi, hinc effundi possint armati. Regnum denique minus in ampliori tuo mihi constitue.

Refere te fidissimorum hominum delectu exarmaturū tantæ potestatis licentiam. Faceres quod nemo antehac Siciliæ Regum. Quod enim aut ciuile bellum fuit, aut ab externis illatum est, in quo non istarum arcium plurimi rectores à sceptro defecerint? Aut quis omnino in nostra gente motus, nisi his claustris erumpens, aut in illa receptus? Ne id quidem dissimulant, qui post factiones ad fœdera tecum descendunt. Arces in salutis pignus efflagitant; Nempe ut iis incolumes te inuito esse possint, & recrudescente armorum libidine, rursus in te secura contumacia armati. Vide quam sit iniqua conditio. In præteritæ defectionis veniam tua sponfione non contenti, arma, arces, milites sibi poscunt: Te porro in pœnitentiæ, quam sæpe simulant, pignus, eam fidem verbis suis cogunt habere quam detrahunt tuis. At his munitionibus è regno sublati, in tua suaque fide, ô Rex, statuent sibi præsidium, & in creditis urbibus, obsequium duntaxat inuenient quamdiu voles, nec inuitabit ad peccandum tot aggeribus totque fossis sibi placens rebellandi securitas.

Sed utiq; non damnanda est, dices, maiorum disciplina, à quibus aut hæ conditæ arces, aut condendarum exemplum est. Ne vero illa græas tantum sibi, Rex, placeat, Maiores nostri res suas ad sæculi quale tunc erat genium curauere; Nobis pro diuersitate temporum in quæ incidimus interdū pro salute
est

est à mente eorum & consiliis abire; Vt & profanæ
superbiæ putem vbiq̃ue negligere auitam pruden-
tiam; & absurdum reuerentiæ genus esse quod nos
perpetuo illorum institutis velit addicere. Et has
igitur arces, quæ iam nobis molestæ sunt, ipsi rectis,
vt arbitror, consiliis eduxere; & nos non minori so-
lertia deiiciemus. Olim enim aut nondum Sicilia
in vnum coierat, aut singulæ saltē Prouinciæ, Prin-
cipes suos habebant, paruo duntaxat ære, vel tenui
obsequij imagine, Regi obnoxios. Non mirum sibi
tunc quemque prælidia statuisse; quibus aut vici-
nos repellerent, aut si à Rege vis fieret, non excute-
rentur à patria. Nunc omnia bello, hereditate, fœ-
deribus, in te dij retulerunt; ea fœlicitate, vt ne-
minem videas, cui charius non sit commune Sici-
liæ nomen, quam angustum prouinciæ in qua est
natus. Quid igitur memoriam pristinorum discrimi-
nium limitumque seruamus in castellis, iam vti-
li te abolita? Ne parce locorum nominibus, seu il-
la conditor seu vetustas nobilitauerit. Ruat cum
aggeribus suis ambitio. Paucissimas de tot arcibus
serua, necessariis locis; vnâ præcipue Syracusis,
non tam quæ regere tantum populum queat, quam
interdum morari insanientem. Hæc fat erūt tutan-
do imperio; Sed cō quidem omne ne Procerum
summis credantur. Tale sit Præsidum genus quod
nec egenum, nec opibus impotens, sperare à te plu-
rima debeat, & nil possit extorquere. Relinque illis
Regibus hunc crebrarum arcium morem, qui pe-
grino, ideoque inuidioso imperio, premunt dissi-
tas gentes, quæ nec moribus coalescunt, nec fidem
ruta amicitia obseruant, quæque vbi respexere in
maiorum suorum historiam, erubescunt se alieno

addititias sceptro esse, nec domino tantum absenti, sed & genti in qua dominus viuit seruire. Sed tua Sicilia gens vna est, vnus sanguis, eadem illi iura, gloriæ, Principis, famæ, sincera cōmunio: Quamuis illam Maiorum tuorum bonitas iterum in diuersa studia tantum non sparserit; perpetuo singulis regionibus rectore attributo; sub quo possent meminisse, & olim apud se regnatum.

Id ipsum alterum erat, quo monebam infestari tuam pacem, & in te Proceres accingi, hic mos inquam in tam longum & stabile imperium permit-
tendi Prouincias quæ vt à te Rectorem accipiunt, hunc illico venerantur, ei assuescunt, tam constanter hunc esse Præfectum, quam te Regem intelligunt; Imo & propius ille ciuibz incumbit, propius vrget affectus; contumaces aut amantes propius damnat vel colit. Maxime nobilium stirpes adeo eiusmodi Prouinciarum Rectores accedunt, spe, conuictu, mansuetudine captæ, vt deinde vel in Regem promissam fidem exerceant. Hæc munera si paucorum annorum faceres, ô Rex, non illis coalesceret inueterata vis, nec ciues breuissimo defunctores imperio, præter fas amarent aut timerent. Diu est (inquit Rex) ex quo mecum hæc omnia exegi. Sed iis quibus veteri ritu Prouincias olim attribui, quo nunc ore meum donum possim adimere? Quid egregie de me meriti duces? quid illi quibus hanc victoriam debeo? Auferam scilicet præmia à probatis, quæ adhuc dubiis, aut inexpertis concessi? Facilis ratio (refert Cleobulus) Noli tanta nouitate sollicitare patientiam Optimatum. Sint illis tua munera in securo. Sed vt quisque decedet, nouis legibus successorem constitue. Triennij vt plurimum

num potestas sit, nec prorogatione fascium spem illis facias plus nomina quam imperia esse mutata. Breuiiores magistratus non timebit Sicilia, & quantumuis angusti temporis honores cupide commēdabit ambitio. Tu quoque in plures liberalitatem diuides, vacuis sæpe prouinciis, in quas alios atque alios, pro meritis temporibusque sufficies.

His artibus si eripies Purpuratis definiendi consilia atque vires, tibi multum debebunt. Nam & defungentur periculis, quæ eos sub austero vel perfidioso Rege possunt obruere, & clarissimæ indolis torrens ab iis erroribus in iustum alueum coactus, in consilia quidem non minus fortia militaria rapietur, sed multo æquiora, & quæ in virtutum nullam pugnent. Respice ab aduerso littore diffusam regionem, & æmulam sæpe Siciliæ. Illa quoque castellorum turriumque frequēti supercilio tumbat: Erant præterea Optimates tanti factione & viros, ut, quod plerunque infœlix potentia genus est, Reges terrerent. Qui tunc in ea motus? quibus nunquam grauiores concussere Siciliam. Deiecti nunc Reges, nunc Proceres; Donec arcibus præter vnā euersis, Magnatum quoque robur multiplici regnātium arte suppressum est. Hi bello periere, hi carcere, hos lictores immolauerunt publicæ paci. Dij melius, quam nostrorum patriciorum sanguinem ita fatis vilem esse. Hoc tu auertes, si & quietos illos, & te serio Regem esse volueris. Sic enim ille coniurandi mos, atque à te definiendi, paulatim excēdet ab usu; & in pari omnium iugo nemini grauiserit iusta modestia. Sed quamdiu id cuiquā erit impune, in cōtumeliā ceteri trahēt virtutis necessitate: Ut vel omnes pari lege à tua maiestate sub-

dos, vel neminem in officio futurum intelligas.

Quod si vnquam redibunt ad tumultus, iam nūc consule quid illis facturus sis; In te, inquam, consilij summam constitue; Nec in amicis expecta libertatem ad fidem, qua modo extra periculum disputamus. Forsitan & ego molliora censuissem, nisi quod venturi ignarus, nescio qui sint in quos nunc dixi. Scilicet illi prudentes, quorum consilio in rebus dubiis vteris, non sic auspiciantur publicas curas, vt priuatam suæ salutis sollicitudinem deponāt. Itaque vbi in factiosos & armatos Proceres consuluntur, eorum offensam veriti sæpe remissas sententias dicunt, & propemodum tuo sceptro indignas; Ne si quid acrius statuerint illi ipsi in quos dicunt postquam (vt mos est) in aulam reconciliati floreant apud te, in ultionem seruent animos, ac deniq; ruina immerentū exficient. Eo metu multis tuorum Senatorum libertas eripitur, fides quidem, sed dum impune licet, & sibi antequam tibi. Hæc ipsa nec coram Collegis dicerem; nec tibi omnino; nisi inter regias tuas dotes insigne esse scirem, & simillimum obliuioni, silentium.

Dum his consiliis secretus Meleander imbuitur, interim Radiobanes machinas pergit in Argenidem adornare. Iamque munere dato familiarior, auide quærebat cum Selenissa cōuenire; Et eo forte die sic casus consilium adiunxit. Miserrat ille qui nunciarent Argenidi, si commodum esset, eam vel se visere. Spatiabatur in horto Argenis, cumque illa virginum paucæ. Sed Selenissa in illius triclinio hæserat, nescio quibus codicillis impedita; & hanc occasionem nacta colloquendi tam magnifico largitori (nam id ipsum anxie optabat) repunciari

Radi-

Radirobani iubet, vacare Argenidi, eamque, si ipse veniret, confestim ab horto ad futuram. Geminata mox fraude, ministrarum fidissimam cum hisce mandatis ad Argenidem ipsa mittit, aduentare ad gyneczum Radirobanem; cuius colloquio si cuperet defungi, properaret descendere ab horti spaciis in subiecti saltus umbras, hospitemque incommodum sua illic cunctatione eluderet. Interim Radirobanem Argenidis limen intrantem ipsa excepit, excusans quod domina abesset, illico, ut fingebat, reditura; Cumque secretum fuit, iis qui sequuntur Regem erant remotius in eius honorem astantibus; Tuncanus, Gaudeo, inquit, ô Rex, locum hîc esse obiurgandi liberalitatem tuam. Nimio preciosius quam ipsa natura me ad vultus charissimæ tuæ matris admouisti. Et Rex, Parua hæc, inquit, existima, Selenissa, & pignora fortunæ maioris. Ne vero tuā sortem meamque dissimulem, accipere maiora à te possum, quam tradere. Tu lux mihi, tu veræ matris loco, tu aliquid conciliare mihi potes vitæ felicius. Neque à te expeto opem, nisi quam tibi tuæque alumnae utilissimam putabis. Nam quid illa Archombroti amicitia teneretur? Quam indignum Siciliae rebus, ignotum, priuatumque in illas spes niti? Equidem veneficio factum puto; Et mehercules si Virginis frater essem, aut pater, tormentis verum exigere, eoque vel cæso vel pulso, exonerarem puellam curis inanibus. Permite te matrem appellem. Tu mater, & medere alumnae in deteriora consilia vergenti, & asserere me in cælum, id est, fac ut patiatur se amari. Quid illi in genere meo, quid in fortunis displicuit? Quantum Sardinia, quantum Corsicæ vires possint, certe fecine nesciret.

sciret. Nec adeo inauspicatus viuo, vt in totum purpuram meam dedeccam. An deos expectat, & in Archombroto fingit numen, quæ Reges sic fastidit? Cæterū in me simul, & illam, nolo te sine precio piam esse. Si receptus in optata fœdera ero, ipso deo præfecturam Sardoi & Siculi maris (qui honos à Regibus secundus est) transiturum in filium tuū. Si plura desiderabis, intelliges te mihi parentis loco esse.

Labantem iam accepto munere animum, tantæ spei quæ offerebatur moles afflixit. Excæcata, nec aliquid præter Radirobanem iam videns, Nollem, inquit, hæc à te audiuisse. Lentio rem hinc habebis diligentiam meam. Nam quæ tibi & Argenidi prosperabam efficere, nunc timeo ne videar empto & vili studio moliri. Sed est altius quam suspicaris in Argenide vulnus. Quid tu mihi de Archombroto, Rex? Erras, Optime, erras. Hæc dicens, vultuque demisso oculos tollens, breuiter risit. Ille audis sciscitari, & iam prope mercenarium vrgere. Sed negabat Selenissa tantillo colloquij momēto rem posse expediri. Ac ne initia quidem, inquit, sine creberrima tui meique oris mutatione retulerim; Et hîc tui Optimates in vtriusque vultus intenti sunt. Præstabit descendere in hortum, tanquam obuiam Argenidi eamus. Ego te per errores in spatia ducā, à quibus hanc abesse coniicio. Confusus expectatione Radirobanes tantæ rei, quantam matrona videbatur afferre, illiusque manum tenens, ad viridarium volentem inuitauit, simulatione coram suis proceribus vsus, velut ad Argenidem iret. Sed postquam in auiam horti partem, & vix notam Argenidi deducti sunt; Fallor, ait Selenissa, aut hîc dominam

nam maturato habebimus. Redeunti plurimum placet hæc via. Illic igitur suos sisti Radirobanes imperans, ipse cum anu in consitam arboribus se-
ram se coniecit.

Tum vero Selenissa ægrius loqui, & veluti in re-
pugnantis animi rixa quærere diu verba, seu reuera
exhorruit in exuendæ fidei articulo, seu simulatæ
perturbationis magnitudine proditionis beneficiū
apud Radirobane commendabat. eique miranti;
Quidni, inquit, expalleam, quæ primum hodie di-
sco loqui quod nolit Argenis? Sed tanti est vel in-
uitam sanari. Et tu vnicus ad hunc morbum Æscu-
lapius, ô Rex. Vide tamen ne exitio meo fiat, quod
te, & illam hac prolatione secreti demereor. Exi-
guum deinde spatium fuit, cum sic exorsa est. Dij
tibi virilis sexus prolem dent, ne malis Sardinia in-
festa sit, quæ Siciliam exercuerunt. Nam quod Rex
Meleander tantum fœminam genuit ausus est Ly-
cogenes tempestatem excire quam modo placavi-
ti. Noli mirari quod tam altis principiis auspicor.
Isthinc rei quam vis audire repetenda est series. Ly-
cogenes sua nobilitate, & Regis patientia elatus,
sibi destinavit Argenidis nuptias, & aspernante
Meleandro cum ciue atque impare fœdus ille ami-
cis & gentilibus clarus vim inferre cogitauit. Ea
Regi nunciabantur. Sed is Siciliæ erat status, aut vt
verius dicam, tanta iam Regis in timida senectute
cunctatio, vt subducere raptui virginem mallet,
quam grassatorem opprimere. Arx est in exiguo
colle viginti ab Syracusis millibus, antiquorum
Regum sedes, insigni munimento. Præruptus est
collis qua maria spectat, læuam partem assiduo
fluctu pulsantia. Alabus fluius supremo in cursu
dexte-

dexterum latus cingit. Omnia mœniorum & turrium altitudo firmauerat. Rex Argenidem suam cum virginibus matronisque omnino viginti illic includens voluit religionis specie sui consilij rationem sanciri. Aiebat frequentibus somniis se mone-ri, imminere piaculum, nisi conspectum hominum Argenis defugisset. Ita præterea astra, ita oracula vr-gere. Sed tam grandis superstitionis originem quis è vulgo eiusmodi temporibus nesciret? Mihi qui-dem, sub qua Argenis habuisset infantiam, adhuc Rex illam custodiam commendauit: Et lex publice omnibus dicta; Si quis vir pedem latum in arcem extra vnum Regem penetrauisset, sacrum hunc fo-re: Tum si qua de nostris mulieribus meo iniussu ex arce discessisset, scaphæ imposita, sine comeatu, vel gubernaculo, ageretur à littore: Vni mihi cui præcipua fides, datum vt Idibus exirem. Erant e-nim peragenda familiæ meæ sacra Circa arcem ius-sus miles tetendit. Tria ad præsidium millia erant, & per vices vigilabant.

Si mihi credis (Rex) non prorsus hæc erat inui-cunda solitudo, maxime inter initia, dum fatigatos urbano tumultu animos ocio illo componimus. Simplex ætas Argenidis in iocis versabatur, quos delectæ puellarum faciles admouebant, vt & sæpe solutæ mentis fœlicitatem mirarer, & de temporū peruersitate ingemerem, quod Siciliæ heres vix tantillum spatij tuto incoletet. Sed compendium apud te faciam. Ne facias, inquit ille, ô Mater. Nam etsi nondum intelligo ad me ista quid faciant, in-uat tamen audire consilia Meleandri, moresque & fortunam Argenidis. Tum Selenissa; Ita horas di-uiseramus, ne quod tædium admoneret suæ capti-uitatis

uitatis Argenidem. In comitu non multa, locum amabat, quem amœnum in arce habebamus: Illic facili arcu lacertos fatigabat, prouocata æmulatione ætuarum, quæ longius sagittis progredieretur, quæ certius metam feriret. Ingens plaudentium risus in molli exsonabat victoria. Cursus quoque præmia erant: Rursus mixtæ omnes simul, omnes ad ambitum loquebantur. Amabam hæc in alumna, simul vires crescenti iussutura, simul animum prohibitura ab inuiti dolore præsentium rerum. Hinc digressa maiorum monumentis implicabatur; Neque auidiorem vidi quam prolatis historiarum auctoribus. Reliquum diem inter artificia degebar, tunc etiam referendis audiendisve fabulis incitata. Habes indo!em tuæ Argenidis, ô Rex. His studiis exigebat adolescentiam, priusquam innoxiam animi pacem curæ libassent.

Cæterum ex arce Syracusas digressa in Iunonis templo eram (Memini diem, adhuc videor aris astare, adhuc thura iniicere, ita casus memoriam adauxit.) Eram, inquam, inter sacra, & Argenidis coram diis miserebar, cum venustissimæ formæ puella restudinem templi intrat, grandis erat nobilique incessu; Sed vultus in tristioris fortunæ specimen deiectus. Ego potissimum mirabar, quod vnus vir in comitatu esset. Is operto capite sequebatur, vt in eum vix inspicere liceret. Subitum mussantium murmur fuit, quæ esset, aut vnde veniret; Nam ignota erat facies, nec vestis vsitata Siciliæ. Gradiebat ipsa, sed tanta maiestate, tamque concinna, Rex rursusque ea mœsticiæ specie, vt in illius contemplatione mihi omnia vota exciderint. Illa non multum deam morata, nec speculum numini
T tenuit,

tenuit, nec ornauit munere aram; Sed astitit meo lateri, & mox repugnantis genibus allapfa, Pluſ tibi, inquit, hic dies, ô matrona, quam putas in promenda bonitate licere vult. Si placet miſereri, & diis exemplum præire vis quos tam anxie oras, arcanum mihi locum concede, quo votorum ſummam edam. Ego gementem ſubleuau, & quia videbam non placere ſpectatores, templo maturius digreſſa, in ſororis illam domum, quo & ego diuerſebam, eodem mecum vehiculo perduco. Naſta ſecretum, primum peto in Siciliam vnde adueniat. Græce enim loquebatur, vt barbaram tamen ſcires. Oſcam ego putaſſem, & magnæ Græciæ vicinia noſtræ linguæ commercio imbutam: Sed nimium ab hac gente oris pulchritudo diuerſerat. At illa, vt intelligas, inquit, nihil me de genere mentiri, neque opem incommodam ferenti optare, cerne, matrona, cerne patriæ fortunæ reliquias, ſi fata in patria ſæuire non deſinunt, mihi vbique terrarum ſuffuturas. His dictis gemmarum vim ex pyxide eruit, reduſtaque ſimul palla aliquot ad interiorem veſtem reſſus oſtendit, eadem opulencia tumentes. Priuatæ mulietis diuitiæ non erant. Igitur rurfus frontem, & cæteras indolis notas, leui viſu percurrens, altius contremui, & quæ eſſet dicere iuſſi. Miſera, inquit, ſum, & cui in auxiliij maxima parte erit à multis ignorari. Ac ne vagam exiſtimes, aut temere iſt huc allatam, eni literas mulieris tibi quidem ignotæ. magnæ tamen, & quæ opinione tuæ virtutis, cui fidit, maxime meruit à te iuuari. Ecceſt mater mea. Literas ſimul tradit, quas hîc vides (Rex) Has enim ex ſecretiſſima ciſtula heri deprompſi, vt te coram pellegerem. Nunc quid ſcriptum ſit, audi.

audi. Alceæ salutem Selenissæ. Si quæris cur me ignores, & ego te nouerim, scias hoc virtutis matris præmium esse, quod latere suos non sinit. Non esses à Sicilia Rege ad formandos filiaë annos delecta, si præstantiorem inuenisset. Ego inter obscuras fama gentes (nam & barbaros appellatis) famam nominis tui excipere potui, & tam meo quàm patriæ vitio non merui à te cognosci. Sed tamē miserere. Vtcunq; sim exterae gentis, at infœlix, at mulier, & si quid hoc valet, Græcæ quoque originis sum. Excipe hoc pignus charissimum, excipe unicam gnatam meam, si quid mihi credis clarissimo sanguine ortam. Fati iniurias, meique necessitatem consilij, tibi illa melius expromet, quæ fœliciter calamitosa fuerit, si non modo eam seruabis, sed & tuis moribus imbuetur. Vale.

Perlectis codicillis, quæcunque virgini mandata à parente ad me essent, peto audire. At illa; Pater mihi, inquit, in Gallia, qua Rhodanus flumen de ingenti lacu se explicat. Theocrinè mihi est nomen. Pater fuit non modo inter suos insignis, sed ut modica interdum regna sunt, agri etiam sui princeps. Treutacōmilcondorus vocabatur. Is de ceteris me quidem iam adultæ, filiū aut vix cunas egressum reliquit, & iam fato vicinus frātrē suū (Iccio-bates appellatur) per superos quos relinquebat deos; per inferos quos adibat, per fœdera deinde naturæ, & vnius patris memoriam orauit, ut agerēt nostri curam; neu pueritiam fratris mei desereret, neu imbecillitatem meam, aut viduam maxime matrem. Et illo inter fictas lachrymas iurante, pater meus extinctus est. Fœlices videbāmur patri fide; Ita patrimonium curabat, ita nos, ita matrem

rem solabatur. Sed scelestæ diligentia causa erat, ne quid illi de hereditate periret, in quam fratre meque sublatis haud dubie veniebat. Veneno itaque (ignotum Gallicis moribus nefas) vtrumque adortus est, sed euentu nec digno, nec æquali. Me enim extingui satius erat, me obiecta tæbe peruri, quam te frater dulcissime, quem ô dii mea clade seruassint ultorem futurum perfidia, & patrum nomen læta sobole reparaturum. Facinus inter extremas epulas corruptis bellariis mandatum est, quæ frater utique auidius patruo admonente, atq; urgente, sumpsit. Mihi subitus horror obiectus est; siue genij mei cura hæc fuit, siue patrum sollicitudinem suspiciebam ad hos cibos fratrem hortantis, à quibus illius ætatis nimiam cupiditatem abducimus. Redij deinde ad matrem, cumque frater sub noctem ægrotaret, timide quid suspicarer explicui. Hæc antea aliis suspicionibus tacta, quas heu nimis mali præsentis atrocitas afferebat, feruentibus lachrymis filiû perfudit, subita morbi mole iam prope exanimem; & nunc vna, nunc alia corporis parte captum, donec puer infelix inter medicos exspirauit. Proh nefas! sustinuit adesse morienti ille veneficus, vultu quoque mæsticiam adumbrans. Et ne veneni indiciis membra liuerent, inclamabat præcipitandum funus, causamque fingebat, ne diutius in extincti pueri aspectu mea mater conficeretur. Neque ipsa repugnauit, sceleris quidem haud dubia, sed volebat posse videri facinus ignorare, ne patruus in detecto parricidio inuerecundior, quod in me restabat exequeretur audacius. Iamque vinctum cadauer erat in sagulo, foresque spectabat, iam ad planctum mulieres signum petebant, cum
me

me mater in solum cōclaue ducit, comisque diuulsis facis, ô misera, inquit, vt nesciam quid potissimum gemam; Illumne quem iam flammæ corripient filium meum, illam teneram ætatem, quæ domesticum prædonem nō nouit, Ante magis, quem æquali, aut peiori forsitan veritate idem latro à nostris complexibus rapiet. Frater tuus iam exiit mortalitatis sensus, tu restas in supplicia. Illum denique nullæ artes reuocabunt; Tu, si solers fuero, poteris forte non perdi. Coniunge consilia, gnata mea, priusquam nos hostium crudelitas inuadit.

Sic lugentibus nobis; superuenit vir fidissimus Praxetas, patruo quidem meo, non illo Icciobate, sed alio pridem defuncto genitus, ac impari matre. Ille, metu turbulento, differte lachrymas, inquit, & dū licet, aliquod vobis inuenite effugium. Imo, ô optime, retulit mater, tu potius consule, nimia clade stupentibus. Si permittitis (ait ille) loqui quæ sentio; non potes Theocrine, nisi beneficio fugæ esse incolumis. Præsentarium erit exitium; nec fortasse in biduum viuis. Ne in vicinis quidem regionibus secura constiteris. Auro, veneno, insidiis, peraget vir callidissimus quicquid exorsus est. Dum itaque fratris tui funus ardebit (nam vt scitis in hanc noctem apparatus:) tu veluti cestro mota inter tenebras discurre licentius, tandemque frequentia subducta, ad posticum meæ domus te recipere. Adeto sine lumine solus, & in latebris, interim dum maturius consilium inimus, te seruabo. Tu vero, Alcæa, amissam filiam esse solerter assimula. Lachrymas satis dabunt filij tui interitus, istiusque periculum. Imperauit mihi mater vt parerem monenti. Neque fraudem differebam; sed semel iterū-

que apud rogum fratris visa, elabor inter gementium turbam, & tenebris freta ad Praxetæ domum peruenio. Ille me condidit in secretissimam partem ædium, & mater (vt audio) ex arte scenam impleuit, vndique me filiam suam quærens, nisi qua esse cognouerat. Supplicauit etiam Icciohati, vt exploratoribus late per viciniam dimissis sibi me redderet. Vereri ne ob fratris interitum violenta in meam vitam consilia inirem. Nec ille omisit quæstionem. Multum enim scire intererat an satis perissem.

Sed cum aliquot dies quærerer frustra, materque vacuos rogos vt extinctæ posuisset, tandem cum Praxeta constituit amouere me à tyranni potestate, dum ipsa diligeret ex vicina iuuentute, qui par vindicandæ hereditati me vxorem accipiat. Neque securius mitti me posse, quam quo nulla antea nobis intercessisset familiaritas. Ita enim omnem patri mei in quærendo solertiam posse eludi. Et v supra cæteras meæ matri placuisti, ô matrona. Ita concupiit auspiciari tecum hospitium, vt acciperes vnicam gnatham, si aliter non vis, at certe in seruitutem tuam. His ita decretis, quo tutior fallacia esset, mater ad Icciobatem digreditur, & super meo casu consuli deos petit, nec alium certiora responsurum quam Delphorum præsidem deum: Se enim vitam in eum pietatem obtinere (Nam & Phocensium colonia sumus, olim Massilia in interiorem Galliam deducti.) Si Icciohati placeret, se Praxetam eo missurum. Prolixe Icciohates consilium probauit. Nam & ipse mei fati incertus, deorum ministerio, vbi essem aut quomodo occidissem intelligere cupiebat. Nec suspectus Praxetas illi erat

erat. Dona etiam ferenda deo tradit, Praxetamque multo auro sollicitat, ut editum oraculum nulli prius quam sibi enunciet. At ille promissam nobis fidem non mutans, tanquam Delphos profecturus, me pro sarcina imponit paruo nauigio, quod secundo flumine ad mare ferebatur. Nactus inde ex Epidamno nauem, quæ à Rhodani ostiis soluebat in patriam; cum vectores omnes ac nautas peregrinos esse sciret, fasciis in hospitio diductis me sororem appellauit, imposuitque nauigio; Locauere operam nautæ, ut nos applicarent Sicilia: Quibus fidem seruantibus, ecce me, Selenissa, iam non memorem libertatis, & aliquid exigenti è patria Icciobati debituram, si me tuam famulam esse permittes. Praxetas ille mihi ex concubina patruelis, is est, qui ut altius fallat in seruili veste me sequitur. Nostros errores, & quæ modo strictim exposui, potes ab eo, matrona, diligentiori narratione accipere.

Cum hæc diceret, tanta modestia sermonem commendabat, tam concinne leniterque mœrebat, ut in eisdem cum illa affectus sentirem me mutari. Et ego per deum fidium (interpellat Radirobanes) iam dudum expecto quid de illa statueris. Si in me incidisset, non contentus hanc timida pietate obtegere, reuulsissem Icciobatem à præda, cui forte nunc incubat, victumque, & ultimis ceremoniis mactatum, virgini immolauissem. Subrisit Selenissa, & Radirobanis pietatem laudauit. An nixa, inquit, eram. Nam neque tanta supplex, & quæ oris habitu, precioque tot gemmarum, ambigere non sinebat, quin vera afferret, negligi poterat, rursusque Argenis obstabat officio, cui erã ad-

dicta,

dicta, & ad quam nefas erat, præter assuetas, ullam
admittere. Igitur, Potuisses, inquam, Virgo, defle-
tere ad alias quæ utilioris in te pietatis fuissent, ad
neminem autem cui tua calamitas plus doleat. Sed
quod oras, præstare non possum. In secreta enim
arce cum filia Regis ago. Succedet officio mea so-
ror, quæ, spondeo, res tuas sic curabit, ac si ex ea na-
ta esses. Confusa videbatur, & verecundia oculos
in humum traxerat; Ac, quam bene secreta ea do-
mo regeret, inquit, si in ea per te liceret stirpi Regiæ
famulari. Concutiebat animum meum tam indi-
gna calamitas. Iubeo itaque bene sperare, eamque
cum suo Praxeta Sorori meæ trado, interim dum
ego ad Regem, qui tunc erat Syraculis, omnia re-
fero. Rursus interpellat Radirobanes. Quis autem
Meleandri sensus fuit? Aduolauit ad solatia adhi-
benda; an potius suam aliis pietatem mandauit?
Iam dudum excrucior quod tam lente miseram ad-
iuuistis. Et quidem expectabam, ut viam ad exitum
mearum curarum expedires, tu in alias sollicitudi-
nes coniicis. Sed tanti est obliuisci parum per ægri-
tudinis meæ, dum miserrimæ Theocrines calus ac-
cipio. Tu modo omnia, nec precipitanter exequere.
Tum Selenissa; Ne me vero existimes frustra in
hos sermones delapsam; Scies tandem quam hæc
ad te pertineant. Meleander non minori indigna-
tione quam tu modo hanc hospitis calamitatem
accepit. Et quid, ô Selenissa, si miseram viso? Ne fe-
ceris, inquam, Rex. Proderet supplicem tua huma-
nitas. Quis enim Optimatum, aut saltem matro-
narum salutare deinde aduenam non volet? Et in
tanta celebritate periret arcanum quod apud nos sic qua-
rit. Si permittis in arcem ad Argenidem duci, cōmo-
dius

diu eas vides. Volo, inquit, mea Selenissa. Tibi curæ sit vt bene habeatur. Quod si à domesticis tur-
bis quietem dii dabunt, faxo patruus non in illam
impune peccauerit. Nunc demum mihi places (ex-
clamat Radiobanes) nunc dignus es, Meleander,
qui Argenidem genueris. Ad quæ verba anus hila-
rior, Vide, inquit, vt hunc animum in Theocrinem
serues. Eget enim hodie quæ beneficio tuo. Sed est
multo facilius extra periculum misericordem esse,
quam cum præter contemplationis pietatem, ope-
ra præsens exigatur. Nunc vero sine me cætera me-
morare.

Postquam hanc licuit adiungi Argenidi, læta
regredior ad sororem, bonitatemque Meleandri, &
omnia quæ volebamus impetrata renuncio. Et
nunc, inquam, Theocrine, mihi in secundam cu-
ram es. Pari cum Argenide cultu te iussa sum obser-
uare. At illa magnopere orabat, ne quid de se de-
cerneretur illustrius, quam de cæteris, quæ in Arge-
nidis viuebant familia. In hoc enim ordine posse se
extra famam latere. Longissimum mihi erat, quod
non eam euestigio ad arcem ducebam, haud dubia
amaturam Argenidem oblatum à diis ægregiæ a-
dolescentis consortium. Sed instabat sacrificium
meæ familiæ anniuersarium, quod recte fieri me
absente non poterat. Postridie vero quam per sa-
cra licebat, Praxetam Delphos versus dimisimus.
Nam aiebat aliqua rescire Icciobatem posse, si
nuncupatis votis perfungi neglexisset. Sed deo cō-
sulto se Syracusas rediturum ad sororem, vt inter
nos fingere possemus quæ tyranno referret tanquā
ab Apolline oracula.

Illo profecto, imposui meo carpento Theocrinē:

T s Ne.

Nec satiabar colloquendi dulcedine, ut itinere inter varia consumpto, prius ad arcem peruenetim quam me scirem digressam Syraculis. Postquam virginem Argenis conspexit, aliquo stupore percussa est, non semel per omnia eius lineamenta mentem & oculos ducens. Ego coram cæteris de Theocrine modeste locuta sum; Virginem esse externam, quæ Africam petitura, ad nos naufragio peruenisset. Secreto deinde Argenidi rem committo, quæ omnibus præter me remotis, Si mihi, inquit, ô hospita, sororis suauissimum nomen concedis, si dignum eo nomine affectum indulges, me dehinc unicam patri meo non putabo. Utinam velles, quid genere tuo dignum sit comites meas scire. Sed hinc scias apud nos te regnare, quod locum ac gradum tibi arbitrio tuo constitues, & quæ arcana esse volueris, ego & Selenissa filebimus. Non se tenebat Radirobanes, sed loquentem interfatus, ô, inquit, fortunatam Theocrinem! Ultro ab Argenide amari, sic audire, sic reponere, absque æmulo vesci sic posse! Numero dicis hæc, reponit Selenissa, præquam si deinde coniunctissimas mentes, & studia nulla simultate interpolata aspiceres. Erras tamen quod æmulationem abfuisse existimas. Deperibam Theocrinem, & vtra plus ab ea amaretur, mihi cum Argenide contentio erat. Accendebat nostrum amorem modestia sua; Neque vlla erat in arce quam non idonea officio demereretur. Error etiam linguæ, diuertentis à genio Græciæ, augebat dicentis gratiam natorum venustate. Studia illi eadem quæ Argenidi esse videbat, ea autem prudentia ut sæpiissime victa discederet, & ne quid calliditati lepidissimæ deesset, indigna;

dignatione mox ficta incitabat vincentis lætitiā. Sed Manificii erat rudis; Non acum, non cōlum tractare assueta. Venationi in sua gēte deditas aiebat, quæ ex primis stirpibus erant ortæ. Facillime tamen indolem cum regione exuerat. Monstrari sibi volebat eas artes, non indiligenter obseruans quæcunq; monebatur. Nihil tamen vehementius mirabar quam cultissimam amœnitatē ingenii. Semper in fontes ioci, aut festiua narratio; Viuidi quoque versus, & masculi plus quam qui fidibus canerentur. Nam scribendi vitia seu Græcè seu Italicè conaretur, non perinde ac loquendi illi erant.

In illis remissionibus eramus, cum interrupit otium nostrum flagitiosa proditio Lycogenes. Impatiens artis qua Rex Argenidem seruabat, utriusque exitium destinat. Operosum, & fortasse inuium facinus, si illud pietas imperauisset: Sed nihil est supra improbitatis ingenium. Igitur duorum conscientiam tentat, qui ad omnia promiserant ferrum, fidemque iam ad flagitia exhibuerant. His arcem ostendit, illic prædam, si modo viri essent, eximiam latere. Vbi Rex ad inuisendam filiam secessisset, noctu euadendum in mœnia. Quippe non satellites, non amicos, non seruulos intra ea limina admitti. Nudum, & senem, etiamque consopitū, quam facile opprimi posse? Sed & comprehendendam esse Argenidem. (Ea enim ad nuptias adacta, vsurum se deinde cogitabat Regis vita, ut in tanto rerum motu fortuna monstrauisset.) Ipsa sceleris insolentia excitabat latrones, ut se memorabili flagitio celebrarent. Sed quis, aiebant, nos in arcem recipiet?

piet? aut quis euntes non notabit? utique tam frequenti sedulaque vigilum statione, ut penè innumerato sint aues quæ armatos præteruolant. Cum diu disceptassent, tandem commodissima ea pars visa, quæ cingitur mari. Nam viribus naturæ filium Regem eo latere omisisse custodiam; Posse appellileuem scapham, & vndarum fremitu necessarios tumultus latere. Rursus tamen cogitabant illic collem per præcipitia desiderare scalis omnibus altiora, sed sicariorum vnus, cuius confessione postea de sceleris modo rescitum est; Permittite mihi negotium, inquit. Inueniam rationem quæ nos in arcem tollat. Socius tamen mihi vnus non satis est. Quid enim si quærendus Rex in vasta domo erit? aut si vltimus terror vires illi sufficiet? Quid quod antevertenda Argenidis fuga erit, si intellecto periculo latebit, aut excubantem ad fores custodiam peret? Non pauciores octo suffecerint. Hos si deligere mauis, ocius nobis coniunge. Sin in tanta re nobis fidis, notos habemus, qui omnia perfecta tibi reddant. Lycogenes se suamque fortunam tradere illis professus; Cras, inquit, se in laqueos dabit præda. Audio enim Meleandrum ad Arg-nidem iturum. Maturate, dum adhuc recens est impetus, nec finite conscientiam eorum quos secreto adhibebimus, nimia mora in proditione deflectere. Ego in prædio meo ero, quod quinto ab arce milliari ad litus est. Vos illic communem prædam adducite.

Sic inter nefarios constitutam rem visa est fortuna promouere. Venit enim ad arcem Meleander; Noxque imbribus fœda, & exeunte mense illunis, interceperat quam oculorum tam aurium usum. Solebat Rex cum ad filiam veniret, Proceres à limine
arcis

arcis dimittere, ut ad proxima militum castra, aut vicinorum oppidorum cultiora diuerterent. Nos autem necessaria omnia ei exhibebamus. Hoc re-
mississimum tempus erat optimo seni. Quasi relin-
queret curas in foribus, ipsamq; maiestatem, inter
nos verissima quiete soluebatur. Ea vespere quę de-
stinata erat infidiis, non modo ignarus periculi, sed
& forte hilarior, cum omnes cœnauissemus, quæ-
rere cœpit quibus ludis hybernum & madidum dię
puellę transegissent; Et ego, tabulis, inquam, Rex;
quas impendio depereunt. Imo tū (ait) hoc studio
ijs concedere non debes, Selenissa, quę esse iam a-
nus & fabula incepisti. Sed referre singulas volo,
quo symbolo iuuerint hunc senatum. Cum omnes
rideremus, & ille imperiosius instaret, ausę sunt
quę proxime stabant suas ineptias memorare. In-
ter illos sermones Rex paulatim insinuato sopore
se dimisit, reclinisque in eundem quem cœnando
pesserat thorum stertere cœpit. Et quoniam ex-
pergefactus ægre soporem reuocabat, compositis
vestibus opertum, appositoq; haud procul lumine,
sine strepitu omnes relinquimus.

Iamque in cellas digressę mulieres somnum pe-
tebant, adhuc tamen Argenidi & Theoctinę col-
loquebar (lectuli enim mihi & Theoctrinę in Arge-
nidis cubiculo erant.) Cum audimus præter mo-
rem, grauius murmur, vocesq; atque vestigia se-
cum festinatione prementia. Nec quid primo gra-
uius suspicabar, quam esse puellarum tumultum
licentius inter se ludentium. Sed viciniore mox cla-
de, virilem sonum esse intelligo, atque auribus meis
incognitum. Dum dubito, dum timore deprehensa
non loquor, validissimis ictibus cubiculi fores
afflata

afflictæ sunt. Ne mirere si ad illius noctis memò-
 riam confundor : Adeo spectaculi atrocitas propè
 vitam subinouit. Dirû facin' ! Video armatos nudo
 ferro intra limen prorumpere , ac quod vnum li-
 cuit, grauissime cum Argenide exclamo. At vero
 Theocrine (accipe rem indignam quæ posteritati e-
 repta, inter nos sic pereat.) Theocrine, inquam, no-
 stra se de thoro præcipitat, nec mitius quam si rece-
 pro deo fureret, inuecta est in latrones. Dumque il-
 li ad virginis inexpectatam audaciam; incerti quid
 aut vellet ipsa vel posset, paulisper obstupescunt,
 Theocrine eum adorta qui primus intrauerat, non
 modo armati sistit vestigia, aut occupat ictum, sed
 inuolat in ensen, subitoque extorquet. Eadem ce-
 leritate, ô Rex (citius enim quam hæc loquor ho-
 stilibus armis potita est) clypeum à victo detractû
 suæ læuæ inseruit. Circumspiciebam ego non pe-
 riculi magis, quam auxilii nouitate attonita, cum
 illa vnus ceruicem ita ferro præcidit, vt ad me at-
 que Argenidem cruor de efflante trunco pertinge-
 ret. Strenue deinde hunc clypeo pulsatum, hunc
 mucrone, hunc capulo turbat. Tum vero grassa-
 tores, qui primum insolentia certaminis turbati
 gradum retulerant, tanquã in iusto discrimine vio-
 lentius insurgunt, vt neq; iam pûderet plures in v-
 nam, & puellam decernere. Exsonabant angusta in
 sede arma quassata, simulq; miserabilis clamor mu-
 licum, (iam hæ enim ad nos concurrerant) speciẽ
 captæ vrbs maiori quam pro loco aut numero tu-
 multu retulerat.

Hæc narrante Selenissa, non se regebat Radiro-
 banis animus, tam prodigiosi certaminis expecta-
 tione suspensus. Sed ecce colloquentibus modum
 im-
 po-

Imposuit, tunc primum iniucunda Radirobani Ar-
genis. Forte redibat per illam horti semitam, cui
antea minus consueverat. Eaque conspecta nihil
Radirobani & Selenissæ inter se addere licuit, nisi
ut postera die in idem horti spacium, paulo post
Solem exortum, tanquam ambulantes, conueni-
rent. Nec gauisa Argenis est, Radirobane viso: soli
a. Selenissæ colloqui properabat, multo hilarior
quam cum excesserat è cubiculo. Cum is tamen ve-
nienti obuiam isset, non seuerè exceptus est; Virgi-
ne per alia gaudia minus illum tunc exosa; Quæ
etiam ut animum regeret seria lætitia perturbatum,
deflexit ad leuia, chartamque versibus plenam o-
stendit paulo ante à poeta non ignobili oblatam.
Iis ille felicitatem regii luci celebrauerat, in quem
Argenis siue leuando æstu, siue ad primæ noctis
pulchritudinem, solebat concedere. Ipsa quidem
explicatam manu chartam tenebat, quam sic por-
taret Selenissæ, ut Radirobane quodammodo in-
uitaret ad istorum carminum lectionem.

*Fortunata nimis, solesq; habitura serenos,
O quacunq; tuos diffuso vertice ramos
Pendis, & in spatii nutas regalibus arbori
Te neque Chaonius vocalis sylua columbis,
Nysæumve nemus, summisq; habitata deorum
Ida, vel intonsi superent fastigia Pindi.*

*Quis parui ingentes nemoris, quis carmine digno
Æquet opes, formamq; loci; Nymphasq; deo, que?
Populus hic, trepidisq; Alnus propè candida ramis;
Fraxineumq; decus Plataniq;, Orniq; minantes
Syderibus, sauoq; illæsa fulmine Quercus,
Et Fagi veteres, & amicior Vlmus Iaccho.
Fronde placens variâ; Non est color omnibus vnus,*

No.

Non parili se stirpe leuant. Hic multa Cupressus
 Tollitur in metas graciliq; vmbone superbit.
 Hic & Apollinea laurus, Piceaq; liquentes,
 Et Phrygia Pinus, & glauca dona Minerva.
 At lenta subtus Coryli, foecundaq; puro
 Fonte arbuta tepent. Tum floribus alma superbas
 Vestit terra sinus, quales non blanda fauentis
 Aura creat Zephyri, Stygio nuptura marito
 Quos legat Ennaeis simplex Proserpina campis.
 Nec diros hac sylua lupos, nec sentit adunca
 Spumea rostra Suis, vel formidabile murmur
 Accipit, absentes si qua leo deuouet agnas,
 Raucaq; vicinum terrent ieiunia campum.

Infantes Capreas, placidoq; examine Ceruos
 Cerne magis, pigras latus acclinare per vmbas;
 Vel parua trepidare fuga, si plausibus aura
 Infremit aut dubios venti mouere tumultus.
 Vos quoq; praesage cantuq; alisq; volucres,
 Non isthic auido retinet circumlita visco
 Arbor; Ad humentes nec fraus sedet improba fontes,
 Heu vestros prensura pedes. Iuuat aethere toto
 Nunc tranare polos, nunc tutis sidere terris.
 Quam bene nocturno gentilia praelia cantu
 Conserit, & Thracem narrat Philomela tyrannum!
 Quam bene, cum roseos nox vltima pallet ad ignes,
 Innumeras dat lucus aues, & picta salutat
 Turba diem, tantisq; sonant concentibus aura!
 Parua loquor. Totas Dryadum nemora ista cateruas
 Incoluisse iuuat. Procul o procul impia cedant
 Lumina, nec sanctam ledant contagia syluam.
 Vnde tamen luco tantum decus, vnde frequentes
 Numinibus sedes, ipsa vos dicite Diua.
 Scilicet huc castos magni quod filia Regis

Ferre gradus, paruoque ingens producere lucō

irgineos assueti choros; se lata beato

Indulsi Natura solo; Nymphaeque decoras

Auctura comites, hos implevere recessus.

O Virgo, ô Princeps, Sicularum ô cura Deorum,

I, cupidas spectata nemora inter confita dinas;

I, ratum dignare nemus. Vestigia campus

Signabit, raptis subitus quæ floribus Auster

Impleat, & seruant merita in cortice Nymphae.

Nec nemus hoc tantum. Sæculi te sentiet omnis

Ora soli, faciesque Deos satis vna fauentes.

Tu si qua Lybicus exastuat annus ærenis

Ire voles, aut qua emoriens Natura pruinis

Deficit, & gelida sitiunt statione Triones,

Mitescent steriles auras; tum floribus omnis

Crescet ager, futoque diem meliore nouabis.

Radirobanes in cubiculum deductam Argenti-
dem, quia aduentabat vespæra, relinquit, & ad Me-
leandrum digreditur. Tum vero ad Selenissam
Argenis; iamdiu est, mater, quod te habere solam
quæro. Et te quoque multum existimem proci il-
lius tædio nauseasse. quid enim tamdiu tecum hæ-
sit? Hic Selenissa mollius loqui, & præter quam
Argenis expectabat. Se enim nesciuisse tantæ hu-
manitatis, totque leporum hominem esse; Suavis-
sime loquendo iunxisse diem nocti, nisi quod iden-
tidem referebat se ex amore miserrimum. Nō pro-
bauit sagax Argenis de inuiso homine præconium.
Sed diligentius quæsitura; Quid autem facturus
est? ait; aut quando soluturus in patriam? Mitte
has spes, inquit anus. Nisi bello deuictus non abi-
bit. Nam & afflictim te deperit; & is furor nisi ma-
gna ruina premi non potest. Utinam saltem adesset

Poliarchus; vtinam illius fortitudine tegeremur. Ac mecastor ingratitude famam timeo, si pugnandum in hunc erit cuius auxilio sumus incolumes. Quid si leui spe indulgeremus insipienti? Dilatione frustratus potest in Sardiniam remitti, quasi rebus maturis reuocandus. Hæc non illius, sed tua & Regis causa dico, Dolebis Hymenæi tui face Siciliam adhuc ciuilia excutientem incendia rursus ardere.

Argenidem siue indoles sua, siue industria amoris, facile Selenissam esse mutaram admonuit. Sed indignatione in aliud tēpus submota, mollius hæc de Radirobanis amore mentionem reiecit; scilicet maius opus adorsa, illam anum, illam versutissimi ingenij laruam alia fraude peruertere. Igitur cum aliquandiu silentium tenuisset; Mihi quoque ægre est, Selenissa, bene meritum Regem in spes incubuisse, quibus indulgeri non liceat. Sed de istis deinde viderimus. Læta matrona, tanquam iuuantibus diis fallere incepisset, virginem solam reliquit; quæ mox in fenestram reclinis, lacertoque mentum excipiens, cœpit furiose dolere, arcanorum omnium sibi consortem timeri meruisse. Inquam enim iam curas partiretur? quis in dolorum, quis in gaudiorum arbitrium posset iam recipi? Tandem risus imitatione perstricta, cogitauit nunquam sine mixtura aut propitios aut tristes deos esse. Satis autem eam lucem habuisse fortunæ. Ferendū si quid graue deinde accidisset. Hoc ipsum pro numinum munere habendum, quod non de more, quæ sibi contigerant, quæque instabant, exemplo prodidisset Selenissæ. Ea autem sic erant. Spari-
anti in luco nunciauerat Arsidas, Poliarchum esse
in Vr-

In Urbe, & latere in Nicopompi domo; cōueneratque inter eos, ut sub noctem per posticum duceretur ad Regiam. Ergo puella, lætitiā quam sola non capiebat, properans in Selenissam effundere, maturius domum redierat. Sed sub ipsa loquendi exordia, defecisse ad Radirobanem anum expauit, siluitque de aduentu Poliarchi; quem impetus iuuenilis, ad noua latendi pericula rursus addegerat.

Cum enim rediisset in Africam Gelanorus, nec ut conuenerat Clupeæ habuisset Poliarchum, ad Regiam Hyanisbes profectus, illic ex febre adhuc ægrum offenderat. Literas ergo & mandata Argenidis ferens, afflictæ præterea Siciliae statum exposuit, & quo in discrimine virgo esset sub Lycogenis prope certa victoria. Nec quicquam dicere omisit, nisi quod Argenis yctuerat, nempe iniquiorem nimium Meleandri. De Archombroto vero non bluit; Nescio, inquit, quo se fastu Archombrotus sustulerit; Nos iam illi viles sumus. Nec quid grauius, aut acerbius, quam eum amicitiae oblitū credebatur Gelanorus. Sed nihil est suspicioso amore solertius. Statim Poliarcho suspicio incipit, Archombrotum Argenidis forma captum, & à se tanquam æmulo dissidere. Nam quid prohibet, inquit, eum aliqua explorasse à me quoque amari Argenidem? Nihil agimus Gelanore, nisi in Siciliam mature trāsmittimus. Scilicet Argenidem, dum hic ignauus cesso, m. hi illic inter bella aliorum virtus seruet, aut verius, sinam alios esse quibus ipsa se debeat? Anxio animo Gelanorus hanc domini mentem accepit. Nam infestū Poliarcho Meleandrum metuebat, & præcepta ab Argenide erat libertas ad-

monendi. Fidem denique vtrique sic seruauit, vt de Meleandri auersione nil referens, subinde tamen ostenderet, maxime intutum Poliarcho prouocatae fortunae caput obliicere inter tot hostes, & in ipsa bellicentia. Praestare in patriam nauigare; collectisque militibus, Siciliam, nihil iam dissimulata maiestate reperere. Faciam, retulit Poliarchus; Sed scis pene per ipsa Siciliae littora viam esse ad patriam. Ego autem vt in salutata Argenide terram illam praeteream? Pigere me exhausti periculi dicet ipsa, nisi in nouum succederem. Vbi littus attingero, mihi crede, commentum alicuius ratio me ad illam commode perducet. Atqui, ait Gelanorus, prius exequar mortem, quam te in hac pericula reducere videam; nisi saltem hoc impetro, te, vbi in Siciliam perueneris, nulli salutem nisi Arsidæ commissurum, priusquam colloquaris Argenidi. Comuni deinde quod capietis consilio te permitto.

Fidi hominis sollicitudinem non aspernatus Poliarchus, conditionem accepit. Sed destituebat animi impetum corpus, acri quartana pertinaciter concussam; quam etiam nouorum consiliorum magnitudo & anxietas ita auxit, vt quæ nox sequuta est remissius quidem inhorrens, longiori quam antea aestu saeuierit. Neque protus Gelanoro ingrata mali vis erat, certiora pericula differentis. At Poliarchus medicinae impatiens, quæ viribus per ieiunia subductis, morbum iubebat domitari; eorumque exemplis ad memoriam reuocatis quos audiuerat à se febrim depulisse insolenti vini potu, idem genus remedij experiri constituit. Nihil mirum est, inquit, si me ex præcepto medicorum exhausto & moriente, febris simul peribit. Adhuc
dum

dum vires sunt, malo cum ea decernere, & curari
m ductu. Ambiguum quidem in perniciem sa-
lutemve erit hoc facinus. Sed satis est, quod non
gente repræsentabit quicquid de me fata decreue-
rint. Nam hic status est rerum, ut sit acerbius ægro-
tare quam extinguere. Ita obfirmatam mentem, non
preces, non lachrymæ Gelanori hoc discrimen ab-
ominantis flexerunt; non inuocata Argenis, non
matris amicorumque memoria. Ipsa denique Re-
gina Hyanisbe frustra oravit. Ergo consiliis suis re-
lictis, cum post triduum febris ex constituto iam
rediret, foco ad motus tremorem membrorum fri-
gentium excepit veterrimi vini haustu; quod mul-
to volētius suum ignem fundebat in sobriis venis,
& mero non assuetis. Negauere medici adesse se
posse admoventi (ut aiebant) sibi mortem. At sub-
fidens Poliarchus, si illi abirent, saltem medicum
Bacchum (uti cum sæpe vates Pythia appellat) ad-
iuturum respondit. Simul in febris rigorem pu-
gnare multo vino pergebat, donec sanguine cale-
facto, paulo alius quā qui ex morbo feruor est tre-
mentia membra composuit. Hinc cum diu consu-
dasset, diligenter deterfus est. Iamque sibi validior
videbatur. Mirum dictu; Cum iterum hac se lucta
in morbum comparuisset, iuuentus, atque fœlici-
tas, & quæ plurimum Medicorum incerta consilia
fortuna nobilitat, exegere incommodam febrim.
Hyanisbe, ut temeritatem remedij habuerat in do-
loris maximi causam, ita postquam conspexit in-
columem, nullum lætitiæ modum adhibuit, do-
nec alia ægritudine vis gaudendi suppressa est. Fer-
re enim non poterat discessum Poliarchi, præser-
tim cum in vultu adhuc restarent vixdum submoti

morbi

morbi vestigia. Nam illi paucissimis diebus ad confirmandam valetudinē consumptis discessum pertinacissime ornauit. Et Regina (vt amotis in eum pene materni erat) lachrymis omnibusq; ad limen prosequuta abeuntem, nihil amplius orauit, quam vt hospito littore vti promitteret, si quis in viciniam casus nauigantem retulisset.

Sed posteaquam intrauit conductam à Gelanoro nauem, deductusq; in altum est, sollicitare remiges, ac vrgerē non cessauit; tempus quoque destinans, quo si terram Siciliam monstrassent, merces eorum geminaretur. Lucelli spes segniciem abegit, votoque damnatus Poliarchus illis monstrantibus insulam agnouit. Tunc porro diuersissimarum rerum contemplatione inhorruit. Quæ mala, quæ gaudia, illa tellus haberet! Illic sibi fœlicitatem esse ve exitum. Quo periculo inde euaserat! quid si iterum eadem tempus insurgeret? Mox discrimina omnia, speciesque fortunæ terribiles, vbi Agenidem cogitatio obtulerat, lætiori audacia diluebantur. Modicus portus erat, & præterquam piscatoriis casis incelebris, duodecim millibus ab Epeirctæ. Illic applicato nauigio in arenam descendit; humilique diuersorio, tanquam sali iactatione æger, celari instituit, donec misisset ad Arsidam. Cum vero stabularium ad quem diuerterat inter cætera rogasset vbinam ageret Meleander; Non dum, retulit ille, discessit ab Epeirctæ ex quo Lycogenes victus est. Tanquam augustiori ob victoriam loco, excipit ciuitatum Oratores, quæ certatim ad eum de pænitentia sua mittunt. Victus ergo est Lycogenes? subiicit Poliarchus. Omnino, inquit caupo. Dedit pœnas meritissima morte; caputque absum-

summa aliquandiu arce ad spectaculum pependit. Sed iam fertur Rex Syracusas commigraturus, quo Sardiniae Regem per præcipua Siciliae ornamenta circumducat. Quærente Poliarcho vnde in Siciliam aduenisset Rex Sardiniae; Nescis ergo, ait ille, Sardiniae Regem cum exercitu suppetias tulisse Meleandro; & eius fortitudine restitutam pacem Siciliae? Obtulit Poliarchus, mutata Siciliae sorte omnia sibi perplexa auguratus. Aduentabat post discrimen; Alj, & peregrini, iuuerat Meleandrum; & quod incolumis esset Argenis, beneficium Sardiniae erat.

Relicto igitur caupone, ô Gelanore, inquit, fac ut sciam quis hic terrarum orbis sit; id est, an salus adhuc mea cum hac rerum mutatione conueniat. Adhuc habebat capillamenta, quibus olim dolo Timocleæ mutauerat vultum. Horum vnum Gelanoro cum rustica veste tradit, iubetque sub noctem Epeircten intrare, & monere Arsidam se in pelagi ora fortunæ varietate lassatum in vtramliber sortem vltima expectare. Dum iret Gelanorus, quidam ex vicinis oppidis in via oblatis sunt, qui & ipsi Epeircten petebant. Quamquam concinnam induerat larvam, tamen illorum consortium fugisset, ne quis fraudem deprehenderet; sed in angusta via diuertere non licebat: & illi priores salutaerant. Ergo necessaria audacia, tanquã aduena ignarusque Siciliae, de proximo bello quærit, & victoriæ ratione. Ij omnia ambitu referebant, quo solemus in prosperis res nostras apud externos commendare. Duos potissim im celebrabant, Radirobannem, & Archombrotum. Nam Archombrotum in Lycogenis capite præcidisse quicquid in ægra

Sicilia ex morbo tumebat; Radirobani autem hospitalis auxilij & fortitudinis præmium fore Argenidem. Ita enim rumor tulerat, quodque isti credebant, bona fide apud Gelanorum profitebantur. Ille, ubi potuit, ab iis diuersus, inter acerrimi doloris suspiria agitabat, an res esset domino referenda. Verebatur ne sub tali nuncio vita deficeret; Rursusque sperabat, nondum coalita mala, si mature nunciarentur, illius genio & fœlicitate posse rescindi. Sed ante omnia conueniendus Arsidæ erat. Iamq; Epeircten habebat in conspectu, cum puerum videt maculis oneratum, lorisque venaticos duos canes ducentem. Et agnouit de Arsidæ familia esse. Ac vtinam dij, inquit, huius venationis beneficio Arsidam mihi darent. Quod si occurreret, tamen nec solus veniet, ne temere erit coram aliis compellendus. Se itaque comparabat, vt si quid tale accideret, fortuna vteretur. Ecce autem commento vixdum commode instituto, aliæ plagæ, & alij canes, neque procul cum aliquot ex Sardinia Proceribus Arsidæ venit. Gelanorus frontem omnium contemplatus, quia omnes ignotos sibi vidit, vicissimque spectauit illos sui incuriosos fore, se audacius admouit Arsidæ. Et ad te commodum ibam, inquit. Ab Rhegio hospes sum; salutemque & quædam præterea assero quæ ad te socer commisit discedenti. Tum ad aurem se sponte demittentis obiter admotus; Sum, inquit, Gelanorus; Sed tantisper me nosse dissimula dum habeas solum. Turbatus Arsidæ occursum insperato, Sardos placide præire hortatus est; Cupere se paulisper percunctari de necessitudinibus suis. Sub hac larua secreto, sed breuiter, cum Gelanoro loquutus est.

est. Colloqui summa fuit, se, ubi incalvisset venarum ocul omnibus aberraturum in nemore, & ad Poliarchum iturum. Neque mora ad Sardos lente pregressos contendit, quos iubente Meleandro venatu oblectabat. Ipse autem Gelanorus, tanquam Epeiræen pergeret, ubi potuit Arsidæ comitatum latere, flexit iter per notos pridem calles, & ad diuersorium rediit.

Eo vero adhuc cubiculum intrante, Poliarchus moræ impatiens; Quid, inquit, fer tandem Gelanore? Aduentum Arsidæ refert ille. Venationem ineunti secreto loquutus sum, & ut dici tempus est confestim ad futurum coniicio. Nihil ultra Gelanorus memorabat. Arsidam quippe, quam se, malebat tristia nunciare. Sed inquieto erat vultu, neque satis submouebat suspiria. Tandem sæpius urgenti Poliarcho, minisque iam aspero, quæ in via audierat refert; Pactam Radirobani esse Argenidem. Non doluit Poliarchus, non succensuit, horruitque ad nuncium acerbissimæ rei. Maior erat is motus affectibus quibus nomen inuenimus. Dumque iam non amplius tristis, aut cui adhuc posset nocere fortuna, in æmulorum ruina decernit perire; Arsidæ casam intrat, imponitque stabulario, quasi feram sequutus, & viarum imperitia illo delapsus. Postquam autem secreti fuere, rigentemq; Poliarchum conspexit, nec exertis oculis imperantem; Heu quid aspicio, egregie iuuenis? inquit; Aut quid tantum dolere incolumi Argenide potes? At Poliarchus; Valeo, Arsidæ, valeo, inquit; & me viuere Radirobanes vester cum sua nupta faxo intelligat. Sensit Arsidæ errare Poliarchum; veriusque cuncta expediens, Meleandri & Argenidis

V

S

vota

vota longe esse alia monstrauit, quam quę optabat Radirobanes. populusve iactauerat. Ita paulatim factus Poliarcho finis erroris est, cœpitque in spem restitutus placide audire de statu Siciliae discentem. Cæterum iubebat Arsidas Poliarchum simulatione omissa ad Regem accedere. Fractos hostes memorabat, legationē ad eum Timonidis, & præter beneuolentiam Meleandri, curam quoq; Argenidis, & tot in se studia veterū amicorum. Quid ille formidaret inter tanta præsidia? aut cur simulationi mallet, quam apertæ virtuti vir militaris confidere? Sed obstabat Gelanorus, dominū subinde admonens fidei in Africa datæ, nulli se prius quam Arsidæ ac deinde Argenidi locuturum. Ipse quoq; Poliarchus se posse negabat incolumi dignitate prodire in publicum. Nauigandū prius in patriam ad recipiendum cultum in quo vellet à Meleandro cerni. Vnam esse Argenidem, quam iuuante Arside optaret conuenire. At saltem, retulit Arsidas, conscientiam Nicopompi suspectam nō habebis. Nam quid fidē illius hominis prædicem? In te orando totus est, & fidissimo affectu exultat cum laudaris. Apud eum nunc hospitor. nec fidelius potes quam illius laribus regi. Haud ægre Poliarchus, nec repugnante Gelanoro, assensus est; Igitur cum obiter quicuiſſent; iter nocte cōcubia ingressi, sub Auroram Epeircten perueniunt; admisſiq; ad Nicopompum, compulerunt hospitem ad gratantium lachrymarum lætitiā. Et Arsidas ubi prouectior fuit dies ad Argenidem iuit; Sed occupatam cum parente, & deinde cum Cleobulo, habere secretam ante non potuit, quam illa Radirobānem fugiens ad lucum diuertit,

Vbi

Vbi autem aduenisse Poliarchum referente Arsida sciuit, oblita tot malorum, nec æstimato vtriusque periculo, plusquam pro incerta & breui felicitate exultauit. Sed utcunque festinanti expectanda vespera erat, vt is extra discrimen duci posset ad Regiam. Ero, inquit Argenis, in illa porticu mea vnde ad hortum est aditus. Erit vna Selenissa, quæ tibi & Poliarcho aperiat. Vade, mi Arsida, & tempori adsis. Hinc gaudio turgens ad Selenissam pergebat, tanquam compari secretorum largitura felicitatis partem. Sed labe factatam fidem agnouit, Radirobane ab ipsa commendato. Cum igitur hanc quoque elusisset, facta spe mitigati in Radirobane animi; nixa fenestræ est quæ in hortum patebat. Tum vero duo grauissima occurrebant, aduentus Poliarchi, & Selenissæ perfidia. Ita mens in acundia & gaudio variata nihil satis consulebat. Sed maturato opus erat, ne Selenissa Poliarchum apprehenderet ad constitutum venientem. Ea nocte ad ficta negotia anus ablegari non poterat: Nec consultius quicquam fuit, quam Arsida per seruum nunciare, se picturis inspectandis quas sub vesperam afferri præceperat, vacare non posse. Veniret ad Regiam Arsidas primo mane, sed non cum illo artifice. Facile Arsidas intellexit, interuenisse quæ morarentur virginis cum Poliarcho colloquium; Idque palam non ausam nunciare, hoc de picturis deque artifice esse commentam.

Versus ergo ad solandum Poliarchum, quem hæc mora conficiebat, etiam Nicopompum adhibuit. Læta sermonum & mutabili serie, mulcebant, nunc suas, nunc Argenidis virtutes non ægre audientem; aut si quid ludicrum Radirobani finis-

strumve contigerat. Sed huic officio hærentes turbavit aduentus amicorum. Quippe ea vespere præceperat Dunalbius sibi cœnam in Nicopompi ædibus coqui. Antenor suo è templo in urbem delatus, & Hieroleander, eum comitabantur; Quibus fores intrantibus, cum doleret Nicopompus à Poliarcho se auelli; ac ne Arsidas quidem cum tanto hospite perseverare posse (nam & illum Dunalbius ad cœnam quærebat) Poliarchus utrumq; solatus est. Irret sedulo, nec perfunctorie cœnarét, ne subolere Dunalbio posset aliquid esse arcani quod hilaritatem moraretur. Ipse ducente Nicopompo substitit in conclavi ad triclinij latus, vnde conuiuarum sermones excipi possent. Cœnantibus varij sermones fuere, sed plerumque vulgares, & quos à familia quæ conuiuis ad obsequia aderat notari non obesset. Vbi vero sublati epulis soli fuerunt, Nicopompus mentionem Poliarchi ex composito iniecit; & ille in proximo latens de sua fama rectissime iudicaret; cum isti de eo simpliciter dicerent quem abesse arbitrabantur. Non parcebat tantum iuuenem laudare Dunalbius. Omnes eius virtutes meminerat; & Antenore atque Hieroleandro suas loquendi vices implentibus, nunc illius fortitudo, nunc comitas referebatur; tum in hilari ac iuuenili animo vis natura ingenij, & cætera bona propter quæ senectutem laudamus. Arsidas vero, quia compererat æmulationem Poliarchi in Radirobanem, seriem colloquendi deduxit ad ciuile in Lycogenem bellum, cuius initia Poliarchus prosperrima Regi pugnando effecerat. Inde paulatim ad Sardos, & Radirobanem venit, cœpitque familiariter de eius ineptiis ridere. Nam & ille Rex superbissimæ erat
inter

inter suos consuetudinis, multaue passim exciderat quibus deprehenderetur vanum ingenium, fictæque virtutes. Dumque Dunālbis, Antenor, Nicopompus, vel fastidio auersantur recordationem insulsæ superbiæ, vel indignari audent quod eiusmodi auxiliatori Sicilia gratias deberet; Subridens Hieroleander, Quid si, inquit, hominem hoc mane vidissetis? Impia adulatione elatus, carmina quædam de se conscripta apud suos laudabat, quæ Poeta non condidisset, nisi aut alio quam Apollinis furore insanus, aut utique illum cui scribebat sciuisset insanire. Finem poematis descripsi. Ex eo de toto conicite:

*Tu si terribiles in pralia seuæ iugales
Exigis, Odrysios confuso pectore Mauros
Damnat equos, dextramque suam. Si terga sulibis
Quadrupedis, cupiet spreto tua Cyllarus Astro
Imperia, & Sardis volitare superbior agris.
Etiam lentato volucres aptare sagittas
Instituis neruo, cedunt Phœbusque dolensque
Amphytroniades. Quod ni te velle putaret
Arte sua vinci, tibi cederet ipse Cupido.
At Maia genitrix, cum tu rosea ora resoluis,
Astupet, atque omnes subicit iam frigidus alas.
Cedit & ingenio Pallas, formaque Lyæus,
Iura triumphatis cum sobria diuidit Indis
Pulcher, & intonsos distinguunt seræ capillos.
Quid domito quod fræna mari tu classibus vnus
Imponis, sceptroque tuo Neptuniâ sceptrâ
Summisere apices? O nobis aurea rursus
Secula, si tantum pronus tibi fulmina credat
Iuppiter, & cunctis vnum stes numen in æræ.
Omnes de sacrilega Poetæ solertia prædâ his
carmine*

carminibus auspiciantis riserunt. Quamquam Nicopompus, & ipse Poeta hanc non nihil inuidiam leuabat: Quippe ita esse poetæ os genium, ut ad aurium voluptatē exeret extra verum, eo quidem licentius quod cū sciat sibi non credi, quicquid fingit, innocentis potius ludi, quā inuērecundi mendacij res est. Præterea & sæculum ita ferre, ut immodicis apud Reges laudibus iam omnes Poetæ sint. Nam nec solū Radiobanem esse cui hæc larua illuserit. Ipsum quoque (oculis, nutuque abientem Meleandrum significans) quam sepe his falli blanditiis? deniq; omnes eo fato Principes viros nasci, ut aliquid saltem pennarum ad hunc viscum relinquant. At Dunalbius publicæ rei studio motus; Ita vero improvidi ciues, inquit, dum vilitate laudandi vnusquisque Regum vitia ad amicitiam sollicitatis, vos simul & illos miserrimos fieri non sentitis. Quanto enim incommodo vestro imperantes fingitis, ne quid eos pudeat; Sed licentissime assuescant seiplos amare & mirari; utique postquam diu omnes eorum affectus adulatione & præconiis consecraueritis. Illos autem, quantumcunque tibi felices sint, ego lachrymis dignissimos puto; nisi superessent his domesticorum insidiis, & ea colere ac probare solerter instituant, nō quæ in ipsis aliis laudant, sed quæ ipsi in aliis. Cæteros enim adeo sua purpura occæcauit, ut nesciant quod nemo præter hos ignorat; qui mores, quæ studia, quisve modus, inter homines famam, aut veniam, vel denique odium ferat. Proh facinus! opulentissimæ venationis genus est explorare intimos Regū motus, quo eos natura, quo cupiditas vocet, mox non diis, non hominibus æstimatis, quicquid amant aut volunt impen-

impen-

impense cōmendare; vel vt similitudine morum, atque sermonum, iis placeas; vel vt soluas eorum verecundiam, & gratias tibi debeant, quod molliueris viæ speciem, quam ad vitia ducentem, obstitamque infamia, pudor prohibebat experiri. Quid miremur Principes violenta adulationis procella inclinatos quo sponte iam volunt; iis vocibus credere quas solas accipiunt? Præsertim nemine ruinâ sustinente ad quam tanta vis impellit. Nam illi sapientes quos negotiis adhibent, seu veretur frustra mōnere, seu medicamentū quamuis infundat salubritatem, tamen ingrātū esse sciunt, his vulneribus non adhibent manum; Aut certe vitia distinguunt quibus seipsum Rex maculat, ab iis quibus perdit Rempublicam. Et contenti vtcunque mederi publicis, non restitunt Principi oculos, quibus ipse suam sortem & blandientium fallaciam damnat. Quis familiarium, sapienter Reges admonet, si auiditate æris infames sunt, si nimio venationum studio amittunt Reipublicæ curam; aut cum libidinis exemplis inficiunt sæculum, vel inconsultis amicitiiis publicam inuidiam concitant? Laboramus etiam virtutum nomina his cupiditatibus fœdare. Cura futuri, laborum assuetudo, comitas, liberalitas appellantur. Nec vitia illa tantum, sed etiam leuiora, in his adulescunt mendaciis. Imo cum recte qu'd sapiunt, adeo fictos inueniunt & nimios plausus, vt sæpe (credite amici) pudore, qui ceteris aberat, onerati oculi multum mihi tremuerint. Videbam neque pudere istos effusissimæ fraudis, neque Principes indignari quod sibi tam procaciter illuderetur. Quantū à comœdia distat hic ludus; cum vtrobique in os laudes, quos

quos apud te proteruo contemptu, tanquam vānos aut pueriliter captos, derides? Quod nisi maiorem Regibus genium quam qui populum informat, dii dedissent, quotusquisque ex his plagis euaderet; quæ vel ipsa consuetudine placent, quia nascentium cunas circundant, nec eas meminerunt sibi poni? Sed neque his periculis soli Reges infesti sunt. Plerique regiis malis in priuata fortuna laboramus. Reges sumus supplicibus; rursusq; Rex nobis, in cuius est manu quod petimus. Hunc tentamus blanditiis, hunc illa vanitate conficimus; vltro amantem tela quibus percelli Reges solent. Quod est autem ad Radirobanem, à cuius superba credulitate initium questibus istis fuit, cætera lenitate meruit ne qua in eo peccata excusemus. Et o vos Siculi miseros, si illius coniugio Argenidem damnatis.

Adeo Poliarchum hæc oratio affecit, vt vix sibi temperaret. Optabat Dunalbium amplecti, & hoc de Radirobane augurium; destinabatq; iam præmia quibus sæpe ab illo eiusmodi candoris præcepta eliceret. Omnes deniq; illos instituit commendare Argenidi, eorumque vti fide in iis quæ instabant. Dilapsis hospitibus, Nicopompus & Arsidas ad ipsum redeunt. Deductumque ad thorum non ante destituunt, quam ille amicorum quieti consulens, & cum solis præterea curis melius loquuturus, domitum sopore se fingeret.

Noctem illam Selenissa & Argenis (quis mortalitatis ludibria satis æstimet?) in eiusdem calliditatis mutuo dolo ducebant; qua scilicet ratione, vbi dies rediisset, vna alterius oculos fugere posset. Nam & Selenissa locum quærebat quo remota Argenide

per ide Radirobani loqueretur; & Argenis optabat amouere Selenissam, ne sciret aduenisse Poliar-
chum. Prior Selenissa nunquam se peccaturam re-
ctius rata, quam in vmbra libertatis, vltro de Radi-
robane mentionem iniecit; Aiebat enixe ab eo se
oratum, vt in iisdem arborum spatiis postera die ef-
set; Cupere illum quædam haud vulgaria cum ea
communicare, & inde ad Argenidis colloquium
deduci. Occupauit Argenis; Vade vbi commo-
dam erit, mater. Sed mihi ad ea digerenda spatium
relinque, quæ cum vna colloquemur, & vt solet o-
tabit, reponam. Volo itaque vt mature cum illo
lis, protractoque sermone hominem teneas, donec
omnibus cogitatis ipsa in hortum descendam. Ni-
hil posse reperiri prudentius iterabat Selenissa, ta-
cita improbitate deridens; quod sui prodendi ra-
tionem ac tempus ipsa Argenis aptauerat. Sed &
intra erat se quoque deludi, & amolitam à con-
spectu non tam mitti ad Radirobanem, quam a-
nertia Poliarcho. Mane erat, & multi Solis æstum
ambulatione præcipiebant. Iamque illius volupta-
tis simulatione Radirobane opperiebatur matro-
nam in horto; vix tunc ob Argenidem magis quam
Theocrinem sollicitus. Nec segnior anus, cum ma-
turius de thoro surrexisset. Pergo, inquit, ad Sardi-
niæ Regem. Si verà de amore suo retulit, diu est
quod inambulat somni impatiens. At nos æuo de-
fectæ (addebat subridens) pœnas illius ætatis lui-
mus, quæ nec suos labores agnoscit, nec æstimat a-
lienos. Hic iterum monere Argenis, ne ante disce-
deret à Radirobane quam ad viridarium ipsa pro-
cederet. Malle se illic, quam intra limina Radiro-
bani loqui. Ea Selenissæ fuere lætissima; credenti

Argenidem hoc breuissimum tempus petere ac receptum prioris amoris; quem ante omitti oportebat quam posset Radirobani placari.

Vix egressa limen erat, cum Argenis ad Arsidam mittit, iuberque confestim venire cum hospite. Nec distulit ille; & Poliarchum sub crine adoptionis latentem, cum exiguis aliquot picturis, mercatoris specie secum duxit. Tremebat Poliarchus, & illud animi robur quod nulla discrimina, nulli hostes permouerant, destituebat cogitantem se ad Argenidē ire. Sanguinē etiam in illa expectatione virgo amiserat; notaueratque intercidi à se verba si cui loquebatur. Secreta erat porticus in quam ad cogitationum curarumque solitariam libertatem solebat secedere. Illuc postquam cum Arsida Poliarchus admissus est, manumq; protensam, tanquam numen veneratetur, ad os retulit, subiti utrimque singultus multo rubore vultus sparserunt. Mox directpta ille larua suos vultus reddidit sibi; & cum Arsida publicæ humanitaris verbis salutauit Argenidem. Sed Arsidas tanquam aliud agens sensim ad murum recessit; fecitque ambobus potestatem liberius colloquendi. Hic rursus crepta turbulentis affectibus verba distulere attonitos, donec fusis lachrymis expedita Argenis; Video te, charissime? inquit; an expressere tuos vultus insomnia; & imitationem lætitiæ ad Argenidem tuam ferunt? Vides, retulit ille, domina, nouo nunc sensu mala exacta sentientem, & tuo conspectu admonitum quam calamitosum fuerit tam diu abfuisse. Quod nisi graue est meminisse; quid sensus tibi fuit, quid vitium, in meis periculis? Quam multum doluisti; quā sæpe accusauisti absentiam meam? At illa;
Nimis

N. mis heu potes ex tuis doloribus æstimare quam sollicitos te absente dies exegerim. Eo quoque inferior, Poliarche, sum, quod non te sequi licet, quod scio te per pericula errare; denique quod sperare alij audent me posse mutari. Dic iterum. Tu is es Poliarchus? tu in Siciliamrediisti? tu es incolumis? præsentem te conspicio? Ah num & maciei quam in tuo vultu cerno ego causa sum, Poliarche? Sed an eadem querenda rursus erunt? an tibi iteranda exilia? & timide semper amabimus? Ille errores suos in compendium misit; Ut naufragus fuisset, ut de prædonibus victor, & in Numidiæ aula æger. At Argenis (quod potius in rem erat) paucis exposuit Radiobanis cupiditatem. Ecce quidem timere se, ne bene meritum hominem Meleander generum velit accipere; quod facinus, inquit, nisi tu illi obstas, ante uertam meam cæde. Quam miserum putas sub ætu quotidie mortis stare, quæ non longius abest quam fœdera illa, quæ Sardi fortissime urgent? Accedit solitudo. Neminis solatium adest, cui curas committam. Timeo armatum Radiobanem; Patrem vereor: Ipsa (proh facinus!) Selenissa ad hostes defecit. Et iam dudum (subiicit Poliarchus) hanc oculis quærebam. Tibi enim hodie primum, illa absente, loquor. Ego, ait Argenis, si uiuo, eam miserrimam habebo. Studet Regi Sardinia. Nec cur aut quomodo mutata sit, scio. Sed ne de flagitio dubites, cum secretæ essemus Radiobanem laudauit. Parum id erat; nisi me ut saltem simulata amicitia facilis illi essem sustinuisset hortari; id est, ut quasi reciprocanti astu, sensim à te recederem. Nunc quoque ne adesse te sciret, passa sum ad illum hanc exire. Ambo in vi-

ridario de meis fatis agunt. Sed non impune peccauerit. Peribit si vnquam foelix ero. Indignatus iuuenis; cum proditionis iniuriam impatienter ferret, ad periculum quoque exhorruit, quod tam potens in Argenidis familia Raditobanes esset; & vel si cessaret Argenis, vltorem iniuriæ se promisit.

Post hæc anxia deliberatione versantibus quid sibi capiendum consilij, ipsa incertitudine animi nihil quod occurreret placebat. Iret ad Meleandrum Poliarchus, se Regem prædicaret, numeraret beneficia, sibi vxorem optaret Argenidem: Ipsa quoque Argenis se sponsam Poliarchi (quod res erat) apud patrem profiteretur. Iustum quidem, & præsentis, si succederet, vtilitatis in ea mala remedium. Sed timebat Argenis iniquiorem Poliarcho Meleandrum; quo dissimulato armatum Radirobane monstrabat. Non æquam fore causam Poliarchi se in Regium culmen subito asserentis. & illius cuius cognitæ opes erant, & qui etiamnum exercitu implebat Siciliam. Timere se insidias & scelera, quæ amor, & regni cupiditas atrociam inueniunt. Vera hæc esse sentiebat Poliarchus; Addebatque metuendam Archombroti gratiam apud Regem; quem vereor, inquit, ne & in spem tuarum nuptiarum erectus sit. Cohorruit Argenis ad hanc vocem; Neque tarde per omnes Archombroti actus, perque omnia verba, redeunte memoria, in eandem suspicionem delapsa est. Igitur consilium adeundi tunc publice Regem, tanquam præceps, & sæuum periculis, omittunt.

Diutius hælere in alio; Vt; quando fortuna Siciliam negabat; irent in patriam Poliarchi. Vltro redire in gratiam Meleander optaret: & elusus Radiro

di banes, si aliquid moueret, excipi posset armis. Nihil Selenissam, nihil Archombrotum nocituros. Quid mirum si virgo ad sponsi domum ibat? Pro flammeo velum fore quo celaretur discedens: faces autem multo plures quam quinque, sub noctem ipsa astra abeunti præstitura. In hanc fugam consentiens Argenis, reluctantem animum, & damnantem hunc impetum, non bene domabat. Vellebaturque media intentio inter abeundi & manendi consilia. Hinc causam quæ utique optima erat, respiciebat; hinc famam; quam non integro tantum, sed & sapienti pudore oportet habere propitiam. In ea seditione animi, tamen sequebatur Poliarchum; non tam quod illud optimum putaret, quam ne aliquid esset quod ei negare videretur. Sed ipse hoc furto non admodum lætus; quia sciebat peruulgatum hoc esse remedium; & nullam arrium fabulam pene cōstare, in qua virgo cum spolio non fugiat; Cum præterea vim notasset quam Argenis fugæ laudandæ sibi ipsa inferebat: Digni sumus, ô Domina, inquit, qui non latronum more tenebras, atque silentium, quæramus in vota. Quid si deprehensis non erit sub irato patre defensio? Quid si abstrahemur nunquam redituri ad conspectû? Frustra præsidium ab equitate expectamus, nisi ipsi æquitati paramus ante præsidium. Si placet; credisque inter mala iam familiaria tres adhuc menses durare nos posse; ego à patria reuertar cum milite, ut non sine dignitatis insignibus te Regum Principumque, spem ac stirpem accipiam. Quod si adhuc repugnabunt nostri hostes, extorquebo idoneis viribus à Sicilia, meam simul & tuam felicitatem. Sponde modo tamdiu te victuram.

Ego strenue adero, nisi mors interim obtinget; quæ si tam celeri fato imminet, at tanti saltem erit tua funebri abfuisse spectaculo. Cum hæc verba suspirio finiret, obruerunt Argenidem largissimi fletus; Reputansq; quam is igitur procul, quam subito abiret, non minus sub amore, quam antea sub verecundia, vapulauit. Sed consuetudine dolendi, tres facilius menses destinari ad miseras sinebat; modo intra id temporis rediret Poliarchus, vel inermis; quem tunc ipsa sequeretur, spe alia omni damnata.

Vbi in illam sententiam concessum est, vterque plurima monere & hortari; quærere etiam Poliarchus quid interim Radirobani, quid parenti, virgo diceret; Illa autem ne promisso tempore destitueret amantem, verbis & lachrymis, & quod efficacius erat, mentione destinati si falleret interitus monebat. Plurima, inquit, Poliarche, in te amaui; sed precipue fidem, & plerisque virorum ignotam modestiam. Diu est, quod, non spreto quidem patris imperio, sed omisso, te sponsum appellauit. Nunc iterum opes meas, fortunam, amicitiam, qua licet tibi trado; & per vtriusque fata obtestor, nulla vis ab hoc sacramento me absoluet. Nullius vnquam, nisi Poliarchi, erit Argenis. Si dii sinent vt foelicibus hymenæis iungamur, tum plenum beneficium factis debebimus: Sin malignior fortuna conatus euerterit nostros, ego tamē incorrupta in tumultum succedam, & saltem animorū inter nos matrimonium erit. Post hæc verba rubore suffusa est, pronusque in gratias, Poliarchus, non minora de Argenidis in se victoria loquutus est.

Timebat vterque ne forte à Radirobane rediret

Sele-

Selenissa; cui postquam ambo maledixerunt, suavitamen Poliararchus ne illam tot secretorum arbitram à se temere Argenis amitteret. Sin necessitatem diuortij suo scelere faceret anus, tunc virgo meminisset Timocleæ, prudentissimæ matronæ, & illo loco dignæ à quo ista excideret. Satis erat commendata Argenidi Timoclea, seruatrix Poliararchi; timuitq; subito virgo peccasse; tenuibus adhuc donis parum in eam liberalis. Quippe Selenissa effecerat, ne in gynecæum reciperetur, nec de charitate quidem, sed de constitutis muneribus multa dehortando reciderat. Cum vero narraret Poliararchus beneuolentiam in se Dunalbij, adderetq; non leuius Antenorem, & Hieroleandrum in se affectos, sibi virgo gratulabatur, hos eximios viros esse, quorum tanta opera uti in arcanis liceret. Statuerunt igitur, beneficiis omnes excolere. Quanquam Dunalbius eo Sacerdotij præficerat, ut vix quicquā poliarchi addi fastigio; tamen aiebant referendæ gratiæ locum nunquam Regibus deesse. Hieroleandro autem (inquit Argenis) magnus erit ad publicos honores aditus, si eum patris epistolis ego præfecero. Sed Antenori quæ præmia erunt? Mittam sæpe Apollini, & Sacerdoti donaria; Et si tibi videtur, Poliararche, charissimam Timocleam ubi res nostræ successerint, magna cum dote, quam vterque ei dicemus, uxorem accipiet.

Iam tempus vrgebat; vicissimque expectabant missionem, neutro tam acerbum sermonem incipiente. Ergo silebant tristi aspectu; donec conatus Poliararchus bene precari, & abire, in vocis primordio defecit. Ut tamen necessaria fortitudine dolores finiret qui in discedendi consinio crescebāt, de-

missis ceruicibus veneratus Argenidem, inter silentium abscessit. At virgo sæpe repressis lachrymis tandem victa, subito impetu semouit se à conspectu. Amens plangebat pectus immeritum, plus mala Poliarchi quam sua, aut sentiens, aut sentire se rata. Sic tunc confusa in secretum cubiculum irruit; & ille haud certis vestigiis, oculisq; vix egressum à porticu videbat. Arsidas quoque perturbatione cognita, & frigidus ipse, nec dicere quicquam ausus, cum muto, nec iatis sui conscio, redit ad Nicopompum, illincque sub vesperam ad mare cupientem deducit.

Interim motibus longe diuersis Radirobanes agebatur, differente Selenissa de Theocrines discrimine. Nam vt anum in viridarium venientem est amplexus, Vt pugnat, vt vincit Theocrine? ô mater. certe in ipsius imagine anxiam noctem duxi. Nam heri in quo numero si meministi, pugnatem reliquimus. Sed quod præcipue me sollicitum habet, an Argenis nostra valet? & quid tractabilem fore existimas? Tum Selenissa, Diis litauisti, Rex; nisi me eloquentem faciam, imputemque meæ arti quod incepit agnoscere Argenis se tibi præter meritum durum esse. Quid enim amplius expectes? Illam ad pœnitentiam adegi meis verbis. Mitigato in te animo huc promisit se venturam. Sed dum cultui suo vacat, sine nos incepta euoluere. Magnopere enim expedit ne ignores Theocrinem. Pugnabat, vt retuli, spoliisque animosa hostilibus circumferebat simul clypeum, simul ferrum. Diceret hanc bellis æssuetam, illos in gynecæo adoleuisse. Duo de prædonibus iam strati; totidem reliquerant. Nemo integer à vulneribus restabat. Nam
& in

& i. fronte Theocrines, dum ipsa alteram petit, mucro alterius leuiter sedit. Illico emicuit sanguis, & purpura per candidissimos vultus errante toruos oculos strinxit; caputque & arma quassando cum minaciter proclamasset (adhuc timeo, Rex) aliquid supra mortalem fuit. Vix fauciam videramus; iamque illam qua violata erat manum ferro deiecerat. Neque mora, auersos prædones cum vulneribus multis inualidi fugerēt, nihil noctem, nihil insidias verita, extra triclinium sequuta est.


Sed dum per tenebras & hi latent impunius, & irata exerrat Theocrine, nouus clamor illius animum percussit. Nam altera pars latronum, cum aliquandiu cubile Meleandri quæsiissent, tandem lumen sequuti quod haud procul regio thoro in custodiam vigilabat, fores effringunt, & , promissum Lycogeni donum, Regem vinculis adoriuntur. Excitatus tumultu Rex, ubi viros (haud assuetum domui facinus) aspexit, & quidem armatos; quamquam somno & rerum insolentia turbatus, tamen ensen qui ad puluinum pendeat corripiciens, simul vestigium ad pugnam festinauit componere. Sed priusquam excussus thoro corpus, iusto gradu consisteret, ira & horrore titubantem latrones circumstant. Non sacra illa membra, non proximum diis nomen reueriti, captiuum reclinant in lectum; ferroque extorto quod tenebat, ausus vnus est, simulans calum; (sed opinor sacrilegæ audaciæ famam & voluptatem captans) in illius vultum capulo impingere. Iam manus institis tenebantur, & quasi damnatum operto capite ducentes, superbi querebantur, nondum socios qui ad comprehendendam Argenidem diuerterant,

adesse cum præda; Cum Theocrine successit exultans, prælioq; & vulnere accensa, ad Regem peruenit; captiuumq; intuita, furioso clamore grassatores increpuit; O quotquot sunt parricidarum deterrimi, subite calentem vestrorum sociorum sanguine ensem. heu mea manu non digni! Sed non omnes ita peribitis. Supererunt qui seruiliter necentur. Nec leuius quàm pro atrocitate minarum cœpit in eos desæuire. In illo tumultu excidit vestis qua caput Meleandri prædones condiderant. Hac prolapsa videt auxilium suum, videt parẽ tot grassatoribus Theocrinem quæ iam fato vnius cæteros admonuerat illi sceleri abesse fortunã. Mireris Theocrinem; tot obuersantibus circa mucronibus, tot mortibus clypeo solo depulsis, Regis vincula non patienter aspexisse. Sed ô Rex Sanctissime, inquit, quamdiu captiuum te videbo? Simul nodum institarum qui non arcte coiuerat, soluit, & arma viriliter quærẽtem obiectu corporis tutatur, donec gladium inueniret.

Hic Radiobanes, ægre seruatum silentium deniq; soluens, ô, inquit, limillima fabulis monstra! quid huic par antiquitas vidit? Vnde virgini ille sanguis? Vnde fati charitas tãta in Regem, vt paterentur imminere exitium, quo sanctius & fœlicitatis nouæ exemplo, esset incolumis? O Selenissa! Sed an vera hæc autumas? Parce per tot miracula confuso. Tum anus; Tu ita me (ô Rex) atq; ita te iuuet Argenis, vt hæc non minus vera sunt quam me viuere, quam tibi me loqui, quam denique te amare. Perge igitur, subiici Radiobanes, implere metam insignis noctis prodigiis. Et illa; Exolutus vinculis Meleander, non suam salutem, non Theocrines

pericula destituit. Ita valide pugnando effectum est, ut ex tribus qui supererant, unus caderet, aliusque fugeret, & postremum Theocrine amplexu occuparet, cuius postquam lacertos in tergum reduxit, victum obnoxie committit Meleandro; Et, serua hunc, ait; dumque redeo, si salutem tuam, Rex, amas, intra hanc sedem te contine. Illum qui aufugit non oportet elabi. præterea explorabo de insidiis quid supersit.

Sed hæc verba limen egressa, redit ad thalamum Argenidis, in quo nostræ mulieres timidissimo cœtu conuenerant. Collige animum tuum. Nam quæ à me, Rex, audies, nisi esses constantissimus, te repente per præcipites motus abriperent. Theocrine prælio calens, oculisque iam alia, & propemodum toto vultu nobis ignota, manu Argenidē prehendit, & præterea sequi me iubet. Postquam constitimus vnde cæteræ loquentem non audirent; Diis gratias habeo, inquit, quod amoris mei industriam per non inutiles dolos in hanc vestem & domum coegerunt. Tibi, Domina, Patrique, saluti hæc fraus fuit, quos propitiis fati prædonibus eripui. Hoc euentu æquum est mihi ignosci. Nam quid amplius dissimulem, cum ista me prælia probauerint virū esse? Fefelli; Audacius quam voluissetis amari; & quo minime licebat sub muliebris sexus favore admissus sum. Sed excusationis multū est, quod inter vos tamdiu versatus, mores & speciem puellæ sic retuli, ut nulla immodestia sexum arguerit: quantum autē in fœminas potuerim, sic abtuisset verecundia, nunc demum in viros ostendi. Nec quæro has vires aut continentiam laudare. Satis erit si apud te (Virgo) me absoluent. Scias enim. Ego
neg



nec genere, nec fortuna regiis nuptiis impar, ab externo littore tuam famam sequutus sum; & quasi admonentibus diis, ut te viderem, fruererq; moribus tuis, foeminam simulavi. Crudelitatem patruī, miserias matris, omnia commentus sum. Abscedo nunc ægrior quam cum intraui. Nam quantillum tuarum virtutum est quod fama acceperam? & me tamen rapuerant.

Radirobanes atrociter his verbis vulneratus; Perij, Selenissa, perij, inquit. Quis hic ergo sub pal-la degeneri Achilles? aut quæ Thetis fraudem or-nauerat? Nullus sum. An ille est quem nunc amat Argenis? Ille est, subiicit anus. & ne putes vulgare hoc esse secretum, id adhuc ignorat Meleander. Cæterum morari se diutius posse negabat, ne Regi suspecta fortitudo sensim fraudem detegeret. Rediturum se breui ad Regiam, sed cultu militari, mi-hique, vel Syracusis, vel in Aula, præsto futurum; quoties ab arce digrederer. Sibi nomen Potarcho; neque vero diutius victurum, quam placeret Arge-nidi. Ex animo tuo perpende, Rex, quales ambæ fuerimus. Si te narratio virū mouet, quid existimas in re præsentī foeminas obstupuisse? Pauca deinde in autem Argenidi narrauit. Credo, genus & pa-triam referebat, obtestatusque virginem ut secreta ea essent, fidem inuenit. Vnum hoc enim arcanum est quod non auribus meis Argenis commiserit. Arcis claues apud me, de more seruabantur: quas ille corripuens, Itē ad Meleandrum, ait; Ego ne ma-iores subsint insidiæ, Prætorianos & vigiles accer-sam. Spississimæ tunc nubes omnia astra eripuerāt. Et dimotis ille claustris, cum facem teneret, ab i-pso arcis limine exclamauit, perripisse ad Regem
grassa-

gratores; Properaret ad auxilium & stationibus miles; instare, adesse periculum; facinus prope peractum esse. Hæc cum vehementius aliquoties proclamasset, ipse quidem longe à viâ declinavit per tenebras; cæterum exarsere improvise tumultu qui arcem proxime observabant. Quo habitu quisque erant, procurrunt ad præstandam celeriter fidem; Nam & multi seminudi, ne componendis vestibus tardi essent, propemodum sola arma attulerunt. Iam occupauerant mœnia, iam feruebat vestibulum atriumque confusis cohortibus: Cumq; per varios ignes frustra hostis quæreretur, cœpere vereri, ne aut larvæ improvidos lusissent, aut aliquo dolo de stationibus essent exciti. Præcipui vero duces, & in illis Eurymedes, cum delectis militum ad cubiculum Regis pervadit, in quo ego cum Argenide eram. Nostra vociferatio, & in vultu Regis horror, maximeque duo cadauera quæ ante pedes iacebant, non contemnendæ rei indicia fuerunt. Circumstetere igitur Regem; Ac quod incolumem videbant, defunctumq; periculo, manum amplexi, mistis vocibus multa ac varia volentes, ideo nihil exequiebantur. Hi quærebant qui sicarii fuissent: alij quis eos refellisset in inermi & muliebri domo; plurimi accensis facibus scrutabantur ne qua hostis lateret. Etiam tumultuaria quæstio de captivo habebatur, his genas vellicantibus, aliis in pectus intentantibus ferrum. Meleander interesse arbitratus ne præcox vindicta de eo sumeretur; tradit servandum Eurymedi:

Iamque securus, & præsidio suorum mediis ad Argenidis thalamum venit, quo & referentibus nobis audierat etiam domitos esse à Theocrine sicarios:

carios. Postquam & illic duo cadauera conspexere, & plagas plusquam ad mortem opus erat adaetas, enixius rogauere Regis amici, quinam mortalium huic fortitudini suffecissent. Vbi vero retulimus, manu puellę patratum hoc facinus, taciti (nam admiratio verba suppresserat) circumlatis oculis vetricem requirebant. Rex quoque aduocari illam iussit; & quia monebamus duos ex latronibus fugisse, ipseque meminerat vnum quoque cubiculo suo elapsum, tota domo distribui exploratores iussit, qui reptos adducerent. Sed siue per portam qua receptum prælidium erat effugerant, siue per muros erant delapsi, Regi tandem relatum est, neque illos neque Theocrinem comparere. Minor cura Meleandro de prædonibus fuit; sed Theocrinem abesse non ferebat; iterumque delectis qui omnia vestigarent, Theocrines nomina tota domus exsonuit. Sciebam, ego, atque Argenis, vobis respondere non posse, qui beneficio noctis usur iam forsitan multum viæ processisset; Primumque indicium mihi fuit amare Argenidem, quod adeo dissimulabat quicquid vtraque noueramus, ut & propè me falleret.

In illis tumultibus reliquum noctis absumptum est. Prima luce Cleobulus, cæterique quorum consiliis Rex præcipue fidit, per cursores admoniti quid Regi contigisset, strenue adfuerunt; quibus ad quæstionem de captiuo habendam dimissis, Rex ita circumstantes affectus est; Quamquam in me, deosque ingens piaculum admisere nefarij detegique & vindicari fontes debent; ego tamen non me magis vltum cupio, quam illam videre cuius virtute seruatus sum. Vbicunque Theocrine est, ego me
fæli-

foelicem abnuo esse, quamdiu ignoro an illa sit in
trāquillo. Dij boni! Ne in latronum insidias nimia
virtute deuenierit: Sic loquenti; quærentique; ite-
rū exploratores renunciant, nulla Theocrines
vestigia nec in arcē, nec in proximis campis extare:
Si quid duri contigisset aut fauciam, aut, nefas, in-
teremptam potuisse reperiri. Hæsit aliquantū Rex;
ut ex fronte coniiciebamus, in subitas cogitationes
delapsus. Tandem versus ad signum maximi Iouis,
quod non procul in domestica ara stabat; Summe
Iupiter, inquit, si ut conicio res est, firma tuo nu-
mine meam fidem. Cœlesti munere factum est
quod ex telis impiorum elapsus sum. O Theocri-
ne, si fas est adhuc eo nomine te censerī, quod tibi
inter nos induisti. Nō tu virgo mortalis, nec de nu-
minum vulgo. Tu sanctissima Pallas, tu præses ar-
morū, tu quæ soli Ioui debes quod nata es. Ve-
neror te, dearū fortissima, ne Sículos patiaris igno-
rare! Beneficium tuum. Me enim arctissima religio-
ne tibi deuotum exemisti inimicis; seu patris impe-
rium, seu pietatem tuam sequuta. O te foelicem,
mea Argenis, si tuas fortunas licuisset agnoscere;
sciuisse! que Palladem tibi loqui, tibi adesse; quæ
quo solertius diuinitatē celaret, tibi clientis specie
voluit esse obnoxia! Quibus argumentis hoc cre-
dam, si postulas; Primū, memini vultus; & eodem
numine, quo deam vetabar deprehendere, nunc
sero immortalia ora cognosco. Quis vigor? quod in
oculis iubar? Omnia lineamenta in memoriam
redeant; scies quod ut fingebat mortalem, ita nec
deam in totum suppresserat. Sed quis de accepto
beneficio dubitet post certamen Pallade vna di-
gnum? Adeone ad diuina opera caligemus, ut vir-
gum

gunculæ manu putemus tot homines fusos, & non potius lacertis cœlestibus gratias habeamus, qui hanc pugnam ediderunt? Nunc vero quæ præsens tegebatur, absentia sua se nobis aperuit. In cœlum abscēdit; aut fortasse nostris oculis erepta, tamen inter nos versatur; expertura an simus ingrati.

Ita differente Meleandro, fremitus ingens inter audientes exortus est. Scis hominum animos, ac præsertim multitudinis; facile grandibus & insuetis rebus Deos authores facere; & superstitionem quodam impetu infundi. Gloriosum præterea Sicilia erat, Deos ipsos pugnas pro Regibus. Itaque orationem Regis excepit milium clamor, Mineruam Tritonidem per omnia inuocantium, quæ illi artes suæ aut deditæ sedes fecerunt. Hi superstitione animi; alij quo Regi placerent; cæteri effuse gaudendi licentiam amantes. Vt putas inter hos errantium motus risu furtiuo mecum Argæidem lusisse? Nec indelectata quidem hac fabula, mirabar quod Rex tam facile deam fecisset. Sed non hætenus stetit ludibrium. Quidam miles siue adulatione; siue infania motus; Quæ autem illa species, inquit, quam in summa arce vidi, cum ex castris exciti primum sumus? Fulgebat per noctem candidissimus ignis, quem hæreret tectis putabam, & nos compescendo incendio acciri. Mox in radios distinguere cœpit fulgor; & hæc pompa longo ordine creuit in cœlum. Rei autem admirationem tunc quidem mihi excussit nunciatum, Rex, tuæ maiestatis periculum, quam non sine venerationis sensu nunc tepeto. Quid si ille Palladis splendor erat, sese post te avertit recipientis ad sydera? Vix miles

finis

si cerat, cum pleriq; eadem vesania, quod is finxerat, somniove conceperat, vidisse se cōfirmant. Ita multis authoribus fabula inualuit; & certatim consecrationem Theocrines argumentis, veneratione, assensu iuuerunt. Cum vero gratularentur Argendi quod tamdiu habuisset domesticum numen, illa abiectis modestiæ specie luminibus, anteuertebat risum; donec satis adorata Minerva, Rex ad consilium supra atrocitate sceleris, cum delectis secessit; & ego atque Argenis de Poliarcho loquuturæ in penetrale conuēnimus. Dicebat Argenis, non indolis ad tempus repressæ, sed verissimæ fuisse virtutis; quod is apud se tot dies modestiam tenuisset. Quid illius ingenio candidus, qui pene lenior inter mulieres fuisset; quam fortior inter viros? Iam beneficium memorabat quod Meleandro teste dignum erat magnitudine deorum, & Palladis manu. Iam etiam, sed illud verecunde, monstrabat. Quantum ille amasset, periculosissimodolo ausus & sexum dissimulare, & se suppliciis, quæ deprehenso certa erant, obiiicere. Fateor, o Rex, subleuabam virginis pudorem, ea ipsa commendando, quæ intelligebam illi esse gratissima; & quia nondum te noueram, nihil credebam præstabilius Poliarcho.

Interim exegerat à captiuo Cleobulus sceleris authorem atq; modum. Ille tormentis impar, cuncta de Lycogene confessus, Viam aiebat se ad arcem inuenisse, qua mari alluitur, nescio qua harpagine in mutum coniecta, quæ ilicet saxi hæsit, præligatumque funiculum, per quem in altum scandi posset, librato pondere immota sustinuit. Hic latigiter à Rege esse peccatū consultiores putant. Nam

cumi

cum Lycogenem subito opprimi oporteret; m-
luit ad illius villam mitti qui hominem tantum ac-
cerferent. Sed iam eum ad arma comparatum cre-
diderat; ut nec capi facile posset; seu sperabat ad o-
mnia audacem contempto iudicii periculo ventu-
rum. At ille cum clientū fortissimis, quos pridie in
rei euentum plerumq; ignaros coegerat, venatio-
nis specie longius profectus, venit ad arcem quam
in Leontino agro habebat eximiam. Hinc per lite-
ras Regi significat, nec se tuto inter tot inimicos ad
iudicium ire posse, nec debere inauditum damna-
ri. Non denique oportere subornatos in suam per-
niciem sicarios fidem habere. Interim factione
& viribus adoleuerat; ut quod nimiae lenitatis
consilium fuerat Regi, tunc necessarium esset, dis-
simulare facinus, & tanquam ad innocentem re-
scribere; Præcipue monente Cleobulo, ut si in-
iuriam fortiter exequi nollet, saltem non tam i-
gnosceretur, quam fidem accusationi non
habere. Ad hoc consilium fuit, ut captivus de in-
dex, morte in carcere oblata, tanquam casu oc-
cideret. Neque tamen Lycogenes quid meritis
ipse, aut Meleander quid ille ausus esset, oblitus
est. Alter ergo in alterius potestatem aut fidem re-
dire cauebant; & suspicionibus odia fouebantur,
bello quod deinde sequutum est propemodum
deteriora.

Interim Meleander damnata arcis fide quæ sica-
riorum furori patuerat, nouo consilio Syracusas
Argenidem adducit; non tam iratus Lycogeni,
quam Palladi gratus. Aduentabant quinque die-
rum solemnia, quibus ferias illius deæ nascentis so-
lemus residere. His ergo expectatis, Rex ad tem-
plum

plena progreditur, conuocatoque ad concionem populo, in hunc sensum loquutus est; Scire iam eos quicquid ipse de Palladis in se meritis dicere posset; Repetere tamen deam in mercedem auxilij, ut quam sæpiissime amet de ea re loqui. Tunc in se atque Argenidem insidias commemorat; sceleris tamen authores premens; Neq; in Lycogenem contumeliosa vox excidit. Palladem autem mortali specie, & Theocrines nomine tectam, adfuisse periclitanti. Ipsam genio manuq; diuinam, abstulisse successum euntibus in se telis; & prædones tanto numine oppressos periisse. Quid autem, ô ciues, erga deam pignus erit, nos præstiti auxilij memores esse, nisi quod pretiosissimum mihi seruauit Argenidem inquam meam, ego eius cultui mancipio? Hanc igitur consciis omnibus diis, in publica Siculorum concione, tanquam Pontifex Sacerdotem capio; Hanc sacris Palladis iubeo opera, solisq; præesse, donec Iunonis numine abducatur ad nuptias.

Postquam Rex dicere cessauit, Argenis excomposito ad patrem processit. Circa, Augures erant. Et Rex candidam vestem tenens, omnibus historiis distinctam quæ Palladis maiestatem populo exhibet, procubentis collo iniecit. Quod si, inquit, deæ esse nō potes, nisi è patria potestate exiueris. ego te hætenus imperio meo soluo. Solæ nuptiæ à Palladis religione te eximent. Sacra omnibus nundinis peragentē nostri ciues aspicient. Ad hæc Meleandri verba lachrymas, plausus, vota, popularis superstitio effudit. Redeuntes deinde in Regiam tota ciuitas comitata, mox per singulas domos temulento peruigilio nouitatem sacrorum sanciuit.

Y 2

Ac-

Accensus Radirobanes æmulatione sæuissima; interfatur; Dic autem, Selenissa; eousq; decipi patrem tulit Argenis? Non repugnauit infulas iniicienti? Non exonerauit Regis animum absurda pietate? Tulit denique se Palladis nomine initiari Poliarcho? Tunc anus; Equidem indignabar eo processisse fortunę ludibrium. Sed non impune studiis alumnae repugnassem; quæ professo apud me affectu Poliarcho iam fauebat. Ingratum præterea fuisset Meleandro, ab errore reuocari. Quantum enim hoc erat, habuisse in auxilio deam? Præterea gratam sacerdotio destinabat, non pietatis tantum officio, sed ut populus virginem proximam sceptro, videre assuesceret, & mirari. Ita volebat fauore frequentia esse securam, quæ in solitudine prope perierat. Nec sordida facta aut indigna sceptro erant, quibus manus admoliebatur. Vestis auro signisque conspicua; caput ornatum ut potius deæ quam antistitis crederes. Satis erat, innuere. Tu libare victimas, priusquam cæderentur. Thura inde Palladi dare, moxque fluentem populum ad ramusculum quem ipsa tenebat, in aurata sede excipere.

Inter hos dies Poliarchus, ut promiserat, militari ad Aulam cultu venit. Vnus ille cum ipso qui patruelem antea simulauerat. Tunc eum sorte & nomine mutato appellabat Gelanorum, habebatque pro liberto. Primum ad Eurymedem venit, statimque indole, & arcano inter præstantes viros genio, ei conciliatus est. Mox per illum admissus ad Regem, significauit à remotissima regione se venire, inter suæ fœlicitatis titulos numeraturum si in tanti Principis aula liceret ad virtutem erudiri. Rex

ri. Rex qui sæpe Theocrinem non viderat, iam sermone & vestibus alium, adeo ignoravit, ut tãquam incognito & tunc primum in Siciliam appulso loqueretur. Suspiciebat tamen vultus; & omnia in hospite spectabilia, viam ad futuræ familiaritatis magnitudinem faciebant.

Dies erat quo redeuntibus nundinis oportebat Argenidem ire ad templum, cum ambæ sciuimus Poliarchum esse in regia. Trepidabamus ergo: Illa quidē lætitiæ immodico sensu; ego autem horrore dubia, ne quid ipsa moribus suis, & monitis meis, indignum pararet. Sed rem in melius utriusque amantis virtus explicuit. Ignosce (Rex) si coram te Poliarchum breuiter laudo. Certe enim nec Argenidem oporteret à te amari, si impari aut degeneri amori patuisset; Nec deberes mihi multum, nisi te præferrem illi viro quē præter te vincere nemo potest. Nec quidem, hoc accepto nuncio, solemnum oblita Argenis, nō sacerdotij regium cultū quo cingebatur videbat, nō salutantium cœtum, non matronas virginesq; assuetas obsequio. Occupata in Poliarcho, nec commode loqui poterat, nec audire; donec ego in morbum despiciens, familiariter rogavi, ut se colligeret: Et illa non antea merita sic moneri, verecunde erubuit. Processimus ergo ad templum: iamque hostiæ tangebantur, cum in Argedinem intentā, rursus video eam diriguisse. Nec dubia fascinum esse, quo inuicem miseri amatores pereunt, circūspexi vnde hoc telum veniret. Haud procul Poliarchum aspicio. Sed vir erat, maiorque videbatur, nec facile Theocrinem agnoui; ut non mirum si Meleander falli potuerit. Adeo quicquid muliebre, quicquid timidum videram,

cum veste posuerat. Supercilium grauius fuit, vultus erecti, lumenque modesta, sed virili licentia vagum. Frontem quoq; & tempora negligentia decore comis asperferat. Inter hæc Theocrinē animo repetebam. An illa est? inquiebam. ea est, dii deæq; Tot lepores, tam habilis ad omnia animus: & hæ manus pensa trahebant? Ignoui itaque ad hoc spectaculum raptæ Argenidi: quam tamen reuocatura ad præsentis sacri officium (nam prope stupebat) simulavi fluere præter modū virginis pallam, eamque dum colligere videor; Memineris, domina, inquam, nec Poliarchum probaturum vt tibi hic desis. Euigilasse diceres ad hanc vocem. Concepit ergo preces quas præibat Pontifex, & Poliarcho, qui deæ nomine colebatur, libētissime habuit hos honores. At ille (ô quanto plus est suo quemq; quam alieno iudicio esse fœlicem?) quærebat supplicare facientibus sacra, inquieto animo in me sibi deique Argenidem respiciens.

Redimus ad regiam. Ne quære quid tunc ego, & Argenis, colloquutæ. Vnicus erat de Poliarcho sermo. Ad extremum; Quid, ô mater, peccabimus, ait Argenis, si meum, patrisque seruatores, sanctius chariusq; habebimus, quam qui illum ignorant? O si saltem colloqui huic liceret; vnaque sacerdotij mei vanitatem ridere! Faciam, inquam, (Domina) vt liceat. Mea opera sistet hunc tibi. Et hoc quidem spondebam prolixius, ne illa (nam sanitatis vix spes erat) morbum suum periculosa modestia à sensu meo eriperet; neve, si nihil indulgissem, aliis artibus plura pararet. Cum ab Argenide exirem, video in vestibulo Poliarchum cum puerq; filio spatiantem. Quippe ad me aditum suspi-

ciq;

cione carentem quærebat. Ego tanquam ad filium irem, etiam hospitem salutavi; strictimque admonui ut in eundem locum sub noctem se referret. Quid moror? Secreto ad Argenidem adductus, ea gratia & modestia fuit, ut hunc crederem rursus esse Theocrinem. Nihil illis colloquij (nam sæpiusculè redibat) cui non iuteressem. Nullum crimen, nulla in iuvene & amate temeritas; nisi quod semel in hanc sententiam ausus est loqui; Se Regibus ortum, neque in statu privato futurum diutius quam suus in Argenidem amor iussisset; Ab ea recipi in sponsi charitatem & fœdera optare. Ut prius in orcum recipiatur (inquit Radiobanes.)

O vesanam semiuiri temeritatem! Nō credebam, ait anus, super futurum virgini ad ista sermonem, & tanquam debitas mihi partes pro alumna parabam sufficere; cum ipsa, ne, ut in re improuisa, cunctis eodem multum, ausa sic loqui; Testes dij, quos omnes Poliarche propitios tibi credo, si te fratrem habuissem, nullas in rædas consensuram me fuisse, ne quis esset quem supra te amandum iura mihi ostenderent. Virtus tua, & libertas quam depulsis prædonibus dedisti, faciunt ne certiora fidei pignora possim exigere. Sint ergo cōscij dij, & tu quoq; Selenissa, me hætenus ad hæc pacta descendere, ut spondeam, nulli me, nisi Poliarcho, nupturam. Nec parentis in me imperio in totū detraho. Illo iubente nulli nubam; at alteri, nunquā. Expalluit Radiobanes; & fascinum profecto valuisse in virginem; veneficum Poliarchum fuisse: Addebat & alia, quæ recens indignatio in fœlicem æmulum inueniebat. At Selenissa; Ego, ait, tunc

confusa, ne tamen nihil profuturo iurgio me illis committerem, Dij, inquam, aspirent cogitationibus magnis. Audax tamen consilium, & celere initis. Et, si quid rogare vos possum; Quid interest, Poliarche, hæc potius agi secreto, quam professo ad Meleandrum voto? Si, vt ais, & arbitror, priuatæ sortis non es; cum iam beneficium dederis, cum ab Argenide ameris; nihil causæ cur affinitas Regi non placeat. Tum ille; Si ignoscis, Matrona; quod iuuenilis impetus me auidum videndi Argenidem à patria abstulit, sine comitatu, aut cæteris meæ fortunæ indicis; cætera facile excusabo. Ignotus, & propemodum solus, vereor vt meam causam, & opes, Regi probem. Sufficere autem vitæ non posset inter amoris mala, si in incerto votorum iuberet à patria accire meæ sortis & dignitatis insignia. Itaque me, ô virgo, ab interitu reuocasti, quem destinatum habebam, si te duram præbuiesses. Tu vero, matrona, desine hæc fœdera habere suspecta, Nam quæ modestia fuit amanti, durabit adhuc sponso. Satis est me amari, satis est spem esse securam. In hoc mihi votorum nunc summa est. Nec furtivæ nuptiæ mihi placent. Iam patientior omnis moræ, tempestivis consiliis ambiam Regem, donec in oculis Siciliæ mihi tua alumna ipso iubente nubat.

Ita tunc ille; & modestiam quam sermone prætulerat, moribus æquavit; summo pudore quem hospes attulerat, etiam post secretæ fidei pignora illibato. Viuebat in Aula. Seruos aliquot emit. Equi, quos amabat domitare, stabula impleuerant: vt esse opulentum cōstaret. genio præterea studiisque, & quoties licebat, experimento fortitudinis,

plu-

plurimorum animos tenebat; Per has artes nihil minus Regi charus quam nunc vides Archombrotum. Vnus tamen omnium conscius Gelanorus: Cæteri familiares, utique ex Siculis collecti, dominum ignorabant. Sæpe ergo ad Argenidis familiam nihil suspiciosa humanitate diuertebat; sæpe incautis omnibus, nunquam tamen nisi me duce, cum Argenide erat. Dixisses sororem cum germano sub me matre lufitare. Præcipua mihi eius imago est venientis ad sacra, quæ in suarum virtutum præmium immerita Pallas ferebat; Cum Antistita Argenis Palladem diceret, & Poliarchum cogitaret; & à numinis signo in eum tanquam temere obuersa, deflecteret preces; ille autem fabulæ non ignarus aut fingeret maiestatem, aut aliquo nutu pranti annueret. Hæc sæpissime inter nos cōscium risum ciebant, neque satis castigabam improbitatem per hos iocos errantium. Non tenuit Radirobanes nam; sed, Si, inquit, iusta Pallas fuisset, hanc mimicam deam, hanc diuinos honores vsurpantem, multo pluribus laqueis suspendisset, quam se ipsam Arachne verberata.

Sic loquentes turbauit ab Argenide seruus, qui dominæ verbis nunciauit Selenissæ, ut rediret, secumq; si videretur Radirobanem duceret. Vade, retulit illa, & dominæ nuncia nos confestim adfuturos. Cum seruus abiisset; Expectaris ab Argenide, inquit, ô Rex. Nescio quid eius consilium interuertit huc ad nos veniendi. Dum autem imus ad illam, patere breuiter quæ supersunt edisseri. Strictim ergo exposuit, dum Poliarchus in ea fœlicitate esset, ortum in Sicilia bellum, Lycogene, postquã satisfactione inualuit, acriter in Meleandrum

prouecto; strenuum consilio manuque Poliar-
chum, non minus ipso Rege exosum hostibus fuis-
se; quos etiam primo certamine ita vltus est, vt vi-
ctoriam Regi tribuerit. Addidit calamitatem il-
lius, violatis Lycogenis legatis, qui de pace acturi
veniebant. Et tunc quidem pulsum esse Sicilia; sed
in dies ab Argenide expectari. Ille est, ô Rex, (ne
immerito Archombrotû insimules) qui virginem
hactenus difficilem tibi fecit. Tum Radirobanes;
Putas vero, Matrôna, illo incolumi me fore secu-
rum? Quid si mutabitur Argenis? quid si repetet
prioris amicitiae sacramentum? Ipsum, quod iam (vt
ais) me amat, deserto Poliarcho, documento est me
quoque, nisi aliquod mihi consilium præoccupo,
deseri posse. Ne dubita (refert anus) vbi semel ma-
trê familias Argenidem habueris, nihil eam à fide
connubij deducet. Censeo itaque maturandos
hymenæos. Si vero Poliarchum inter hæc re-
contigerit, ego incautum, & omnia mihi creden-
tem qua iubebis in insidias deducam. Tollendus
enim erit. Nec arduum facinus, inermem solumq;
opprimere.

Radirobanes obstupuit ad mulieris scelus: Pro-
bato tamen consilio, in Argenidis porticum perue-
nit, in qua ipsa dimisso Poliarcho ambulabat vul-
tu seuerò; utique recenti dolore incitata. Obuiam
tamen Radirobani perrexit; iussitq; considerare; ipsa
in sella alia acquieuit. Is vero, spe quam anus fece-
rat tumens, sua vota, suum amorem virgini com-
mendauit; omniaque addidit quæ verus effectusq;
amandi impetus eadem habet. Argenis præter ex-
pectationem rigida; nihil ad eius mentem respon-
dit. Idque ille eo acerbius tulit, quo propius spem
ven-

venerat expugnatum virginis animum esse. Expalluit etiam Selenissa, cum suo promisso fraudatus Rex inspiceret in illam; verita quoque ne amor deceptus in apertæ indignationis verba mitteret insanientem.

Postquam ille porticu excessit, ausa est anus incusare Argenidem. Quid enim eius animum in contraria rursus egisset? aut cur sefellisset spem quam pridie ipsa fecerat? Cur non saltem ageret curam patriæ, cuius intererat Radirobanem non irasci? Sed puella, indignationis vix potens; Desine, inquit, in peius ominari. Diis curæ Sicilia erit; quorum numine perduelles, ut vidisti, nuper extincti sunt. Dubiis verbis, nec sat certum an in se directis, anus verberata contremuit. Hæ primæ flagitij furia erant insidentes moeritum pectus. Sed nouerat solis sceleribus sua scelera posse defendi. Trepida mater rerum suarum, anxie agitabat, quibus modis Radirobanem ad vim incenderet, traderetque ipsa Argenidem. Cui ne suspecta interim esset, paulatim simulauit à Radirobanis patrocinio abire: & interdum imitatione doloris querebatur abesse Poliarchum. At non dubia Argenis simulationem hanc esse, peius frontem ab animo diffidentem exosa est.

At Radirobanes vitia utcunque hætenus pressa eo effrenatius soluere cœpit, quo diutius vires dissimulatione collegerant. Nullum præmium par esse auxilio quo Meleandrum iuuerat arbitratus, ita agebat, tanquam hospitalibus armis, plus iusto Siciliam & Argenidem emisset. Itaque immodestius Regem super gnatae fœderibus adibat; grauiq; inceperat omnibus Siculis esse. Potentiorum præci-
pue

pue offensam immodesta ambitione contraxerat. At Meleandrum perplexæ cogitationes subiere, verentem ne is amor in iurgia delineret; fessusq; & imparatus senex noua ad bella reuocaretur. Filiam ergo vocat; petitq; quid tantum in Radirobano ei displiceat. Priuatorum est (inquit) eligere matrimonia ex amicitiae affectu, vel morum concordia. Nobis illa suauitas exuenda. Regum enim fortuna est, ut nunc indignos & exosos per sanctissima fœdera sibi coniungant; nunc omnium nexum iura, omnisque sanguinis charitatem, inhumana necessitas negligat. Charissimus esse solet, qui utilitate præcipua potentiam nostram alit; & affinitates pulcherri-
mæ censentur, quæcunq; regnum stabiliunt. Si plures genuissem, posset credere non me hic tui habere rationem, sed mei. Scio enim à Regibus sæpe filias aut sorores, spargi in eos quos fallere amicitiae specie volunt, vel ad tempus placare; nihilq; deinde sui sanguinis pignoribus, nihil nominum, quæ mutuo inierunt reuerentia motos, pacem & bella ex temporum & fortunæ æstimare ingenio. At tu mihi sola es; in te vnam affectum patris & Regis, natura & successio coniunxit. At ipsa tibi consule, aut me patiaris consulere. Hic Argenis; Est, Domine, quod rationem virgo reddat, si quem sibi optat in sponsam, non si cui dura esse instituit, siue ratio est, siue etiam pudor, cuius esset vel omnes auersari. Hunc autem Radirobanem forsitan possem non odisse, si me potius amaret quam crederet debitam sibi. Tam inconditam superbiam non fero. Tu ipse, optime pater, cætera cogita, quæ in homine non probas. His quoque adducta sum, ne hoc affine, te, & Siciliam, & me deniq; perditam velim. Ita
obsti-

obstinatam Rex dimisit, certus ipsi ut solebat indulgere.

Radirobanes, quamquam iratus Selenissæ, quia promissa non processerant, eam tamen optabat audire. Nam & solettem sciebat, & post secreta alumnae prodita suam esse. Cæterum vni ipse Virtigani expugnatam illius conscientiam detexerat; leuabatque furorem liberrimis apud eum questionibus, multisque in Meleandrum, interdumque Argenidem, minis. Timeo, mi Virtiganes, inquit, suspicionem fraudis, si toties cum Selenissæ agō. Tu in vices meas tuto successeris. Cū ibo ad Argenidem, facile ad animum peruenies, & hunc feres codicillū, quo queror destitutam spem, quam habere me iusserat, in Argenidis recidisse ludibrium. Scribo præterea ut omnia tibi credat, si quæ in rem tã arduam forsitan habet. Te enim mearum rerum arbitrum, te ut in cæteris rebus, sic in ista consilium præcipue habuisse. Suscepit negotio, ut primum Radirobanes Argenidē inuisit, Virtiganes clam Selenissæ in manus literas dedit; quas non nihil semota cum legisset, rediit ad Ligurem, haud ignara nisi procederent hæ nuptiæ, se utrimque perituram; Et, nuncia, inquit, Regi, nihil eorum deesse quæ promiseram. Sed lentum amatorem ista tempora non quærunt; Rex est; armatus est; habet classem; & ex raptu dii quoque sibi uxores inuenerunt. Violenta consilia amor excusat, & mariti sanctum nomen delet iniurias. Nec in alumnam crudelis sum. Cogi optat Argenis. Et hoc quidem ut fidē exoluat Poliarcho, cui promisit nunquam sponte consentire in alium. Seruat igitur istam frontis verborumque constantiam, ne iratos deos habeat, quorum numinibus

bus vocatis, Poliarcho se addixit. Sed me deinde iurgio premit. Nam cur, inquit, Radirobane amare sic memoras? aut si amat, quamdiu cessat? Accessit imperium Meleandri hanc austeritatem præscribentis. Nam ille cū Radirobane affinitatem non vult; & inuidiam repulsæ transfert in filiam. Ne erres. Tuo Regi nō diu licebit esse forti. Clam enim milites accersuntur; Et vbi Meleandro suæ vires placebunt, cum supercilio istum negliget, cui nunc affinitatem timide negat.

Multum miratus Virtiganes tantæ audaciæ verba, ad dominum, qui de more iratior à virgine abibat, rem defert. Et ille nouitatem consilij haud parum miratus, faciamus igitur, inquit, vt nulla sua culpa Argenis eiuret Poliarchum; & ei liceat nos amare. Ego per Iouem, quacunque hæc fide Selenissa tibi mandauerit, omnia diligentissima ratione curabo; nec à Meleandro sperni me patiar. Sed ne anus nos deserat, accusetq; conatus ad quos ipsa iam impellit; nesciat hanc mihi rationem placere; Ipsa quoq; si nostrarum est partium, se cum Argenide ex improviso capi lætabitur. Non audebat Virtiganes dissuadere; quamquā pericula videbat, & hospitij violati infamiam. Ita fraude & scelere Selenissæ, vis funesta Argenidi, & quod miserius erat, tanquam optanti apparabatur. Conducebat huic fraudi, habere facilem, nec suspiciosum Meleandrum. Rursus ergo cohibere Radirobanes animum cœpit; Illum sine satellitio ambiuit, sine armis iniit apud illum conuiuia; vt neque is dubitaret se eius fidei deinde concedere. Exercitum quoque in Sardiniam remisit, ne suspectus nimis viribus esset. Familia tamen, & Procerum quos habebat

bebat comitatus, corporisque custodia, plusquam sexcentorum hominum erant; præter triremium quinque (tot enim sibi seruauerat) remiges atque nautas, quos ex omni classe delegerat.

Satis hoc virium ad fraudem raptumque existi-
mans, diu secum exegit, quo securius modo præ-
dam hanc ageret. Multa voluenti talis potissi-
mum dolus sedit. Prætorium eius nauigium, cum
in Epeirætes portum succederet, pertinax guberna-
tor obnoxie in ignoto saxo alliserat. Ita quassatum
est latus, & quicquid sub prora scopulo ictum de-
dit. Fluctibus tamen ereptum est, contis, atque re-
migio, funibusque ab antecedentibus scaphis, &
proximo litoris aggere, perneciter actis. Ereptum
periculo, in ipso terræ confinio fundatur ancho-
ris, & deinde ingentium trabium velut ponte, in-
curuam craticulam imitante subnixum est. Sic v-
trimque effultum, in pristinum robur componebant
artifices. Neq; modo placebat sublapsa restitui; Sed
quæ plurimarum ædium urbiumque fortuna est,
præstantius volebant ex ruina resurgere. Nam-
que Corinthij, apud quos primæ triremes sunt con-
ditæ, rei nauticæ eximium vsum ad colonos pertu-
lerant. Et hinc Corcyra statim, hinc validæ mari-
timis copiis Syracusæ. Pulcherrimum erat Melean-
dro nauigium ad eam artem exactum; ex quo ex-
emplum capere suos artifices, Radiobanes iussit,
& triremem reparare propemodum à carina. Nec
Radiobanes tantum, sed & sæpe Meleander opus
visibat. Hunc ergo insidiis ordinem ille constituit.
Absolutam triremem dicauit Argenidi, illius sta-
tua ad proram defixa, & in puppis ambitu per va-
rios ornatus repetita imagine. Opportune in-
stabat



stabat natalis Argenidis, quæ & velle se prædicabat
renascēti nauigio esse natalem; In eam igitur diem
inuitavit ad litus cum gnata Meleandrum; quip-
pe locato in arena tentorio prandium vtriq; datu-
rus; quo in multum diei protracto, triremis deinde
nomini Argenidis sacra, inter tubas atque sympho-
niam, æquori permitteretur: moxque tenebris ex-
cipientibus lucem, medicati ex sulphure ignes, &
sub vridis victuri (nova tunc erat voluptas, atque
rara) ex eodem litore emicarent. Inter illud vero
spectaculum, Siculis improuisis, & vt extra pericu-
lum plerumque exermibus, statuerat vi correptam
cum patre Argenidem in proximas naues deferre:
Ac vt longa hilaritate; mentes omnium à cura &
suspicione auerteret; noctem quoq; quæ Argeni-
dis natalem præcedebat, regio tripudio, & prope-
modum mimo, celebrare instituit; Vndecim ex
primis suorum iuuenum electis, qui secum laruatī
saltarent: Placabat ea scena referre triumphū deorum
fabulam, pulso patre Saturno, naturæ hæreditatem
sorte ducentium; cum sydera Ioui cesserunt; hor-
ruere maria sub Neptuno; & tristitia ferox Pluto
ad populosiora regna dimissus est.

Hos splendoris regij ludos, à Radixobane parari
Meleander lætus accepit; illum vtiq; diem ho-
nore præcipuo culturus. Nam & quæ Syracusio-
rum, cæterarumq; urbium legati paulo ante petie-
rant, inter hanc pompam, tamquam in honorem
Argenidis, donare decreuerat: Ea vero maxime e-
rant; Ne redemptorib. porteriorum, aut vectigali-
um, liceret ab iis quicquam exigere; quos nō vitio
suo egenos, & colendæ terræ viles esse; magistra-
tus censuisset; Præterea, ne quis ex proletariis, aut
capite

capite census, imitari diuitum ocium posset, cessando, fastidiendo artificia, & vnum ferrum sic ad latus gestando, tanquam in pace militaret: Sed quos de suo non viuere posse constaret, vel sponte quod profiterentur eligerent, vel ad publica opera distribuerentur; Quippe illos ignaua tristisque superbia in pace marcentes, priuata scelera exequi, aut quo suam egestatem publicis malis pascant, operam vltro ad seditionem motusque ciuiles commodare. Illud quoque petiere. Ne imi quæstores exigendis à populo tributis præessent, & nec ipsi priuatorum limina circumirent, nec missis lictoribus pignora caperent, diuexarentque oppidanos. Ipsorum concuium esset hoc munus, qui ex suo corpore & eligerent per quos ea pecunia cogeretur humanius; Hanc singula oppida ad Prætorem suum ferrent; Inde vel Præfecto Prouinciæ numeraretur, vel, si Regi placeret, Syraculis inferretur ærario. Si quis enim priuatus de recdet, aut moretur, per suos hunc ciues, per assuetos magistratus, notosque lictores, præstare ad solutionem adigi, quam inhumano fastu quæstorum, qui cum exactoribus suis, breuem moram egenis interdum crudeliter vendunt, meliusque prædati nunquam eunt, quam cum in vexatissimis laribus, & in quibus vix tantum est quod tributo sufficiat, sibi quoque spolia illato terrore inueniunt. Misertus suorum Rex, Cleobulo curam dedit vt leges conciperet, quæ hæc à populo incommoda arcerent. Difficilius fuit, quod iidem legati petierant, malis occurrere quibus litium frequentia, iudicum moræ, & aduocatorum iniquitas agros vrbesque populauerant. Ibburrane & suapte magnitudine, & commédatione Argenidis Regi char-

rus, conuersari frequentius solebat in Regia. Hunc adierant Syracusii, recipiq; ambierant in tantę gratiæ clientelam. Ferret ipse ad Regem iustissima vota, precesq; Siculorum, eumq; iam sponte mitigatum, prolixius suo pondere ad populi commoda inclinaret. Præter cæteras virtutes, summa erat in Ibburrane facilitas, si quis opem, aut iustam suffragii commendationem petebat, vt eum diceres beneficium accipere quoties dabat. Is igitur & sæpe Syracusanos cõmendauerat Regi, & tunc maxime super his fori & iudiciorum malis, de quibus populus querebatur, ita locutus est. Ne putes leuia hæc esse. Rex, quibus leuari Sicilia exoptat: nescio an turbæ ciuiles quas modo sedauisti furiosius sæuierint, aut ne dubites quam ampla factiõne minetur hæc mala, non plures cum Lycogenē coierant. Isti, inquam, Aduocati, Patroni, scriptores, lictoresque (nam Iudices, quia eos constituis, vereor nominare) adeo numerum superant, vt pauciores sint agricolæ, pauciores qui in mercatura vertuntur, regnūve custodiunt. Vnde vero tanta illa gens viuit, nisi ex iniuria populi, ex clade & sanguine miserorum? Eo quidem maiori reipublicæ detrimento, quod si inter pauciores, sed spectati candoris, aduocationum munus esset, tot illa ingenia quæ noxia calliditate se corrumpunt, melioribus studiis ornarent patriam, disciplinas, & artes, aut proderent nouas, aut inuentas excolerent. Ita hæc pestis non modo malorum est rea quæ infert, sed bonorum præterea, quæ adimit. At excusabis multitudinem comitialium hominum (permittite sic vocari hos iurgiorum præceptores) ex litigantium numero, quibus omnia fora ægre sufficiunt. Per pauciores enim

enim agi tot causas, tot explicari negotia non posse. Imo vero, ex Iudicum & Patronorum numero, crescunt lites, aut subsident. Adde noua tribumalia, non deerunt quibus placeat recens equuleus; Quod si de veteribus adimes, ita cadet pars litium, ac de morbo decedat si de hodierna medicina subtraxeris. Forensis huius æstus causa est, quia Iudices (ne infrequentia causarum, lucello sublato, etiam despectam dignitatem faciat) in summo iure semper inueniunt quos submittant fascibus suis: Nec rabulæ defunt, & his quoq; deterius genus, homines quidam scientes formularum, omnisque ad litigandum articuli, qui vel alios inter se committant, vel ipsi reperta litigandi materia huius ludi ignaros exerceant. Ex tuis prouinciis vna fuit exers eorum qui se in litibus doctos iactitant. Quicquid oppida agebant, quicquid discordiæ inter ciues exarserat, rudis, sed beata æquitas, compescebat per arbitros. Ignari salutis, passi deinde sunt ex illis hominibus apud se vnum viuere. Illico ortæ causæ, contentiones validæ, & dissidia ætatem tulerunt. Adeo isti in foro exercitii sæpius lites excutunt, quam inueniunt aut placant.

Sed vtcunq; numerosi, & aliqua contagione vicina omnia turbantes, saltem si breui supplicio contenti mulctatos dimitterent. Nunc æterna sunt iurgia, vt si cum sumptibus sit molestiarum ratio, grauius putes sic vincere, quam confestim damnari. Illud est potissimum quod exigit tuam curam. Amputa has ambages, constitue spacium ultra quod nullis litibus fas sit senescere. Nam & modum & numerum prægressæ sunt artes ac nomina, quibus miserrimos clientes Patroni & Iudices frustrantur.

Z a tur.

tur. Articulatim & lente hos discerpunt qui semel perire potuerant. Sæpe itur ad Iudices, causa narratur, aliquot anni abeunt, necdum contestatio litis, ut vocant, audita est. Iudicibus hic non vacat, hic omisso quod litem facit negotio, hærent Patroni in causis minoribus, quæ nunc sponte, nunc eorum studio nascuntur è prima. Hæc præludia adornant, his proclamant inauditis iter ad verum Iudicibus esse non posse. Sic dubia ex dubiis seruntur. Sic immani dilatione pereunt litigâtes, magna, ô Rex, in infantes inopesque iniuria. Nam qui in diuitem inimicum pauper inciderit, tam longo & sumptuoso itinere conficitur, procumbitque denique lassus, nec recuperato iure inultus, æmulo minus suo quam huic prolixæ æquitati irascitur. Ne quære cur tamdiu Iudicibus placeat, & patronis, ad se delatos cruciari. Nempe ex mora & tempore, sua opera æstimatur. Sic Patronis, inquam, crescit, sic Iudicibus merces. Multa scripsisse, multa audisse (quamquam ea præstabat compendio fieri) acerrime vendunt, eo peiores quod quæ peccant, ipsi iustitiæ imputant. Præterea consuetudine videndi miseros, & deinde faciendi, exuunt humanitatis sensum, aut potius miserum esse non credunt, litigare. Ita duri ad questus, parum supplicibus mouentur, & ab iis tantum culti, saltem amant longiora in ipsos exercere imperia.

Cætera quæ quotidie peccant taceo. Nam hæc omnia questos esse oportuit qui emendandi fori tibi mentem dederunt. Præstat de remediis in eam cladem videre: quæ fortasse ab eiusmodi sanctione non incommode incipies; Ut sistantur Iudicibus illi ipsi qui inter se dissentiant, ne ab sola aduocatorum

torum fide respondeat. Ex eorum simplicitate, vel astu, sæpe integrius ad ingenium causæ disceptatores peruenient, quam callidæ eloquentiæ fūco. Vbi causam adhuc nudam inspexerint, duorum aut trium iudicum arbitrium erit, an ad sententiam sat liqueat. Neque iuristeneantur apicibus. Æqui bonique iudicium esto. Aliter exordiri nefas sit, siue in minoribus iudiciis, siue ad quæ prouocatur. Sin impeditius iurgium venit testesque, & inspectionem, & leges desiderat, tū ad quos patronos deferetur, ij Numini repetant sacramentum quo semel deuincti sunt, nullam se causam, quoad sciant, iniquam oraturos. Quos si hanc fidem fefellisse constiterit, aut clientem præuaricatione laxisse, præter infamiam genus supplicii excipiat, cuius timor apud paria ausuros plusquam omnes dii possint. Illud præterea vtilissima lege cauendum est, ne quid à clientibus Patroni accipiant, priusquam lis finem sortita sit. Qui vincetur, aut nihil, aut non multo amplius, quod & lege definies, patrono debet; Etiam inde ab litis principio accedet tantillæ solutionis fideiussor, ne operæ merces alia lite querenda sit. Is vero cui successerit, aduocationis diligentiam rependat tanto auro, quantum Iudices ipsi in laboris mercedem accipiunt. Sed sanctum sit, ne quis dum adhuc litigatur, intempestiuus muneribus peccet in legem. Cautela, si quis cliens dederit, cadat: accipienti patrono imperetur à foro exilium. Delatoriea sint præmia quæ vel domesticorum fidem sollicitent. Faxo patroni moras odeant, & contentiores ad metam, dum sibi sic studebunt, aliis profint.

Parum est, nisi præterea edices (sed hoc grauior,

Z

3

nec

nec ut solemus, terroris mox euanescentis imagine) ne vlla lis ultra sex menses apud Iudices hæreat: Nisi si testes extra prouinciã arcessendi sunt. Tunc enim vel tempus geminari non abnuam. Non ferent hanc vocem assueti lentissima propinare remedia, & indignatione plenissimi negabunt tot causarum aceruos semestri iurisdictione digeri posse. Ab ijs igitur quæram, an in annos cumulus litium crescat in foro; An vero de veteribus absoluant pene ad scaturientium numerum. Si crescunt; Quid ijs tandem fiet? quo satis ostio euoluemus tot annorum incrementa? Abijciendæ mehercule erunt, aut vno agmine non ex æquo finiendæ, sed fortibus. Sin pene ad nascentium numerum iam adultas emittunt, nihil magis exigimus; Conuenimus de numero; Satis inquam ut quot annus feret lites, tot audiatur iudicia. Sin obijcient religiosam difficultatẽ veri quærendi, quæ aliquot interdum annis indigeat, nihilo erit excusatio illa fœlicior. Nã implicatæ scilicet causæ sunt? Vos ipsi, vos, Iudices, eas implicuistis. Respicite in maiores. Celeriora quam præscribimus iudicia erant: Et tamen æquissimos fuisse non abnuas, cum ab illis conditas leges ut plurimum colamus. Labentibus seculis, specie æqui, in reorum auxilium inuenta sunt ea quibus denique simplicitas legum occubuit. frustrationes, rescripta, & quæ semel constitui poterant velut religioso ordine in varios dies dilata. Hæc vero quia Iudicibus & Patronis ad lucrum sunt, iam neglecto reorum commodo tam sancte obseruantur, quasi iudicijs ciues, non hæc illis inuenta sint. Ex istis recate, quod iusti temporis mensuram excesserit. Nam & lex mensium studium ac diligentiam nulla causa

causa effugiet; Et si exacto spatio adhuc delibera-
bitis, at tanti est à tribunali discedere. Nec scrupu-
lositas nimij iuris cunctationem iniiciat. Ex animi
vestri sententia, quod tūc liquebit decernite. Quā-
doquidem & sæpe post annos & lustra, haud mi-
nus turbide vel iniquè statuitis. Adeo non tempore
sed diligentia, veritas constat.

Meleander dicentis manum corripuit, & hilari
vultu; Quote, inquit, hic æstus, magne Antistes,
qui absentibus loquaris? Nisi me forte in Iudicū nu-
merum refers, aut sub aliena invidia me mones. Au-
dio enim & quibus res in Aula est, queri lenta il-
lic esse consilia; Excusavit Ibburranes dicendi fer-
uorem, cura publici commodi concitatum. Sed
fortasse Iudices (inquit) transferre in causarum Pa-
tronos invidiam volent. Siquidem illos esse, qui
cunctantur, nunc directa, nunc ex obliquo mora, &
animos Quæditorum diuersissima ambage impe-
diunt. Quasi vero qui aduocationis munere fun-
guntur, ita peccare nisi ex consensu Iudicum pos-
sint. Hi rem postulant differri. Isti annuunt. Vtro-
rum maius est vitium? Equidem censeo esse illo-
rum, qui cum possint hæc mala prohibere non fa-
ciunt. Neq; enim sic tergiversari, remq; differre, &
in superfluis morari auderet Patronus, qui nesciret
eiusmodi artem quotidianam esse, & assensu Iudi-
cum ratam. Neger Prætor inducias; Omnes litis ar-
ticulos intra sex mensium spatia includat, imparat-
os habeat pro conuictis, iam Causidici desinent
ab hac fraude, neq; iura clientium improba dila-
tione confici ferent.

Si hæc tamen omnia Iudicum animos nō moue-
bunt, si mihi reclamabunt, si fidem, & labores, &

disciplinam suā iactantes, hac paucorū mensū breuitate se ultra fas premi querentur, te misericordem esse nō vero. Iube quicquid negotii oneratis superfluet, diuidant in peritos. Sunt in causarū Patronis consultissimi multi; Ad hos litigantiū quos placebit reiciant. Seu per se, seu per alios iudicent, è re publica facturos, modo præter imperatū spatium clientes non pendeant. Videbis illico resectas illis vires. Non cōmittent vt luci & potestatis pars in alios emanet. Plura tunc negotia ingre, soli isti, modo tā delicate de laboribus fessi, sufficient; Præsertim si, vt oportet, hanc legē grādi multa sanciueris.

Sed quid, inquires, veteribus causis fiet, quæ in tribunalibus multos annos iam perennant: Certe enim his simul, & cæteris quæ in dies deferuntur, hic annus non sufficit. In hanc rem illi qui iudicia exercent etiam ingratis collegas accipiant, quot purgando foro saterunt. Non ultra sex menses potestas sit. Vacua deinde ab situ antiquo tribunalia, non plus anno vltionem noxiorum differant, quæstumve læsorum.

Æqua sentire Ibburranes videbarur. Quia tamen ægra corpora nimio medicamenti conatu percelli, exitiale interdū est; Rex tantæ salutis nouitatem distulit, donec possent vocari magistratus, & tanquā consentientibus leges dici. Nam nec illis oportebat reuerentiam ad populum perire, quod vtrique metuendum, si in tumultuaria sanctione magis pœnæ, & vindictæ, quam futuræ utilitatis species fuisset. Cætera igitur quæ populus petierat, representari cōfluentibus ad natalē Argenidis iussit, solam iudiciorum ordinationem promitti; Et cura concipiendi sanctiones data Cleobulo.

Iam

Iamque non ex ciuitatibus modo Oratores conuenerant, sed adeo omnis generis mortales implebant Epeiræten; ut Radirobanes cogitati sceleris curis incubans, interdum vereretur ne inter tot Siculos rapi Argenis non posset; interdum in confuso & incondito vulgo cogitaret Meleandri comitarum, ægrius ad opem coitutum. Non operæ interim, non pecuniæ parcebatur, quo institutam saltationem exornaret. Nam & sibi conciliare elegantię famam quærebat, & offensæ quam moliebatur atrocitatē eiusmodi apud populū fauore minuere. Pridie ergo natalis Argenidis destinata spectaculo aula fuit apud Meleandrum amplissima. Cœna mature exhibita, illuc ex Sardis Siculisque frequentes conueniunt. Non lictores, non armati, ad fores aditusque dispositi, latis submouebāt immodicos; ut in pompæ regiæ parte esset ipse tumultus, læsorūque, & repellentium clamor. Ipse Meleander ad fores processit, quando custodum & lictorum potestas non valebat, orauitque regio vultu, ne cōfusum spectaculum, seque offensum vellent. Archombrotus lateri proximus erat; cui abscedens mandauit, ut admissis qui spectare commode possent, cæteros sui reuerentia arceret. At ille Radirobani quaquā nocere pium existimans, turbare tripudij minimum aggressus est, quem is tantopere curabat; & tanquam populi impetum non ferēs, prodidit fores, subita multitudine obrutas, ut stipatis corporibus nec ipsi se caperent; Cumque excandesceret Meleander, tamen à calentibus non audiebatur, donec populum ipsa libertate mitigatum sui puduit: Maxime postquam indignatus Rex per portam solio proximam visus est sese proripere. At

Z

s

Eury-

Eurymedes atrociam ingererat paulatim stupentibus, Archombroto tacite sibi plaudente, quod ferretur Radiobanes eo tumultu adeo accensus, ut proiectis ornamentis iuberet diripi machinas, quæ pendeabant, choream demissuræ ab aëre.

Tandem Eurymedis opera liber à populo locus Meleandrum cum Argenide recepit, & in exordiū scenæ, quatuor Satyri aulæo digressi, cum breuiter & incondite saltassent, eiusmodi Epigramma, tanquam argumentum spectaculi, ad Regem atque Argenidem delatum, mox sparserunt in populo.

*Qua bene Saturno steterat Natura sub vno,
Spargitur in partes, exactaque robora luget
In plures heu! lapsa deos. Hinc Iuppiter instat,
Germano shinc ira tenet. Quæ pugna? quis ardor?
Sic fratres certare decet? Sic regna petuntur?
Ab potius reuocate senem, sceptrumque parenti
Reddite. Privatos melior concordia iunget.*

*Sed pacem Fortuna dabit. Venit illa, globoque
Fluctuat, alternans dubia vestigia mente.
Hac in sydeream mittit te Iuppiter aulam,
Et tibi carulea dat regna, Trident fer, vnda,
Plutoni tenebras, & opacum manibus orbem.
Hæ leges placuere deis. hoc fœdore mundus
Gaudet. en ut feruent letantum mista deorum
Agmina, & incertam fidibus rexere choream,
Dî Superi, Dî caruleo qui pisce per vndas
Pone natant, & quos nigris humus abdidit umbris.
Hos inter nulla cantarum ad gaudia rerum
Huc venire dea; Siue illa lucida seruant
Sydera, siue alios exercent litibus Orbes.
At vos Sicania paulum succedite Nympha,*

Atque

Atque exultantum choream miscete deorum.

Præcipue Siculis tu Virgo debita sceptris,

Iunge Ioui dextram, pedibusque ad carmina pulsas

Fac sciat esse aliquid melius Ioue. Præferat ille

Sicaniam cælo, teque ô Regina, Sorori.

Interim præludentibus tubis, flamma imitatione fulguris per effictarum nubium volumina ibat. Tum cæli effigies, quam summo tabulato admovent, cæpit moueri, sensimque delapsa est, & tria claustra aperuit, in quibus crystallinæ stellæ per suppositas faces micabant, aurumque & purpuram intēdebant suo fulgore. In trium cellarum media sedebat Iupiter, aliz Neptunum & Plutonium ferebant. Circa illos, tanquam ministrorum turba, multi Cupidines, quibus cincinni crines, breuisque persona: pendebat ab humero arcus, & dextra vibrante, duo diuersæ cuspidis & effectus tela gestabant. Hi cum dominis habili saltu in pavementum rapetibus stratum delati, percurrerunt aream saltatione leuissima. Iupiter interim dicente modulorum tenore ad fratres accedebat. Mox tanquam non conueniret disceptantibus, simul nutu saltuque idoneo ferebantur in diuersa. Cum hoc iterum, tertioque fecissent, subito dea Fortuna comparuit, globo insidens, quem etiam ad cantum mouebat. Et regnorum insignia, de quibus dii certabant, in succincta veste oculens, venire illos iussit. Illi fidebus pedes regentibus parebant. Manus ergo ad sortem demisere. Iuppiter in eo fortunæ sinu fulmen inuenit trifidum ex auro, tridentem Neptunus. Pluto ad cuspidem inferorum contabuit. Subita alia nubes, Ioui, tanquam Regi Superiorum, eminentissimos deorum cœlestium deuenxit,

uexit, Martem, Apollinem, Mercurium. Neq; mora, feruebat in medio disparibus fluctibus mare, quod de musco & conchis scopulum habebat; unde Proteus, Triton, & Glaucus, ad suum Neptunū defiluerē, cœtu interim musico ita tremulas & patulas voces adgubernante, vt ad murmur pelagi quadam imitatione descenderent. Vix Neptunus illos agnouerat, cum ab alia parte obscura amœnitas (nam referebat Elysios campos) Minoëm, Æacum, Rhadamanthum, nouæ luci attonitos dedit. Quorum admonitu opulentissimus Pluto, nō diutius sui imperij vires despexit. Vestis cœlestibus diis ex purpura, Maritimis cœrulea erat; & Inferos ferrugo venerabili horrore incinxerat. Suus præterea cuique ornatus. Radij circum Apollinem micabāt: Mars in purpura intexuerat belli imagines, & ferrum habebat in manu. Pileus, & alæ in talis, designabant Mercurium, caduceusque, & soporis potens virga. At Triton buccinam tortilem lateri suspenderat; Proteo duplex, & dissimilis vultus, arguebat mutationis ingenium; Glaucusque talem barbam promiserat, in quali eum efficax gramen prope Anthedonem deprehendit. Minos in puella numerabat centum vires. Vestem Æaci quercus implebat, atque formicæ, hæ iam vultibus humanis erectæ, aliæ nondum crura posuerant. Rhadamantus suæ Lyciæ Chimæram viuīs coloribus gerebat expressam, vtque probaret se monstribus & vitiis iratum, eam Bellerophon Pegaso à Minerva domito insidens debellabat.

In hoc quisque amictu conuenientibus modis saltauit, dij quidem cœlestes hilarius; Proceres maris paulo agrestius promouebantur, & descendente

tem

tem ab inguine piscem interdum colligebant, rursusque iubebant in solo palpitare ad numeros. At Vmbrarum Numinibus vestigia erant non abhorrentia à frontium rugis. Inter indignantium & iratorum seueras species tamen saltabant. Tam dispar diuersissimorum deorum disciplina, eodem musices concentu regebatur. Nunc secernebant agmina, nunc mixtura, & illa variante, implicabantur, Sæpe in Orbem flexi, sæpe aream recto cursu secantes. Nunc choream manibus nexam aspiceres, nunc solos, nunc in paria distinctos totius corporis festinante obsequio ad fidium præscriptum mutari. Tandem consumpto schemate omni, Radirobanes quem Iouis tegebat effigies, ad Argenidem venit. Illa sequuta inuitantem venusta maiestate se intulit in choream. Cum deinde præcipuæ Matronarum virginumq; saltauissent, duodecim dii nouo tripudio epilogum dedere. Post hæc abscedunt in diuersa. Ferebatur in cælum Iupiter, fluctibus Neptunus se abdedit; Pluto in campos retro non peruios, facibus viam monstrantibus, descendit. Simul his, tenuissimus imber tota aula conspergebat mirantes, odoratis vndique succis per nubium quæ illic pendebant vellera sensim manantibus.

Laudauere plerique ingeniū regię & sumptuosæ voluptatis, attollebant alij Radirobanis opes, alij comitatem; At ille aniditate flagitij quod parabat, quietis impatiens, male exacta nocte, sub auro-ram ad portum descendit, inspexitque triremem, cuius in altum prouehendæ specie, Regem atque Argenidem trahebat ad littus. Inde in eam arenæ partem diuertit, qua regium prandium ipso iubente parabatur. Ingentia tentoria iunxerant, defossis
stipi-

stipitibus vinculisque firmata, & nexili stramento opertum sabulum latebat. Addiderāt cultus agrestes, cæsis arborū ramis, & hедера per coronas, nomenque Argenidis, & varia hominum ferarumq; simulachra, induēte vtrumq; triclinij latus, supraque lectulum ex quo pransura virgo erat laureata tabula istos versus ferebat.

*O Dea, cui prima cecisset sydere forma,
Et Venus, & coniux non indignata Tonantis,
Quaque sua rami galeam vestuit oliua,
Has paulum dignare domos, hac frondea mitis
Sylvarum simulachra sibi. Sic Delia postquam
Egit inauratos fraterno lumine currus,
Mox nemorum secreta petit; Sic Marte peracto
Pallas, vbi emeritam castis vocat hostia mensis,
Dissimulat facilis numen dea, seque precanti
Addit, & arcanis cumulat conuiuia donis.*

*Nympha veni, glaucosque tui de littore ponti
Vre deos. Placidis medium te tollet ab vndis
Ceruleus genitor: Mox & suspiria lassus
Ducet, & ingentem poterit contemnere Tethym.*

Melæander illo mane, posteaquam diis fecit, delectos ciuitarum aduocans, quantum iis indulisset ostendit, figitq; in foro, & per oppida dimitti præcepit ea edicta quæ Cleobulus descripserat; Curam quoque de litibus, quæ confestim castigari non poterant, sibi præcipuam fore asseruit. Quibus subito euulgatis, populus & sua & diei læticia feruens, euntes ad Radirobanis tentoria principes ingentē acclamatione sequutus est. Radirobanes venientem Argenidem tanquam certissimam prædam aspiciens, aliaq; quam credebatur læticia exultans, longum prandij ordinem quæsitissima comitate

expli-

explicuit. Quatuor ad noctem horæ restabant, cum remotis epulis surgunt ad navis spectaculum. Tubæ passim ac tympana exaudiebantur in littore, & in trium malorum verticibus ex versicolore carbaso tæniæ pendebant, omnibus ventis commoda leuitate obnoxia. Tabulatum nautis & militibus plenum, ac si triumpho vel prælio subueheretur. Populum non capiebat arena, non scaphæ, diversissimo clamore frementem, quoties procedere opus turbæ monuerant.

Ex composito factum, ut tardissime navis portu emitteretur. Sed adhuc Radirobanes tenebat Meleandrum, expectatione ignium, quos nō procul à littore promittebat tribus in scaphis, totaque circum vnda. Recens inuentum, quia nondum emanuerat ad multos, trahebat sui novitate audientes. In hanc ergo spem ipse reducit in tentoriū suum Meleandrum atque Argenidem, & quid visuri sint pluribus docet, piscium in aquis species prompturas de faucibus flammam, quam demissa in aquam capita non obruerent. Obsessas hisce piscibus scaphas iri protectum ab igneis simulachris, quorum conti nunquam feruidius arderent quam sub vnda. Hæc narrantem interdum vicini facinoris cura trahebat, relictoque Meleandro, Virtiganem, & cæteros ex consciis monebat, ne aut segni aut præcipiti opera suam spem frustrarentur. Centum lampades erant, toto tentorio dispositæ ex quo Reges spectaturi confederant. Has simul signo dato extinguere conuenerat (nam ex paucissimis pendebant funalibus) & Argenidem atque Regem corripere, deferrique in scapham. Proceres Sardi ac milites, quamquam plerunque ignari consilij, sensim

sim acciti illic erant & secreto iussi obire quicquid Virtiganes mandauisset. Ille quamquam inuitus cum duobus consciis purpuratis creditum sibi scelus curabat.

Tam propinquo exitio pene fidem superat eripipotuisse Siciliam. Sed sæpe diuinitatis opera hæc sunt, vt furias in ipso iam successu securas subita ultio excipiat: ne vel vnquam improbis timor, vel spes absit calamitosæ virtuti. Forte Archombrotus, cum cæteri triremem in vndas euntem contemplerentur, hoc spectaculum non dignatus, haud procul spatiabatur in arena. Erat Sardorum linguæ nõ expers, quamquam in eum diem dissimulauerat. Miles quidam ex satellitibus Radirobanis, à Virtigane recens digressus, obuium contubernalem cū vidisset sine armis vagari in littore: An tibi soli, cō-milito, inquit, licet, sine lancea gladioque hodie conspici? Cumque ille negaret, se vllum de armis præceptum accepisse, ambo occurrentibus aliis misti nihil deinde loquuti sunt quod Archombrotus capere posset. Sed miratus, quid opus, hos Sardos in pace & inter conuiuia armari, tanquam obambulans speculatus est omnium habitum, nec quemquam in iis inuenit exermem. Hi præter gladium hastam, illi iacula habebant, multi pilis Italicis onerabantur. Paucis tamen, & tanquam ex Regiæ custodiæ statione, aut galea erat, aut clypeus, ne nimio apparatu proderentur insidiæ. Suspecta hæcerant & formidolosa Archombroto iam sponte à Sardis auerso. Nec sine numine fuit quod grauius quam pro tantillo indicio expauit. Nam hæc arma apud incuriosum aliquem, militaris consuetudo excusauisset. At ipse seu quia amabat Argenti-

dem,

dem, seu quod optabat Radirobanem peccasse; Hei mihi, inquit: An toties repudiatus amator vim parat? & Meleandrum auchere cogitant, scilicet Argenide non contenti? Nam cur tanto ambitu ad Iaris litus deducti sunt? Cur hinc noctem rogantur expectare? Subito horrore concussus, aptiora coniurationis indicia capturum se nō putavit, quā ex Virtiganis fratre. Morbo pene confectus dies iam complusculos iacebat. Nec verisimile erat, si quid Sardi moliebantur, hunc in oppido relictum, & in captiuitatem proditum esse. Sudans ergo Epeircten conscendit, cumque obiret Palatij partem destinatam hospitibus, commodum Radirobanis libertum aspexit, qui cubiculi regij custodiam habebat. Libachanes appellabatur. Hunc ergo dilcesurum, & clauibus ostium iungentem, subito consilio Archombrotus interpellat. Cupere se quiddā in illo cubiculo, si liberti vacaret, inspicere. Ille & Archombroti dignitatem reueritus, & quod de patroni scelere nihil sciebat, non dubitauit referre cubiculum. Meminerat Archombrotus, cum bis Meleandrum ad Radirobanē comitaretur, vidisse se non longe à puluino supra admotam mensam, pulcherrimi operis thecam, ex ebena variatam & ebore, vermiculati quoque argenti laminis, in articulis & oris cælatā. Illic preciosissima gemmarum audierat recondi, & quicquid litterarum tutiori secreto indigebat. Ergo, tanquam, aliud agens, contemplatur vacuum mensam, frustra que toto cubiculo oculis thecam vestigat. Quod ne facere videretur, facili commento libertum deludit. Gemina ad aulæum tabula pendeat, vtraque Radirobani eximia. In vna, Radirobanis patri aquila, tanquam

Aa

de

de syderibus labens, coronam imponebat. Alia Apollinis erat liquecentem iam Marfyam vlciscens. In iis, ac si venisset inspecturus, auide hæsit. Nā & relictæ illic erant, nec quicquam ex penu aut specie, præter thecam, cubiculum amiserat.

Igitur augurio animi, & suspicione crescente, Archombrotus Libachanem reliquit, & ad Virtiganem tendens, non habuit qui aperiret, ut satis ex solitudine constaret, ægrum ipsius fratrem abesse. Et hunc quidem, tanquam consulentibus medicis petere ex sali iactatione remedium, primo mane ad naues lectica detulerant. Timuit Archombrotus, ne religiose omnia explorantem nox & insidiæ præuerterent. Duos itaque Centuriones vocat ex iis qui in præsidio arcis erant (nam cæterorum sparsos milites quæ tam subito diligenti collegisset?) simulansque à Meleandro missum, Ite, inquit, ad milites vestros: confestimque, nec tumultuarie tamen, eos ad littus educite. Manipulatim dimissi conueniant prope tentorium Radirobanis. Ensis iis, & hasta suffecerint, ne si grauius armati conspiciantur, sermonibus materiam præbeant. Prior adero in arena, & obiter quicquid Rex iusserit, ad vos feram. Ite vero, & diligentem operam Regi præstare.

His ocyus ad iussa digressis, redibat ad littus Archombrotus, cum non procul tentorio Radirobanis in Eurymedem incidit, vultuque turbato, Quam vereor, ait, ne in Lycogenem alium nos fortuna retulerit. Tum strictim enumerat coniurationis indicia, in quæ inciderat, preciosissima abuecta ex priuato Radirobanis instrumento, Virtiganis fratrem, quamquam ægrum, abiisse, neminem Sardonum

dorum conspici sine armis. Neque Eurymedes eum omnia proloqui passus, gaudere se retulit, quod Archombrotus eadem secum sentiret. Iam-
iu se illa suspicione prehensum, perculsumque ad conspectum Sardorum, qui per cuneos non sine consilio circa tentorium erant. Post hæc vero quæ Archombrotus detulerat, nihil se dubitare de scelere. Quis iste Pirithous nobis? aut quis huic Theseus rapiendi nuptias fecit audaciam? Sed arte utendum est, ut se eripi patiatur Meleander ab hac peste. Adeo cauet Radiobanem offendere, ut vilis sit sibi. Vade prior, Archombrote. Cum illum moueris magnitudine periculi, adero strenue, indiciumque, & terrores geminabo. Milites interim qui proxima nocte excubaturi sunt, non hinc procul in procinctu constituam. Forte fuit ut cum Archombrotus peruenit ad Reges, Argenidi loqueretur Radiobanes, vacaretque Meleander; Ad quem ille demisse: Vultum, inquit, fingo, Rex, disparem rebus quas afferro: scilicet ne illi qui te circumstant parricidæ sentiant te moneri. Cæterum omnis hæc pompa, tibi, tanquam victimæ, ornata est; quem vna cum filia auferre, Radiobani constitutum intelligo. Eo consilio promissa spectacula trahit in serum, donec vespéra se tumultui furtoque aptauerit. Cum referret in eam rem argumenta, superuenit Eurymedes, adeoque compleuit formidine Regem, ut labantibus articulis incertus, illos rogaret, ad tam subitum malum quid consilium haberent. Constabat nihil aliud superesse, quam aut statim fugere nondum maturas insidias, aut se illic subsidio armatorum tueri. Sed omnino potior fuga erat. Neque enim tot subito milites co-

gi sine professione suspicionis poterant, ut magis incipere iniuriam timendo viderentur, quam repellere. Quid præterea in periculum mitteretur Meleander, quid Argenis? cum præsertim flagitij series atque modus adhuc lateret, & Sardi fortasse aliqua solertia nocturnum facinus ita ordinassent, ut non posset tumultuario certamine refelli. Placide, inquit Rex, & tanquam obambulans tentorio digrediar: Sequi Radirobanem hortabor, simulque Argenidem, quam tu in via, Eurymedes, mone, ut cum inter nostros fuerimus, acrem morbum subito fingat. Excusabilis erit discedentis occasio, & ægram tanquam sollicitus comitabor. Sub hæc verba in Radirobanem & Argenidem inspexit, & optimam vesperam perdimus, ait. Ire satius ad liberum cælum, & iam sole dimisso in tepefcentem. Sat deinde cum spectaculum mox edetur isthic cessabimus. Simul his, tentorij fores petebat, omnesque sequebantur. In hac turba Meleander Radirobani loqui cœpit, ut eo remoto facilius Eurymedes Virgini insinuaret quod ipse mandauerat. Et illa repentinis cogitationibus concussa, quamquam nemo aperuerat paterni consilij causam (nā dicentem Eurymedem turbavit adueniens Virtiganes) tamen haud multum à vero timidissima cogitatione errauit.

Interim Archombrotus, in quemque familiarium Regis offenderat, hortabatur non destituere dominum latus. Iamque & militum decuriæ ab ipso atque Eurymede accitæ, sparsim in campis erant, cum Argenis ex præscripto cadentem sponte vultum colligit manu, seque ad Selenissam excipiens, voce demissa, pessime mihi, inquit, est, mater. Sistitque


que illico gradum. Radirobanes subito casu cōter-
ritus, in remedia aquā, metum, odores, flagitatio-
ne non perfunctoria poposcit. Statim circa iacen-
tem crevit immodice concurrentium globus. Et
Meleander qui paulisper præcesserat, inter fictos
terrores regressus est. At Argenis; Ecquis lectica-
rios prouocat? ait. Nec de morbo rogata quicquā
certi referebat, nisi linquente corde, hebescere ocu-
los & caput errare. At Radirobanes nihil opus le-
ctica proclamabat, celerius hemicyclo in vicinum
posse tentorium referri. Sed causatur Meleander
commodius oppidum esse, seu medicinæ, seu quie-
ti, simul vrgebat qui ad lecticam decurrerent, simul
gratias Radirobani agebat, tanquam humanitate
nimia sese oneranti alienis doloribus. Isque iam nō
de Argenide tantum, sed de sui sceleris successu so-
licitus, negabat se passurum vt mille rotas passus
(tot enim ad Epeircten aberant) iactaretur virgo
inualida, & in hoc primo morbi impetu, nec fortas-
se duraturo, melius in proximo tentorio acquie-
tura.

Hæc adhuc omnia veluti mutuæ necessitudinis
charitate iactabantur, cum Vittiganes Radiroba-
nem clam monuit, non sic in illum diem sitam esse
consilij sui fortunam, vt redire non posset sperata
fœlicitas. Pateretur abire Argenidem, & ipse cum
ea peteret Epeircten, dilato promissorum ignium
spectaculo, donec conualuisset ipsa, paterque itera-
ta simplicitate rapiendam ad littus reduxisset. Cœ-
perat persuadere; Cum Radirobani medicus,
quem aliqui accersitum procurrerant, venit. Is pol-
lice virginis propemodū repugnantis tentato, no-
tatis præterea oculis, spirandi; mēsurā, mirari pri-

mum cœpit, moxque negare vllum sibi ægritudi-
 nis vestigium liquere. Ergo ad Meleandrum con-
 uersus, bona fide rogabat vt poneret metus: Leui-
 simum esse quodcunque Argenidem turbauerat.
 Sed Radirobanes atroci percussus coniectura, tun-
 denique sensit inualetudinem simulari in fuga præ-
 textum. Miratus quis suas deprehendisset insidias,
 quis ad Meleandrum detulisset, sensim ferebatur
 in rabiem, & ad moliendam vim ferociter inten-
 tus, quærebat oculis suos, dextramque ferebat ad
 capulum, cum Sardos pauciores quam Siculos cir-
 ca se videret; Vt neque si viribus esset agendum, satis
 posset victoriam sperare. Interim aderat & medicus
 Meleandri, qui ab Eurymede monitus quid debe-
 ret simulare, longe alia quam quæ Radirobani-
 feruus, de Argenidis valetudine dixit, grauem, &
 fonticum morbum esse: properarent deferre ad re-
 giam, quicquid morarentur, nocere Argenidi. Ita
 loquentem prior medicus iurgio adortus est, non
 passus suam artem contemni: Ecquod enim mali
 indicium videret? quid vultus? quid labellorum
 color? num sudor in frigida fronte? num à se dis-
 septiret arteria? Neque minus peruiaciter Siculo
 suas partes implebat: prorsus egregio de incertitu-
 dine medicinæ spectaculo, si tumultus, & rei quæ
 agebatur magnitudo, huic voluptati locum fe-
 cisset.

Dum hi collatis verbis certant, lecticarij subli-
 mem Argenidem tollunt: Et Radirobanes non re-
 dituram vltimo conatu prosequutus, non sibi tem-
 perauit. Iniecit lecticæ manum, & manere Argeni-
 dem iam plusquam precabatur. Iurgium quoque
 inter Sardos Siculosque processerat, ibatque Ar-
 chom-

Chombrotus, lecticam, sub Radirobane laboran-
tem vi explicaturus. Sed medium Meleander se
obtulit. Litet Sicilia illius diei fortunæ. Quantum
ræclari sanguinis fustum ibat seditio! Capax la-
es absorbere Siciliam, & quamquam absentem
consummare Poliarchum. Sed mitioribus fati mi-
nistravit Meleandri prudentia. Adhuc sibi tan-
quam hospiti loquentem violare erubuit Sardō-
rum Rex, & utcunque finito tumultu, digressaque
Argenide, ipse quoque Meleander lectica
sublimis, & agmine suorum vallatus
in oppidum se re-
cepit.





IOANNIS
BARCLAI
ARGENIS.

LIBER IV.

NEMO interim Sardorum audebat Radirobani loqui. Furebat violentus, & discorde tumultu raptum animum spargebat indiuerſa. Nunc pudore, nunc infœlicitate cœptorum agitabatur. Quam bene processissent initia! Vt diu posſeſſa cum Meleandro Argenis in tentorio hæſſet! Geniusne deinde, an mortalis prodidiſſet cōſilia? Subeundum ergo dedecus, nulla mercede, nullis ſceleris præmiis lenitum. Poſt aſſertam Siciliam, polluta victoriæ laude, non tantum vt hoſti, ſed prædoni abeundum. Sub hæc frendens, toto littore ferebatur, adeo inutili ad cœtera ſenſu, vt nec ruere noctem ſentiret. Auſus tandem Virtiganes accedere: Et quidem, quo ab inſano audiretur pacatius, primum eoſdem affectus ſimplauit. Cumque hac arte locum monendi ſibi aperuiſſet, iam nox eſt, inquit, & hîc tamen (ô Rex) moraris fortitudine tua nimis ſecurus. Circumſtant te multi;
Nec

Nec opus est omnes scire quo in statu sit animus tuus. Quo autem succedere nocte hac paras? Vocat in oppidum Meleander. Sed quis putet te secum cum illo reconciliare gratiam posse? Chariores tibi sumus, quam ut nos conficias tanti tui periculi metu. Classis tua te melius excipiet. Abominare hanc terram, tot curarum tibi causam. Vbi cum paucis secretus in prætoria naui eris, liberius irasceris, & quod in rem videbitur esse, constitues. Radirobanes tanquam Virtiganem non audisset vultu immoto, tamen ad præparatam scapham se contulit, siue magnitudine iræ, siue consilio vocem premeus, donec in regiam triremem delatus est.

Ast ubi cum Procerum non amplius tribus in prætorio puppi proximo resedit, euoluitque caliginem multa simul & confusa animo ingentem, primum Argenidis imaginem, quam gestabat gemmis inclusam, de collo dripuit: Nam odio & iracundiæ, cæteræ cupiditates iam cesserant; Deinde sublato ad Virtiganem vultu; Faciam, inquit, ut hic dies tristior Meleandro quam mihi illuxerit. Peius ab sua Argenide quam à me diuertet. Occupabo Furiarum officium: Seni quietem, & puellæ famam eripiam. Spectabo deinde ociosus hos ludos, fruarque hostium malis, aut si in rem meam commodum erit, bello quoque cumulabo. Ocius ceram stylumque porrigite. Neque mora, literas sua manu in hunc modum exorsus est. Radirobanes Meleandro. Nesciebam cum inimicos tuos sustuli, te amicis adeo esse indignum. Veniam ab Siculis exoro, quos ab tua secedentes tyrannide, armis meis domui, reddidiq; sæuitiæ tuæ. Cæterum si molestum tibi erat, quotidie me videre cuius manu &

Aa 5 opibus

opibus Rex es; at humanius dimitti poterā, quasi sub insidiatoris inuidia. Cui enim non constare voluisti, te grauius à me metuere, cum modo tua Argenis morbum finxit, teq; ipse ex tentorio meo turbatè proripuisti in oppidum? Ita offensionis speciem delere sperauisti quicquid mihi debebas. Sed nemini potes imponere. Cur te enim violari uoluerim, qui ne violareris vitam meam obtuli in discrimen? At filiae tuæ nuptias concupiui scilicet, & cum affinitatem non probares, hanc prædam statui occupare. Ne tibi amplius tantum placeas Argenide tua. Nescit regius Sardiniae sanguis ullum thalami probrum pati. Quo oculo cernerem super limina castissimæ domus attolli, non cæsto, non illa simplici vitta dignam, non cæteris virginitatis insignibus, denique nescio cuius Poliarchi contubernio assuetam? Quid te inexpectata vox ferit, & in pudendæ rei nuntio amittis spiritum? Ita est, Meleander. Nimis cautus in amicos, discere nunc quos timere debueris. Illa quam Palladem putasti Theocrine, tuæ domus contaminatrix fuit; Ac ut simplicius dicam, sub eo nomine Poliarchus tibi illufit. Argenide fraudem iuante, in Gynecæum pro virgine, mox in templis pro Pallade est admiffus. An integram existimes, quæ correpta amore adolescentis, celauit temeratorem arcis quam mulieribus sacraueras? quæ cum amatore diutius fuit? quæ denique patrem decepit? Omitte igitur suspicionem, mea sorte & animo indignam, quasi, his à me deprehensis, illius nuptias expetierim in qua nihil syncerum est. Mihi quidem cum ad vos appuli, adhuc ex hac lasciuiâ ignotam placuisse confiteor. Sed dii Sardiniam iuuerunt: quod cum pos-

ses hanc petenti pulchre conciliare neglexeris. Vbi autem de secreta turpitudine rescivi, adhuc fastidium meum simulatione amandi sic texi, ut contentus mihi cauere, merentem non læderem. Habe bi filiam tuam. Habe & regnum meo auxilio restitutum. Sed ne ingratitude usquequaque sit præmium, aut facilitatem meam traducas: nolo Sardiniaæ ærarium pœnas vestrorum furorum luere, iam hoc nimis, quod sanguinem multorum ex meis consumpsisti. Nam sileo meos labores, quos utriusque non vendo. At sumptuum partem redde, quibus totis te fungi oportebat. Eos enim ut viueres, regnaresque, feci in classe, militumque stipendiis. Trecentis talentis rem patiar estimari. Quanto plura pro te impenderim, ex publicis meorum Quæstorum rationibus facile scias. Sed tantillum hoc repone, nisi mauis extorqueri. Hospitium renunciare esset superfluum, cum prior id ipsum illatione iniuriæ feceris. Ex his tamen quæ detuli cognosces fidem meam. Te enim nisi coactus miserum esse nō volui, & quam diutissime passus sum ut Argenidem amares.

Hæc ut scripsit, cogitati sceleris industria superbus, vocat suorum fidißimos, ostenditq; epistolam in alienæ ægritudinis spe propemodum suæ oblitus. Horruere scilicet ad sceleris nouitatem; Sed crudelissimo seruitutis genere quod intra se abominabantur palam laudabant. Querebatur deinde quis litteras ad Meleandrum ferret. Nam intuta videbatur, & capitalis audacia. Sed Radirobanes in suos quoque sæuus; Nesciat præco, inquit, periculum suum. Ibit intrepidus, & meo auspicio securus. Quod si illum Meleander mulctabit, at mihi
tantj

tantierit hanc nouam querendi iurgandique materiam vili sanguine comparauisse. Igitur cum aliquandiu inter se contulissent, quidam miles, diu ante Virtigani inuisus, ad hoc destinatur officium, ipso Virtigane hominem commendante. Et ille maligno inimici suffragio beatus, ut credebat, infulisque præconis ornatus, primo mane ad portum exigua lintre deuectus est. Statim relatum est Meleandro, nuncium à Radirobane adesse. Ille animo æger, & de hospitis dissidio sollicitus, tunc forte suorum charissimos acciuerat. Præter mansuetudinem in illo pene ad vitium prolixam, beneficiû à Radirobane acceptum effecerat, ut illi paulo magis quam sibi faueret. Incertum est (inquit) utrum nocere voluerit, certum autem nos ab illo tanquã insidiatore refugisse. Conciliandus utcunque est; Et si cætera abessent, timenda certe fama. Nunquã videbitur iuste expulsus, quem necessariis temporibus tanquam deorum munus susceperamus. Post hæc verba altum silentium fuit. Nam plerisque iniucunda hæc erat Meleandri sollicitudo. Inter ceteros Archombrotus, atque Eurymedes, perstringi se rati, quia Regi authores fuerant, ut à Radirobane caueret, haud obscure audebant indignari. Adeo ut impetus iuuenilis in hæc verba Archombrotû abstulerit; Sentio, ô Rex, me simul & Radirobane non posse excusari. Si te ad iniustas inimicitias cõpuli, quid cunctaris noxæ me dedere? At si mea & Eurymedis sedulitate hodie es liber, noli incertitudine animi turbare fœlicissimum diem, & adhuc dubitare an malis Radirobane esse offensum, an captiuam Argenidem apud illum teneri. Hæc libertas Archombroti gratissima omnibus fuit, præsertim-

ferrimque Argenidi, quæ in lucro numerabat, siue iure siue iniuria, à Radirobane dissidere Siciliam. Ipse Rex suos metus excusavit Archombroto; Sententiam de populi voce esse sollicitum: Curandum ne imponere Radirobanes possit externis ignarisq; negotij. Mittam ad illum, qui me dolere significant quod ad classem potius quam ad me secesserit, orare ut in portum redeat, nec Siciliae tam vicinus, incertos fluctus malit. Simul largos commeatus iubebo ad illum lembis pluribus promoueri, distribuamque munera in amicos. Nemini deinde credat ingratus in hospitem quem per officia illa coluerim.

Minus displicuerat illa sententia. Iamq; Timonidem illic legitimum Rex dixerat, cum Radirobani præco aduentare nunciatus, varia expectatione omnium animos suspendit. Rex intromitti eum iussit, cumque ille literas traderet, ecquid hospes Radirobanes valeret aut faceret, blande, ut solebat, quæsiuit: Præco, veluti erat iussus, omnia intellecturum Meleandrum ex codicillis quos attulerat, refert, simulq; aliquantulum in latus secedit. Meleander nihil quietum suspicatus, ad proximum cubiculum pergit, ne præco legentis oculis motibusque curiosè immineret. Sequitur patrem Argenis, & purpuratorum præcipui. At ille postquam ceram explicuit, in omnibus verbis hærens, & contumelijs excitatus, tandem ad eam partem descendit ubi Argenidis & Poliarchi fama proscribebatur. Arsere illico vultus; Iterumque pallore mutati vno cum incertis manibus horrore tremuerunt. Refectis mox viribus, ira terribili, in quos tamen adhuc incertus, erigitur. Argenidem, Radirobane, Poliarche.

Poliarchum, offerebat noua rabies, & sub primum impetum nulla prudentia consiliove tractabilis.

Nemo audebat interrogare tam acriter æstuantem. Sed ipse quantum licuit semotis perturbationis indicis, ad proximum conclaue se proripit, vnaque venire iubet Argenidem, cui non aliud loquutus quam vt has literas legeret, consedit in lectulo, & illius vultibus intentus, suspiranti, frementique medius hæsit. Argenis lectione contrerita, non quidem tanquam ad iustam accusationem expauit, sed iniuriæ impatiens flagrantibus oculis totaque oris specie, proclamauit ad vindictam. Urgebat tamen attonitam maximus dolor, suam cum Poliarcho familiaritatem innotuisse: Et quod tamdiu eam amicitiam occultam habuisset, verebatur ne accusationi esset iustior species, & patre difficiliore vteretur. Statimque perpendens quomodo fides tam religioso secreto periisset, occurrit Selenissæ cum Sardinia Rege commercium. Sed diu deliberare aut tacere, non licebat. Itaque prouoluta ad genua patris, interclusamque anhelitu vocem non sine artificio laxans; Ne expectes, Domine, vt crimen obiectum anxie diluam. Non enim dabo contumeliosissimo hosti hoc gaudium, vt credam pudicitiaæ meæ aliam rationem esse reddendam, quam quod hætenus tibi optimo & solertissimo parenti placui. Vnum habeo excusandum, quod Poliarcho per salutem quam tibi mihiue attulerat oranti ne scires quantum pro tua incolumitate præstitisset, fortasse fidelior quam voluisses fui. Nunc quoniam alieno indicio factum est vt hominem possim laudare; Ille est, Domine, quem Theocrinem vocabamus. Mei videndi cupi-

cupidus, hanc simulationem sexus iniit, quo in ar-
cem reciperetur. Sed tantæ licentiæ consilium e-
mendauit modestia. Nam sic potius mihi quam
Radirobani credas, vt virum esse nesciuimus, pri-
usquam te atque me à nocturnis prædonibus vin-
dicaret, ea fortitudine quæ apud te diuinitatis fi-
dem inuenit. Tunc vero ex arce abiturus, mihi at-
que Selenissæ quis esset ea lege aperuit vt illius au-
daciam & virtutem apud te taceremus. Regressus
deinde ad regiam, quantum cæteris præstiterit, tua
in illum charitate probatum est. Quod si reprehen-
dis silentium meum, cogita non potuisse merce-
dem breuiorem concedi, quam vt paterer eum iu-
stis apud te honoribus carere. Sin autem subuere-
ris altiora, quia virgo illius consilia tegere susti-
nui, prouoco ad inimicissimum mihi caput. Sele-
nissam intelligo, quæ sola tanti arcani conscia, rem
omnem Radirobani palam fecit. Nisi scelestissima
esset, fureretque perfidiæ infania, & odio mei, non
polluisset silentii fidem, nec quod te ipsum cela-
bat detulisset ad exteros: Testem hanc tamen
non verebitur appellare innocentia mea. Si merui
odium tuum, & propitiam famam arcaña turpitu-
dine fefelli, ego te & pudicitiam manu mea vin-
dicabo, reddamque sanguinem indignum qui à te
prouenerit.

Inter hæc patris genua amplexa, nunc dexte-
ram osculabatur, nunc ea arte in senem respiciebat,
vt iam facillimi patris iudicio innocens esset. Illum
tamen plurima turbabant: Necessariæ in Radiro-
banem inimicitia, de accusata Argenide vulgi su-
spicio, & quod utcunque casta esset, tamē credibile
erat Poliarchum fecisse, ne ipsi Radirobanes place-
ret.

ret. Virgente deinde filia vt Seleniffa accerferetur, ipse per miniftrum qui fores feruabat, imperauit anum vocari: Nemo Procerum sciebat quæ res tam secreta ageretur: nisi quod maximum esse credebant, quo filiam vnâ Rex communicaret. Varia itaque coniiciebant expectabantque solliciti. Seleniffa nihil minus quam quod aderat animo fingens, intrat Regis cubiculum, in quo ipsa solitudo, vultus quoque Meleandri, & vis genii mala plerumque instantia occulto horrore insinuantis, nec cogitantem turbauit. Statimque ad illam, insolita acie Argenis accensa, seu permittente patre, seu moram non ferente iracundia; Per ego te Radirobanem, Mater, oro: (nam quid tibi magis dulce aut verendum obiiciam!) vt hic coram tuo meoque Rege dicas, quid commercij virgine indigni, mihi cum Poliarcho extiterit. Nec vices tuas cura, quod hactenus quicquid est tacuisti: Ego salutem tuam pacta sum, modo iam libere indicium profitearis. Cohorruit anus, tenebrisque lucem miscens, tamen vt solertissima erat animum subito reuocauit: vt hic motus potius videretur innocentiae esse suspensiones abominantis, quam deprehensi sceleris notæ. Et quem prius alloquatur? inquit, cum apud utrumque peritidiam insimuler? aut quæ hæc tam confusa accusatio est? Nec Radirobanis mecum fœdera scio; Nec Poliarchi tecum, ô Domina. Quod autem sacrilegium, vt putes vlla suspitione posse virtutem tuam pulsari? Immo, refert Argenis, omitte hanc frontem. En Radirobanis ad Regem codicillos, quibus te arguit de Poliarcho in Theocrinem Pallademque mutato, omnia effutiisse. Et ne nescias, nihil est horum quod non patri confessa sim. Sed & probris

probris innocentiam meam aggressus est. Nescio ante authorem. Ad hoc vnū vocata es. Dic libere, ita te dii ament, dic priusquam per tormēta verū quę-
tatur, an maculaui familię meę decus?

Non indelectatus Meleāder hac ferocitate Arge-
idis, quę vtiq; in se dicturā non extimulasset nisi
innocētię fisa; Nolo, ait, turbate hęc exigi. Sed nec
ferā, Selenissa, nisi maiori fide quę de Poliarcho no-
strexponas, quā antea siluisti. Victa anus conscien-
tię labe, accidensq; ad pedes Meleandri; Summa,
inquit, eorū est quę dicere possum (Rex) nihil mea
alumna sanctius & integrius esse, nihilq; perfidio-
sius Rege Sardinia. Si pateris me ad cubiculū redi-
re, facile te absoluiam certissimis signis, & quibus-
dam maxime litteris, quarum fides efficiet ne am-
plius tuam mentem eiusmodi suspiciones solici-
tent. Nec deinde miraberis cur ante te Radiroba-
nes ista rescuerit. Brevis est morā: Dum hic inutili-
ter iurgamur, redire iam potui. Tanta pollicitatio-
ne suspensus Rex, propere ergo imperat ire, nec se
in eo negotio ludificari: omnia tamen sic agere, ne
hęc lites ad vllum Procerum emanent. Neq; prohi-
bebat Argenis, verita ne moram iniicere videretur,
aliqua in se certius prælaturæ.

Sed anus vbi primum ex vtriusq; oculis euasit,
inassuetę celeritatis vestigijs ad conclaue se rece-
pit; Adductoq; ostiolo; Nunc iterum me iuris-
sum, inquit, nunc in me decernere ipsa possum, nec
ab alijs expectare quod merni. O infelicissima
mulier! Ergo tam diu vixi, ne innocens morerer?
Quod autem mihi fatum mentem eripuit, vt non
cogitarem prodicionis mercedem nunquam esse
securam? vt à moribus meis abirem? vt leuissimo

iuueni fiderem, & per plurima vitia mihi suspecto? Huius promissis, huius donis, ego tot annis, tot rebus exercita, manus dedi, fidemq; , & charissime alumnae beneuolentiã? Sero hæc reputas. Selenissa. Virtus fuisset animũ à scelere cohibere; Nunc quia fœliciter non peccasti, latronum est pœnitentia illa qua eiulas. Ergo me perdere Radirobanes inuidiosissima delatione sustinuit: qui in me quo offenderetur non habuit, nisi quod vt cæterarum rerum, ita nimia beneuolentiæ fastidium est! Proh nefas! quẽ audebo contueri? ad quem confugere? aut quis me deniq; feret de prodicione querentem, cuius exemplum feci? Nec propero me à lucis conspectu liberare? Nec saltem primis virtutibus dignum exitum quærens, medium scelus excuso? Quid expectem vltcrius? Odit me Argenis, perfidiam excusare non possum, forsitan & Rex prætextu alio explebit animũ, merito meo, & filiaë questibus acrem. Necdum, vt intelligere potui, palam est quod maxime deliqui, Radirobanes meis consiliis ad raptũ incitatus. Hoc vbi emanauerit (quid iam enim existinem fore secretum?) quæ mora, quive dii, ex dominorum meorum mentibus exturbent tantæ culpæ memoriã? Vt hos mitissimos faciam, at iubebunt abire à conspectu. Recedam inuisa omnibus, iratam Principem timens, nec sola, nec publice tuta. Vigilabo in atrox supplicium, ex meo scelere singulorum cogitationes de me æstimans. Adhuc peiori infamia digna es, Selenissa, nisi illam mortẽ anteuenis.

Rapit ad hæc verba tabellas, in quibus non satis constantibus litteris hæc exarat. Meleandro & Argenidi Optimis Principibus. Si esset aliquid ultra
mor-

mortem, id mihi in supplicium poposcissem. Nunc accipite sanguinem, non adeo suo crimine maculatum, ut non possit diis libari : Neque ex supplicii atrocitate quod in me constituo facinus meum potius quam pœnitentiam æstimate. Hanc illo maiorem credetis vos ipsi quos læsi. Siue enim urgentibus fatis, siue beneficio aliquo attonitam, temeravisse me fateor secretum hoc ingens, de fraude & virtute Poliarchi. In tuam autem famam (charissima alumna) si addidi quidquam, aut addere potui, opto ego deos manes mihi tam se- uos quam infida vobis fui. Credite morienti, & vitæ diutissime probatæ vnam hanc noxiam, aut si nimis est, huic ferro quod vos vlciscitur date. Præligatam deinde epistolam vni seruorum tradens; Vade, inquit, & Attriensi intimas Regis fores seruanti meo nomine impetra ut hos statim codicillos ferat ad dominum. Iussit Rex, eos ad se properanter transmitterem.

Dimisso nuncio, iam furiosius morti intenta, simul properabat, & hærebat, nunc insanos fremitus ausa, nunc mollioribus suspiriis lacescens constantiam suam. Excipiebat forte omnia verba quædam ancilla, è proxima cella cui ab eo cubiculo aditus erat. Hanc neque viderat Selenissa, & verecundia quod secretis dominæ interuenisset, non sinebat vel loqui vel abire. Nam neque credebat desperationis plenissimas voces furiosum exitum habituras, expectabatque donec domina exeunte & ipsa se secreto proriperet. At Selenissa haud dubia omnem destinatæ mortis laudem in præcipitatione esse, & affore statim à Rege qui conantem præ- perent, aperit cistulâ in qua brevis gladius iacebat,

quem olim filio primum pueritiam ingresso dede-
rat pater, & ipsa deinde seruauerat, die filii nuptiali
Iunoni Lucinæ cum crepundiis sacrandum. Itatu-
lerat fatum, vt paucos ante dies, detergendæ rubi-
gini esset in acumen renouatus. Nec aliud ferrum
in muliebri cubiculo erat pectori aperiendo com-
modius. Illum vero vt sustulit, simul coniugis quæ
amiserat, filiique quem ignarum destituebat me-
mor, tot res tamque diuersas vno mentis obtutu
aspiciens, funebri capulo osculum dedit, illique lo-
quuta aliquandiu opperientem mortem frustrata
est; Donec ancilla quæ timere cœperat ne hæc vera
tragœdia esset, extorquendo ferro erupit, simulque
exsonuere accurrentium ex Regis præcepto velti-
gia. Tunc annus prohibentium feruore incitata, &
manibus adhuc liberis vsa, mucrotem tam altè vi-
sceribus impressit, vt labantes subito vires solue-
rent dextram, & pectore in humum porrecto ipse
capulus non multum emineret ex vulnere. Excla-
mauit ancilla, & amplexa morientem sæuissimo v-
lulatu perterrituit iam sponte confusos. Quippe de-
iectis foribus intrauerant Archombrotus, & Eury-
medes, multique eos sequuti, vrgente Meleandro,
vbi primum ferales literas accepit, vt properarent
ad miseram, cogerentque non perire. Eurymedes
vtrunque dimota ancilla amplexus iam rigentibus
luminibus toruam; Quod hoc nefas ô Matrona?
Cur te tuosq; perditum vadis? Nihil illa, nisi quod
flexa ceruice supremos oculos versans, sanguinem
& animam efflauit.

Omibus silentium ingens, fremitus rursus, &
dimanante mox fama, atrocitas rei multos Procerū
ad spectaculum coegit. Mox de obscura facinoris
causa

causa variae, & interdum periculosa coniectura. Rex quidem caede audita vehementer exhorruit. At Argenidem nulla signa vel misericordiae vel odij mutauerunt. Seu credidit de Selenissa satis supplicij nondum habere, seu potius excandescens animus mirabatur magnitudine poenitentiae se placari, & in confinio utriusq; affectus stupebat. Rursum tamen intuebatur quicquid sibi in morte Selenissa nocuerat. Quid Sicilia? quid cum suis Radirobane loqueretur? Illam anum tam insigni de se vindicta multo magis quam ipso proditionis crimine euulgasse hoc de Theocrine secretum. Praeterea quando eo loci res erat, Regem ab Selenissa auditurum sperauerat, pactum cum Poliarcho coniugium, quod quidem arcanum nec ipsa sustinebat dicere patri, & strenue cogitabat defendere. Caeterum prohiberi multitudinem Rex iussit. Sepultumque deinde cadaver est nulla pompa, & postquam caedis causa publice est comperta, nescio quis Poeta hoc illi epitaphium fecit.

Busta vides, seu iq, hospes, monimenta doloris.

Bis moritur, quae se est iudice digna mori.

Non effare tamen seu verba grauantia manes,

Seu placida faciunt quae leue pondus humo.

Huic tumulo pacemq, nefas, stimulosq, precari.

Dic tantum; Vt merita es, sit precor Umbra tibi.

Nempe Selenissa est. Dubium furiosa magisne

Laerit, an lasam sit magis vltima fidem.

Meleander tot recentibus obrutus curis, & quid Radirobane, quid praecone, quid literis faciendum, adhuc incertus, vocat suorum praecipuos; His ostendit res suas in anxio sitas esse. quippe suam dignitatem a Radirobane incitari contumeliis, qui praeterea ta-

lenta trēcenta in prāstiti auxilii stipendium nō tam petat quam imperet. Armis se exequi debere iniurias, nisi & suas vires domesticis furis Sicilia exhausisset, & benefactis Radirobanis donari deberet saltem locus ad pēnitentiam. Furere enim sui inmemorem, & hesternas suspiciones imprudenti ira firmare. Hæc cum fuse exponeret, sedulo tamen cauebat indicare laceffitam ab hoste famam Argenidis. Non quod omnia nesciret emanaturæ. Sed & pudorem præsēntis filiæ reuercebatur, & silentio suo omnes monebat, ne quis deinde tam inuisæ accusationis mentione illum vexaret. Neta-
men ignorarent super quanta re consulerentur, aciebat Selenissam improba fide ausam quædam arcana ad Regem pertinentia Radirobani credere, quæ per se innoxia, ille flagitiosissima interpretatione corruerat. Allatis ab eo codicillis, se vltimis probris differri; Selenissam, si ad Radirobane spectes, fuisse innocentē, quæ tamen sola morte quod peccauerat expiari posse crediderit. Omnes certatim censuere, vt pro publico Siciliæ hoste Radirobane haberet. Quicquid auxilio iuuerat, non beneuolentia aliqua factum, sed tanquam ad insidias consedis-
se prædonem in insula, & voluisse Lycogenem tolli, vt quæcunque ille cogitauerat ipse efficeret. De præcone perplexior quæstio fuit, his cruci suffigendum decernentibus, aliis per diuersa supplicia truncum ad Radirobane remittendum. Vicit tamen Cleobuli sententia, declinandam violati præconis inuidiam, quem fortasse interfici magno emeret hostis. Superbissimum Regem plus despectu quam eiusmodi ultione iri offensum. Quod postquam Rex probauit, Eurymedes voca-
tum

rum ad se præconem (nam cum ad Meleandri conspectum reduci non placuit) ita ex præscripto affatus est. Si ab Rege sui compote venisses tam protervæ epistolæ lator, totum hunc diem homo non esses. Nunc ignoscimus amentiae Radiobanis, cui Regis verbis dices, furioso responderi non posse. E re quoque sua facturum, si Regibus scribere expectet donec insanire desierit.

Postquam præco discessit, statim præsidium militum ingens Arsidæ datum est, quod ad portum consideret. Timonides classiarios coegit in naues, ut si Radiobanes ultra verba furere vellet, iusta acie exciperetur. Nec in Regia tantum, sed passim in oppido, tanquam redintegrato bello, quies excussa est. Iamque Radiobanes timere inceperat, non modo ne inuerecundiam suarum literarum præco capite luisset, sed ne in suam quoque classem armaretur Sicilia; Intepuerat ira, occurrebantque belli incommoda, quæ nimius antea ardor suppresserat. Totius Siciliæ viribus impar sibi exercitus. Littus tenebatur præsidiis. deerant in mari comæatus. Si tamen laceſſebatur erat indecora cunctatio, maximè cum prior prouocauisset. Dum hæc agit, respicitque ad littus, videt scaphâ à portu recedere. Ea erat quæ præconem reuehebat. Is adhuc plenus metu, quæ ab Eurymede acceperat refert, multum quoque exaggerata violentia loquentis, & tumultu regiæ, cuius causam nesciebat. Cum n. occubisset Selenissa, murmurque & strepitus ingens esset, Cleobulus præconi custodes apposuit, ne qua rescire hunc casum, & interrogare obuios posset. Radiobanes tot rerum sollicitudine grauis, prius abire constituit quam decernere cogeretur, aut fu-

gore. Nam quid immaturis conatibus in se verius quam in hostem sequeretur? lam plus iusto indultū precipiti iracundiæ. Reducendū potius ad Calaris litus exercitum, (ea ciuitas iam tum Sardinia princeps erat) viribusq; refectis, mox subita classe rependendam Siciliam. Sed neque confestim visum abscedere. Nam & maritimas copias sciebat, quas in portu habebat Meleander, modicas esse, & tempore opus priusquam Lilybæo & Panormo maior in eum classis posset acciri. Reliquum ergo diem in statione perseuerat. Sub vesperam, cum se benignius ventus intenderet, anchoras tolli iubet, prorasque in Sardiniam suam verti. Ac ne timida videretur aut furtiua discessio, præcepit iustos nauatarum clamores geminari, siue eruendis gemerent anchoris, siue mutæ exhortationis officio cætera armamenta componerent. Militum quoque voces patriam appellantium adhuc absentem, aut pelagi deos orantium, ferebantur ad littora. Meleander pugnam instare existimans, iussit accingi classarios suos, portumque & proxima littora propugnatoribus compleri. Nam prouehi ad certamen suas naues extra portum vetuerat, vt illæ terrestribus copiis, quibus abundabat, regerentur, & gemino exercitu Sardi perirent. Noctis tamen vicinia perturbationem metumque adauxerat. Sed hostes propitiis ventis in altum ablati, primum audiri, & deinde videri desierunt. Nam & nebula primam noctem densauerant. Ne tamen is discessus fingeretur, mox redituris in incautos remigibus, plerique non militum modo, sed procerum, circa portum excubauere. In iis Nicopompus, cum nocte concubiarum rarior fremitus esset, silentio vigiliaq; usus

est. &

est, & iuuantibus tenebris liberos animi motus ad
carmen, ita Sardos tempestatibus deuouit.

Ite truces. cuncti rapiant caua lintea venti.

Ite rates. Sic aura fidem, sic aquora praestent,

Vt vestri meruere duces. Simul ibit Enyo,

Stridebitque comis, facibusque in concita missis

Nubila, Tartareum deducet in aquora fulmen.

Ite rates. Mediis vltor deus assidet vndis,

Vix equum mitisque bonis. Sunt vndique venti,

Sunt cautes. rapidis feruent nostra equora monstris.

Inde repercussas terret latratibus vndas

Scylla minax, hinc torua riget, fremituque Charybdis

Gaudet inexhaustas aptare in pabula fauces.

O illuc vos turbo vebat, vel dira reuulsam

Tempestas medio vobis ferat equore rupem!

Qualis erat dubiis nondum Latonia Delos

Fluctibus, aut quales nigri super ostia ponti

Cyaneas arcto nauta timuere profundo.

O sceptris indigne tuis, & sydere lauo

Edite Sardois infelix rector habenis,

Cerne agedum quam parua tuam discrimina vitam

A cupidis prohibent vndis. Non arma f. rocem,

Non vis vlla iuuat. Timidos fortesque seuera

Torquet hyems; Totus f. ti. totusque decorum es.

Mox vbi disparibus pendebit puppis in vndis

Alternas subitura vices, & hiantia late

Aequora terrifico pandent sua viscera fundo,

Quam posces miserandus opem? quae Numina primum

Mens insueti petet, tunc vani pro ga voti?

Non fallas Superos, ne te timor ille piabit.

Obruet vnda preces sonitu, vindexque per auras

Ventus aget. Nota tangunt pia sydera voce.

Nondum plane respirabat Meleander, veritus

Bb 5 adhuc

adhuc ne Radirobanes classem infestam alicubi incustoditis littoribus insinuaret. Sed exacto vix biduo, dimissi speculatores retulerunt omnino peti Sardiniam. Tunc vero non tanquam exacto, sed dilato saltem periculo, ad consilia mentem applicuit, quibus tueri Siciliam, & hostem haud dubie rediturum posset vlcisci. Diu erat quod Eurymedes, utpote strenuæ fortitudinis vir, amanisque militiæ, monuerat Regem, securi imperij non aliud certius esse pignus, quam paratū, & semper in castris exercitū; Et tūc quasi sui consilij utilitatē promouēte fortuna, cum Meleander ipsi & Dunalbio medius spariaretur, ageretque de præsidiis per opportuna littora in Sardos diuidendis, ita locutus est. Si fecisses quod initio motuum in Lycogenem censueram, nunc aut iste Radirobanes non te laceggeret, aut haberes quod illi confestim obiiceres. Sin etiā nunc cessas, illo depulso alios fortuna inueniet, qui te nec suspensiones diu ponere nec arma patiantur. Collige, inquam, exercitum quem hostes formident, qui sit pace belloque assiduus. Continebit hic terror ciues in fide, amicitias, & hospitia externorum tam vetera firmabit, quam noua inueniet. Ciuiles enim motus, aut ambitu & coniuratione paucorum Optimatum inserpunt, aut quod est rarius, vno consensu furentis vulgi constant. Nihil vero in vtrumq; hunc Reip. morbum salubrius aut efficacius est eiusmodi armis. Sunt enim nobilium factiones in initiis, ac veluti cunis, timidæ debilesque; Vt si in promptu, & sub pellibus miles sit, opprimi cum dignitate possit malum; & mehercule ita impetu tanquam sitienti fulgere hi fontes exhauriri, qui, si pateris, mox nescient ripas. Sin vero

popu-

populari tumultu præcipitata infania (quod quia interdum æuo maiorum cōtigit, prudentibus semper timendū est) innumeras manus armabit in Regem, nihil in hoc incendium remedij, nisi firmas legiones, & assuetas disciplinæ, monstro illi obiicias, iebes enim impetu solo valens, quantumcunque multiplicatis cohortibus impleat campos, par illis nunquam erit qui sciunt furentes eludere, seruare ordines, obsequi duci, locum castris & pugnæ eligere. Ita in omnem partem, tutandæ regioni, & vel anteuertendis vel premendis furoribus, vtilissimus miles est, qui non quærendus, non formandus, sed hostem inter stipendia expectat. Illæ copiæ & quocunque perrexeris securum te præstabunt, & si populi motu, vel defectione nobilium ex munitis ciuitatibus arcibusve vlla à te secesserit, inde recētem, & adhuc dubiam prodicionem confestim excutient.

Gentibus autem externis quanta aduersus te reuerentiæ causa, hæ succinctæ & ad nutum legiones? Suam pacem ex te pendere intelligent, non ultum lædi posse, non despici; Sedere te veluti fortunæ cæterorum Regum arbitrium, in quorum custodiam paria arma non fulgeant. Gentem nostram fama celebrari compertum est, tanquam indole sua pronā simul & vtilem bello. Quanto magis, si ad naturam institutio accedet, scientque tui hostes non tyronum apud te, sed veteranorum esse delectum? Neque hoc tantum ad famam est. Ipso successu experientur qui te lacescent, longe aliud esse conscriptum nuper militem in aciem statuere, aliud egregios viros, & qui annos non plus ex fastis quam stipendijs suis numerent.

Nun

Num denique ea fide, eo ardore, recens adacti ad sacramentum pugnabunt, quo illi qui inueterato affectu, non plus militum quam familiarium instar, tuentur Principem assuetum alimentum & veluti spiritum dare, & cui non hoc tantum illos bellum, sed vitæ totius fortuna cōiunxerit? Hanc omiserim, ut corpora omnia, ita militiam ex suorum veluti artuum vigore & officiis constare, & solo experimento deprehendi num quis ad hanc disciplinam natus sit. Nōnullos valetudo, alios animus deficit, quæ vitia habitus corporis, & species frontis sic obteggit, ne præter experientiam quicquam sit quo argui possint. Igitur in perpetuæ militiæ tyrocinio, utque sic dicam, in pace castrensi, mature, nec periculoso tempore, se hæc labe aperiant, statimq; de corpore exercitus eluuntur, vel correctis disciplina vitiis, vel missione denique mulctatis. At in repentinis armis, cum implendæ cohortes sunt, cum inexpertis & obuiis cingulum datur, sæpe nescias virum an statuam adornes; Ut nouum exercitum ab explorato differre existimem, quod nauem quæ probatis trabibus est compacta, ab ea quam intempestiue excisæ arbores, & omnia non pensatis vitiis ligna componunt.

At sumptuum ratio est habenda, graue tot Centuriones, tot milites ex alienis laboribus viuere. Scilicet egregia cura timemus, ne non hostis, cum sæuiet, plenas domos & opulentas inueniat. Reperamus memoria vastitates, peculatus, exitia, quibus ciuiles discordiæ arserunt. Quot annorum stipendia, quæ aluissent obstiturum his malis exercitum, paucorum mensium furor consumsit? Adde vim corporibus factam, subiectos relictis ignes, & cætera quæ

quæ in eiusmodi turbis impune sunt. Vili medijsfidius has iniurias populus redimit, si perennium legionum præsidio se tuctur.

Dunalbius ciuiliū rerum scientissimus erat, neura & institutione factus ad gerendam rempublicam. Is igitur ita differente Eurymede, sæpe frōtem, & oculos mutabat, nunc quodam assensu, nūc modestis repugnantis animi signis, gaudebatque Meleander sibi ex diuersa sapientia licere quod vtrimq; optimū esset colligere. Cum vix ergo finisset Eurymedes, ita Dunalbius Rege admonente exorsus est: Nisi Eurymedes ex sua fide cæteros æstimaret, nunquam tantum tribuisset militibus, vt nō modo in vsu eorum, sed in ipsa castrorū veluti vmbra, Principibus patriæque incolumitatem statueret. Ego quamquam infulis atq; aris à militiæ muneribus exclusus, quia tamen hīc agitur, non quid nocere arma mortalibus, sed ecquod ipsi paci præsidium possint afferre, non verebor dare quid sentiam. Tibi vero non tam repugnabo, Eurymedes, quam de his quæ ignoro vel dubito interrogabo prudentiam tuam. Nunquam mihi placuerunt, qui in futuros morbos firmo corpori medicamenta infundunt, sollicitantque sopitas ægritudinis causas, nec tempore vllō peius quam inter eiusmodi luctam succensas. Quot mala, quot funera vidimus hominum per eiusmodi medicamina incitantium residues & veluti oblitos nocere humores? Atqui illis pene similes puto qui placidis rebus quærunt in futuras tempestates formidolosa remedia, quæque ambiguo exitu possunt rectā Reipublicæ valetudinem tam perdere quam seruare. In dubiis autem illis plerisque periculi remediis, maxime armatorum
fre-

frequentiam pono. Nam si armis milites concrepabunt, si superbia, vel furor, obsequium excutiet; longe illis pacis consilia, longe mens ducum qui eos tumultibus arcendis coëgerant.

Turmæ, cohortes, sub Centurionibus atq; Tribunis, seis quam validum corpus efficiunt: Vix tamen aut possunt suas vires agnoscere, aut in superbiam quam illa contemplatio insinuat labi, dum hostis submouet ocium, habentque quos laceffant aut timeant. Ast vbi suis viribus pacem fecerunt, nemoque nouo discrimine interpellat victoriæ memoriam, tunc ceu Regi aut patriæ exprobrent operam suam, secum expendunt quantum pugnando effecerint: Vnos se suis ciuibus salutare; In se translatum rerum arbitrium, patriæ quoq; & Principis fata. Hæ non statim, & vno agmine cogitationes obueniunt; Sed paulatim, tempore, contubernio, vsu; Quasi aliam à cæteris rempublicam faciât, in sese coguntur: ocio deinde lasciuiunt, quod quantum fortitudini adimit, tantum addit proteruiæ; Mox si iustis præmiis non putant se excoli, si continuo obsequiis non placantur; feruent animis, intumescunt, indignantur sua arma non timeri. Quid cum à suis ducibus, cum à factiosis sollicitantur, cum cupidis mentibus ingeruntur maiora stipendia, præda, tumultus, peccandi licentia? Dij hostibus tam enorme exitium! Nam non putem, quod dicebas, Eurymedes, ideo Regem iis esse charissimum, quia ab eius ærario stipendia habent. Multo illis potiores Præfecti: tum quod ab illis ad militiam delecti sunt; (tanquam ideo stipendium non Regis, sed eorum sit gratia:) tum quod illos de suo corpore duces, & militaris potentiæ vindices
amant

amant; Sed maxime quia plerunque sub illis licentior militia quam sub Rege proponitur. Sed & omnibus copiis in media pace semper armatis, an præficies vicarium vnum, an per partes iure æquali legatos miles accipiet? Si plurium munus hoc fuerit, non sibi constabit disciplina, cõtendent inter se æmuli duces, & per iurgia ducum infestus laborabit exercitus. Sin potestatem vni credes, quis ille cui tantum ius in te concedes? In eius manu erit ut regnes, ut pereas. Ille vim imperij, ille nervos potestatis cum tenere se cernet, an par stimulus erit sollicitantibus integritatem suam, & quid possit superbe monentibus? Vrinam saltem huic tuo Eurymedi similes semper sint quibus Reges suas fortunas tradent. Quamquam nec illum velle existimem tantæ invidiæ potestatem subire. Scis quibus olim Regibus haud absimilis consuetudo sceptrũ abstulerit; qui dum Præfectis palatij castra committunt, sensim omni in ciues & milites iure exurti sunt. Iis qui prudenter condere regna aut ambire student, hæc duo videntur præcipua, primum ne populus in Principem facile possit insurgere, deinde ne si obsequij vincula emolietur, habeat duces idoneos, qui vagam, & inconditam insaniam certiori auspicio, & militiæ vinculis firment. Vtramque cautionem interuertimus hoc statæ perennisque militiæ consilio. Quantum enim distabunt à populo tot illæ cohortes, tot omnis fortunæ homines, quibus tela ultro concedimus? Quicunque in populum cadere possunt motus, valebunt in istos, sed eo proclinius quod irati nihil prius videbunt quam data fiducia arma. Iam vero præsentio rem inquietis studiis ducem nulla

nulla fortuna obtulerit, quam hunc ipsum cui inferis imperium esse in castris. Cui enim tot ad defectionem urgentibus rebus, animus ad fidem supererit? Mens potentiae conscia, & regij fastigij dulcedinem delibans, adulantium vota, cinctum fortibus viris latus, multa obtegenda culpae occasio, & si secus vota ceciderint, at excusabilis in multitudinis peccato audacia, nec ruina partium expectata, prope ex æquo conditiones cum Rege adhuc de victoria dubitante. Fac tamen Praefectum hunc summum, seu natura seu virtute abominari motus, fortemque in vitia, nunquam à sui statione recedere: Quid tot sub illo duces? Nullus ex iis tumidus, praecipuus, vanus? nemo fortitudinis fama, & audaciae ingenio militibus charus? Mitte inanes spes. Nunquam illis cladibus deerit qui signum attollat.

Sed haec scilicet quae praesagio incommoda, demum timenda sunt, si in iisdem habitet castris omnis exercitus. Tu vero occurre tempestati spargesque in varias sedes vastum hoc corpus, ut nec sub vno aspectu positi seipfos mirentur, nec furoris contagione desæviant. Quo igitur diuisos dimittes? Nempe in arces, aut oppida distribuentur. Vide porro utrobique quam commode. Arces quidem ut iusto praesidio obtineri consultum est, ita illae multitudinem armatorum saepe non capiunt, desuntque praeterea esse securae, postquam tot oculorum tantaeque frequentiae commercio sunt vulgaratae. Num enim tanquam in carcere tot illic milites conditos habebis? Num ad illos amici non ibunt? quid coniuges? quid necessitudines? quid lixae, & calones? At in oppida potius tanquam ad perpetua hyber-

hyberna copias tuas mittes. Nescis quippe quam male militibus cæteroq; populo conueniat. Quod est exermibus ciuibus, & ad sua opera intentis, in bel-
l-ægerrimum, id in pace continuo fastidio in-
g-æ, vt alienos, vt armatos suæ domi aspiciant, vt
militarib. morib. tēpla & fora strepant, ipsi deniq;
lares placidos mores mutent? Querentur omnes
de onere, mentes à te dissentient: & cum volent
deficere, quantillum sibi ad incommoda puta-
bunt accessurum iam molestissima ferentibus, tri-
butum atque præsidium? Sed nec ita reuulso diui-
soque exercitu constabit utilitas quam monstra-
bat Eurymedes. Nam intra oppida nec seruari po-
terit castrensis disciplina, nec tyrones eo in ocio
probari, & ad martem institui. Ipsi quoque vetera-
ni languore & desid.ia confecti in vrbibus iacebūt,
& præter militare officium mollientur in curis &
consuetudine familiæ suæ? Assueti deinde extra la-
borem ferre stipendium, multo ægrius à sua quiete
auellentur ad pericula, quam si recentes conscri-
bas, & qui sciant de Regis ærario se nisi in opere &
militia non victuros.

Cum his Dunalbij argumentis respondisset Eu-
rymedes, & ille vicissim pro se pugnasset; Melean-
der sic commissos conciliauit, ea probando quæ
vterque in aduersa laudabat sententia; Immodicos
exercitus noxios esse. Ultra præsidia tamen quæ in
necessariis excubant arcibus, curandam esse clas-
sem; & viginti triremibus obtinendam Siciliæ orā;
quarum aliquæ sint in mari, aliæ in præcipuis por-
tibus expectent imperium. Ad hæc plures deligi
Prætorianos oportere, partim ex egregia iuuentute,
partim ex illis qui diu sub signis fuerunt. Hos posse

Cc

ad

ad octo millia conscribi. Dimidiatae copiae semper Regem comitentur, ut miles sex mensibus domi, reliquum annum degat in castris. Ita enim, nec disiunctis ad validam seditionem vires fore, nec longa & superuacua in penatibus mora abituros a milite. Ipsi qui aderunt Regi, non confusis castris habitent. Milleni seorsim vel castra, vel oppidi regiones sortiantur, in quo Rex erit. Nam ciuibus illis qui commodis ab regia apud se familia & comitatu superfluent, ægre esse non debere si veluti in contubernium Prætorianos excipient. Larga illis & nunquam dilata stipendia, rigidior quoque parendi lex. Proteruiam, furta, lasciuiam, grauer luant. Et ne in ocio deteriores sint, militari labore incitentur; Nunc coram ducibus ad præmium, hastam aut iaculum mittendo; Nunc cum armis iter ingredi iussi, ne expeditionem in hostes tanquam laboriosiora imperaturam formident. Nemo in illis Centurio, nemo Tribunus, nemo qui ordines ducat, nisi quem Rex ipse delegerit. Bis mille sint equites. Cæteris iacula, pila, sarissæ, diuidantur ex militiae usu. Hac manu & subitos motus opprimi posse dicebant, & si maiores copias res desideraret, tyrones erudiri. Neque Eurymedes se plura censuisse asseruit, aut pauciora Dunalbius; Nisi quod sub imminente à Sardinia bello, addi aliquid militum numero omnibus visum.

Meleander hac parte curarum in Eurymedem translata, ad alia animum adiicit. Supra omnia de Argenide sollicitus erat. Hac insons, & in qua præter nudas dotes, nihil nimium esset, tam e causam tot fluctibus dederat. Ut uxorem illam haberet, ausus Lycogenes omnem perfidiam, non statim,

tim, neque incruento bello perierat. Radirobanes
successerat furioribus, adhuc incerto exitu. Nec de-
inde de futuros putabat, quos virgo eximia, & do-
rale scriptum accenderet, nisi in vnum collata fœ-
licitate componeret cæterorum cupiditatem. Neq;
parum extincta Selenissa, & Theocrine tamdiu la-
tens, occupabant anxiam mentem. Tandem peni-
tus sedit animo, filiam in matrimonium collocare.
Pacandis tot moribus id restare remedium. Iamq;
non generum modo, sed & nepotes cogitans, ipsa
oblectatione incitabatur ad dulcissimum votum.
Sed quem illi fortunæ deligeret? Nemo in vicinis
gentibus regij gradus erat, cuius ætas nuptiis con-
ueniret. An autem opus est, inquit, inuenire ad hæc
fœdera solium & purpuram? Tanquam regna, non
homines copulentur hymenæis, aut filia meæ sce-
ptrum aliud quæram, non virum? Imo nostri maio-
res sapientissime lege cauerunt, ne qui quæve Sici-
liæ imperabit, sibi nuptiis regnum adiungat quod
Siculo scepro sit fortius atque splendidius, ne reli-
cta à Regibus patria in illius potentioris prouin-
ciam mutetur. Satis est sibi Sicilia, vt Principes suos
alat, & filia meæ consulero, si illam in eiusmodi
matrimonium dem, in quo ei coniux suus fœlicita-
tem debeat. Thracum est vxores emere. Nobili-
tas, indoles, virtus, sponso insint, satis opum in mea
Argenide erit.

Hæc pronius sibi persuadebat, diu iam in hoc
consilium imminente affectu, vt charissimum Ar-
chombrotum eo matrimonio sibi heredem aspice-
ret. Nec credebat obstituram Argenidem, sed si ta-
men fastidiret, patrio iure ad obsequium redigere-
tur. Reliquum erat de illius stirpe rescire; Nam

utrumque insigni virtutibus, tamen nono filii
 filiam non erat daturus. Satis omnibus agnoscere
 clauē Argēnidis petit, mediūque inter Patrem &
 Regem, quo facilius quæ volebat impetrare, ratio,
 gnata, non minus de nostrorum consilio ma-
 ra Siciliam, quam nos de illius moribus quæ-
 ditas enim regnandi, & tuarum nuptiarum, et,
 Lycogenem & Radiobanem ad has quas sen-
 furias adegit. quæ omnia peruertere pot-
 tibi mature virum legendo. Quid cessamus ro-
 lorum fontem obstruere? Mihi quidem decus
 est, tibi salutem, & meæ senectuti columen
 re. Nec dubito quod iure meo possim, quin tua
 voluntate facturum sim. Nonne parenti tuo pe-
 tis tibi sponsum eligere, Argēnis? Priuato, & publi-
 co iure mihi hoc licet: nec repugnare modestum
 esset. Cum anxia virgo se deliberaturam referret,
 Deliberabis autem, inquit Rex, an factura sis
 cium tuum? Satis moratum fuit. Iterum quæro,
 gnata, an in potestate futura sis. Ita pro imperio
 quentem Argēnis reuerita, se vero futuram
 ore professa est. Laudauit pietatem Meleandrum, &
 osculo dato, scis, ait, te mihi charissimam. Vix
 colere amplius non amo, quam ut consultem tibi.
 Bene facis, quæ & patri credis & seni.

Postero die, ut forte in horto spatiabatur, in-
 cat Archombrotum, & o iuuenis, ait, si te huius,
 aut ignotus, rogarem quo sanguine ortus sis, curio-
 sam quæstionem habere posses suspectam. Seta-
 micus cum tulerim diu tuum genus ignorare, &
 scire nunc expetam, quidni me putes id non
 magis causa quam tua præstare? Magna sunt, &
 pinor, non tibi iniucunda, de quibus tecum
 ram;

rem; nisi exquirenda hæc prius natalium ratio esset. Tibi externo quantam fidem habuerim intelligis. Secreta imperii vides te fuerunt. Nec ætas, nec peregrina res obstitit, quin omnia tibi concrederem. Et hæc quidem merito tuo. Nam ut cetera omit- tam, meum caput a quis creptum, quas pro me pro- pmodum subiisti, & occisum Lycogenem nō pos- sum obliuisci. Post mutua beneficia, quid grauaris me ad tui generis notitiam admittere? quod etiam, ita me amet diespiter, tui honoris & utilitatis cau- sa, nunc quaero. Perculere iuuenis mētem hæ pre- ces Meleandri. Quæ causa, ut enixe postularet id scire, quod tamdiu celari hæud ægre habuerat? aut quod beneficii genus quod sibi ignoto conferri minus posset? Argenidis nuptiæ, quia ea cogitatio- ne plenus erat, statim mentis oculis oberrauerunt, egregiæ felicitatis imagine. Rursus illam spem, tanquam vanam & improbam, conatus excutere, verbisq; plusquam animo compositus; Hactenus, inquit, geminasti beneficia tua, Rex, passus ab eo te coli cuius genus nescires; Nec iam scio quid cō- ferat tuis rebus me impium fieri, id est, à parentis imperio recedere, quo mihi super stirpe silentium indictum est. Ne me tamen peruiçacis animi ac- cuses, qua fas erit, cuncta suppressis regionis paren- tumque nominibus, euoluam. Regium mihi ge- nus est, resque pacatæ. Neque vi aut ingratis isthuc veni, sed ex parentis iussu, tuos in mores, tuasque virtutes iubentis inspicere.

Ita loquentem Rex nouo gaudio commotus amplectitur: Et quid tibi hactenus, inquit, visa Sici- lia? quid regia mea? aut ut animum, qualis tuus est, verius tangam, quid tibi senectus mea placuit,

Cc 3

aut

aut filiae mores? Cum ille, iam propiori spe, haec omnia se diceret adorare; Atqui (inquit Rex) non leuiori pretio te mihi emptum volo. Omitto occisum Lycogenem, meque seruatum. Adhuc aliquid validius fuit quo animum meum caperes; Faci mores ad virtutem, cōsuetudo lenissima, & potissimum quod me amasti. Non patiar à te vnquam se-
iungi. Si vt memoras, & auguror, Regum sanguis es, tibi Argenidem tanto multorum ambitu quaesi-
tam vltro despondeo. Quantumcunque magnis parentibus natus sis, non pudenda nurus erit. Su-
perest, vt tuas mihi fortunas familiarius iam pro-
das, spondeasque te nunquam meos canos desti-
tutum. Tremebat nimio ictus gaudio Archom-
brotus, & quæ toto sanguine quaesisset sponte ob-
lata suspiciens, incertum an Deos an Regem vete-
raretur, ad Meleandri pedes se abiecit, tenuitque
reluctantis vestigium. Cumque gratis finem non
faceret, hilarior Meleander, & illius quoque læti-
tiam gaudens, in subiecti collum incubuit. Mirum
omnibus erat qui in conspectu stabant, quæ hæc
mutua esset gratulantium charitas. Archombroto
autem præcepit Rex, ne eo die rem vulgaret, re-
diensque ad comites, & solito diffusior vario col-
loquio tempus modicum absumpsit. Inde regres-
sus in regiam, Archombroto iam sibi propius ha-
renti; Quamdiu, inquit, te fines ignorari, & gaudia
differes nostra? De hac ipsa re, subiicit ille, te Do-
mine, cogitabam compellare. Duorum mensium
spatium peto, intra quos fœlicitatis meæ nuncius
parenti esse possim, illincque digno cultu, & pro-
fesso genere, huc reuerti. Meleandrum nomen i-
psum discessus offenderat: Et, non patiar, inquit,

sed nobis anelli, Archombrote, nisi forte fœdera nostræ despicias, aut viles sumus tibi, quia priores amari. Si cōditiones placent, scribe in patriam. Iam te ipsum non nunc mari fatisque crediderim. Archombrotus tanta benevolentia senis admonitus quid facere deberet, & quantum amare, regiam manum osculo stringens, quicquid ille iuberet, nihil se à præscripto recessurum asseruit.

Nondum Rex Argenidem monuerat quem illi coniugem destinaret. Cum ergo discessisset Archombrotus, eam ad se acciuit, repetitisque quæ de necessitate matrimonij prius edixerat, addidit, se generum elegisse, quo non posset præstantior optari; Regio ortu, paribusque virtutibus, denique cum esse Archombrotum, cui in omen tantorum fœderum, seruati Regis laudem, curru in fluctibus errante, & de Lycogenis capite victoriam fata tribuerant.

Hæc non sine supercilio Meleander, propiusque vim, & imperium, quam consilium oratio erat. Comparauerat se ad simulationē Argenis, & quāquam indignata, se ignoto, se ingratis promitti, tamen veluti consilio patris accederet; Nihil, inquit, verendum hîc magis, quam ne subitæ nuptiæ, neminiq; tuorum præuise aut creditæ, in maledicentiam pateant, dicaturque Raditobanes per iniuriam depulsus, quo faueres Archombroto. Tempore aliquo est opus, quo tanta nouitas mitigetur, priusq; Archombrotus audiatur procus esse, quam sponsus. Non temnēda Meleandro videbatur hæc ratio; Veritus tamen ne turbando nuptiarum consilio istas moras virgo iniiceret, ita in experimentum loquutus est. Neque nihil spatij conceden-

dum est famæ, neque fortunæ nimis. Ex tui animi sententia, Argenis, quid temporis arbitraris conuenire? Recusabat illa loqui, non hoc suum, sed Regis arbitrium esse causata; Cumque pater sepius instaret, tandem ægrius, & quasi spacium suæ vitæ definiens, ut rem video esse, ait, duo forsitan menses sustecerint. Tum Rex pene non dubius quin filia omne id tempus sibi potius quam famæ postularet, tamen ne per omnia esset durus; Atqui promittis, inquit, sublapso hoc tempore nihil te nuptiarum omini repugnaturam? Facio, refert illa; Neque si dii adiuvant, te quicquam in verbis aut mea vita offenderit. Et id prolixius pollicebatur, quia interim ad futurum Poliarchum sperabat, qui vtriusque vitam assereret. Quod si ille non veniret, finito vivendi consilio respiciebat ad mortis libertatem. At lætiora Rex cogitans, illius verba acceperat, veluti sub paterno imperio domantis affectus, qui antea solutam mentem inceslerant. Blande itaque compellatam, tanquam victor, & securus dimisit.

Sed illa tot malis incitata, nunquam se infeliciorem cogitabat quam in publica felicitate. Nam Lycogene victo Radirobanem nuptias suas, id est, mortem optauisse, vix decessisse eam curam, & respirante Sicilia sibi iam præsentiores instare ab Archombroto metus, qui adeo felici ad nocendum successu prouectus sit, ut vel Radirobanis desiderium faciat. Ergo, inquit, semper meam, aut patriæ vicem dolebo? Ergo non molliori conditione cum Siciliae miseris transigunt fata, quam ut omnium cladem meo capite redimam? Hæc pompa, hi cultus, hæc frontis decora, mactationes erunt, quibus

bus patriæ diris voucor? An Macaria Herculis, an
garnemnonis Iphigenia ero, & trāquillitas inno-
centiæ sanonine emenda est? Sed non diu me fortu-
na lubrico habebit. Decumanus hic fluctus, aut
tempestatem consummabit, aut victam nauem de-
ducet. Testes dij quam libenter nunc mortem vsur-
pem, nisi & te vererer, Poliarche, & Selenissa suo
exitu docuisset id etiam in scelera esse remedium.
Pensare deinde solicite cœpit an opperiretur aduē-
tum Poliarchi, an eum literis maturaret. Plus vno
mense erat, ex quo ille abierat, in tertij mensis fi-
nem reditu destinato, & cogitabat esse amantis
(qualem Poliarchum sciebat) præuerrere potius
diem, quam totum expectare. Constituit tamen
scribere, & recenti impetu verba se vltro ingerentia
ita explicuit. Quamquam abs sum, Poliarche, forte
plus tamen ipso te scio quid valeas. Nam vt sis il-
lic incolumis, certe perire hic incipis fato meo:
quod mihi de vita quantillum reliquerit, ex litteris
istis intelliges. Radirobanes, præter regium decus,
& fas hospitii, turpissimum facinus ausus, quia ei
placari non poteram, mei rapiendi consilium iniit.
Nescio quæ spectacula commentus quæ ad littus
præberentur, me illuc cum parente pertraxerat.
Tantum non auehebamur, cum patefacto flagitio
nos in oppidum refugimus, ille in suam classem se-
cessit. Versus inde ad furias, ausus est meam fa-
mam scriptis ad patrem literis violare, quasi te libe-
rius quam decet amauerim. Quippe nostram fami-
liaritatē Selenissa prodiderat, & hinc impio iuueni
fuit ad contumelias argumentum. Sed pater pro me
ac vero stetit. Et Selenissa quidem sponte ferro ex-
piauit perfidiam. Ille autem malo omine, si dij qui-

dem boni sunt, in Sardiniam abiit. Eo discessu felix eram, cum me pater: (Timeo loqui, ne eundem discessu incipias. Fata sunt quæ nos urgent: his potius indignare, Poliarche.) Pater, inquam, me iubet amare Archombrotum. Regibus ortum dixit, mores, indolem, speciem, placere, sibi hunc denique generum fore. Ego intempestiva pertinacia timui accendere obstinatum. Satis fuit, prætextu alio spatium impetrare quo tu venire possis, vel si cessas, arbitrio meo liceat mori. Duo menses probandis nuptiis dati sunt. Intra illos armatus si aduenis, accedam ad partes, si inermis, omne fur: ut tentabimur. Quod si me destituis, tunc cum nuptiæ ornabuntur, omnes cultus mihi patiar adhiberi, & ubi dexteram pater poscet quam tradat Archombroto, dicam diis manibus sacrâ esse, simulq; brevis sica, quæ sub veste abdita erit, miserrimum pectus solvam. Hæc si ita contingent, audi iam nunc Poliarche ultima vota, cogita tibi hæc dici ab Argenide in suo sanguine volutatæ. Parenti meo ignosce. Satis supplicij fuerit, quod illicito meæ mortis spectaculo vultus illius funestos efficiam. De Archombroto quod placebit constituas. At Radiobanem inultum vivere si fines, redibo ab inferis te admonitura officii. Exige à perfido turpissimi flagitii ultionem, luat poenas prædator, quoad po. uir, famæ meæ, & ex iracundia tua intelligat quantum deliquerit. Hanc vindictam, hunc laborem anxie mando, huic te testamento meo damno. Ultione perfunctus, iube in patrio tuo sepulchro incidi meum nomen, & casus utriusque referri marmoribus, in quibus nostram fidem posterius probent, damnentque fortunam. Huius autem Insulæ conspectum, mi

Poliarche.

Poliarche, defugas, nisi meos cineres amabis, & si unæ tuæ urnam admouere pectori voles, aut etiam (quod diffaxint) cum manibus maiorum tuorum, recondere. Ista mala, si potes, anteuerte reditu tuo, nam discrimen cunctationem non recipit. Si non potes, cura mandatum morientis, & ut me ames, viue.

Obfignatis literis, diu secum expendit cuius fidei legationem hanc crederet. Neminem habebat cuius consilio vteretur. Quippe Timocleam biduo ante in locum Selenissæ suffectam, in tantæ rei secretum admitti non maturum videbatur. Arsida autem vnum toties adhiberi his furtis non probabat, ne ille tot periculis lassatus, Meleandrum timere inciperet: Illius præterea discessus ab Insula ignorari non poterat. Nemo tamen commodior suppetebat, maxime quia omnium fœderum erat conscius, quibus sibi Poliarchum ipsa deuinxerat. Ergo ad se vocatum ita alloquitur. Si timerem ne me quoq; desereres, Arsida, ingererem tuæ menti Selenissæ memoriam, quam proditiōis stimulos ipsa morte grauiores duxisse ideo arbitror, quia eam in remedium poposcit. Scias enim (quod vtrunque ego & pater celamus) illam anum, mea cum Poliarcho secreta ad Radirobanem detulisse, moxque conscientiae terrore afflictam, suo iudicio manaque periisse, ut vidisti. Sed tibi fidissimo viro, si viuemus, plus à nobis præmii erit, quam huic à proditiōe supplicii. Spectat ad finem negotium. Expecta maiora à nobis quam quæ tua modestia possit concipere. Cæterum literas habeo summa fide, & diligentia tradendas Poliarcho. Tu fidum hominem delige cui illas committamus. Sed da, si potes, eiusmodi,

modi, cuius tibi in arduis fides perspecta sit. Haud cunctatus est Arsidas; Et fidelio rem, inquit, me ipso, Domina, neminem noui. Quid iam cito das mihi missionem, nondum iustam, ac ne puto ignominiosam promerito? Exequar quicquid mandaueris; Neque Poliarchus quacunque Orbis parte nunc degat, diligentiam meam fallat.

Bene læta hac pollicitatione Argenis, rogabat ecquid fecturus esset causæ nauigandi ab Insula. Pars est Italiae, subiicit Arsidas, quam Latium appellant. In eo littore Antium prominet, oppidum templo Fortunæ celebre, quod illic multæ religionis est. Fingam votum ad Deam; Carebit suspitione hæc pietas. Vbi autem Sicilia excessero, quam multa longioris viæ commenta sunt? negocia, curiosus animus, alia denique vota. Iube tantum, & si potes, quo iter instituendum sit mone. Si tibi certum est (inquit Argenis) hanc habere gratiam, moneo, mi Arsida, vt pro reliqua tua sedulitate quantum potes appropere. Poliarchum habebis vel in patria sua, vel huc ad nos venientem. Plus hodie audies ex me quam tot annis Selenissa. In Gallia amnis est, quem Ararim dicunt; Is alteri cui Rhodanus nomen, committitur. Vtriusque fluminis tractum qua à fontibus ad mare pertinent, paternum Poliarchi imperium est; Hoc parentes iam habent, hoc ipse deinde vnicus gnatus expectat. Vide quanto homini benefacias. Si igitur, vt conijcio, in patria est, ne metue errorem. Muti quoq; te muri ducent ad Principem. Tu modo, quod his literis facis, hortare vt quamprimum promisso se exoluat, redeatque non priuata modo virtute, sed viribus regni tutus. Antianam vero Fortunam

lunam (nam per hoc littus via est) meo nomine saluta, & de tuo itinere, meaque expectatione confu-
tu edem. Ceterum gemmam hanc accipias, quam
quoties in tuo digito videbis, meam & Gallici
Principis salutem ex celeritate tua pendere memi-
neris. Sub hæc verba ingentis precii annulum tra-
dit, simulque ad Poliarchum codicillos. Ille audita
Poliarchi dignitate hilarior, mirari tamen cœpit,
quod per tot ambages, tanquam impares nuptiæ p-
curarentur, donec admonente Argenide, lex Siciliæ
in memoriam rediit, quæ vetabat potētiori sceptro
Siculos Reges nuptiis coniungi. Sat vero consta-
bat, Meleandrum non modo ad patriarum legum
reuerentiam obstinatum, sed solium hanc ipsam
sanctionem, inter cæteras mire attollere. Tunc ve-
ro & Virginis sapientiam Arsidas probavit, quæ ha-
tenuis nec Patri, nec Siculis aperuisset interdicta
consilia, & necessarium à Gallia exercitum esse co-
gnovit, qui veluti in Archombrotum comparatus,
hanc legem antiquaret.

Igitur & suapte virtute, & Selenissæ defectione,
ad fidem incitatus, postera die iter quod dii bene
verterent, exorsus est. Placidi ventitutum in Italiã
pelagus præstitere. Illic murata naui, ne Siculis no-
tisque remigibus in secreto vteretur negotio, ma-
gnæ Græciæ littora celeriter obiit; Oscisque su-
peratis Antium venit. Vetustissimæ religionis tem-
plum in littore erat, quod Fortunæ Maiores sacra-
uerant. Id ubi monstrantibus accolis Arsidas con-
spexit, tacitis plenius votis iam tum numen saluta-
uit, prœcubuitque in arenam. Procedenti deinde
ad limina ædis præsto Sacerdos fuit in cādida veste,
cui limbus erat ex purpura. Multam caniciem spar-
serat

serat humeris, redimito laurea vertice, manuque
 baculum coronatum tenebat. Ille Arsidam, ad
 ut de via præcinctum, ubi vidit intra fanum per-
 tem, ita comiter affatus est. Siue exoraturus aliquid
 venis, hospes, siue ab iis quæ timebas iam te no-
 stra dea explicuit, affersque animum noua benefi-
 cia promeriturum, subi humanissimi numinis vul-
 tus, illosque vel licito sanguine, vel si mauis tunc
 propitia: Tum Arsidas, Quia iste cultus, Pater, te
 Antistitem ostendit, priusquam deam ut mihi fa-
 uens sit veneror, ne quid in religione peccem, mo-
 ne quo ritu me ablui, & quam hostiam dare sacra
 hæc velint; An præterea in peregrino hoc habitus
 Fortuna supplices agnoscat. Nam & deæ facere vo-
 lo, & longam cunctationem nauigatio opportuna
 non patitur. Sacerdos illico fontem monstrauit qui
 in vestibulo manabat. eo ter oculos manusque ab-
 lueret, togam se & coronam illi interea promptu-
 rum. Victimam in Deæ atrio puras esse, quæ empto-
 res expectarent, seu quis maioribus facere seu mi-
 noribus vellet. Vade, inquit Arsidas, ô Pater, & i-
 pse ex hostiis delige quas scis Fortunæ gratissimas;
 Simul dexteram porrigentis nummis aureis im-
 pleuit. Dumque ille utilem sibi pietatem officiosis-
 simè exequitur, Arsidas haustis de fonte aquis
 cum omnibus suis ablutus est. Valuas deinde tem-
 pli, & viliora donaria quæ passim pendebant bre-
 uiter contemplatus, hæsit in prisco marmore quod
 non longe à limine hos versus subeuntibus tem-
 plum monstrabat.

Este procul fontes, sacroq; absistite templo,

Queis fixum stat corde nefas, aut vulnere diro

Liuor edax varios ducit per viscera morsus.

ANI

*Aut quibus exhausti non exsaturabile pectus
rudescit vulgi spoliis, queis longa senectus
sepatorum, thalamive quies pulsata pudici.
Non iuvat, neu caci, non limina verrere vultu,
Non vota tholo, non aris ponere vittas,
Ni primum eluitur mens fletibus. Ite profana,
Ite preces, & dona suis qua polluit author.
Non sibiris pecudum, vel parui sanguinis haustu
Numen eget. Solo finxit Deus omnia nutu,
Aptaq; caruleis sinuauit corpora venis,
Quamistas pascant animas. Hec extulit alis,
Hec finxit grauiore solo, qua rura, domosq;
Et vastas colerent sylvas; Aurisq; carentem
Ipse etiam vitam sub caciis condidit vndis.
Quin & Idumæo sudant qua balsama cælo,
Cinnamæque, & syluis spirantia thura Sabæis,
Idem author rerum, variis adolescere succis
Iussit, & æthereos ramis infudit odores.
Quid tua, ceu largus Superis, nunc munera iactes;
Siue boues aris, calamos seu sternis Eoos?
Aut plena fers ara manu? Sua thura suasq;
Ab vesanus opes, tanti ne vendere summo
Quare Ioui, & paruo culpas obtendere fumo.*

*Iamq; cum victimis Sacerdos processerat, & Ar-
sidas corona redimitus, in candida veste ante deæ
signum procumbens ferebat sua vota, quæque præ-
terea Argenis mandauerat. Lactens vitula, agni-
que gemelli in victimas Sacerdoti placuerant; Hæc
non operosa securi procubuit, illos, ne capita con-
uiuio perirent, leuiori fato culter confecit. Extæ
optima esse exclamauit Sacerdos, datisque mox
fortibus, Fortunam quæcunq; Arsidas postulauis-
set cuncta annuere. Sibi deinde quæ Numini immo-
lauerant*

lauerant coxerunt, secundisque sub mensis, cum
ceteri acrius biberent, coepit Arsidas cum sacer-
dote disputare de fatis, & sortibus, Fortunamque in
Orbem imperio, quia esse Philosophum de vario
sermone cognouerat. Et ille ubi Arsidam sperere
vidit, dignumque altiori religionum commercio,
ita dicere orsus est. Quid sit quod Fortunæ nomine
colimus (hospes) adeo vulgus ignorat, ut myste-
rii sanctitatem propemodum contraria interpre-
tatione corruperit. Fortunam appellant quicquid
incertum est; Volunt autem esse incertum quic-
quid habet euentus humanis mentibus incognitos.
Ideo leuem deam, ideo cæcam fingunt, & plus vi-
tii numini quod colunt imputant, quam ferrent
in homine, ut nec certum sit, sapius ista dea ab in-
sanis probra ferat an sacra. Si quid peccant, si quid
expectationem fefellit, continuo fortuna vapulat.
Exprobrant quod malos euexerit, quod difficili-
bus bonis cauere videatur ne probe quid iudicet. Nec
miseri vident, eiusmodi Fortunam non diuinum ali-
quid esse, sed superstitiosi animi ludibrium, qui sui
ipse commenta per superfluas curas timet aut pla-
cat. Nam illud quod sibi fingunt numen, omnia
quæ mortalibus accidunt, & fortuita appellamus,
regere, & ex orantium votis disponere, aut potest,
aut non potest. Si non potest, quid igitur facit
aut quo hæc inutilis dea cui in suo regno nullum
imperium? An præsidere humanis casibus illam di-
cas, quæ non eos præcipitare possit, non tenere,
aut mutare? Nisi forte non satis fluere possent re-
rum hæc vices, & veluti naturæ temeritas, absque
ociosa hac dea, cui præter nomē atq; inuidiam, ni-
hil relinquunt. Cur denique aras illi statuimus for-
tesque

resque in hoc templo consulimus, prius nobis mul-
ta estimarum sumptu deuinctas? Infœlix super-
bit o est. Si illic consumitur vnde nihil metuas aut
expectes. Sin putas ab ea ordinari casus humanos,
qui alioquin errarent, & ex supplicum pietate dis-
tribui, iam Fortuna certe non est, modo hoc nomi-
ne cum vulgo intelligas numen, quod res huma-
nas non consilio sed imprudentia sinat euolui. Ut
te paucis absoluiam. Venisti Fortunam exoraturus;
illi fecisti, denique litauisti. An res tuas existimas
commodius esse casuras, quam si deam neglexisses?
Si ex istinis, ergo Fortuna temeraria non est, quæ
nouit quibus indulgeri oporteat, nec inconsulte,
sed ex merito sænit aut fauet; Id est, non est illa For-
tuna quam populus facit. Sin inutilia credis hæc sa-
cra, cur superuacuo labore nihil profuturam pie-
tatem his templis impendimus? At (inquies) non
venimus is eam sortem mutaturi quæ nostris rebus
decreta est; Sed tantum quæ sit ea sors accepturi o-
raculo. Si sic censes, certe fareris, iam Fortunam er-
go scire quid te dii mulctaturi sint, quid etiam ad-
iuturi. Cui consequitur, nihil in Orbe temere, diisq;
improvisum aut neglectum contingere; Quod nec
conuenit cum populari illa fortuna.

Vides ut Fortunam sustuli, hospes, non illam
quidem quam colo, sed quam imperiti constituunt
& quæ cum summa illa mente conuenire non po-
test, quæ omnia suo arbitrio constituit, quæ natu-
ram condidit, quæ rebus causas dedit, easque per-
petuo abditissima ratione propagat. Neque enim
si ignorant in tēpestare media nauis, quis finis flu-
tibus, quis exitus vento, ideo Ioui certum nō est,
solum ratem an seruari statuerit. At nec dicas, fru-

stra nos igitur supplicare Cælitibus, & si iam olim Numini certa sunt omnia quæ nobis eueniant, vanam fore id quod futurum est deprecantis orationem. Absit hæc in deos contumelia, quos irritæ aut ingrato labore nemo sibi conciliat. Quippe Iupiter cum Orbi initium, & Naturæ leges daret, cum seriem rerum, causasque, & euentus inter se conderet, haud nesciuit quid esses aliquando tua in eum pietate meriturus. Non sunt illi nouæ hæc preces, quas hodie fundis, sed iam tum cognita, cum de Orbe, de humano genere, de te ipso statueret. Tua igitur pietate, tuisque virtutibus, mitescunt decreta, quæ tunc in te scripserat, absque his votis foret quorum in animo tuo religionem præuidit; Eadem ratione, nec secura credat impietas nihil se sequitæ extorquere à diis iratis. Nam hæc tela quæ facinorosis eminent, non parasset ultor Deus, nisi quod nunc scelus patratur, iam tum futura turpitudine coegisset ad has iras illius æquitatem.

Ea vis autem & scientia Iouis, quæ ventura omnia, & quicquid ignoramus, in conspectu liquida habet, est hoc quod Fortunæ nomine philosophi colimus, quia res illæ videntur nostræ cæcitati fortuitæ, licet Deo innumerato sint, sua nostraque voluntate præcognita. Vt igitur sapientiam Iouis Palladem dicimus, ut serenus, aut pluuius varia nomina habet; Ita rerum illarum administrationem quæ nobis arcanae sunt, & suspensos animos tenent, Fortunam appellamus. Huic templum, huic signum statimimus, ut nos futura edoceat, molliatque rerum euentus, & in salutem nostram vota admittat. quæ si rite à nobis funduntur, iam olim valere, nosque iuuerunt, cū Natura rerum omnium causa-

causarumque semina atque legem acciperet. Hanc
(te, hospes) Fortunam, venerari, huic gratias ha-
bere &c. Nam; Maximo, inquam, Ioui, qui con-
siliis tuis tibi hactenus incertos, extorum &
sortum signis, promisit pulcherrimos. Nam si qua
mihi fides est, litasti egregie. Vade securus; Vade
Fortuna nostra, id est deorum summo, fretus.

Prolixam philosophiam bis nauta interpellaue-
rat, Arlidam monens intempestive cessare remigia.
Is itaque Sacerdoti & operæ & sapientiæ gratias a-
gens, adhuc nummos prodegit, quibus victima a-
lia emeretur, crastino sacrificio se suosque Fortunæ
commendatura, & deducente ad littus Antistite,
ingavit triremem. Commodis igitur ventis La-
tium superat, mox Etruscum stringit mare, cænosis
& insalubribus vadis ad littora effusum. Ligures
inde erant, quorum sinus sulcabatur, cum haud
pauca nauigia, adhuc tanquam nubeculæ, aut ex-
tantia procul saxa, in conspectum venerunt. Post-
quam propius accessere, monuit gubernator mili-
tarem speciem sibi videri, nisi forte peiratica classis
erat illam oram populatura. Nihil tutius quam
ad terram, quamvis ignotam, nauigare. Sed præ-
rupti in litore montes obstabant, ad quos inter
breuia non posset ratis accedere, neque si acced-
sisses, viam qua enitereris, per prærupta offende-
res. Dux ergo dubitant nautæ, hærentque in vtri-
usque contemplatione periculi, nã eos emissæ triremes
incluserant. Nõ deerat Arlidæ animus seipsum vin-
dicandi; Sed nauigatiũ legẽ huic subinde timidi nau-
tæ monstrabant; Imminere in defensione exitiũ. At de-
missis antennis si dederet naue, mitioris exit⁹ spẽ of-
ferri. Quippe si à legitimi exercitus militibus ca-

piebantur, parum damni deditos manere, si prædones illi erant, spolijs certe & facilitate esse placandos. Hæc Nautæ remigesq; Arsidæ meminerant, qui cum tardius deditiõnẽ annueret, ipsi suo auspicio antemnas deducunt, sublati quoq; rem opperientes venientium arbitrium. Vbi autem aduersæ triremes obnoxiam ratẽ sibi harpagine iunxerunt, placidẽ cœperunt explorare, qui homines, aut vnde nauigarent. Omnia nautæ simpliciter retulerunt, se ex magna Græcia nauigare Massiliam, ab externo homine conductos; Arsidamque monstrabant. At ille interrogatus cum perplexius responderet, scilicet quibus loqueretur ignarus, suspicionem hostilis animi fecit. Captus ergo, & in aliam nauim delatus est, iussique qui cum venerant, cum nauigio suo sequi. Nihil tamen ultra nocebant, id ipsum humaniter excusantes, quod cum veherent ad sui Præfecti colloquium. Haud procul prætoria nauis extra remigum operam velisumentibus veniebat, in quam producto Arsidæ dux militum occurrat, dataq; dextera Græcis verbis vetuit, ne quid durum expectaret; Sed ita est, inquit, ratio belli: Excutienda sunt omnia. Neque occupandi tantum hostes, sed plerumq; etiam ex amicis ignotisve informamus consilia. Quod si ipse ad tuam nauem iuissem, illic habita quæstione, nulla per me fuisset, si quod properas, mora. Arsidæ in tantæ humanitatis sermone confidentiam cum sumpisset, qua licuit cuncta professus est: Se Siculum esse, & in Galliam ad amicum ire dixit; Sperabatque se confestim dimittendum. Sed Præfectus audito Sicilia nomine hæsit intentius, sciscitatusque quid illi in Gallia commercij esset; Nolumus, inquit,

inquit, tibi durum videri, si hodie tibi cœnam, hospite exhibeo. In Prætorio meo dormies, quanto omnes poterimus officio cultus. Magni Regis minister sum, qui cum exercitus robore haud procul insequitur. Huic ego cras te sistam. Nam amabit videre ex Sicilia venientem. Et forsitan etunt quæ ex te cognoscat. Humanissimum autem Principem vidisse, etiam in fortunæ beneficijs numerabis. Noverat Arsidas non conducere negotio suo, ut frustra repugnaret. Hinc enim & suspectior esse poterat, & duriores habere custodiam. Ergo lubentissimissimus, omne ius sui penes Præfectum esse respondit. Captum hominem, & maximè innocentem, nullius conspectum oportere defugere.

Post hæc utrimq; verba, per varios sermones in hilaritatis speciem vultus & animos coegerunt: hic, ne Arsidas timeret, ille, ne videretur averfari eiusmodi captivitatem. Multa igitur audiebant inuicem, rogabantque, & benevolentia quæ simulationis fuerat, paulatim sincèrius verà colloquendi voluptate utrumque perstrinxit: sic natura mortalium instituta ut liberalibus ingenijs sit facilis conciliatio. Et Arsidas quidem, licet captus, atque à suo cursu tardatus, tamen quod in alio fecisset in se factum haud ægrè ignoscebat, præsertim in custodia humanissima non amplius vnam noctem morari propemodum rogatus; Ipse vero Præfectus homini innocenti indulgebat, ut deinde amicus posset dimitti. Cum igitur ambo sederent in puppi, & aliqua de mari, ventisque, & triremium generibus essent loquuti, tandem Gobryas (ita Præfectus appellabatur) blandè de Sicilia rebus, & soli genio Arsidam percunctatur. Ille ciuilia strictim

bella recensuit, armatum, occisumq; Lycogenem,
 senectutem Meleandri, & quaecunque absque Po-
 liarchi mentione poterant dici. Nam soletter absti-
 nebat hoc nomine, ne de eo cogere tur apud igno-
 rum loqui. Delectatus Gobryas non ignobili nar-
 ratione, & æquissimo exitu belli, cum deinde Arsi-
 das rogaret nomen Regis, cuius conspectui se ua-
 batur, etiam cui regioni imperaret, & quid sibi vel-
 let classis armata, paulū in se cogitatione seductus
 est; Nam & rependere hospiti vicem, & suæ etiam
 gentis cāsus referre gestiebat. Itaque, licet rara
 sunt, inquit, inter nos commercia, quæ nempe soli
 mercatores faciunt, de civilibus tamen malis quæ
 Siciliam vexauere, pleraque audiueramus. Sed
 mercium nulla celerius quam veritas nauigatione
 corrumpitur. Multa incerta, multa illis contraria
 quæ nunc à te accepi, nobis fama attulerat. Neque
 vicissim dubito quin & ad vos nostræ gentis dis-
 crimina, & veluti fata, aliquo rumore peruenerint,
 sed vel audacia narrantium, vel ignoratione libata.
 Quod nisi te vererer longiori sermone conficere,
 non hæc modo quæ rogas exequerer, sed reperitis
 altius rebus, mei Regis cunabula, dignam historis
 materiam exponerem. Sollicitauit Arsidam insignis
 narrationis materia, & si Gobryæ vacaret, hæc se
 auidissime accepturum respondit. Et Gobryas; Au-
 dies ergo rem dignam vestrorum Græcorum inge-
 niis. Multa enim inter nos fortium hominum facta
 sunt, haud illis imparia quibus nobilitantur gen-
 tes, quæ literis ipsæ se celebrant. Sed sola sunt Dru-
 idum carmina, quibus rerum fortuna nostrarum pe-
 rennet: Neque illa seu lignis seu ceris impressa
 sunt, Memoræ iuuentutis commendantur, & ex-
 cantan-

cantantium ore virtutes maiorum agnoscimus. Sed ne questibus onerem nostros mores, præstat (hospes) quando sic iubes, promissam narrationē nunc aggredi.

Regnabat apud nos Britomandes, adhuc gentibus nostris nomen, bello optimus, & artibus pacis. Interfatus Arsidas loquentem, mihi Regem memoras prius, inquit, quam cui regioni imperauerit. Quamquam ex tuorum sermonibus vos Gallos esse coniicio. Recte mones, subiicit Gobryas. Maximam Gallici littoris oram, quæ inter Alpes Pyrenæosq; montes mari alluitur tenemus: Mediterranea versus, porrecti in lōgum, qua Rhodanus, & supra hunc Araris nobiles amnes, pinguisimos campos intersecant, pars est Galliarum extrema. Lætus frugibus ager, & validissimo populo grauis. Obstupuit Arsidas ad Araris & Rhodani nomina, quæ gentilia Poliarcho flumina esse, Argenide docente cognouerat. Sed vt illum Gobryas vidit suspenso supercilio hærentē; Forsitan, inquit, iam quid parem intelligis, & hæc frustra apud scientem narrauerō. Dic enim; Ecquid in Sicilia auditū de regiē nostræ rebus? Tum Arsidas; Imo, inquit, & plures in Galliis Reges esse accepimus, & si quid de iis affertur, instar aurę vel nubeculæ est, quæ nō ægre ignaros prælabitur. Quippe antea pauci ultrocitroq; mercatores commeabant, & hos ipsos nostrarum seditionum atrocitas exegit. Segnitia autem nostræ est, quorū quot Græcis ingeniis viuimus, ne diligentes vulgo simus in gentium factis quæ ad Septentrionē vergunt, nisi quando cum exercitu finibus vestris vos egredi fama est, & timetur publicæ libertati. Ne dubita igitur hoc quicquid est

ignaro & cupido memorare. Et hæc ille dicebat, non omnino Gallicarū inscius rerum; Sed ne Gobryas, quid is sciret nescireve interrogando, à narrandi tenore deflecteret. Iam enim auditis Rhodani Ararisy; nominibus, illam Galliarum historiam, avidius, & tanquam rem suam agens, quærebat excipere.

Tanto igitur populo (inquit Gobryas) inter paterno Britomandes imperabat, cui filius erat & ipse Britomandes appellatus, sed postquam evasit in virum, tot morbis confectus, ut animi vires continuus dolor absumeret. Duxit tamen uxorem ex cognatis fœminis unam, cui satis haud dixerim plus ornamentis quam muliebris dederit, an pietas, an digna fortiori sexu prudentia. Timandra appellatur. Britomande patre elato, tanquam ipsdem satis nostra fœlicitas occubisset, omnia in peius sublapsa sunt. Novo in Regno nihil paternum agnoscebamus, præter pietatem & nomen. Erat inter Procere potentissimus Commindo rex, nobilitate & opibus præ præclarum, denique qualem modo narrabas fuisse Lycogenem. Is subitane Britomande utcumque tanti Regis terrore coercitus fuerat. Apud filium vero prudentiæ & fortitudinis opinione adeo omnia potuit, ut illius nomine ipse regnaret, multum Timandra indignante, quæ ad patrios auitosque animos virum non cessabat impellere. Sed ille imbecilla lenitate ingenij, omnia uxoris consilia, mox subdole exploranti Commindorigi credebat. Nos à prospera sorte deiectioni cui senior Britomades regionem assuefecerat, ad bustum illius, tanquam Herois, conveniebamus sequentes, specie pietatis, re autem, de gentis no-

stræ more, illic captaturi oracula; si qua sors, si qui dii viam monstrarent ad Cômindorigis perniciem. Hunc enim odisse in pietatis parte plurimis erat; Maxime postquam regnandi cupiditate ardens natum ex Timandra puerum (proh facinus!) nutricis opera dictus est confecisse. Cur non eodem exitu rapta Regina sit, haud facile scias. An venenum, atque insidias, suspiciosa diligentia ipsa vitauerit, an ille infra curam habuerit mulieris vitam. Supra omnia Deûm cura id factum existimo, qui tyrannos sæpissime excæcant, ut anxia & superstitiosa sequitia securitatem querentes vera & certa pericula non cognoscant, aut timeant.

Cum secundo Timandra ventrem ferret, miseræ proli timens destinatæ prius ad mortem quam ingressa vitam esset, obstetricem, & matronarum sibi familiarium duas, (quarum alteram haud pridem eadem Regina cõciliante, habebam uxorem) mature ambire instituit. Ab his Regina flagitabat, ut si marem peperisset, alieno fœtu supposito, legitimum furto subducerent. Illæ quandam ex agris matrem familias, meæ uxori notissimam, in concilium allegant, quæ puerum alere posset; Sicambre appellatur. Ea cum viro (nam & ipsius opera necessaria erat) diis omnibus deuincta rem habere secretam, à mea uxore, dum Regina pareret, in Aulam deducta est. Nullæ nisi ex consciis in cubiculum admittæ. Et Diï fauerunt. Timandra marem enixa est; puellamque regiis cunis fraus muliercularum imposuit. Quem Regina tunc fuisse sensum existimas? Pariendi angustia erant; fœtum quem tot doloribus matres emunt, pro munere ducebat eripi tibi; & sæpe a diui ab ipsa, nihil formidolo-

D d 5 sius

lius animum tetigisse, quam ne infantum
 aut timiditate mulierum, proderentur
 Quamquam tamen & curis, & morbo
 erat, Sicambrem, cui infantis inter tumultum
 tandi prouincia erat, submissa voce affata. Per
 patrios deos sine te exorari vt mihi fidelis
 alios fallere studeo, ipsa interuertat prole
 quemcunque volueris, hunc me pro meo
 bit agnoscere. Adhæc mulier; Dij, Regina
 uocas, effecere, ne in cuiusquam potestate
 hac fraude quam times illudere. Adeo
 fantis haud vulgari aut mutabili nota
 Simul obtulit nudum, ostenditque paulo
 ceruicis exitum tanquam spicæ figuram
 purpura expressam. Eadem species in crure
 rubebat. Et causam fœlicium macularum
 ipsa mater, forte cum pedes in agro spargens
 subito timore perterrita ad turbinis sonum
 gentis campi messem cedentibus spicis per
 rat. Timandra suauissimo pignori postquam
 lum tulit; Fuge, inquit, mi pupe, regiæ patere
 riculum. Fuge, mi Astioristes (ita enim de
 mine appellari te volo.) Dij faxint hos matrem
 ciscaris, qui non sinunt tuam in
 vbera esse securam. Iterum repetito osculo
 Statimque receptum infantem Sicambre
 uit fasciis, & postico ad id ante præparato
 Aula proripuit. Tum vero in humum collo
 illa, quam in regij sanguinis fortunam adop
 puellula, & vocatus ad sobolem agnoscend
 romandes, cum Commindorige intrauit,
 que alienam prolem in sinum, affectu
 quam vbi commendauit nutricibus, sola

puerperam est, diis gratias habiturus ad templum
cessit, illis quidem maiori beneficio quam cre-
debat obnoxius.

Sicambre, cui gnati fortunam Regina credide-
rat, mediocris sortis mulier erat, quia neque apud
illustres satis infans latuisset, neque tenerimo cor-
pori in egena familia satis potuisset sperari subsidij.
Illa concium maritum adduxerat (Cerouistus no-
men est) cui haud procul regia tradidit sanctissi-
mum pignus, & portare molliter rogavit. Huic mi-
sericordia, & spei magnitudo, satis alumnum com-
mendabant. Igitur diuersus ab vxore, ne quid fa-
milia suspicaretur, ad prædium suum iuit. Agrum
enim satis amplum colebat ad Rhodani ripas, nul-
li oppido contiguus, & sanctitatem familiæ rustica
simplicitate seruauerat. Vbi domum peruenit, mē-
titus abiectum se infantem in syluæ vicinia sustulisse,
redeunti haut multo post vxori occurrit, co-
ramque suis rogat, vt miserrimis labellis velit vbe-
ra admouere, nondum scilicet à filio ab lactato arē-
tia. At mulier, tanquam ignara fabulæ, cuncta an-
xie rogabat, qui parentes infanti, quod misero fa-
rum, aut cur proiectus esset vultu tam lepidi, nihil-
que in eo à ratione humani corporis errante natu-
ra. Is nihil se præterea scire finxit, quā quod in biuio
syluæ, solis pastoribus, aut venatorū studiis cogni-
to, iacuerat vel inhumana vel misera positus manu.
Suscepit inter hæc Sicambre vagientem, questusq;
& lachrymas dato lacte composuit.

Ita cunas regius foetus, pro claritudine quidem
generis exiguas, sed vt tempora erant, sceleriter na-
ctus, vbi ingredi potuit atque fari, cœpit in aliam
speciē crescere, quam quæ solet in eiusmodi patrū
fam.

familias domibus videri. Viuax indoles erat, nos venustissimo corpori impar; Præcipue Ceronistus, & Sicambre conscientia & charitatis stimulis cuncta in eo mirabantur, impositoque à Regina nomine, quod multorum Principum fuerat, appellabant Astioristen. Sed Regina vix hæc tuto poterant nunciari; quam ut plurimum semel in mense Sicambre ad coniugem meam veniens furtivi colloquij lætitia reficiebat. Nam homines ruri assueti sæpius in Regia cerni timebant; à consciis quoque matronis identidem admoniti, ut quam maxime suspiciones vitarent.

Vertebatur septimus annus, cum Regina tenendi filij desiderio victa, me, quem suæ domui Præfectum fecerat, his verbis compellauit; Non meruisti, Gobrya, ut tuam fidem muliebri leuiorem existimem. Coniugē tuam diu est quod summi arcani arbitram habeo, & silentio quod præstitit meis rebus primam hanc gratiam referam, quod conscientia etiam tuæ deponam meas curas, aperiamque pulcherrimū facinus, in quo regendo, mea, & Galliarum salus stat. Scisne, Gobrya, quid te iam velim? Nihilne te vxor rerum nostrarum edocuit? Ego præterquā quod rei expectatione eram tactus, adhuc supplicius vultum fingebam, ut integram accepti secreti gratiam sibi Regina habere me crederet; & præterea ut fidem vxoris commendarem, quæ utique neque rem ad me detulerat, neque tamen in totum fefellerat conicientem aliquid magnum agi. Tunc vero Regina non liberius modo, sed & suauius rem tota effata est; Qua audita, nihil tam grande suspicatus contremui, & paulatim per narrationis seriem redeunte animo, laudavi mater-

nam

nam pietatem, astumque utilem rēgno, cui tyrannus imminebat. At illa; Nunc tenes quo loco sit felicitas mea. Tot opibus, tot honoribus culta, solatium quod privatae matres habent adhuc nescio. Seruemus diis volentibus, Gobrya, hoc senectuti nostrae praesidium, hanc parricidae Commindorigi perniciem. Tantum Superi velint, ut crescat auo quam patri similior. Intellego nihil auspicius eius moribus esse. Vultum quidem aliquoties vidi; dum eum sua alumna in templis ex composito producit. Quam autem miserum credis vix conspectum vnicę prolis tuto posse usurpare, & penitus colloquia esse sublata? Tu sodes ad domum in qua alitur proficiscere. Nam facile aliquid in via causam effinxeris. Voluptatem mihi debitam tibi credo, eam ad me pro parte peruenisse arbitratura, si te mandata suauitate expleueris, mihi deinde bona fide referes de indole pueri quod licebit coniectere. Forte etiam cum Sicambre aliquid commiseris, quo eum sine suspitione possim perfunctorie saltem amplecti.

His à Regina dictis, gratias, ut oportebat, egi, quod in tantis arcanis mea praecipue opera uti vellet. Sponte eram à Commindorige auersus, & hac tantę factionis dulcedine, facile pericula contempsit, quae illa spes, & conscientia, afferebat. Igitur postero mane egredior in agros, monstratamque à rusticis viam tenens, ad villam peruenio; Cuius ambitum postquam intraui, in area, qua rustica armenta cum aratris iacebant, video puerorum aliquot chorum, inter se simplici temeritate ludetium. Propius ego accessi, si in illo forte cœtui itineris mei causam offenderem. O hospes! Non
autho-

authore, non indice illic opus. Tot heroum scilicet stirpem satis efficax natura monstrauit. Alij rustico vel puerili metu diffugiunt, aut timide pectore toto auersi, me reflexis intuentur ceruicibus. Restitit ille, nihil territus inassueti hominis vultu. Arcum habebat ætati & viribus parem, cui in terram statuto innixus me operiebatur. Firmus, & liberalis, totius corporis gestus. Sufflaura cæsaries, & ipsa negligentiae opinione melior. Sparsa enim non ceruicibus tantum, sed per incensam ludendi impetu frontem iacebat. Oculus inter iubentis, mulcentisque aciem, os, supercilium, genæ, qualia in Cupidinis signis aspicimus. Ego subita veneratione exhorui, & breuiter deos precatus, vt suis donis faueret; timui tanquam puero priuatæ sortis loqui. Sed ne scenam turbarem, ex equo tantum defilui, rogauique quid parentes agerent, aut ipse valeret; Ille patrem cum familia ruri opus facere respondit, matrem vero domi esse; eamque se, si iuberem, prouocaturum. Facies vero, inquam, suauissime; puer, & nisi molestum est, ego te quoque ad fores comitabor. Ducere ergo cœpit, rogatusque per iocum in quas feras suo arcu vteretur, prorsus innocenti ingenio; Nondum, inquit, mihi lupos insectari, cum nostro Stichos & Ambirinos, pater concessit: In annum adhuc vnum distulit operam meam, & multum tibi debebo, quisquis es hospes, si numerum dierum mihi referas, qui annum constituent. Iam enim aliquoties sensi me, quia puer sum, nec spatia temporum noui, eiusmodi promissis esse frustratum. Risu ego plenissimus, frustra, inquam, hoc rogas. Nam nec memoria tibi sufficiet tanto tempori obseruando quantum à me desti-

nari

nati efflagitas. Imo (refert) mihi dari calculos vel-
le numero dierum pares. Reponam in abdito,
eximamque quotidie singulos, ut cum anno fini-
antur. Amplectebam animo puerilem solertiam,
Vestigia autem ex composito premebam, ut diu-
tius lepidissima contemplatione perfuerer. Sed
Sicambre, nescio unde admonita esse aliquem qui
suo filio colloqueretur, foras exiuit, & ut tanto de-
posito timebat, vultu sollicitudine vario ad nos de-
lata est.

Ut vero me agnouit, dubia adhuc an scirem cu-
ius stirpis puero loquerer, aut quæ omnino fortu-
na mihi ad se viam præiisset, me recepit sub recta,
perplexe de causa itineris rogando, & quid mea
coniux valeret. Sed postquam consedimus, risu in-
ter dubia verba pendente, multum est, inquam, quod
de vxore mea querar, nisi in te recipis crimen, fate-
risque te magistra eam didicisse quam alta tacitur-
nitate simulatio obrepnda sit. Neutri quidem, quod
iam pupum istum prouidi, habeo gratiam, quæ perui-
tacer siluistis; Sed ipsi Reginae cuius iussu vos in-
uiso, tecum quoque exacturus, qua commodissime
ratione ipsa implere auidum pectus eodem solatio
possit. Nam quod aliquando in templis eum vi-
det, parum est ad desiderium matris. Vult ample-
cti, vult loqui, mentem denique saltem semel satia-
re propiori dulcedine. Sicambrae facile fuit excu-
sare silentium. gratulata deinde est, quod Regina
proficiente ad hoc secretum peruenissem. Deni-
que haud vnicam viam monstrabat, qua Astioni-
stes ad matrem duceretur: Sed omnia suspiciosa
erant, nec placebant ipsi authori. Diu cunctati,
nihil tutius habuimus, quam ut Sicambre, ut pote
sape

sæpe apud coniugem meam visa, in agrum qui sub urbe mihi est, veniret cum puero; Et Regina in capis spatiata, umbram quæ in prædio meo latebat, optare se diceret, moxque in secreto conclauino turbatos, non suspicionibus obnoxios amplexui, daret Astioristæ suo.

Tempore igitur cum Sicambre constituto quo ad prædium meum veniret, rursus cum puero iocatus sum, varium specimen futuræ mentis eliciens. Vlnis denique implicui meis tam graui impetui (modo dei æquo fauerent) debitum Regem. Secundum hæc, à villa in proximum oppidum discessi. Illic exacta nocte redeo ad regiam. Timandæ cum singula referrem, solum hoc graue erat, biduo adhuc moram promissæ felicitati intercessurâ esse, quo elapso, cum omnia processissent, venissetque Sicambre cum alumno, adfuit & Regina tam eriguo quam fas erat comitatu, & paulisper in hortis spatiata, velle se in conclauis acquiescere vxori meæ dixit. Ducitur ergo in thalamum secreto quod agebatur aptissimum, vnde loquentis vox non excipi posset. Tum omnibus præter conscios, tamquam Regina somnum peteret, dilapsis; Intromittitur ex vicino cubiculo fidissima Sicambre, applicitumque Reginae genibus filium tradit. Cœcesserat Regina vt adesset, sed quæ vidi, quæque audiui, nullis verbis, nulla diligentia, digne retulerim. Adeo lætitia, pietas, dolor, flendique, & amandi suauitas, omnem modum in Regina excellerat. Longo singultu vocem, & cæterorum affectuum impetum premens, tandem in puerum inuadit, & pene ad vtriusque pectoris liuorem ligat amplexibus. Nec in yno habitu durans, nunc illum pau-

Paulisper submouebat, quo vultum, oculosque & ceterius corporis statum liberiore obtutu suspiceret, nunc subita vi amoris repetebat brachiorum vincula, & tot bonis quæ in puero mirabatur osculū dabat. Quasi sua essent hæc ipsa quæ cernebat in prole, iam tumidior videbatur, iam, opinor, ultorem hunc destinans, incipiebat Commindorigem præcipiti voto despiciere. Rursus amor, ipso furto incitatus festinanter sua fœlicitate fruebatur, simulque cogitatio recessuri mox gaudij inlanientem coge-
bat in lamenta. Quid multis? Nemo nostrum tam altæ & miserandæ pietatis spectaculo non lachrymas dedit. Sed intererat nescire puerum quantus esset. Nam nec silentij fidem promittebat hæc ætas, & si illa immature emerfissent, certa erat à tyranno perniciēs. Itaque inter blanditias quas gnato Timandra ingerebat, nulla verba adhibuit, quibus is sciret, vel Reginam eam esse, vel matrem. Sed percussus specie exultantis gementisque mulieris, inassuetis præterea osculis fatigatus, cum deniq; illa-
chrymari omnes videret, aliquantulum fleuit. & nescius cuius in amplexibus esset, eam tamen veluti iubente natura breuibus vlnis cinxit. Sed illorum simplicitas annorum, longæ curæ aut prudentiæ exors, facile ab ea intentione se subduxit; cultusq; Reginæ, quales ante non viderat, cœpit puerili cōtemplatione lustrare. Lectuli præterea, & stragula, tum quicquid ornatus in cubiculo erat, omnia oculis illis noua, per singula euntem morabantur; Vt nos quoque tam innocenti ludo in amorem & pietatem rapti, illius oculos atque gestus dulcissima imitatione sequeremur.

Dum his rebus abripimur, interim hora effluxe-

Ee

tar,

rat, neque oportebat Reginæ comitatum aliquem nostramora suspicari. At illa non auelli sustinebat à filio, donec spe rediturae lætitiæ sibi imposuit, & ingenti suspirio concussa auertit se à puero, eumque abduci imperauit. Spes autem ea erat. Volebat me cum comitibus aliquot, mei tamen consilij ignaris, ad domum Sicambres peruenire, seu venationis specie, seu quid aliud videretur commodius, illicque Astioristæ indolem atque formam impense laudare, eum denique à parentibus palam petere, quem domi alerem inter vrbanas disciplinas. Non enim eum agris videri aut solitudini natum. Oportebat deinde reluctatam aliquandiu cum viro Sicambrem consentire. Post hæc puer adducendus in urbem tradendusque coniugi meæ erat, tanquã ad ministeria illam ætatem decentia. Sic illius moribus eramus profuturi, & ille non tumultuario aut breui conspectu Reginam expleturus.

Sed illa, mi hospes, consilia, atrocior fortuna peruertit. Vix enim ab eo colloquio triduum erat, cum Cerouistus ille Sicambres vir intrauit nostrum limen vestibibus scissis, omnibusque summi doloris indiciis funestus: Vtique me vidit, nihil dissimulato planctu verberans manu pectus. Dij, inquit, nos perditos, ô Gobrya, voluere. Astioristes nocturnis grassatoribus præda, an, aut vbi viuât, incertum est. Abuexit hunc proxima nocte armatorum violentia, qui spoliatis penatibus meis subiecere denique ignem. Neque nostra tantum tecta hæc pestis consumpsit. Acta est præda ex vicino omni agro; Et ego illi turbini superstes, non potui vestigia seruare impiorum, quia celeriter trans Rhodanum aliquot scaphis delati sunt. Quid vero me facere,

te, quove conferre, nunc auctores? Hæc nar-
rat: Gobrya, penitus Arsidas, tanquam in cladis
tristitæ parte esset, expalluit, indignum fuisse fa-
cinus proclamans, subindeque interrogans, an sic
puer periisset. Quippe maiora de eo expectabat,
nequã noveritis quæ tunc curabat aliena. At Go-
bryas; Multo, inquit, frigidior ad nuncium illud
fui, quam te nunc, hospes, video, esse. Segnem
tamen esse non fuit tumultuarij mali præcipitan-
da curatio. Itaque homini imperavi, ut inutilem
gemitum paulisper supprimeret, mihi quicquid
contigerat prolixius memoraturus. Auditis om-
nibus, varia animo versabam; unde prædones es-
sent, consultone incidissent in puerum; qua celeri-
tate, qua manu persequendi; denique an deferri
ad Reginam hæc clades deberet. Sed hæc postea
commodius narravero. Video enim ad cœnam
tempus esse, quam corrumpi iam aliquoties mini-
stri monuerunt. Atqui refert Arsidas, hilarem
conviviam non habebis, nisi me ab hac solitudi-
ne absolvis, quo successu dolueris, quodve Regi-
næ supplicium de prædonibus datum. Paruit Go-
bryas flagitanti, raptimque edocuit, nihil se aut
Reginam ad luctum aut diligentiam reliquisse:
quamvis & secreto gement, & prætextu alio
quærebant in latrones. Cæterum rapto puero nihil
in iis fuisse auxilij. Nam neque repertos qui eum
abuxerant, neque superfuisse vestigia quibus ipse
ulterius quæreretur. Ergo Reginam hoc quoque
tunc facinus ascripsisse Commindorigi, ita meritis
qui per scelera vivunt, ut non suorum modo fa-
cinorum, sed & interdum alienorum infamia labo-
rent. Postea liquidius esse rescitum, prædones in-

Allobrogum montibus, quo minore inuidia in alieno solo quam in patria peccarent, facta manu Rhodanum transiisse, spoliis deinde onustos, postquam in suam ripam relati sunt, diuisis manubiis agmen soluisse, ne multitudine proderetur. Ita perit scitissimus puer, inquit, & propemodum in amissi desiderio mater.

Adhuc confusior Arsidas; Videor, inquit, magni ædificij apparatus somnio conspexisse, quod postquam artificum manibus creuit, marmoribus & picturis insigne, ut hominum me à somno excitantium plausu perierit. Sic posteaquam puerum seruauisti, postquam perduxisti ad annos quibus promitteret se non frustra seruatum, subito eximis nobis. Sub hæc verba, asperius intra se indignatus, ridebat tacite imprudentiam Gobryæ qui tot verbis tantam scenam apparasset, in qua nihil deinde ageretur. Nec Gobryam latuit hominem esse commotum, itaque ut hospiti vultum restitueret; Si hilari-ter, inquit, cœnas, reducam deinde puerum, marique sistam incolumem. Mutatus ad hæc verba est Arsidas, qui altiori spe, quam Gobryas credebat, rei exitum fœlicem optauerat. Cum vero se ad mensam componerët, excusauit hospiti Gobryas, quod in medio lectulo accumbere iuberet ex Druidis vnum. Ita Gallorum religionem ferre, ut hoc hominum genus siue in scenis siue in conuiuiis honoratissima occupet. Supra hunc vatem Arsidas, infimo Gobryas loco accubuit. Cœnantibus multus sermo de Druidis fuit, dubitante Gobrya, vtrum plus Arsidas scire, an narrare vates vellet. Qui ubi se non in Gallicis modo sacris regnare, sed discipulatores litium esse totamque ab suis præceptis in-
uentu-

uentutem pendere memorauit magnam quoque apud se poëseos, tanquam diuinissimæ artis curam esse, lentis & grandibus verbis monstrauit, in eo sermone diutius hærens, vt aliquid rogaretur recitare. Quod vt Arsidas sensit, coëgit que volentem, retulit ille versus, à se non pridem, vt aiebat, constructos, quibus deorum æquitas celebrabatur, qui diu lædi se passi, tandem ex dignitate desæuiunt.

O fontes animæ, quarum vesana laccessunt
Facta diu Superos, lentum ne spernite Numen,
Ne misera, tardoque graues examine pœnas.
Sera licet sint tela Ioui, nec protinus omne
Ad scelus armato turbet sua sydera nimbo,
At vigili stat mente memor, pœnasque merentium
Annumerat Nemesis iusta Themis ardua cura.
Hinc lethi innumere facies, & funere peior
Mens agra, atque alta diuulso in pectore dira.
Hinc nulla fluuii ripa, & vectricibus vndis
Spumeus in medias Triton venit altior vrbes.
Quid memorem versis exutos messibus agros,
Ventorum seu vulsit hyems, siue agmine fædo
Densus aper strictis effodit pabula rostris?
Quid cum saua lues circum tabentibus auris
Inspirat celeres per membra furentia mortes?
Aut pater armipotens med is incendia fundit
Gentibus, & saturas restinguit sanguine flammæ?
His Superum vindicta modis (ne tarda queramur
Supplicia, & faciles violari crimine diuos)
In meritas sauit gentes, & secula cunctis
Exhaustis fatis. At nos miserabile vulgus,
Ignari quæ tela sonent, cur turbidus æther
Æstuet, vnde anni fragiles, & rara senectus,
Naturam, & casti damnatus corporis artus,

Allobrogum montibus, quo minore inuidiâ in alieno solo quam in patria peccarent, facta manu Rhodanum transiisse, spoliis deinde onustos, postquam in suam ripam relati sunt, diuisis manubiis agmen soluisse, ne multitudine proderetur. Ita periit scitissimus puer, inquit, & propemodum in amissi desiderio mater.

Adhuc confusior Arſidas; Videor, inquit, magni ædificij apparatus somnio conspexisse, quod postquam artificum manibus creuit, marmoribus & picturis insigne, ut hominum me à somno excitantium plausu perierit. Sic posteaquam puerum seruauisti, postquam perduxisti ad annos quibus promitteret se non frustra seruatum, subito eximis nobis. Sub hæc verba, asperius intra se indignatus, ridebat tacite imprudentiam Gobryæ qui tot verbis tantam scenâ apparasset, in qua nihil deinde ageretur. Nec Gobryam latuit hominem esse commotum. Itaque ut hospiti vultum restitueret; Si hilari-ter, inquit, cœnas, reducam deinde puerum, marique sistam incolumem. Mutatus ad hæc verba est Arſidas, qui altiori spe, quam Gobryas credebat, rei exitum fœlicem optauerat. Cum vero se ad menses componeret, excusauit hospiti Gobryas, quod in medio lectulo accumbere iuberet ex Druidis vnum. Ita Gallorum religionem ferre, ut hoc hominum genus siue in scenis siue in conuiuiis honoratissima occupet. Supra hunc vatem Arſidas, infimo Gobryas loco accubuit. Cœnantibus multus sermo de Druidis fuit, dubitante Gobrya, utrum plus Arſidas scire, an narrare vates vellet. Qui ubi se non in Gallicis modo factis regnare, sed disceptatores litium esse totamque ab suis præceptis in-
uentu-

penitentem pendere memoravit magnam quoque apud se poëseos, tanquam diuinissimæ artis curam esse, lentis & grandibus verbis monstravit, in eo sermone diutius hærens, ut aliquid rogaretur recitare. Quod ut Arsidas sensit, coëgitque volentem, retulit ille versus, à se non pridem, ut aiebat, constructos, quibus deorum æquitas celebrabatur, qui diu lædi se passi, tandem ex dignitate desæuiunt.

O fontes anime, quarum vesana laceffunt
Facta diu Superos, lentum ne spernite Numen,
Ne misera, tardoque graues examine pœnas.
Sera licet sint tela Ioui, nec protinus omne
Ad scelus armato turbet sua sydera nimbo,
At vigili stat mente memor, pœnasque merentum
Annumerat Nemese iusta Themis ardua cura.
Hinc lethi innumera facies, & funere peior
Mens agra, atque alta diuulso in pectore dira.
Hinc nulla fluvii ripa, & vectricibus vndis
Spumens in medias Triton venit altior vrbes.
Quid memorem persis exutos messibus agros,
Ventorum seu vulsit hyems, siue agmine fœdo
Densus aper strictis effodit pabula rostris?
Quid cum saua lues circum tabentibus auris
Inspirat celeres per membra furentia mortes?
Aut pater armipotens med is incendia fundit
Gentibus, & saturas restinguit sanguine flammæ?
His Superum vindicta modis (ne tarda queramur
Supplicia, & faciles violari crimine diuos)
In meritas sauit gentes, & sacula cunctis
Exhausti fatis. At nos miserabile vulgus,
Ignari quæ tela sonent, cur turbidus æther
Æstuet, unde anni fragiles, & rara senectus,
Naturam, & casi damnamus corporis artus,

diis repugnaturum dixit, quibus sua captiuitas placisset, nec secius fidem quam antea libertatem culturum.

Non sine numine deum fuit, quod tantopere militibus puer placuit. Abuexere iam volentem, & inuidiam timentes, non à multis eum conspici passi, iam non procul vrbe regia aberant, cum in me inciderunt. Si qua fides, stupui in adolescentuli vultu, illosque auidissime percunctatus (nam nec mihi erant ignoti) vnde hæc præda, & an venalis esset. Retulere hunc se inter captiuos eximium, Commindorigi donum seruare. Credo veritos ne illum mihi deposcerem, obiecisse Commindorigis nomen. Scis Gallorum sagula totum corpus non regere. Itaque dum intentius in eius contemplatione hæreo, & dii nescio quid animo meo grande magis magisque subiiciunt, forte flexit ille ceruicem, meque momento temporis nimio gaudio imparem propemodum confecit. Nam quid loquar felicitate illa dignum? Prodidit, mi hospes, regij sanguinis notas, illam, inquam, naturalis purpuræ spicam, quam in Reginae filio, vt antea monui, fata expresserant. Loqui non poteram in impetu exundantis lætitiæ. Sudor quoque & subita vestigiorum infirmitas, adhuc dubia & anxia vota pulsabat. Tū præsides gentis deos tacite veneratus, vt adessent spei tantæ; Egregium mehercule munus, inquam, Commindorigi inuenistis. Sed videre, Commilitones, num Reginae non aptius tradi possit. Adhuc ætas est non turpis gynæceo, memorque aliquando per quos Domina fuerit traditus, fortasse deinde vos prouehet. Nam & Commindorigi hunc si datis, tamen ad Reginae perueniet, Cōmindorige

hanc muneris gratiam apud illam occupante, quam iam vestra, si sapitis, erit. Milites pauca inter se colloquuti, agunt gratias quod eos consilio iuuissem: cupere quoque se mea opera intromitti ad Reginam. At ego non id tantum in me recipio, sed charissimæ prædæ timens, auidus quoque certiora cognoscendi ex puero, eos ad cœnam voco.

Postquam domum peruenimus, leniter adolescentulum cœpi affari, & rogare quod ei nomen esset. At ille, se Scordanem in prima captiuitate appellatum, in ista secunda adhuc nescire, quod sibi domini nomen imponerent. Tu igitur, inquam, iam antea semel captus? Certe, subiicit ille. Vnde autem, mi puer? & quod tibi primum nomen? Ex ædibus patris (ait) obscure memini me adhuc imbecillem, armatorum violentia fuisse direptum. Nec quid ultra memini, nisi nos ruri habitauisse, & me Altioristem à matre runcupatū. Sed Rex Aneroestus dono eorum qui me rapuerant deinde habuit, inter cuius liberos pene haud dispari cultu, vel gratia, pulcherrime aliquot annos egi. Voluit quoque in rudimentum militiæ, vt bellum hoc viderem, in quo, heu! & quid illo actum sit nescio, & ego iam alia fata, ac vt opinor viliora exorsus sum. Sub hæc verba dolore animi turbatus est. Sed ego iam certus negotij, adoratis numinibus, in quæ potius quam fortunam, referebam rerum seriem: Nihil, inquam, ô puer, in te dii peccauere: neque factis ingratus sis, quæ te in Reginæ familiam asserere tot calibus laborauerunt. Magnæ felicitati seruatus es, puer.

Impotens lætitiæ eram, & nocte inter maximæ spei, omniumque bonorum inquietas imagines ducta,

ducta, militibus significo me ad Reginam ire, illis
aditum impetraturum. Cultum solito nitidior
assumpseram, coronamque habebam, tanquam sa-
cra diis facturus, vultus præterea erat inter gaudij
sensum porrectior, quæ omnia recentis victoriæ ex-
cusabat hilaritas. In hoc habitu cum Reginam sa-
lutassem, paululum fallere constitui, nec à princi-
pio læticiam totam dare. Igitur, Ne mirere, Domi-
na, inquam, hanc animi insolentem læticiam. Dij
arcana vi somnij ita me impulere. Forsitan super-
stitiosum appellabis. Sed adeo certa fuit quæ dor-
mientem egit imago, ut nec somniis illam annu-
merem. Ne amplius dissimulem, vices tuas iam
gaudeo. Ita tibi fœlicem hunc diem portendi mon-
stravit Mercurius credo, aut si quis est alius deo-
rum nuncius, qui venturarum specie rerum somnos
mortalium erudiat. Tum Regina; Quinam autem,
Gobrya, hi gaudij montes? aut verius quid insanis?
Videbam (subiicio) sub auroram, cum puriori-
bus somniis tempus est, honestissimæ puerum fron-
tis, his me verbis compellantem; Vade ad Reginā,
Gobrya. Nunciabis me ad illam aduentare. Tam-
diu expectitum hodie securissima ratione conspi-
ciet. Quis tu autem es? inquam. Nam neque vultu
isto ac genio, inter te & ullam deorum prolem
disconuenit. At ille iratior; Adeone Astioristem i-
gnoras, ut nomenclatore opus sit? Non nouisti Ti-
mandræ filium, Principem tuum? Illico loquen-
tem agnoui, cumque vano conatu niteret ad am-
plexus, excitauit animi impetus membra, & per
ingratissimam vigiliam puerum amisi. Diuinum fu-
isse præsagium, Domina, illinc intelliges, quod tan-
quam cogentibus Superis, de euentu nec ambigo.

Tenebis hodie Astioristē tuum. Regina his auditis demisit in pectus anxiū vultū, rursusq; se erigēs, adeo nihil latū ostendit, vt iam poeniteret me fabulæ. Quid tu me, inquit, rapis in dolorū memoriā. Aut hæc fortuiti soporis delira species fuit, aut si quid simplicius dii significant, vita hodie defungar, amplectarq; inter manes filij vmbra. Imo, Domina, inquā, nisi mea promissa pcesserint, vel multato exilio, vel quod omniū vltimū, odisse me velis. Ibo ad templum agamque cum Superis vt promissa representent.

Tanta alacritate coegi vt speraret, protinusque digressus, pro templo ac dijs, meam domum habui, vnde fœlicitatem expromerem. Milites ergo cum munere suo in vestibulo regiæ constituo: per Præfectum regiæ custodiæ familiarem quidem meum, cæterum rei quæ agebatur ignarum, paulo post introducendos ad Reginam; Ad quam interim redeo, teneoq; silentium, si quid forte ipsa prior inciperet. Constabat esse commotam. Nam interdum ambulabat præter solitam vestigiorum mensuram, interdum residentem acerrimæ cogitationes figebant, in me denique sæpissime intuebatur; Cum ecce Prætorianorum dux vt rogatus à me erat, intrauit, monuitq; adolescentulum de præda venustissimum adesse, quem duo milites munus Regiæ adduxerant. Perturbatus Timandræ animus, nondum fata, quamquam sese iam explicantia, capiebat. Nec quid maius suspicata, milites iussit admitti. At vero vbi cum munere fuerunt in conspectu, suauissime hospes, stupore & affectu crescente per gradus, vt correpta, vt possesta dirigit! Spes quam feceram vix passa est vt audiret
suum

suum munus commendantes, sed vltro, periculo-
ro & temerario impetu, inspexit in pueri ceruicem,
agnitoq; natalium signo, vt confusam mentem te-
geret, aliquamdiu pallam in vultum duxit, quasi o-
culis male esset. Obfirmata deinde, os retexit. Tan-
demq; militibus post promissa, & gratias dimissis,
mihi secreto his verbis blandita est. O præstigiator!
vigilans scilicet somniaueras! & quæ vera sciebas
quo differres gaudia mea referebas in soporis va-
nitate? Scis quo modo te vleiscat? Tardiora præ-
mia erunt, quæ, fateor, debeo tibi summa. Referes
postea, qua ratione in puerum incideris. Nunc il-
lum accipe, & tanquam ad nostra obsequia institu-
endum ale. Disciplinis tenerum imbuemus, quæ
summam sortem decent. Sine suspitione interim il-
lius aspectu & colloquijs fruar.

Post arcana hæc verba, mihi publice puerum
tradit, quem Scordanem appellabamus. Ipsa, quo
solutius lætaretur, in secretū secedit. Militibus au-
tem præmia cum fide persoluimus, regia quidem,
sed non tamen inuidiosa, aut paria dono. Ecce au-
tem in illo sereno non temnendam vim subitæ tē-
pestatis. Rex Aneroestus missis ad nos præconibus,
nunciabat, Si quis suauissimum puerum, sibiq; in-
ter filios numeratum, reddere vellet, tantilli capi-
tis pretium talenta centum fore. Pertinuimus ad il-
lius importunam benignitatem. Nam qua inuidia
aut suspitione hunc Regina seruaret, quem tam
chari suus patronus licitabatur? Saltem barbaræ
crudelitatis videretur, & hoc gaudium seni, & tot
bona puero inuidere. An cessaturus denique esset
ipse Scordanes, si ad vires fugiendi adoleuisset,
aut alijs centum talenta quæsituris non se quoque
ad

ad furtum præbiturus? Dum hæc timemus, & nec placet cum Aneroeſto paciſci, nec honeſte retineri puer poteſt, fortuna Aneroeſto infeſta illico nobis fauit. In eum ſiquidem ſui ciues inſurgunt. Subitum bellum fuit, exituque cruento in acie ceciderunt filii Aneroeſti, quos duos ſpei eximiae habebat. Ipſum (quanquam non reperiſſum cadauer eſt) illa ſtrage occubuiſſe crediderim. Et tum quidem qui eum deiecerant, regnum illius tyrannico ambitu ad ſe traxere. Vix tantam Aneroeſti cladē Scordanes viuus tulit. Tanta illi pietatis, ſuzq; iacturæ ſupra ætatem cognitio erat. Tamen mora, & (quis puerum crederet?) argumentis demulſimus. Ita redditus ſibi, nobiſque ſeruatus, expectatione celerius, omnem ſui admiratione ordinem, omnem ætatem, in regia compleuit. Seu equitandum, ſeu tela mittenda, ſeu ductus in patrie orbis ſagittas expectabat, ſtatim æqualibus maior, tantus deniq; erat cui poſſent magiſtri inuidere. Nec ſuperba, aut peruiſa naturæ felicità. Amabant omnes vinci, quia prius neminem vlla arte quam humanitate & obſequio ſuperabat. Nihil in colloquendo vrbanius. Cunctis cedere, ambire vniuerſos. fecundiffimus ſalibus, quos, ne læderentur cæteri, in ſe primum experiebatur. Adoleſcebant præterea vires, quas durabat lucta, & palo, curſu quoque & venatu, domandiſque iugalibus, multa præterea inſomnia, parco victu, & tempeſtatibus anni totius, ipſo vſu, valetudini ſuæ conciliatis. Aui denique ſui (quod ego & Regina præcipue apud nos gaudebamus) exhibebat non indolem tantum, ſed vocem & geſtus.

Haud multo plus ſedecim annis vixerat cū animū

num illi ac vires maturauisse visa sunt fata, ne o-
mnes periremus. Quippe Commindorigem ex ni-
mia copia fastidium ceperat nostri obsequii. Ultra
bonorum patientiam læuiebat, scelere diuturno
audacior, expertusque quam inulte Britomandes
despici posset. Ad extremum nomen regium haud
obscurè optabat, clientum suorum vocibus in
hac ambitione frequentibus, ut dicerent, langue-
scens sub Britomande imperium, à stenuo homi-
ne excitandum. Plus regnum Commindorigi de-
biturum, quam Commindorigem regno, si id ei pla-
ceret auspiciari. Parum interesse Britomandis ad re-
gia munia inepti, ac præterea virili prole carentis,
quo nomine appelleretur. Commindorigem non so-
lum ex prima nobilitate, sed præterea virum esse.
Iamque haud procul ab exitu erant furibsa consi-
lia. Dicebatur tyrannus agitare quo tutissime mu-
nimento Rex cum sua Timandra teneretur, quæ ad
eorum victum vectigalia relinquenda, quis vtri-
que comitatus, quæve custodia. Adeo deniq; despe-
xerat iacentem Britomandem, ut perplexe auderet
sciscitari, an relinquere ultro posset tam graue &
molestum negociis regium nomen. Quippe ratus
multum sibi decessurum inuidiæ, si id à volente im-
petrauisset. Laceratus indignissima voce Rex, tunc
quidem tenuit iram, sed deflere deinde apud Ti-
mandram fortunas suas cœpit. Illa nihil cunctan-
dum existimans, & si fata obstabant, saltem forti-
ter percundū; Habeo, inquit, quo te ob impio hoste
vindicem, Charissime coniux. Sed timeo ne me fa-
cilitate tua destituas, detestisq; apud inimicos ma-
chinis, mecum quoq; te obruas. At Rex Diis supe-
ris manibusque inuocatis, confirmat se non tantū
silentio,

silentio, sed etiam auctoritate accessurum Timandra consiliis. Agnoscere miseram mentem quantum ante peccauerit, sed vi iniuriæ cladisq; quæ instabat, iam fortiores esse.

Timandra his verbis lætissima, si fidem seruas, ait, die crastina vel victores dignitatem asseremus, vel Reges moriemur. Cæterum nemini ipsa in illâ noctem cōmunicauit consilium, nisi quod fidissimos aliquot admonuit, vt ad se sub auroram conuenirent. mihi autem non tantū adesse, sed alumnū adducere præcepit, vultu adeo extra ægritudinem ficto, vt nihil insolens aut turbulentum conicerem. Tunc Commindorix venationi operam dabat, tertio ab vrbe milliari, ante biduum profectus in regiam domum, vbi saltus, & feræ solis Principibus seruatae sunt. Prima igitur luce coimus ad regiam, vt erat imperatum. Sedecim non ampliùs eramus, quos ipsa ante Regem constituit, omnes ex numero Optimatum, & Commindorigi vel publice, vel priuatim inimicos. Cumq; alumnus meum propiùs iussisset accedere, ita ad Regem loquuta est. Adhuc incerta sum, Domine, an tuo iudicio crimen sit, quod tanquam egregium facinus professura aduenio. Celauit te enim fœlicitatem tuam, vt ea securior tibi esset. Nam hostes crescentem sustulissent, quæ matura nunc eosdem peruerteret. Ignosce igitur quod tam diu silentio meo factū est vt nescires quantum dijs debeamus. Et, vt rem paucis aperiam, desine isto adolescente viuere, te liberis orbem credere qui patrio ritu in sceptrum succedant. Nam per deos deasque quotquot appellari fas à me est, hic est filius tuus, hunc ignaro tibi peperit, mentita puellam ex me natam, quam
paucis

paucis mensibus quibus vixit, de meo nomine Timandram appellauisti. Simulandi causa fuit, ne in illum Commindorigis impietas aliqua arte fauisset. Cæterum quamquam graue est præsentem laudare, dicam tamen quod non potest siliari, assurrexisse eum in indolem dignam maioribus, & deos sua cura prolixius quam optare ausa essem, meum consilium asseruisse. Quippe nascenti, penates rustici quidem, sed fidi, contigerunt. Ita infans delitescere atq; ali cōmodissime potuit. Crescentem seu prædonum vis, seu potius benigniorum mens Cælitum, deduxit ad externi Principis aulam, in qua sine suspitione assuevit elementis negotiosæ & exercitiæ vitæ. Hinc à diis specie prædæ nobis redditus, ita consummauit pueritiam, ita viriles annos exorsus est, vt utilis esse posse incipiat, nunc cum tolerabilis Commindorix desit esse, qui premendus est, ô Rex, aut accipiendus in dominum. Quantum enim à captiuitate abes? Quid aliud expectamus quam vincula? Age potius, Charissime Coniux, vliscere vna hora tot annorum audaciam. Quod si te patientiæ consuetudine despicias, at regnum autum huic soboli tuæ serua; Procerum etiam misere, quos hic vides. Nemo enim illorum est, qui quoniam pro maiestate tua stetit, non debeat aut mortem, aut ea contumeliam grauiorem, expectare à tyranno. Noli tuam dignitatem, cōiugem, prolem, & tot fidissimorum salutem nunc prodere. Nec de mea fide dubites, quasi nouandis rebus hunc falso sanguini regio ascribam. En collo, en cruri extremo certissimas notas, tanquam factorum sigilla, quibus vario discrimine amissus repertusque, me & illos qui conscij mecum erant nō fefellit.

Sed

Sed præterea eiusmodi sunt tempora, ut etiam si hæc cōmenta à me essent, debeas commoda fraude uti. Interuerte tuum hostem nullis facilius artibus quam hac nouitate domabilem. Parra pace de huius natalibus maturius habebis quæstionem. Nunc si quod est esse non credis, at tua interest ut credere fingas. Versa deinde ad filium, ô mi Astionistes, inquit, ita enim nascentem appellauimus, liceat nunc te tandem bona fide amplecti. Mi gnate, tot mihi lachrymarum, tot votorum materia. Da frontem, da ora ad osculum. Nunc primum & te nasci, & me matrem esse existimo.

Sic loquente Regina, omnes præter me obstupuerant. Solus enim sciebam vera esse quæ illa referebat. Sed nec in totum ab admiratione abera, quod adeo improuiso mihi consilio rem ad Regem derulisset. Cæterum ex omnium ore constabat quam hoc nouum mētibus esset. Rapta voce, vultumq; constantia in se mutuo intuebantur. Deinde hi deos vocabant, alij mittebant lachrymas, aut sublatis in altum manibus taciti mirabantur fortunæ ingenium. Ita enim Regina vixerat, ne quis fraudem ab ea metueret. Nemo alius tamen ipso Rege, & Astioniste, mutatus est. Rex gaudio, cæterisque affectibus amens, non loqui, non moueri. Inspiciebat nunc in coniugem, cui longæ fidei experientia credebat, nunc in filium, & ipsum non minima perturbatione attonitum: cum enim in illius collum Regina inuaderet, non ausus negare amplexus, non offerre, incertus contremuit. Sed Regina lachrymis in coniugis vultu visis audacior; Patiatis, charissime coniux, inquit, hunc recipi ad genua tua, aut si iam te patrem sentis, prior quoque porrigere manum.

manum. At Rex, Non me adeo, fidissima coniux, inimici diſagunt, vt hanc ſtirpem repudiem; virtutibus me hercule atque fama, quantumcunque regio generi ingens decus allaturam. Equidem ſanctitate, & prudentia tua fretus, non dubito quin ex me ſit genitus. Quod ſi tamen ipſa deciperis, ſi quod non eſt eſſe exiſtimas; nihil minus hunc filium mihi volo; vt ſi non vincula naturæ intercedunt, ſaltem adoptione me faciat patrem. Simul in procumbentem toto pectore ſe dimiſit. Clariffimus iuuenis, & omni virtutis experimento notabilis, pridem omnium corda ſibi deuinxerat. Igitur eorum qui aderant fauorem nulla tantæ felicitatis inuidia corrupit. Iam tanquam dominum intuebantur, iam osculum manui veſtique ferebant; etiam ſeniores reuocabant ad auum Britomandem memoriam; & tum vere, tum ludente oculos pietate, plurima ex vultu illius naturam in nepotem tranſtulſiſſe monſtrabant. Rex denique ab vxore quærere cœpit omnem deorum rationem qua ſeruatus filius ſibi eſſet. Sed Timandra; Minus occupatæ lætitiæ (inquit) eſt illa narratio. Nunc à iugulis noſtris depellamus perniciem. Quamdiu Comindorix viuet, nec Reges eſſe nos, nec propemodum homines credam. Quo animo putas ſuperbiſſimum hominem accepturum hoc tuæ familiæ incrementum? Sed fruſtra, ſi me audis, ſæuiet. Populi & militum animos, ſubita nec difficili arte occupa. O ſi te ſinceret valetudo ad illos procedere; ſi coram, facere tantis rebus auſpiciū! At ille; poſſum ire, domina, poſſum: Et niſi aliud cōſulitis, placeat populum in regiæ veſtibulum ad concionē vocari. Hoc erat, inquit Regina, quod optabam. Præ-

F f cipi-

cipienda sunt omnia, priusquam aliquid admonitis
 tus Commindorix turbet,

Præcones igitur tota vrbe celeriter dimittit, qui
 populum ad concionem vrgerent quam Rex esset
 habiturus. Omnibus illi videbantur insanire. Nam
 quis crederet Regem qui tot annis publico absti-
 nuerat, repente prodire ad populum, ac etiam ora-
 re? Quid insolens, quid subitum contigisset? Mon-
 stra hæc singulis erant, mutuoq; ignari, vt in incer-
 tis sit, rogabāt docebantq; ne. Sustinuere aliqui di-
 cere, abdicaturum in ipsa concione maiestatem
 hoc vltimum munus regię potestatis vsurpare. Ere-
 cta omnium studia erant, feruebantq; coeuntium
 turbæ. Prætoriani milites, & ipsi acciti, per centu-
 rias & signa constiterant. Sublimem inter hoc lo-
 cum, instar scenæ, diligentissime excitamus; Ad
 quem postquam Britomandes Proceribus medius
 est progressus, & reledit cum Timandra in sugge-
 stu, sibi que proximum statuit Astioristem; variæ
 in populo voces fuerunt. Hi ad Regis conspe-
 ctum lachrymabantur, quærebant alij quid subitæ
 dignitatis apud Regem externo iuueni accessis-
 set. Sæpe denique imperato silentio Britomandes
 dicere exorsus est; Diis gratias haberi tam à se quā
 populo æquum esse, quod sibi filium, regnoq; hæ-
 redem reddidissent. Hunc iuuenem quem propè
 se collocatum cernerent, Regina partum esse. Sed
 hostium metu cū natus est esse celatum, eductum-
 que vt priuatæ sortis infantem; deinde diuersitate
 factorum amissum ac receptum. Se illo primū die
 agnouisse eam stirpem; nec quicquam distulisse
 quin gaudium populo daret quod esse publicum
 oportebat. Ac vt gemina omnibus lætitia esset, se
 mili-

mililibus quidem donatium promittere; oppida vero & portus triente tributorum & vectigalium leuare. Eidem modo exhiberent viris dignam, adessentque Cœlitum cœptis, qui tam eximie Gallia fauerant. Astioristes deinde Rege iubente, populo militibusque loquutus est. Gratus antea omnibus fuerat; & tunc auspiciatissimæ formæ sublimius aliquid accessisse videbatur. Is iterum donatio intrastrinū promisso milites suos fecit; Populo quem vectigalium minuendorum pollicitatio iam mulcebat (ea enim atrociter Commindorix, & sub invidia Regis intenderat) adhuc congiarium & epulum promisit.

Tam nouis & arduis rebus, ad trahendas vulgi mentes magno momento fuere Optimates, qui cum Rege & Astioriste constiterant; hi firmiter provinciarum rectores, alij Præfecti militiæ; prope modum autem clarissimis stirpibus nati. Itaque multitudo cœlum acclamationibus impleuit; miles armis concrepuit; faciliq; & subito impetu, ut vulgi sunt studia, vniuersa concio consensit huic fortunæ. Soli Commindorigis clientes, tanquam in patroni exitio marcebant; aut illius freti potentia, tacite minabantur hæc omnia eo absente audientibus. Sed multitudini impares erant, quæ tunc quidem extra periculum fortis, mox subito terrore deiecta est. Quippe Commindorix sub hos motus urbem intrauit, aliquid insolens agi per suorum quosdam admonitus, qui ad eum decurrerunt, ubi primum vulgatum est concionē à Rege prouocari. Is ut in venatico habitu erat, præcipatione & iracundia calens, postquam vidit populum coisse, & eminere in solio Britomandem, nō dum gna-

rus quid ageretur, sed tanquam supercilio satis omnia compressurus, conscendit ad Regem. Nemo eunti obstabat, diuturna tyrannide non in odium magis, quam reuerentiam & metum crescente. Ergo per cuneos populi, iam muti timentisque peccasse, vltro exceptus est. Manu venabulum tenebat, ferrum erat ad latus. Pauci ex domesticis, ut festinatio fuerat, comitabantur, nostris sparis maxime armati. Iamq; ad sublimem contabulationem peruenerat, in qua Regem pauci Procere circumstant; Illiusque gradibus tumultuarie superatis; Quæ, inquit, hæc insolentia rerum est? aut quis Regi & Reipublicæ, me absente, per seditiosos conuentus ilusit? Expalluerant omnes ipsa parendi timendique consuetudine. Et parum videbatur in Rege opis esse. Solus Astioristes intrepidus stetit, processitque mox obuiam, & leuiter manu repulsum, ponere tela iussit, & ad Regem quem in solio cōspiciebat ire modestius. Commindorix aliquem id contra se ausum, acerrima indignatione permotus est, celeriq; consilio, ne impune hoc esset, contorsit in Astioristæ ora venabulum, quod ipsius declinatione vitatum, delatumq; ad prætorianorum phalangem, peccauit in milite. Ensem deinde ex vagina vterque diripuit.

Memorabilius forte spectaculum, hospes, nostra ætas nō edidit; quod ut te nunc etiam oblectet, finge animo rerum speciem qualis hæc erat. Quicquid spatij circa regiam fuit, milites, populusq; (& ipse de Gallicorum conuentuum more armatus) late stipauerat. Scenam illam quæ Regis solium ferebat, accersiti à Timandra Optimates conscendebant. Rex altior cum Coniuge sedebat in suggestu.

Nemo

Nemo tamen vbi Astioristæ & Commindorigis enses fulserunt, aut accendere pugnam aut prohibere sustinuit. Tanquam aliquo fatali torpore omnes inhorruissent, vndique silentium fuit, oculis mentibusque in hoc vnum certamen compositis. Ex illius enim euentu suam quisque fortunam expectabat; & ceu suus funderetur illis ensibus sanguis, sic quisque dolebant, aut vouebant. Deos etiam arbitros pugnae plerique adesse cogitabant. Iudicarent illi de lite, id est, de Astioristæ natalibus. Si non fabulosæ vanitatis mendacio asserebatur in sceptrum, non commissuros Cœlites, vt per tanta seruatus prodigia in debite fœlicitatis limine caderet. Ipsa quoque pugnantium species intimos affectus ciebat, & multorum animos trahebat in partes. Nam Commindorix mensuram mortalium prope excesserat: validissimi erant artus, & proceritati non impares; trux vultus, integra adhuc ætas virium, animorum, militarisque & athleticæ artis ingens opinio. Cōtra in Astioriste viuida quidem, sed tenera adhuc ætas, non altius quam ad hostis sui humeros staturam promouerat: Vultus, quamquam tunc minis asper, qui virginis esse posset; liberale vestigium; nec quicquam in eo timeri dignius quam amari. Et hinc misericordia apud bonos; quod cum experto, & toties victore progrediretur. Cæterum paria arma erant, enses vtrique. Nec dubitauerat Commindorix ipso impetu iuuenem proteri posse. Itaque spernenti viciniorem tanquam ad facilem ruebat victoriam. Sed postquam aduerso mucrone depulsus est ictus quem alte parauerat, & Astioristæ gladium ægre à iugulo remouit; tunc vero diligentius in illum cœpit inspi-

cere, & vt in iusto discrimine se tueri. Iamque ensis
vtriusque vanos in ictus bis terque ceciderat, cum
tandem Astioristes prior vulnus accepit in capite,
qua in supremam frontem capillitium excurrit.
Tum vero sudore ac cruore formosior impatienter
excanduit. Circuire, accedere, relinquere hostem,
artisque & ingenij mutatione lassare. Virgebat no-
bilissimam mentem victoriæ decus, & præmium;
gnarus illius mercedem certaminis Gallicum esse
imperium. Sed omnium maxime pietas instabat;
vt repertos parentes in dignitatem assereret. Ita
hostem obsidenti tandem dedit se fortuna. Vt a-
pud nos, de veteri more, cæsim pugnatur, destina-
uerat forte ictum in caput inimici, quem ceruicis
deflexio non in totum frustrata est. Incidit enim
ensis in aurem, quâ cum modica genæ parte deie-
cit in terram. Mouit tyrannus cæsariem; horridus-
que indignatione & minis infremuit. Furum pœ-
nâ ac dedecus ille casus inflixerat. Manabat & plu-
rimus sanguis; adauxitq; hoc ipsum insaniâ, quod
Astioristes (tanquam hoste contempto satis iocis
vacaret) dati vulneris dolorē cumulat ludibrio.
Recruduit itaque pugna; donec visus est Astiori-
stes indignari tanto tempore constare victoriam.
Fœlix ictus, & Galliæ salutaris, qui Comindorigi
lacertum eripuit; Quo prolapsus institit victor, re-
clusitque adhuc mori dubitantis vitalia.

Exultauit Arsidas intellecta victoria; quasi ca-
dentē in arena gladiatorem suo plausu sequeretur.
Neq; mora; Videor, inquit, in Astioristem vestrum
inspicere. Gobrya; qualis hoste confecto, labore
periculoq; iam grandior, se parenti atque vobis ex-
hibuit; Vt lætia, vt successu, magnifice intumuit;
quam

quamdiu nudum ferrum, asperumq; hostili cruce,
prætulit manu. Iuvat ô Gobrya, in tam dulci
cogitatione hære. Sed quid mentis militibus po-
puloque Commindorige cæso fuit? Talem popu-
lum Astioristes habuit (subiicit Gobryas) qualem
optares. Voce, plausu, omni gratulatione effer-
buit. Miles extemplo de iussu Britomandis, no-
uo se iuramento Principi obstrinxit. Nocte deinde
festos ignes ciues coronati, choreis cinxere. Nihil
aliud audiebatur in compitis, quam contumeliæ
in tyrannum, aut Astioristæ præconia; quorum
pars vulgaria erant, moxq; casura; alia quæ consta-
bant numeris, quoniam canebantur, diuturniora
habuimus. Noster hic inter cæteros vates (simulq;
Druidam oculis designat) non abstinuit carmini-
bus in communi argumento; quæ, vt adhuc tan-
quam recenti victoria lætemur, si hospes iubebis,
vt est humanissimus, recitabit. His auditis, Arsidas,
magis ne Druidæ ingenium remnere videretur,
quam quod amaret narrationē eiusmodi interpo-
lari carminibus, apertissimo vultu inspexit in Poe-
tam. Nec multum abnuentem exorauit, vt addito
pene cantu, hos paucos versus daret:

Nam quem de Superis colemus omnes?

Cui plus floribus intumescet ara?

Hic honos Superis sit magis omnibus,

Non vno potuit Gallia numine

Exni vinclis meritoque fœlix

Plaudere Regi.

Diurum cecidit manu tyrannus.

Hunc Tirynthius, hunc Diana telis,

Pallas monstrifica perculit agide;

Hæstis Bellipotens, fulmine Iuppiter.

Hunc & infestis petiit sagittis

Certus Apollo.

Illi scilicet adfuere Diui,

Et suas tibi credidere vires,

O Heros, misera flebile vinculum

Dum rumpis patria. Gallica Perseum

Terra te sensit. Tibi liberata

Nupserit vni.

O lux, ô bona, nec premenda nocte!

Sauum pene puer Giganta spernis.

Despexitque tuas ille ferox genas;

Qualis tela diu tergore reppulit,

Ausus imberbem maculosus hostem

Spernere Python.

Te, te delicias, ocellulumque

Natura iuuenem! Ab pios nepotes

Ab dona cupidis chare parentibus.

Tis bonus thalamus seu tibi cesserit;

Seu vehet curru, facietque latum

Cynthia latum.

Laudatis carminibus Aridas vultum Gobryæ
repetit. At ille; Non te superflua narratione confi-
ciam, quæ Druidû, quæ Equitum, decreta in Prin-
cipes; quot dierum supplicatio, quæ ad omnia fa-
na populi turba; vt denique omnes in pacem (quæ
in tanta Commindorigis factione sperari vix pote-
rat) sponte aut metu consenserint. Quia nox pro-
uecta est, hospes, & te dicendo fatigauimus; paucis
ad hæc tempora nostrum Astioristem perducam,
qui experimentum potentiaæ suæ cepit, non volu-
ptatibus aut insuetæ dignitatis superbia, sed libera-
lissima pietate. Cerouistum & Timandram, sub
quibus vixerat infans, acciuit in regiam; ipsisque
Cero-

Cerouisto negotiis scilicet assueto quæ patresfamilias decent, suæ domus præfecturam attribuit. Sicambrem tradidit matri; mox æquatam matronarum præcipuis. Cum eorum filio, qui & Cerouistus appellatur, puer assueuerat lustrare, & tunc renouato commercio habuit inter familiares eximium. Adhuc illustrioris fuit in Regis Aneroeſti memoriam pietatis. Huius in se amorem meminerat; Centum illa talenta pro puero & captiuo promissa, mouebant gratissimum pectus; gaudebatque Timandra Regis illius casibus palam filium ingemiscere; conscia ex meritis suis ipsa quanto magis amaretur. Itaq; & honorarium tumultum excitauimus Aneroeſto, bellumque tyrannis qui eius regnum tenebant indiximus. Vtilis regno hæc Astioristes in alumnum deuotio fuit. Nam domitis hostibus, terræ nobis & gentes cesserunt olim Aneroeſto regnatæ. Ipse Astioristes bellum hoc gessit; intraque sex menses validissimas arces in Alpibus, & quicquid in illis gentibus roboris fuit, sic quæsit suo patri, vt nulla fidelior deinceps prouincia nobis extiterit. Vbi tyrannos Aneroeſti spoliis incubantes partim in acie, partim suppliciis cecidit, ad parentes insigni triumpho reuectus est.

In ea fœlicitate triennium à Commindorigis morte regnavit sub paternis auspiciis. Ratum esse volebat Britomandes quicquid ille iussisset. Hinc magistrat^{us}, hinc milites edicta accipere; ab eo prouehi Optimates; aut, si merebantur, premi. In eo acquiescebat Timandra; sibiq; domi & foris videbatur fortunata. Ter illa omnino pepererat. Primū natu Commindorix per nutrices sustulerat. Astioristes secundo editus partu, effecerat vt sospes esset fa-

milia; Tertius labor, filia fuit, sexennio Astioriste minor. Hâc Dîj volunt incolumem; specie ac moribus inclyta viuit. Cyrthæam appellamus. His se duob. liberis Timandra oblectabant. omneſq; iam ceperat elapſe calamitatis obliuio; Cum mutandis ipſe reb. magno, vt exiſtimo, fato Astioristes incubuit. Cupiditate ſciendi quæ tellus quive homines extra Galliam eſſent, ſine cultu, ſine comitib. nauigare inſtituit. Herculem, Theſeumq; referebat, & ex vltimo Oriente tot Heroas quæſiſſe ſibi laudem eiufmodi periculis atq; vita. Addebat in tâta poteſtate qua Aulam regebat, ſe iniquis videri non tam aſſeruſſe parentem in regnum, quam alia ſeruitute preſſiſſe. Sed alia, vt opinor, & ſecretiora ſuberant, quæ hanc illi peregrinationem commendarent.

Conuocatis ergo Proceribus, conſiliiq; nouitatem mirantibus; his ſe parentes dixit, regnumque tuendum paulisper relinquere. Nuncupaſſe olim vota remotiſſimis à Gallia diis, quæ in eorum templis exoluere deberet. Ne vero hâc ipſius mentem tristes acciperent, aut luſtibus abeunti omen facerent. Rediturum enim incolumem & patriorum deorum numine, & religione eorum quos petebat. Cum vero acriter repugnaremus; & ad preces gemitus quoque & lachrymæ paſſim accederent; ille, vt ſpe data mollioris ſententiæ, non adeo timide aut enixe rogaremus, ſponte quidem viſus eſt fleſſi; Sed eadem ſubito nocte ſe ab Aula proripuit. Tam arcano & periculoso itineri vnus omnino placuit comes, filius ille Cerouiſti & Sicambres, quem ludorum ſeriorumque conſortem diu habuerat. Quo profeſſi, vbivixerint, quid illis periculi, quidve virtutis, quamquam nuper redierint, adhuc fere inco-

incognitum. Adeo suos errores egregia fide tegunt. Tunc vero, ut timore, ut dolore stupuimus! Qui populi, qui Procerum vultus, postquā Astioristem abiisse compertum est! Lymphati homines ibant, viasque scrutabantur & flumina; si qua possent habere, & morari discedentem. Sola denique nos Timandra à desperatione prohibuit, post aliquot dies literas ab incolumi filio habere professa. Neque tunc modo, sed deinceps se frequentes accipere referebat, seu vere, seu necessario solatio ægras mentes refectura.

Haud multo plus anno Astioristes abfuerat, cum Britomandes morbo solutus est. Omnes de iuvene querebātur, qui obseura peregrinatione destituisset regnum; Ut cū Britomandes efferretur, pene regio funere lugubrius esset voces audire eum ad patriæ salutē vocantium. Sed interim capeienda negotia erāt, & Timandra viuere filium, ac valere asseribat; sibi que dum ille rediret, reipublicæ summam esse tradendam. Soli illi obstabant, quorum intererat Astioristem non viuere. Ab his vulgo mortuus iactabatur: Regnamque aiebant non ferendam, quæ virile aucuparetur imperium. Sic in partes facile itum est. Plurimi cum Regina sentiebant. Alios ducebat Commindorigis patruelis. Incaluerant factiones, adeo ut iam terra marique præsidia essent; Classis præcipue curabatur; Quia à Massilia Timandram excutere pro victoria hostes ducebant; & illa in portus urbisque tutelam nautas triemesque contraxerat; Cum ecce in tempore Astioristes redit. Auidi statim, nostraque minores lætitia, vix diis, vix fortunæ, vix oculis credebamus. Iuuabat con-

contrectare venientem, aspectumque repetere. Omnis ætas, atque ordo, sese domibus oppidisque effuderat; Nō ingentis belli victorem veriora gaudia exceperant. Neque mora, ex seditionis manibus tela excussa sunt. Rex ab omnibus salutatur. Et ne cruenta essent regnandi auspicia, se omnibus quicquid in eum diem deliquissent remittere edixit. eo quoque letissimus, quod contractæ in armis copiæ essent. Hoc non temere factum aiebat, aut maligno fato in Galliam; sed auspices deos hunc illi exercitum ad ea quæ destinauerat comparauisse. Corona igitur patrio more sumpta Timandram tantisper dum ipse bellum gerit præficit rebus. Sibi enim in Græcia hostes esse. His se confestim persequendis operam dare. Tum fortissimos militum imponit nauibus, ingerimque dum à littore soluit, præcedere me iubet cum exigua parte classis, & scrutari maria, præcipue quæ intercedunt Liguriæ atque Sardinia. Functus officio, omnibusque exploratis, iam lentius ago remigia, certus ipsum venientem opperiri. Ex illius conspectu atque colloquio, scies, hospes, me parce tantum Regem laudauisse. Sed quando à Græcis pleraque Sicilia incoluntur, & ille maxime Græcas vrbes obiuit; dic vero num ipse de vultu aut fama Astioristem nouisti?

Iam magis suæ spei Arsidas credens, obrutuque in terram defixus, postquam diu secum omnia exegit; Astioristem, ait, neminem noui, forte de alio nomine; si præterea aliquod habes, agnoscerem. Subito Gobryas; Et vero aliud, ut ab ipso audiui, sibi fecit, ut securior esset humilioris quam fingebat fortunæ simulatio. Poliarchum aiebat se illic vocitari. Comitem quoque, qui nobis de nomine

Mine patris Cerouistus est, si memini, appellauit Gelanorum. Exciderunt ad hæc nomina Arsidæ vires: Quem vt Gobryas attonitum, hilarique affectu diuulsum vidit; cœpit quoque expectatione lætitiæ confundi; Donec ille; Quis Deus tam propitiæ captiuitatis auctor tibi me tradidit? Errassem me hercule per littora vestra, dum Rex interim nauigat; & inutili voto, apud ignaros pro Astioriste Poliarchum flagitauissem. Poliarchus est ille quem quæro; eâ nunciaturus, quæ sospes nō potest ignorare. Et ô vos tanto Rege fortunatos! ô candidos Galliarum dies! Quos non afflabit nominis vestri terror! quanti ambitus Regibus exteris ac gentibus erit in amicis aut hospitibus vestris censeri! Id ipsum me beat, quod video vos cum exercitu nauigare. Quamquam scio non pugnam, non aciem, sed triumphum speciem fore. Nam videre non expectari hæc arma æmuli vestri volunt. Sed prope Rege conuento mihi opus est; cuius priuatim hospes sum. Gobryas his auditis profusius Arsidam veneratus, haud ambigue percunctabatur quid afferret aut a quo veniret. Sed Arsidæ post incautum subiti gaudij impetum prudentius sermonem tenens; magnopere dolebat, quod Gobrya solerter reticente in Siciliam vehi exercitum, ipse se totius negotij gnatum esse temere prodidisset. Elusis igitur quæstionibus, quibus eum Gobryas deinde urgebat, cœpit multū flagitare, vt celeri nauigio ad Poliarchum mitteretur. Et Gobryas, Inhibebimus, inquit; nostrarum nauium cursum, hospes, non deductis tantum velis, sed anchorarum iactu, si hæc maria fuerit. Ita haud dubie regia classis quā scio nō segniter nauigare, ista nocte ad nos pueniet. Quod
si p-

si prima lux nobis illum non coniungit, triremem statim dabo, & robustissimos remigum, qui te vehant. Intetim acquiesce in hac puppi, nec secius quam inter familiares tuos impéra. Post hæc verba strato admotum reliquit, prociditque in vicino ipsæ lecto. quamquam vix somnum lætitia capiebat, & Arsidas inter cætera mirabatur, cur non monuisset Argenis, Poliarcho verum nomen Astionstem esse; quod à se obliuione omissum quoties & ipsa verbo meminerat, ut acris cupiditas facillime turbatur, etiam erraturum Arsidam, vano metu audebat ominari.

Iamque non duces tantum aut milites, sed & remigum multi quietè leuabantur. Vnus erat nauis prætoris gubernator, cui suspectum erat cælum; montiumque natura quos à latere attollit Liguria; expertus solitos esse qua se demittunt rursusque eriguntur, per angusta diuisorum cacuminum spacia, procellas subitis flatibus in mare præcipitare. Nautas itaque vigilare hortabatur, & ad omnes sollicitus auras; iam certius expectabat tristiora. Nox media vertebatur, cum à montibus ventus exortus est, qui inter nauium funes erectos ad malum, primum quidem sibilo ludens, mox suspensum mare extulit; adductisque nubibus abstulit cælum. Turbabantur subita festinatione nautarum officia, simul inter se clamorè sublato, simul vndis fracto strepitu nondum vacuas aures repetentibus. Excitatus Gobryas erat, & ex gubernatoris vultu admonēbatur non vulgare esse periculum. Quisque ergo monete audebat; quisque præcipere; ut penitens tumultus ignarorum nauticæ artis non minore periculo cresceret quam tempestatis ferox. Attri-
ctus

Etus, aut eruto liuentes fabulo, inter noctis horrorem cerni non poterant; nisi cum ingenti fragore allisi velut accensam mutuo verbere aquam instat scintillarum, mittebant in altum, rursusque sorbe-
bant. Solus ille spumæ attritus micabat in tenebris, qui sæpe ominoso impetu superans obiecta latera in medio fulgebat nauigio. Intuta anchorarū mora erat; quia spatium nauibus negabant quo aliquid indulgerent incumbentibus ventis. Alius deinde timor vige-
bat, ne, si vincula deessent, inter se implicatæ triremes frangerentur. Tandem omne nautarum consilium tempestas peruertit. Nam nec corrigi cursus poterat, nec sisti nauigia. Ferri cœperunt qua ventus iube-
bat; aliquid scilicet veli relinquentes ad antennam, quo naues per dispa-
res fluctus librantibus ventis starent.

Nocte exacta nihilo lætior dies fuit, tristis imbre, & circumstatis mortis imagine. Noctem quoque secundam vis eadem venti obtinuit. Orta deinde luce, ardor quidem tempestatis intepuit; sed non plagam agnoscebant, non maria, numeratisque nauibus paulo minus media parte abesse aut perisse querebatur. Vbi vero cura salutis iam propemodum assertæ, passa est ad alias sollicitudines descendere, loqui cœpere de periculo Poliarchi. Quando enim illum haberent, aut quo quærent, forsitan in aduersa aut ignota littora expulsum! Vbi denique ipsi essent, quosve portus intraret, affectis nauibus, syluaque, & pice, & litore tuto egentibus? Aridas omnium immanissime fortunæ maledcebat, quod deiectus à tanta spe, nesciret vndis an terra essent errores repetendi. Nō amplius Galliam, non Rhodanum destinari; sed vago, & quas ma-
xime

xime terras vellet ignaro, pererrandos omnes sinus, quoscunque tempestas potuit aperire Poliarcho. Vnde illi Phæacia esset navis, quæ sine gubernatoris opera in destinatos cursus ultro se flecteret? Numerare Argenidem dies; ad quam si vacuus rediret, quantum abesset à parricida? Quamquam enim nouerat Gobryas in Siciliam Poliarcho esse iter; metuebat ne de tempestate lassus consideret in portu, aut segnius nauigaret, dum interim effluit tempus quo se ab Argenide expectari voluerat.

Hæc voluenti, & qui mos infœlicium, pene cum Gobrya iurganti, quod se in cursu ad Poliarchum tenuisset, nunciant nautæ instar nubeculæ aut caliginis procul videri; id se terram opinari. Quæcunque illa esset eo tendere Gobryas iubet. Cum summa vi remigassent, medio pene die quidam in exiguis lembis excepti sunt, qui finita tempestate maria legebant, exploraturi si quid ad eos naufragia tulissent. Per hos est cognitum illam Africæ plagam esse; cæterum arenis infidam, quas breuia huc & illuc tegebant; Non procul abesse Numidiam. Desertus haud longe erat portus, nec certum an satis hospitalis. Sed necessitas subigebat omnia ventis & pelago arbitrari tutiora. Ad terram igitur duces ipsi fuere qui de regione indicauerant; Relictique pauci cum lembo, qui socios, si qui in proximo errabant, colligerent, magno deûm fauore, omne quod à Gobryæ classe aberat, intra noctem receperunt. Ita, vt in malis rebus, optime erat; omnes incolumes, nulla funditus navis perierat; Incolæ præterea siccis piscibus, cæterisque quibus paupertatem sustentabant alimentis exhibebant insolitæ humanitatis officia.

Sed

Sed nec classi quam ducebat Poliarchus tempe-
stas pepercerat. De Sicilia, de vindicta, de nuptiis
cogitantem, haud iniuste impleuerat sui fiducia.
Quando in regio habitu erat, tot opibus, tanto ex-
ercitu sublimis, cur generum aspernaretur Melean-
der? Radirobanem, Archombrotum, & si qui præ-
terea æmuli erant, seu priuatis seu publicis armis
decernere vellent, audebat despicere. Ad extre-
mum legem Siciliæ, quæ potentiora matrimonia
abnuebat, vel se ferro recisurum credebat; vel in-
terpretatione remoturum; Ne Sicilia nempe Gal-
lico sceptro diceretur accedere; sed legibus anti-
quis viueret, & si plures peperisset Argenis, esset se-
cundæ prolis hæreditas. Inter hæc studia videbatur
nauigium non satis ferri ventis, aut agi remigibus.
Ibat ergo per transtra, tonsasque lassabat; cum illa
tempestas incubuit, & à cursu quem instituetant
submouit. Ipse quamquam intrepido animo erat,
tamen cum assilientes pertinaciter vndas vidit, &
veluti suum caput vouentes, matri & sponsæ dedit,
vt mori timeret. Torpentes itaque magnitudinē
mali admonuit ne artem proiicerent, neque vltimā
timerent; nobiliora sibi fata deberi, quam vt ea æ-
tate vndis obrueretur. Ea spe quamquam habuit
ad officia strenuos; parum tamen potuere in acer-
tinos fluctus, donec classe compulsa ad externæ &
ignotæ regionis prospectum, sponte mare detu-
muit. Tunc vero nec remigibus vires ad nouum la-
borem supererant; nec debilia nauium latera, &
pondere tot vndatum, quæ in illas arietauerant, la-
xa, diutius nauigationem ferebant. Egerrimum id
erat Poliarcho, omnes dies qui ipsi extra Siciliam
lucebant, sibi & Argenidi capitales credenti. Vi-

cit tamen nautarum consensus, timorque naufragij. Nam & sibi propter Argenidem charus esse incœperat. Petere igitur proximum littus iubet, si quam nauibus stationem reperiiebant.

Adhuc incerti erant qui homines aut quæ tellus; sed amœnam plagam esse multæ arbores monstrabant, modiciq; colles ad mare. Varia quoque nauigia, ad piscationem, aut merces passim stabant in anchoris. Præmiserant igitur nautas in expedito lembo; sciscitaturos quæ pars terrarum esset. quibus mox ad Poliarchum referentibus, Mauritaniam esse, ipse locorum speciem à summo contemplatus tabulato, ô Gelanore, inquit, nosti fluuium? nosti oppidum Lixam? nosti procul in hoc colle dominæ villam? Hæc illa est Mauritania nobis amica; illud optimæ Reginæ Hyanisbes imperium. Non nos fata in totû auersantur, quæ fractos ac nescios impulerunt ad fœderatum littus. Sed ne subito classis aduentu terreamus imprudentes; vade prior ad Reginam, qui me casus egerint; mone; ora placidum nauibus meis portum. Interim aduerso remigio naues circa hos fluctus sistemus. Statim rumor inter classarios natusque vulgatus est, hospitalem suo Regi esse terram quam cernerent; nihil secius quam in patriæ sinu tam vectoribus fore quam ratibus. Haud tarde, quod vehementissime optabatur, alacres crediderunt; lætoque celeusmate rates impultas, vbi deinde imperatum est, pariter à cursu obliquis sustinuerunt remigiis. Nam ad portum, priusquam indulisset Regina, accedere non placebat.

At vero Gelanoro, vbi primum in expedita rate subit flumen, inopini tumultus atrocitas illam

pro-

prolixam securitatem eripuit. Quippe undæ con-
tatis feruebant nauigiis; multoque terrore, totas
ripas tela compleuerat. Causa subiti motus fuerat;
visus procul in mari cum exercitu Poliarchus. Nam
hostilem classem audiuerant (nec fama fallebat) in
eos nauigare. Illam esse tunc rati, formidolose de-
currerant ad arma. Pauci adhuc milites lecti; vix
aliquæ naues armatæ; (Nam haud pridem denun-
ciatum erat venturi belli periculum.) Ciuium vt
plurimū iste concursus fuit, qui tumultu insani cir-
cumsteterere densis scaphis venientem Gelanorum;
Quia præconem ab hoste iam vicino, & sub eo no-
mine exploratorem, credebant. Ille quamquam
perturbatus, tamē identidem repetere, se amicum
& fœderibus tutum, non meruisse aut timeri, aut
diripi; Denique à Poliarcho ad Reginam nun-
cium aduenire. Forte adfuit qui hospitem agnosce-
ret; ex eodem littore paucissimos ante menses
cum domino Poliarcho summo fauore Hyanisbes
digressum. Mutatis igitur vulgi affectibus, cœperūt
de classe rogare quam cernebant. Ille non exerci-
tum Africæ inimicum, sed Poliarchum adesse cum
suis copiis confirmauit. Sic in terram egressus, per-
ductusque est ad Reginam; quam belli præsentis
opinionē attonitam, ita refecit, vt non tam cum
militibus Poliarchum, quam præsides Africæ deos
aduenisse arbitraretur. Protinus ex purpuratis
missi, qui Poliarchum inuitarent ad terram. Ipsa
plurib. interrogare Gelanorum, quas imperio gen-
tes obtineret Poliarchus, in quos arma destinauis-
set; quo ve consilio sub veste priuata antea suppres-
sisset maiestatem. Gelanorus quæ premenda aut
referenda essent haud nescius, Reginæ animū dul-

cissimis alleuabat sermonibus; ut vix eum ad dominum redire pateretur de hospitij humanitate nunciaturum.

Quintus iam dies erat, ex quo cibum ipsa Regina vix sumpserat; occultis & publicis curis gratis. Namque ut Radiobanes inuerecundo in Argenti- dem scelere sedus, Calarim rediit, pensato cœptorum dedecore, timuit ne leuiorem suorum reuerentiam deinde experiretur; haud dubius ita vulgi, ita militum animos esse, ut Principes ex successibus æstiment. Dari enim virtuti fœlicibus quod fortunæ est, & frustratos impetus contemptu vindicari. Ne itaque otio sermones seterentur, utque præterea implacidam mentem novorum motuum gustu reficeret, in belli consilia rursus incubuit, sed in Siciliam confestim redire non placebat. Quia se illic expectari non dubius, omnia feruere paratibus augurabatur. Inueniendos potius esse in quos interim verteret impetum, dum & noui milites ad arma durarentur; & deinde ex morâ remittentibus Siculis curam, improuisus in Meleandrum intraderet. Nec defuit cupienti noui belli occasio. Diu erat, quod Mauritaniam inuadere meditabatur. Et hæc causa fuerat classis ornandæ, quam deinde Argenidis & Siciliæ potiundæ iniecta spes, ad iustiora in Lycogenem bella prouexerat. Tunc vero & antiquæ mouendi in Mauritaniam causæ redibant in animum; & ad illas præterea visæ sunt recentes accedere. Forte enim Mauri peiratæ, non magis exter- nis quam popularibus graues ex aliquot mercatoribus Sardis prædam egerant; & ipse ex Sicilia rediens spoliatorum questus lætus accepit. Neque mora, tanquam publico Maurorum consilio illata

hæc

hæc fuisset iniuria, ad Hyanisbem misit, non modo quires repeterent, sed iuberent de noxiis dari sibi supplicium. Illa, neque res suo raptas auspicio, neque fontes in sua potestate esse, respondit, aut illos se pro ciuibus habere. Vindicarent se Sardi ubique noxios deprehenderent: Se quoque vltioni qua posset accessuram. Radirobanes responso Regine in deterius apud Sardos de industria vulgato, finxit acrius iram: Sardiniam à Mauris sperni, & ideo neglectos esse questus quia minæ abfuerant.

Itaque tanquam satis violatis fœderibus, non modo vlcisci mercatores, sed & repetere maiorum suorum iurgia cum Mauritaniæ Regina constituit. Nam veteres Sardinia Reges sibi debere Mauritaniæ sceptrum contenderant frequentibus bellis. Postea sæpe has lites aut induciæ, aut nomen pacis suppresserat; quæ mox (ubi alterutri Regi placebat) veluti à summo receptæ, specie æquitatis libidinem armorum tegebant. Tunc vero Radirobani visum, sic exercitu vti, quem à Sicilia ferocem reduxerat. Et quod mulier in Mauritania imperabat, facilior promittebatur victoria. Vt hæc tamen armorum & violentiæ libido, ad imaginem iuris accederet; adornauere illico Fecialem, qui auspicaretur bellum, dum subitis in Sardinia delectibus reparantur legiones. Et ille ubi Lixam peruenit, ad Hyanisbem intromissus, eam, nisi sceptrò decederet, nisi Mauritaniam Radirobani traderet, strenue ad futuros cum exercitu Sardos qui ius suum persequerentur, audacter pro sui muneris inuiolabili sanctitate admonuit. Regina improuiso territa malo, non tamen cunctanter respondit; Vile esse Radirobani cœptum, quo mulierem cogitabat

peruertere, forte robur non ausus in viros experiri. Annorum plurium pacem, nihil læsum, nullo in populis motu, corrumpere, in perfidiæ vicinia esse. Non posse falli deos; Sed nec abesse humana præsidia; Neque vnam esse Tomyrim, quæ sanguinem sitientibus sciret dare. Ab ea digressus Fecialis, ubi stetit in littore, dextera hastam tenens, Quod, inquit, rem Sardorum publicam Mauri violant, nec moniti emendant contumaciam; quodque Rex & Populus Sardorum Regina & Populo Mauro bellum iussit; Ob eam rem ego Rexq; & Populus Sardinæ, Regina & Populo Mauritaniæ bellum dico facioque. His solemner dictis, telum emisit in hostico, & receptus in nauem viam ad Radiobanem relegit.

Audebant Hyanisbem proximi amicorum incusare, quod abesse filium esset passa in quem debuerant belli curæ recumbere. Se enim ideo ad contumeliam faciliores Radiobani visos; Venire quasi ad vacuum regnum hostem; illamque aciem despicere in qua virilis purpura non fulgeret. At illa fortunam plusquam se peccasse referebat; quæ rerum placidissimū cursum inopina tempestate turbasset. Sed & filium non procul abesse; & impigre rediturum, acceptis literis quas ad eum cogitabat. Interim milites legerentur, nec quicquam sedulitati deesset, quam illa tempora quærebant. Vix biduum inde processerat cum de rebus quæ instabāt, inter Procures agitant, nunciatur alterum ex filij seruis (duos enim omnino abuexerat) peruenisse ad Regiam. Stupere scilicet omnes, videbaturque non impar fabularum vanitati foelicitas; in ipso temporis articulo aduenisse, qui certo de Principis

pis valetudine referret, moneretque vnde esset ar-
cessendus. Seruuli autem ad Reginam mittendi
causa hæc fuerat. Archombrotus postquam ad nu-
ptias Argenidis nihil deesse sibi vidit præter au-
thoritatem matris; ne sibi moræ esset in lætissimis
rebus, ad eam famulum dimisit cum eiusmodi lit-
teris quas iuuenis, & amator, & inter illos impe-
tus tamen maternæ potestatis haud oblitus, scri-
bere poterat. Porro mater, erat ipsa Hyanisbe. Is
vero inter suos Hyempsal dicebatur; Sed ex matris
imperio ad Græcos nauigans, genusque dissimu-
lans, conueniens illi genti nomen assumpserat. In
iis literis magnopere suæ in matrem reuerentiæ im-
putabat, quod ex iussu ipsius generis sui fortunam
fideliter tacuisset: Cæterum fœlicitatem offerri
quæ superaret omnia vota; Affinitatem cum opu-
lentissimo Rege, possessionem Siciliæ; Virginem-
que in qua animi dotes tantæ hæreditati præsta-
rent. Orabat, vt Regi, cui tantopere ignotus pla-
cuisset, suorum natalium decusliceret aperire. Etiam
ipsa ad filij hymenæos Optimatum præcipuos di-
mitteret, pecuniamque, & opes, quæ Mauritaniam
commendarent Siculis in illius auspiciis transi-
turus.

Reginæ non tantum non iucunda epistola fuit,
sed ad illius lectionem contrita sic expauit, vt
qui aderant nihil lætum de Principis valetudine
suspicati, percunctarentur à seruo quid dignum
attulisset eo Reginæ vultu quem cernerent. At ille
Hyempsalem nō modo valere, sed & apud exteros
egregie florere confirmabat. Hyanisbe quoq; non
dubia, ex suâ consternatione alios timuisse, vul-
tum collegit; deū inque auxilio incolumem filium

Gg 4

dixit

dixit breui rediturū in patriam. Sed vbi secreta fuit cum famulo qui literas attulerat; Puto, inquit, satis tibi à filio imperatum, ne hic vlli enuncies apud quam gentem versetur. Tu sodes diligenter fidem serua. Neminem enim meorum scire hoc volo. Oportet præterea vt strenue redeas. Primo mane abibis hinc ad illum. Fides tua effecit, ne te præmiorum admoneam, quæ vtrunque te expectant. Hæc effata secessit in Gynecæi penetrale, nō magis de Radirobanis iniuriis quam de filij voto sollicita. Tantamne vim negotiorum mihi subito esse obiectam? Hinc Siciliæ affinitatem timeam, illinc arma Sardinia? Tune, charissime, vt Meleandri gener fias? Vt te imprudens in eam regionem miserim, quæ te, & nobilissimam virginem vna ruina perdat? Auertant Cœlites quod meo errore merui. Quid heu semel, & Radirobane mihi regnum, & Argenis filium tollit? Sic plena terroris sumpsit ceram, in qua eiusmodi verba posuit. Quantum cogitationes tuæ à rerum nostrarum fortuna abhorreant, mi gnate, hinc scias; quod vix ab oculis meis abscesserat Fecialis Sardinia, nobis à Radirobane denunciator belli, cum literas tuas accepi; quæ te intempestiuo hymenæo instare docuerūt. Fortune gratulor, & virtutibus tuis, per quas effectum est, vt adhuc de genere & opibus ignotum, Meleander sua affinitate dignū existimet. Sed maculabis tuam famam, si amor indulgens, matrem & patriam fines turbulentissimi Radirobanis prædam esse. Noli Siciliam vtcunq; dotalem, maternæ Africa præferre; quam incolumem vix habebis, nisi cōfestim huc properas. Scis quāto facilius res seruari, quam perditæ possint recipi. Post matrem assertam, post

trium-

triumphos, & fortissimæ pietatis decora, ibis maior ad fœdera, & dignior peti. Sed neque in Radirobanæ solum, aut bellum, moras retuleris, quas nuptiis illis iuræ materno iniicio. Periiisti, mi gnatæ, nisi prius loqueris mihi quã ducas Argenidem. Redi confestim ad charissimam matrem. Gaudebis & depol; & grandem pietatis mercedem esse intelliges, hoc ipsum quod mihi parueris. Nã vt meam mentem scias, adeo interest ante coniugij sacra, à me ipsa te moneri de arcanis, quæ non literis, non nunciis credi possunt; vt si postuertas officio, me tibi matrem negem. Accedam ad Radirobanis partes, ne hæreditate & veluti spoliis meis exultes quam mœrore confeceris. Iam hoc satis imperatum tibi puto. Indolem noni, quam non potes vlla fortuna aut peregrinatione exuisse. Cæterum, ne me quis peruiaciter votis putes auersam, nihil abnuo quin Siciliæ Regi indices te filium meum esse. Qui si te generum optat, si tibi cum filia Siciliam vouet; tecum idoneam mittat manum qua irruentibus Sardis obstes. Fazo in Siciliam illico redeas, postquam te hic filium sensero, & Radirobanes hostem. Vale. Conscripam in hunc sensum epistolam seruo cum traderet, adiecit, vt filium hortaretur, nullibi moras ducere, priusquam peruenisset in Africam; & hæc pie curare quæ ipsa his literis mandabat. Seruus omnia pollicitus vt decebat, tamen biduo ob tempestatis vim mari exclusus, vix denique à portu soluerat, cum adesse Poliarchum Gelanorus nunciauit.

Tunc vero Hyanisbe nō sine deūm numine aduenisse vires amicas præfata, Poliarchum in arena cultu regio curat excipi. Ipsa cum Aulam intraret

Gg

obuia

obuia fuit. Et exacti memoria beneficij, & præsenti-
tis operæ quam ab eo sperabat necessitas, humani-
tatis officia geminabat. Tanquã cum filio loquuta
est; nisi quod reuerentia accedebat blanditijs. Nec
deerat ille laudibus suis, tam submissus in Regi-
nam, tam concinna modestia se inferens, vt pleri-
que succlamantes tanquam matrem & filium vno
ad deos voto coniungerent. Dispositi in littore e-
rant qui duces illius militesque exciperent. Publi-
ce omnibus hospitium præbebatur. Maurorum v-
na vox erat, gentem externam nullo Mauritanæ
iunctam commercio, nulla stipendia quæren-
tem, adesse, quæ suo sanguine periclitantes tutare-
tur. Ergo amplecti venientes, & pro se quisque be-
ne hospitibus precari; in liminibus quoq; vina co-
ronasq; statuere; Vt mirũ esset Gal'is adhuc igna-
ris quod Afri beneficium petebant, alicubi terra-
rum melius peregrinis quã in Gallia sua esse. At Re-
gina nõ morara diutius, quam dum à vestibulo Po-
liarchum ad Aulam deduceret, ita loquuta est; Ec-
ce te Regem, vir fortissime, non nunc primum co-
gnoscamus. Nuper sub priuato habitu cum hic es-
ses, suspeximus tuas dotes, quas diligenter explo-
rantibus nulla minoris fortis simulatio eripuit.
Tunc quidem me mihi reddidisti, cum animã pro-
pe meam latrones abstulissent in cistula. Iam vero
vt asseras tuum munus, siue tuo siue cœlitum con-
silio huc cū armis appulisti. Quippe improuidam,
& pace nimia deceptam, Rex Sardinia Radiroba-
nes bello aggreditur. Expectamus quotidie clas-
sem nostris littoribus infestam. Nec contrahi vires
tanto momento potuerunt. Mulier sum. Filius
abest. Tu patrocinium suscipe; & gloriæ tuæ tribue
na

ne Reginam, & iniuriis petitam, videaris despexisse. Equidem summam tibi rerum permitto. Tantum aliquos dies ad præsidium morare; ut nemo de Radiobanis furore sine mentione tuæ virtutis loqui possit. Quantumcunque, & quocunq; festines, legitima erit hæc mora.

Hæc dicentem nō modo maiestas, sed & mœstitia ac pene lachrymæ commendabant; Pudebatq; Poliarchum extremam oranti opem tarde annuere. Sed rursus amoris sacramētum, & quod supplex etiam ac misera erat Argenis, submouebat stimulos præsentis pietatis; donec vehementer miratus Radiobanem ab Afris timeri, quem credebat in Sicilia esse, percūctatus est, ubi ergo terrarum is degeret. Quem postquā intellexit à Sicilia abscessisse, & vel esse in Sardinia, vel aduersus Africam navigare, acerrimo metu cohorruit, ne rapta aut tradita Argenide recessisset in patriam. Nec distulit quæstionem; Etecquid auditis, ait, illum Siculi Regis generum esse? Hyanisbe quæ ex Archombroti litteris certa erat innuptam esse Argenidem (breuiter quidem mirata, quid hoc ad Poliarchum) negauit eiusmodi quicquam factum. At ille ignarus, quis hanc sibi operam dedisset; qua depulsus ratione Radiobanes, quove authore esset; cogitauit, nihil tunc igitur causæ esse, ut tam præceps Siciliam cum exercitu peteret. Nam quid præter Radiobanem urgeret Argenidem? At vero apud omnes pro flagitij infamia fore si desereret Hyanisbem, & veluti traderet hosti. Mittendum ex fidis hominibus aliquem qui interim Argenidem solaretur, & negotij admoneret, quod necessarium fortuna obiecerat. Quod si non impetu hoc bellum veniret, sed

rem.

tempore traheretur; tunc se pace Reginae relicto, in Mauritania praesidio, cum copiarum parte discessurum ex Africa. Neque paruum manendi incitamentum erat Radirobanes, velut fatalis hostis ubique obiectus: Vlturum enim se, specie vindicandi Hyanisbem, dolores quibus ille Argenidem cruciauerat. His paulisper pensatis, Reginae in hunc modum respondit. Quod silentio meo suspensam te habui; ne crede, Regina, me ambigua consultatione versasse an esses relinquenda; id est, an paulo nequior ipso Radirobane esse possem. Sed me praedonis, non nunc primum apud me damnati scelus mouit; rursusque meae sortis felicitas, quae meos errores propitia huc aduertit. Nam seu te, Regina, seu causam, seu beneuolentiam in me respicio, tanta verecundia tibi deuinctus sum, ut negare nil liceat. Quando igitur ita res tuae sunt, omnia mihi posthabeo; Vtere regni mei viribus; sciasque in te colenda nihil me tuo filio cessurum; neque impune, me viuo futurum Radirobani, quod tuam veluti orbitatem prouocauit.

Adeo haec laeta vox Hyanisbae & Proceribus fuit, ut in Coelestis suae aedem plerique decurrerent, omni suffitu gratias habituri de aduentu Poliarchi. Nec religionem popularem auersata Hyanisbe, etiam Poliarchum prouocauit ad templum. Concitata iuueni erat ex maritimo periculo pietas: ut nec inuitus ad numinis Afri limen accederet. Vidit ergo, & amoris sui vota illi Coelesti commendauit; quam, seu Venerem, seu Iunonem existimes, virginis specie factam leo vehibat, oculis in altum erectis, pectore quoque & primis pedibus in sublime ita versis, ut in coelum eniti videretur. Coelestem Vene-

Venerem, Parcarum natu maximam, primi Assyrij
coluere. Hinc non longe ad Tyrios potuit com-
meare religio, & ab iis inter Carthaginiis auspiciis
Africæ tradi. Tunc quidem in honore præcipuo
Mauris erat: & sub signo istos versus marmore in-
ciderant, quibus non modo illa dea, sed & Africa
celebrabatur:

Ne cælum, ne, diua, tuo subuecta Leone
Irripisse velis. Magis hic tua limina serua,
Limina, quæ votis meritoque impleuimus auro.
Tu si diua faues, Libycis non finibus illa
Præstet humus, cui Sidonij de litore Ponti
Virgo tulit nomen falso subuecta iuuenço;
Aut molles Asia tractus, qua Martia multum
Frangitur, & blando lasciuit sydere Virtus.

Aspice quam læta iactat sese Africa fatis.
Illam ingens curuis Nereus amplectitur vlnis,
Eeu custos, totamque videt: Ni faucibus obster
Vna Pharos, geminumque solo discriminet aquor:
Ridet cultus ager; facili sata credita surgunt
Fœnore: Magnanimi celebrant deserta Leones;
Et dites strident eboræ inter candida sylua.
Hesperidum hac fuluos genuit terra aurea ramos;
Hesperidumq, Atlanta patrem, qui vertice magno
Arduus in miseris cælum descendere gentes
Non finit, aut tactu sordescere sydera terris.
Hic tepidus lauit nascentem Pallada Triton:
Hic & fatidicus mediis in Syrtibus Ammon
Haud sinit, & multa velat sua cornua sylua.
Nos pater Armipotens, nos & Iunonia seruant
Numina, nec montes spernit deus ales auitos.

Tu quoque, Cælestis, Genitrix tua maxima rerum,
O adsis; Libycas & qui iam discrete dotos

*Certabunt, seu Musachelym, seu sumet Apollo;
Te, dea, te primam, & tecum tua munera narrent.*

Nuncupatis apud Cœlestem votis, reliquum diem belli cura absumpsit. Quinquaginta varij generis nauigia erant Poliarchum comitata. In iis vltra duodecim armatorum millia ferebantur. Pars classis tempestate debilis in arenam subducta; alia, pelagi fluminisque obseruatura confinium, cum Mauritaniæ triremibus in stationes diuisa est. Trahes, remos, & cum funibus vela, omnia denique armamenta, ingens festinatio conferebat. Inter mare & urbem delectus castris locus; & additi Gallicis Mauri vexilla in eodem fixere Principio; induti more gentis ferarum ingentium pelles, & Elephantorum terga curuantes in vsum clypeorum: Paucos tamen hos esse Poliarchus dolebat. Nam vix ad tria millia scripti milites erant; Ciues autem, castris inepta multitudo, intra Lixam cum armis ad mœnia aggeresque seruandos continebantur. Neque ille dubitabat quin cum Gallicis quas adnexerat copiis posset debellare Radiobanem. Sed si bello non prælio opus erat; quid faceret in Siciliam iturus? Solusne proficisceretur? an suos milites secum adueheret, quos Hyanisbe propemodum solos habebat? Huic curæ intentus, constituit hortari Hynisbem, vt gentilem aciem ampliori delectu adornaret; Non quasi Radiobanis metu, siue discessus mentione iniecta; sed veluti transferendo in Sardiniam bello, si forte timidioribus mutatus consiliis hostis cessaret.

Igitur postera luce, de belli ratione cum ageret; suāsit, vt tributum in belli apparatus Mauris omnibus imperaretur; quo Regina pluribus cohortibus

bus;

bus, atque turmis, gereret bellum; Numidas quoque qui in vicino erant, mercede conduceret. Utilissimum consilium (retulit Hyanisbe,) & quod meæ etiam menti succurrerat. Sed quis locus convocando nunc ex tota gente concilio, cuius necessaria est tributis indicendis auctoritas? Stupuit Poliarchus, liberis regnis assuetus. Non ergo ius regium, non regionis discrimina, satis populum cogere ad tributa; nisi ipse per homines à se legatos consentiat? Scilicet nervos imperij, id est ærarium, in potestate populi esse; Hunc arbitrum rerum, & suorum Regum Regem vno hoc iure publicis omnibus cœptis, consiliis, viribus, moderari? Certe non regnandi veras leges hoc pati; non cum summi imperij nomine continere. Cœpit deinde hortari Hyanisbē ut excutere anniteretur pessimi moris iugum, quo sceptrorum libertatē Mauri adstrinxerant. Et tentandi ad id populus pati posset, tunc commodissimum tempus esse; cum externo pauidi bello; crederent pensione quam Regina imperasset, se salutem redimere; Videberis, inquit, non novandis quidem rebus intendere vim regiam; sed sub discriminis articulo extraordinaria quidem, sed necessaria ratione id æris impetrare à civibus. Quod si successerit; præiudicio utique erit, ut & in cæteris periculis, nihil rogato populo idem necessitatis terror ad tributa sufficiat. Et, ut quamvis aversa, aut fastidita rerum species ipso usu nobis concilientur, paulatim affucti patientur ex vno Regis suffragio rem pendere; magno quidem ipsius populi commodo, cui sæpe libertatis umbra illudit.

Scio, retulit Hyanisbe, multum mihi, proliq; ac-

cessu

cessurum, si hanc nobis potestatem pararem. Sed nec vnquam absque discrimine ea nouitas proferretur in populum; & nunc omnium minime, cum in hostem concitandi sunt animi; iamque satis externi est mali, absque ciuili discordia. Ædepol efficacius Radirobani pugnarem, quam ille omni exercitu quem parat. Nam & Maurorum contra me studia accenderē, & illi placarem. Dij præterea obstant ne hunc morem violare aggrediar, quem omnino existimo sanctissimæ æquitatis plenissimū. Quem autem? subiicit Poliarchus. Ne, inquit Hyanisbe, incōsulto populo aut inuito, vlla tributa Rex imperet. Placene Reginæ personam nunc exuam; quæque sæpe in hanc rem audiui, aut ipsa cogitavi recenscam; Vel vt mecum sentias, vel vt errore me liberes? Placet, inquit, Poliarchus. Patrocinare illis, qui nec perdi nisi propriæ potestatis licetia possunt; nec seruari nisi ad obsequij reuerentiam adacti. Simul se ad audiendum composuit, iuuenili animo indignatus id quod tantopere sentiebat oppugnari; Neq; ratus Hyanisbem tam ex animi sententia loqui, quam subductæ potestatis pudorem specie æquitatis tegere velle; quasi subleuaturâ suas angustias, si ad sortem ad quam ipsa adigebatur, alios Reges damnaret.

At illa; Principatus conditos scimus, vt vi sublata quæ omnia ad potentiores trahebat, ex naturæ & rationis imperio agantur res humanæ. Quid autem ad naturam magis putes accedere, quam vt quisque opibus industria sua partis fruatur; aut rationi ciuili commodius, quam vt intelligamus quid nostrum, quidve alienum apud nos sit? Atqui de medio vtrumque tollimus, si quæ ciues
sua

sua diligentia peperere, vindicamus ut lubet ætario, facimusq; ne sciant quantum ex domesticis opibus Regi, quantum sibi iura attribuant. Quicquid id sciant, cum non hoc suum, ac ne legis quidem arbitrium sit, sed Principis duntaxat vnus, cumq; tributo semel exacto, adhuc ipsi simpliciter suis bonis non gaudeant, quæ aliis scil. Regis editis possunt rursus delibari? Mistæ hæreditatis atq; confusæ quot mala sint si ignoras, respice feruentia litibus fora. Hanc communionem, hoc chaos, non amici, non fratres diu ferunt. Ipsæ denique vxores scire volunt, suis ex bonis quid in maritum transferant, quidq; sibi recipiant. Quis igitur diuturnam & publicam pacem speret, si quæ Rex adimit ciuib; facit sua, quæ relinquit, adhuc habet cum illis communia?

At vero vbi tollendi tradendiq; fines sunt, ea æquitas à natura præscripta cuiq; familiæ limites suos iura, officia, designat. Spes deinde placendi, & aliquid vtrinq; impetrandi, mutuam necessitudinem insinuat inter Regem ac populum. Quippe populus, ne Princeps commissum sibi ferrum summo iure stringere amet, ne temere ineat vel bella vel paces, ne imperitis aut leuibus publica munia diuidat, sponte regiam gazam de suo implebit. Erunt hæc præmia, quibus Principis virtutes donabit, simulq; præteritis beneficiis gratiam referet, & futura merebitur. Rexq; vicissim non committet ut ciues sæuis aut externis moribus lædat, nihil quoque, si durius cum illis agetur, de suo concessuros. Hæ sanctissimæ sunt habenæ, quæ Regem populumq; iungentes, vtrinq; ab iniuriis & superbia arcant luxuriaturam potestatem.

Hh

Sed

Sed opus est scilicet ære ad quotidianos Regiæ sumptus, & ex magnificentia Regum de viribus & opulentia regionis exteri iudicant. Quid præsidia? (inquies) quid classis? Vix vllum profundius mare quod ingestas opes absorbeat. Equidem vera hæc esse, experimento quoque comperimus. Sed nec vllis Regibus tam anguste à populo legem dictam existimo, quibus ad hæc regni munera atque insignia non opes sufficiant. Ingentia illis patrimonia, & si probe curentur satis dignitatem assertura. Porro quoque non pauca, licitatoribus magno redempta; His pleraque præterea iura & in aliis gentibus aliisque diuersa sunt. Hæc gaza, hæ opes, Regi ad splendorem sufficient, si regnare solus volet, nec prodigis animis quos insane aut feruenter amat pene in purpuræ communionem asciscere. Ast ubi tam perdendi quam rapiendi auiditas illum inuasit, vt nec assuetæ & legitimæ opes, ita nec vlla tributorum acerbitas tantam voraginem explebit. Subeat imperia populus, suam operam suosque labores in ærarium conferat, at is Princeps (vt de Eri-sichthonis tamen pueris narramus) semper vacuus, & erectis in futurum votis, egebit. Eo quoque profusior quo facilius credet rediturum sanguinem confecto ærario. An ergo miraris abstinere populum nihil profuturo obsequio, & negare proceribus paucis qui Regem circumfident, opes sibi & liberis paratas, quas tamen & Regi donabunt, ubi illas iam non ex prodigæ mentis morbo, sed efflagrantibus patriæ rebus exposcet?

Audio quoque in gentibus quæ patientissimæ tributorum sunt, minus illo obsequio Regibus agi quam creditur: quia patrios fundos, & quicquid
Regi-

Regibus in domestica hæreditate est, paulatim hæc
facilior popularis pecuniæ ratio atq; fiducia euer-
tit. Negligi enim patrimonia illa Regum, tanquam
angusta, aut laboriosa, aut denique ad priuatorum
sortem accedentia, incipiunt, mox in gratiosos ho-
mines diuidi, pignori dari, veraque aut simula-
ta emptione excidere. Ita Reges innocentissimum
viuendi genus omittunt, de suo vectigali, aliud-
que instituunt proximum prædæ, nec tam auctis
quam mutatis opibus, tamen veluti victores fero-
ciunt.

An denique legitima regna à sæuitia tyranno-
rum distinxeris, si vtrobiq; res suas precario ciues
possident? miserorumque hominum tota inter-
dum cum suis laribus supellex, de exhaustis domi-
bus rapta, sub hasta & præconibus prostat? Nec
inuidiam facio vani spectaculi mentione, si vera
retulere qui in regionibus fuerunt in eam sortem
Regi obnoxii. Quod enim viritum imperatur, vt
leue sit opulenti; At rusticos, at colonorum te-
nuiores, sæpe sic premit, vt non penum, aut stra-
tum relinquat in quo saltem perculsi cōquiescant.
Quid hoste victore expectarent acerbius?

Tetigit Poliarchum de agricolis inuidiosa nar-
ratio. Itaque non passus plura dicere Hyantisbem,
ita orsus est. Nollem isti (Regina) per quos hæc
crudelium, vt memoras, tributorum fama ad te al-
lapsa est, maligno compendio tradidissent rem ob-
scuram: sed aperta tibi serie essent vsi, quæ tam Re-
ges, quam ipsum vectigalium morem absolueret.
Numquam enim Regibus est animus hæc edi cru-
delitatis exempla, quæ memoras. Si vero quæstores
iudices forte interdum atrocius quæ iussa sunt

extorquent, aut qui viritim indicunt, quid de tributo exoluere quemq; oporteat, iniqui in nonnullos extiterint; An ideo Regibus tributisq; tam sæviter irascendum? etiamq; soluendi in totum publice rei nerui, qui ex eiusmodi vectigalibus constant? Esto enim. Pone eos errare qui diuidendis in singulos oneribus sunt delecti: Adde in capiendis pigoribus præter modum sæuire lictores; Facias quoque si placet, in crimine esse Reges sub quibus hi mores rigebunt; At nihilo iniquior erit ipsa potestas Regum, ius, inquam, de quo agimus, indicendi vectigalis. Nisi forte iustæ res non sunt, aut leges, aut iura, nisi cum iis iuste utimur, exiuntque naturam ad virtutem eorum, aut vitium, quibus commissa sunt. Quid si populus iusserit tributum tibi conferri? Nihil magis legitimum, inquires. Sed in eo colligendo, si, ut sæpe fit, iniustius duriusve cum ciuium aliquot agatur. An post hanc iniuriam legitimum esse desinet, quod consensu populi ratum fuit? Nemo verorum Regum est, cui inconsulto populo belli indicendi, pacisve firmandæ non summa potestas sit. At si temere eo iure utetur, hostemque intempestiue facient, aut lacerent, quanto id populo damnosius erit, quam vlla tributorum auaritas? Neque tamen, ô Regina, hanc ideo armorum potestatem negabis esse iustissimam, quod eâ, ut constat, possumus iniquissime usurpare: Ut inde intelligas ex ingenio aut scelere hominum non æstimandam esse rectitudinem legum ipsarum.

Aiebas, daturos operam Principes modestia, ceterisq; officiis, ut in suarum virtutum præmium ferant sponte à ciuib; tributa. Nescis enim quibus maxime Regibus apud populū sit veneratio. quæ

sæpe

ſane rectas artes deſpiciat, falſisq; virtutibus, aut ſplendidis vitiis decipi amet, vt denique eius ſtudia à ſalute publica diuertant. Imo adulandum plebeculæ erit, & ex illius libidine capeſſenda negotia, vt deſerti officii mercedem Principibus conſtituat. Frænum pretio remouebit, pretio laſciuiet, & peribit. Male agitur cum rebus humanis, ſi non bonis, ſed plurimis placere Reges volent.

Salubriores fieri aquas putant, vbi ex puteis affidue hauris, quæ, ſi ceſſas, aliquo veterno emoriuntur; Haud diſparis fati vires & animi vulgi ſunt. Ipla laboris aſſiduitate crudeſcunt, & ignauiam odere. Ocio corrumpuntur. Num igitur vtiliſſimos neget ſtimulos eſſe qui ad diligentiam omnium virtutum fœcundiffimam eos adigunt, & ad negligentia torporẽ non ſinunt conuiuere? Atqui nulli ad eam rem actiores quam hæ Regibus penſitandæ pecuniæ. Quippe ſi ſocordia amore, viuere parce, & negligere corporis cultum maluerint, quam labore opulentiam parare, non ideo in remiſſionem ſolui licebit; ſed à ſui cura abeuntibus, præſto erit hic Regibus, aut verius patriæ debitus labor, quo penſionem parent haud dubie à lentis etiam aut inuitis exigendam. Ita dum coguntur ad alienæ utilitatis operam, pro ſe quoq; aſſueſcunt laborare. Mox illos plusquam pro ſe aut pro Rege tenebit ipla laboris & indiſtriæ conſuetudo. Hinc artiſticiis cultus, hinc corporibus & animis vigor, & in pari omnium aſſiduitate, regionibus opulentia non mollis atq; luxurians, ſed virilis & robuſta. Eadem opera rudis plebs atque incondita, ſparſique in agris ad pascua aut aratra homines, domiti labore, ſenſuq; ſortis ſuæ monentur ſe obſequio, non im-

perio genitos esse; Qui, vbi non in vsu aut potestate Regum sunt illa tributa solertiam sollicitatura, saepe feroces, nec magistratibus tractabiles, stolidi aut periculose superbiunt. Nempe ingenia quæ virtutibus non impleueris, vitiis vacant, veluti cessante cultu ager, quem messibus onerare timueris, se inutilibus herbis sponte exhauriet.

Finge tamen esse leges, quæ negligentia & ocio multam dicant, suoque satis ingenio vulgus acui ad laborem. Demus præterea populum iudicio non carere, & Principe iustam utique opem petente suas impigre opes collaturum in publicum. Quid vero si occurrunt quæ & subito peragi debent, & nisi publicis sumptibus non possunt expediri? Dum monetur populus, dum delecti vocantur, aliquot mensium labor est, & religiosum hunc ordinem non expectant negotia, effluitque inter moras rei gerendæ occasio, aut ingruit malum, quod præsentibus repulisses stipendiis. Quid dubitas, Regina, vel ex statu præsentis agnoscere quam iuste de moribus illis querar? Instat hostis externus: Bella non auro minus, quam ferro geri solent. Quia tamen citius aderit hostis, quam populus conveniat, deerunt tibi publicæ opes, quibus alas exercitum, & ex vicinis gentibus auxilia contrahas.

At nec subita modo Regibus occurrunt, sed sæpe secreta, quæ & intereire non vulgari, & inter hanc tamen quærendæ pecuniæ rationem regi vix possunt. Voles invadere in hostem imparatum, aut quæ olim tua cepit inopinato recipere. Interest ne ille, aut omnino vicina consilium intelligat; In hanc rem igitur dum necessarias opes quæris à populo, indicique concilium, an proferes in publicum

blicum tuæ mentis arcana? at simul tuorum conarum velut animam in ventum effuderis. Sin vero (ut oportet) habebis hanc molitionem tibi secretam, quid causæ ad populum afferes rogandi tributiq; id si lentus est, impellendi? An præterea æmulas circumgentes, aut illòs omnino quorum interest te esse quietum, incuriosos fore vel segnes existimas? Quos utcunq; sefellisses, consueta, nec strepitu publicisque rumoribus notata, potestate exigendi tributum, hos ipsa conuentus celebritas, quem ex omnibus prouinciis cogis, quiq; ignorari non potest, ad suspensiones, & sui curam, erexerit.

Si vero (quod sæpe fit) non ciuibus cum Rege conueniet, si contemptu vel odio eum lædere amabunt, illiusq; consilia quamquam recta despicient, quid rebus tandem fiet? Ut si qui imperitum dum hostem ferire statuunt, seipsum obuerso telo transfuerberent; Ita populus suo & patriæ iugulo imprimet vulnera Regi inuiso destinata, negatis stipendiis, quæ Reipublicæ tempus efflagitat.

Quid denique regiam potestatem, quam omnium potissimam vel ipsi fatentur qui nolunt experiri, ea debiliorem statuimus, qua alicubi Optimates potiuntur? Certe enim in gentibus in quibus Senatus summa potestas est, non consuli, non rogari populus solet, vel ut ne ac iubeat rempublicam suo ære esse adiutam. Decernunt ipsi Patres, sanciant, imperant, & populum nolunt ad tantæ potestatis gustum attolli, quæ, si recte sentimus, prope summa in ciuiliū rerum momentis est. Cur autem id illis iuris sit, & ad Reges non pertingat? Si, inquā, legum condendarum Regibus ius est, non minus quam in eiusmodi republica Optimatum cōcilio,

si non in ciues angustius mortis ac vitæ arbitrium: si par denunciandi belli, aut fœderum iciendorum authoritas (quæ apud homines grauissima censentur) cur tantum vna hæc impar indicendi tributi potestas sit? Quæ leges? quis populus ita iussit? unde origo discriminis? aut cur Reges agnoscant populi falces, quos Optimates premunt?

Poterunt tamen auidi aut negligentes æris Principes peccare in populum. Certe enim, & in cæteris etiam rebus, quas non ideo iuri eorum detrahimus. Vbi candidus ille, vbi innocens ensis, quem in immeritum vulnus non possit gestantis temeritas urgere? At regionem exhaurient contracto vndique auro. Rara hæc (si continget) & breuis iniuria; Cum sub Regibus solis sit qui in ærario extruere inutiles cumulos amant, adeoq; à Principum genio id vitium dissentiat, vt vix duos serie iunctos adhuc infecerit. Sub his vero qui sunt in exigendo largiendoq; immodici, quamquam iniquissima libidine plurimos lædunt, hoc saltem publicarum iniuriarum lenimen est, quod vt Oceanus exceptas fluminum aquas, nebulis imbribusq; reddit terræ, ita illi per Procures quibus indulgent, subinde remittunt in vulgus quicquid exfluxerant. Quamquam porro ad publicam pacem est, ne ciuium in se fidem Princeps immodicis vectigalibus lacestat, tamen, si calculum ponis, rariùs gentes seditionibus arsisse reperies, quibus ad tributa ferenda satis est Regum nutus, quam quæ se ipsas ad illam patientiam non comparauerunt. Adeo sæpiùs in publicam peccat pacem vulgi sagina, & quædam imago nimix libertatis, quam vel duriorum Principum læua seueritas.

Pudebat

Pudebat Hyanisbem fateri se tam subito esse mutatam. Quippe haud ægre persuaserat Poliar- chus iura illa Regibus deberi. Ergo molliori ser- mone, & perfunctorie quæ audiuerat refutando, paulatim in eandem sententiam concessit, & hor- tante Poliarcho statim occultam iniit viam paran- dæ potestatis. Præcipuos suæ Lixæ Magistratus ius- sit acciri, breuiterque memorato bellorum quæ in- stabant discrimine, petiit vt sibi confestim talenta centum magna, ex ciuium ære conficerent. Illico paruere, satis periculi imagine ad omne obsequiũ compulsi, & fœlicissimæ celeritatis fuit, quod intra biduum cõportata pecunia tanto exemplo reliqua oppida impulit ad eiusdem officij curam. Liberali- tatis etiam & munerum causa ob natalem Hyanis- bes geminabatur, qui opportune tunc incidit. Is dies, quamquam tanto in motu, omni remissione cultus fuit quæ pacis ocia celebramus. Commessa- bundi in vrbe & castris, seque & pocula coronaue- rant, adeo vt sub nocte Gelanorus, cui credita erāt castra, Poliarcho nunciaret, eam licentiam sisti nõ posse. Ille ad vallum properauit, haud ignarus in bellis nullum fortunæ tempus dandum quo ipsa subitis casibus vtique gaudens, possit impruidos merentesque percellere. Sed plerisq; iam domitis mero somnus irrepserat. Iacebant inter vina, aut accipiendo inepti imperio cantabant; Nec Mauri quidem tantum, sed & Gallorum vulgus. Poliar- chus Gelanoro, cæterisque qui compotes sui erant, castra atq; vigilias, & ebriorum hanc turbam im- pense cõmendauit; Vtq; erat festiuissimi ingenij, cū in urbẽ rediisset libens versus aspexit, quibus vnus suorum Druidarum in temulentos sic ludit.

H h

5

Venit

*Venit iò numen, festo deus ecce tumultu
 Ecce deus. Lati Bacchum aduexere furores
 Pampineo insignem curru, quem Tigride multa
 Axis agit, cœli spoliis armatus Eôi.
 Æra sonent campis, omniq̃ue à fronte Corymbus
 Nutet, & attonitam rumpant caua tympana noctem.
 Venit iò numen. Nimiùs quatit omnia Bacchus.
 Hîc trepidi postes pulsataque tecta recedunt,
 Hîc hederæ, hîc picto saliant monstra ebria cœlo,
 Et quicquid timidæ Mineidas induit alis.
 Non magis Odysseas cum nox Trieterica matres
 Impulit, aut Tyriam stimularunt Orgia Dircem,
 Arua fremunt: spumat multo cratere vocatum
 Numen, & imbelles ardent concurrere thyrsi.*

*Non tamen hîc cades, fata aut Penibea Bacchus
 Attulit, erranti truncum vel falce Lycurgum;
 Sed trepidos gressus, blandaque papauera somno.
 Forsitan & timidæ ignota audacia mentes
 Implet, & expulsa mirantur cedere cura.
 Ecce iacent nullo perfusa sanguine turba,
 Victoremque suum perflant; Secura malorum
 Fortunaque cohors. O captis numen amicis
 Genibus, & tanto felix insania lucro,
 Ni brevis, & primos expiratura sub ortus!*

*Sed nec remiges militesque tota classe minor læ-
 titia, ac deinde sopor inuaserat; adeo ut ægre dein-
 de proprio periculo, & pene vulneribus, ponerent
 somnum. Ipsa enim illa nocte aduentans Radiron-
 banes, ferociter à mari in capacem fluuium egit na-
 uigia, strenueque oppressis qui pauci ad custodiam
 vigilabant, totum litus ripamque obtinuit. Præsi-
 diarij relictis nauibus ad castra confugiunt, aut a-
 mentes terrore, ad portas ciuitatis tam tunc sibi
 quam*

quam hostibus clausas: Alij triremes in altum impulere, qua hostem abesse silentium monstrabat. Radirobanes suorum plurimis confestim expositis, imparem quoque dato terrori ciuitatem fore existimans, milites distribuit, qui in littore consisterent, quique scalis niterentur per mœnia. Ac non Gallis, & Afris, qui in terra confederant, formido eadem, aut fortuna, quæ classiariis fuit. Gelanorus audito tumultu in littore, iubet passim excitari dormientes. Multis somnus mentem reddebat, aliisque periculum. Ipse dispositis per val- lum custodiis, & Micipsæ commendatis (dux ille Maurorum milium erat,) cum parte suorum, hostem iam veluti victoria securum aggressus est. Radirobanes posteaquam intellexit adhuc esse qui sua defenderent, haud nescius locorum iniquitatē ignaris & aduenis intempesta nocte timendam, reuocari suos iussit, satis egisse vilis quod æquore victor, statuere primo impetu posset in arenam tentoria. Facilem quoque in crastinum victoriam augurabatur, ignarus cum Poliarcho decernendum, & Gallicis turmis. Contentus etiam Gelanorus, à castris & vrbe prohibuisse hostem, non perripit ad eorum stationes, prælioq; nocturno, præsertim absente & inconsulto Rege, abstinuit.

Prima deinde luce Poliarchus, qui apud se non erat ex cladis nocturnæ dedecore, suos, ac Mauros, ad concionem vocat. Ibi questus militare flagitium esse admissum ab iis qui seruauerant maria, adesse exermes iussit quotquot ex Gallis à classe aufugerant, eosq; in fortuitā seriem digestos decimi cuiusq; expiari supplicio. Eadem Regina seucritas in suos Mauros erat. Sed cum iam numerari
duce

duceretur ad poenam, illa pro Gallis, ipse pro Mauris, orauit. Ita leuiori infamia, & in delictis militum assueta (nam inultum facinus non esse intererat) quibusdam aliquid sanguinis de lacerto missum est: fossam alij seminudi ducere iussi, alij pari cultu stare in foro, sui spectaculum ciuibus præbituri. Et quamquam id tempus egebat militibus, relictis sunt tamen eo die ad dedecus, vt cæteros animaduersionis timor acueret.

Iamque ipse Poliarchus coccinea insignis chlamyde eminebat in Numidâ equo, nudumque verticem huc illuc ostentans, sui reuerentia & Ipe vincendi omnes ordines implebat. Relictis deinde qui regiam, qui mœnia, qui claustra portarum tuerentur, ad castra cum cæteris processit, militibus ex imperio Gelanori iam in ordines passim euntibus. Quippe & leuiter armati iustæ pugnae initia vtrique libauerant, & Radirobanes rotam aciem instruebat, longe animo vultuque cōmotior, ex quo à captiuis audiuerat illic vnum ex Gallicis Regibus esse, & Poliarchum appellari. (Nam eo nomine ille censerî volebat quo apud exteros se celebrauerat in tenuiori fortuna.) Statim Radirobani occurrit, ita iuuenem vocari cuius amore capta Argenis sua fœdera despexerat. Sed an is ipse esset haud immerito ambigebat, quia & multis idem nomen poterat conuenire, nec de eo Selenissa vt de Rege meminerat. Ac vt maxime Rex esset, vnde tunc ille in Africa? quis deus hoc æmulum par composuisset ad certamen? aut quod rixarum ingenium, vt idem occupato Argenidis animo interuertisset suas spes in Sicilia, & nunc veluti ex compacto aduersaturus consiliis suis in Mauritaniam venisset?

Sed

Sed imminens prælium dilatam tot cogitationum seriem vertit in iram. Planicies modica erat à loco quem castris Radirobanes infederat, ad vallum Poliarchi. Hæc ad pugnam destinata, armis undique & signis fulgebat. Vterque Rex dexterum cornu suorum tuebatur. Leuum Sardorum regebat Virtiganes, & honori Maurorum Poliarchus dederat, ut in læuo senex Micipsa, magni in illa gente nominis imperaret; Huic tamen additus Gelanorus, ut vigore ætatis sufficeret ad ea quæ ætas in Micipsa detraxerat. Annotatum est ad victoriæ ingentem fiduciam, Gallorum Maurorumque paucissimos in procinctu nuncupasse testamentum. Adeo non vincere modo, sed & frui victoria sperabant. Vbi signa cecinere, initium pugnæ à sagittariis fuit. Sed feruidius quam ex Imperatorum præceptis campo decurlo, totæ acies ad pugnam coierunt. Sic ademptum spacium sagittis fundisque est. Vix locus ad hastas phalangibus, vix satis vertebantur equi in turmis. Ita omnibus primo ardore concitatis, nemo tamen aut vires Poliarchi, aut animum æquabat, quamvis & Radirobanes æmulatione terribilis memorabilem pugnam ederet, & multi suis ducibus digni laudarentur vel sua vel hostium morte. Luebant plerique insontes paucorum insaniam, & quod tristissimum bellorum nefas est, non ex offensa, vel odio, sed partitione fortunæ habebant quibus vitam eriperent.

Iam sanguinis multum erat, cum fatis adhuc plurium necem properantibus visi sunt dii intercedere. Quippe ea nubium caligo condidit diem, ut veluti ad intempestiuam noctem plerique horrescerent. Fulminum deinde strepitus, & decurren-
tium

tium fulgurum minæ, ad religionem metumq; furorem in alternis cædibus bacchantium conuertit. Sed adhuc implicitos, dubitantesque diis parere, acti in vesaniam Elephanti diuiserunt, quos Hyannisbe iusserat cum frontalibus, cristisque & turribus promoueri in aciem. Plerique eorum nuper in venatione capti, & adhuc propemodū rudes, nondum libertatis & ferociæ erant obliti. Adhuc vero Europæ incognita erat hæc species. Immensum & informe animal, pene omnibus membris vna mole confusis. Mersum caput inter humeros, nec à globo multum dispar, nisi qua proboscis in terram descendit, fœde promissa à naribus, & si color absit instar longi & tumidi anguis, neruorum circulis ita articulati nexa, vt cōtrahi, laxarique, flecti etiam possit, & esse pro manu. Patulæ aures vtrumque tempus regunt. Oculi exiguo orbe sub tumida fronte reconditi. Ebur, quo pretiosissimi sunt, longe ex ore eminet, pene instar lituorum, nisi quod debiliore parte inflectitur.

Ad hanc formam non obstupuerant modo Sardi in quos bestia agebantur, sed & Galli sua illa auxilia haud intrepidi videbant. Postquam vero subitis tenebris cælum inhorruit, Elephanti tam pauere faciles quam irasci, tumultuque insolito quiedebatur in nubibus attoniti, iam cœperant difficiliore esse regentibus, cum ingens, & pene in oculos fulgur impactum adeo eorum valentissimum turbauit, vt repēte verteretur in rabiem, immemorque disciplinæ, sese in cursum qua impetus erat effunderet. Prorumpunt & cæteri disiectis rectoribus, eumq; sequuntur. Mox acrius concepta animæ, omissoque gubernatorum imperio, iam non alteri modo

modo parti, sed omnibus hostes esse videbantur, decurrebantque per aciem inter arma & tumultū feruentes rabie, & quia exitum per tot cuneos non videbant, tanquam maculis induti quærebant libertatem. Plerique Gallorum ordines laxauere; Neque Sardis militia constantior fuit, utique postquam obuij furentium bestiarum oppressi vestigiis iacere, quidam etiam proboscidem nexu ligati, proiectique sublimes in aërem. Moles illarum, & nouitas, & horribile virium experimentum turbatis militibus mētem eripuit. Aduenisse deū iram, vel facta tunc primum ad dirimendam aciem monstra, audebant coniecere. Multis vidisse furentes belluas satis erat ad fugam. Longius remotus terror lociorum in vesaniam abstulit. Equi maxime consternati, nec ferentes odoris insolentiam, dominos plerumque indignantes per loca præcipitiis intuta aut hostibus egerunt.

Tantam aciem à tredecim belluis (nam omnino tot erant) fusam esse, fortunæ ludibrium fuit, quo probatum est non plus corporum vires in præliis valere, quam affectus animorum, nec multitudinem magis ferro quam timore esse domabilem. Timebat Poliarchus insidias, suosque palantes, si qua ingruisset noua vis, tarde coituros videbat. Idem Sardi timuere. Ergo ducum, tribunorumque admonitu passim secerni cœperunt quos è diuersa acie vnus terror miscuerat. Multos enim in aduersa agmina tam alte siue sua, siue equorum fuga prouexerat, ut redeuntibus periculum esset, ne deprehensi cæderentur ab hostibus. Sed ut plebeiorum memoria fatorum perierit, in paucis Radirobanis fortuna memorabilis fuit. Equo
illo

ille vehebatur, cætera quidem ad bellum aptissimo, sed indocili ad conceptos pauores, quos ut raros ita habebat furori simillimos. Tunc vero cum Elephantis debellatas timore copias fuderunt, totius agminis equis vno metu frementibus, exarsit in amentia speciem, nec quæ iubebat dominus, sed tenax, lupatisque quibus regebatur frænis potentior, sese alte penetrauit in hostium turmas. Interim recedebant versus urbem alæ equitum admonente Poliarcho, ut illuc potissimum iter intenderent. Elapsi inter tumultum à Radirobane erant, quotquot ex suis circa ipsum pugnauerant, credebantque in ea mentium caligine eum vna rediisse. Solus igitur & longe à Sardis diuisus, ferociam animi consternatione acerrima mutauit. An fugere incassum conaretur tot telis circumseptus? an potius captiuitate redimeret vitam, aut quia capto luitionis spes vix erat, spiritum temeraria & impati pugna proiiceret? Respiciebat ad suorum vexilla; procul illa recesserant. Retro viam paulatim capesseret? at obstabant à tergo conferti. Dum dubitat, dum furiosis votis fortunæ maledicit, interim periculum creuerat, iamque ad portas ciuitatis erat agmen in quo latebat, & solum restabat ad salutem, ut se vnum simularet de Poliarchi militibus esse. Multum ad fraudem iuuuit, quod initio prælij ut impunius ducem & militem agere posset, omiserat regia insignia, purpureum sagulum, cassidemque vittatam, & ea cuidam Megalostheni tradiderat. Ita cum trecentis Poliarchi equitibus intrauit inimicæ ciuitatis munimenta, hætenus quidem fraude idonea: Sed quo deinde succederet? Militibus omnibus hospitia aut tentoria sua erant.

Si

Silicui manipulo se adderet, non lateret in paucis, qui plures, & armis occultus, fefellerat. Sin omnium consortia fugiebat, quid erat aliud quam solitudinis suspiciosa se prodere?

Quamdiu igitur paucae hae turmae circa forum steterunt (illuc enim conuenerant, accepturae dum impetia) haud aegre multitudinis beneficio tutus fuit. Sed non multo post à Poliarcho nuncius venit qui iuberet illa equitum agmina quae urbem intrauerant, ad hospitia sua diuertere, & Reginae intra urbem ea nocte praesidio esse. Hanc vocem Radiobanes pene ex animis accepit. Sparsum enim equites turmas laxabant. quisque occupabat notas domos. Hospites, calonesque, expediebant officia. Ipse, tanquam domum quaereret, vnus circuibat omnes vicos, nescius quos potissimum fugeret, nisi quod obuij quique formidolosissimi erant. Omnibus inuisus, & si caperetur solo redemptionis suae pretio forte seruandus, magis magisque auctam cum ira formidine vix tenebat. aliquoties impetu sumpto vt hostem confessus, & aut moriturus strenue, aut salutem in praemium audaciae laturus, prorumperet per portae custodiam. Vna quippe tantum erat in illo tumultu, quae curribus & equis pateret, magis quoque copiis obseruata. Nemo in via accedebat propius fraenum, aut intuebatur in euntem, quem non tanquam in se intentum nouo horrore refugeret.

Cum pererrata vrbe non modicum tempus consumpsisset in illo timendi supplicio, nec differri amplius posset aliquod consilium, occurrerunt agazones cum equis dominorum, quos ad aquam ducebant. Eos Radiobanes sequi instituit, si qua eo-

Ii

rum

rum ductu posset ad flumen peruenire. Urbis autem situs hic erat. Altero à munimentis stadio fluebat amnis, ea parte qua itur ad mare, qua & hostes castra locauerāt. At quo latere urbs erat Sardis maxime auersa, ad ipsa mœnia pertingebat lacus ingens, sex vt minimum stadia latus, duodecim in longum protensus. Nec erat præter hunc lacū quo equi lauarentur aut biberent. Illic autem nullum ab hoste periculum, ciuitate per tot aquas, nisi nauigiis non peruia. Exiguam ergo portam, quæ ad crepidinem lacus patebat, aliquot militum statione firmauerant, aperiebantque bis de die, animalibus ad aquandis, & ad cæteros ciuium vsus. Ad illā tunc calones processere; Quibus Radirobanes missus postquam spatia vndarum vidit tam ingenti campo porrecta, vix spem enatandi esse ratus, tamē veluti vltimo horrore vires collegit, & sic per vora (vt deinde suis narrauit) Neptunum affatus est. O potentissime illorum deorum qui eadem cum hominibus elementa incolunt, cuius dona sunt fluuij, fontes, lacusque, has vndas quas salutis incertus nunc in eo mitiga, ô bone. Ferant me, & in destinas ripas placide agant. Isti præterea equo (nam & illi generi præes, equumque excussisti à verberata humo) isti inquam qui mihi destituto pro cymba & vectore est, suffice vires, vt quem impetu suo hostibus tradidit, eodem eripiat. Tum ego de Afrorum manubiis expressam in ære tui beneficij meiq; periculi memoriam, in Calaritano littore constitutā, qua tibi fanum & nemus mei Patres sacrauerunt. His votis tacite obligatus, primum libauit aquas, in vadi commoditatem leniter desidentes; Equum deinde potu refectum paulo egit vltcrius, frustra
admo-

ad orientibus qui cum eo erant in lacu, vastam in proximo altitudinem latere. Ille autem contemplatus ad quam brevissime ripam sinus vndarum ferrent, utrimque calcaribus impulit equum, qui iuba ferociter concussa dedit se protinus in vndas, soloque eminens vertice incumbentem dominum ferre coepit qua iussus est. Exclamant ex crepidine, & primis vndis Mauri, errorem aut casum arbitrati, & monent qua commodius parte habenas reflectat. Sed paulatim procedebat in altum, omnibus qui id videbant, ut in miro & subito casu, diversa de eo iactantibus, nec dubitantibus quin periret. Iamque illum non vivere, sed cadauer deferri fluctibus credebant, utique postquam longe recesserat, & tantum ex colore adhuc aliquid supra aquam eminare noscitur.

At Raduobani, ut timorem late circumstans periculum, ita spem dabat validissimus equus, quem voce, motuque interdum habenis reuocabat ad virium memoriam. Præstabant & facilem cursum aquæ. in neutram partem obnoxia; Nam nec aliquo fluebant, & tunc solito placidiores erant, cessantibus ventis. Coepit tamen ægrius equus emoliri aquas spiritu, videbaturque deficere, cum in mediis fluctibus arena sublimis, neque cedens vestigio, natandi necessitatem opportune intermisit. Sterit ergo distans fessus aquis, totoque pectore altior, tanquam laborem miraretur, se anhelitu levabat. Sed Rex veritus ne exerciti nimio motu nervi post quietem rigerent, breves inducias ad respirandum fecit, adhibuitque calidas suffragines motis calcaribus egit in lacum. Suffecit animoso equo concitum corpus, vndisq; & intentione natandi differē-

tibus mortem, ad supremam ripam vixit. Tunc liquente spiritu vix moratus dum dominus sine lapsu descenderet, se in arena explicuit. At Radiobanes ad exhausti magnitudinem periculi horrēs, quod in ciuitatem hostium intrasset, quod per immensum inde lacum, & pene grauiora ipsa morte pericula, effugisset captiuitatem, nouo metu excitabatur, timebatque aut terra aut lacu venturos, qui vincula, vel si recusaret, mortem darent. Longe enim ab ea lacus ripa, suorum castra erant. Sed solatio fuit quod prima nox ingruerat, semper ad latebras fugamque securior.

Interim Poliarchus diuisis militibus qui in vrbe pernoctarent, aut essent intra vallum, ipse breuiter Hyannisbæ colloquutus, non mansit in Regia, sed in castris sibi prætorium iussit statui, ad omnes fortunæ articulos intentus, si qui cōmode in hostem se præberent. Nec cessasset inter tenebras, nisi illum Sardorum consternatio Regem quærentium retraxisset ad cauendi ambigendique consilia, quia incertum erat, quæ causa tot in illorum castris voces attolleret, tot faces immensis circum campis accenderet. Namque Sardorum duces ad Regis tentorium collecti, cum mutuo interrogassent, nūc redisset, nūc diuertisset in castrorum aliam partem, quis denique pugnantem adfuisset, quis rexisset recedentem ab acie, postquam quisque diuersa dicebat, omnes vno impetu ad tristiora conuersi sunt. Cæsum captumve crediderunt. Nec aberant à rixa: Quos cum Rege fuisse, quos seruasse, quos saltem vera de eo posse renunciare oporteret. Sed maxime militum vulgus, siue cura, & amissi Principis desiderio, siue insania correpti, non expectato ducum impe-

imperio, quorum reuerentia ex Rege pende-
bat, soluerunt disciplinam. Hi auis petiuere campos, si
Princeps errasset, compellatum reducturi; Plures
accensis facibus cruentum prælio campum scruta-
bantur, in cadauerum ora proni, illicque timentes
quod quærebant inuenire. Ita Sardorum vocibus,
igne, procursu, vndique arua feruebant. Specula-
batur omnia de castrorum aggere Poliarchus, &
seu nocturna hæc bacchantium militum religio ef-
fet, seu vllius alterius dei furor, aut ars denique mi-
litaris in se parata, in omnia solertiam, excubias,
vota composuit.

Cæterum in illo officio atque tumultu occupa-
tis subito nunciatur, Radirobanem in tentorium
rediisse. Quippe ille ad vltimam lacus ripam expo-
situs, antequam noctis caligo vsum oculorum eri-
puiſſet, strenue speculatus est quo itinere perueni-
re posset ad suos. Tum palustrem ripam sequutus
est, vt si qui instarent fugienti, inter arundines la-
teret. Ita lacum circumiuit; & deinde extra viarum
frequentiam, per fossas, aut mœnitos sepibus cam-
pos, ad suum vallum contendit. Hoc ipsum formi-
dolosum ei fuit, quod sparsi cum lampadibus mi-
lites clamoribus cœlum impleuerant, nesciusque
se diligentia illa quæri, omnium anxie faces & vul-
tus fugiebat. Tandem in tentorium peruenit; Mo-
nitæque cohortes omittere ominosam, iamque
superfluum de ipso quæstionem, pari licentia in læ-
titiam effusæ, omnes ad Regis fores venerunt;
Quo viso cum diu plaussissent, ad stationes, aut
contubernia, ægre recessum est. Interim Virtiga-
nes, Sardorumque præcipui, ad Radirobanis ge-
nua accedentes, cum flitu rogabant, quæ for-

tuna, quodve consilium, eum à suis tam diu auer-
tisset. Ille prolixè discrimen memorabat, stupenti-
bus cunctis, timoremque ambitiose promentibus.
Dumque certatim omnes, aut gratias diis agunt,
aut Regi tanquam fortunæ factorumque victori
adulantur, quidam Poëta Virtigani familiaris, ex-
templo in eum casum versibus sic lulit, vt diceret
Radirobanem suis Sardis esse pto Sole, qui ab eo
absente emarcuissent, & ex restituti spiritu vultuq;
penderent.

*Ergo ausa fadare diem nostrumque tenebris
Sic nubes miscere polum? Quasiuimus omni
Æthere pallentis nutantia lumina Solis:
Ille aberat profusa diu! seu texit opaco
Hunc foror occursum, cœli seu calle latenti
Fatidicas pronus Cyrrha descendit ad umbras.
Tunc vero quantis arserunt pectora curis?
Excidimus miseri nobis. Ab cédite gentes
Parthastis nata fœta inter robora syluis.
Scilicet ex angui frigientem horrore sequuti
Titanem, Occiduas propius pulsauius oras
Planctibus, æternis ceu gens damnata tenebris.
Ni redis ô hominum præses, iam fræna remittat
Iustus honos legum, peccentque impune tenebre.
Quid sine te gens tota hominum? que funere damna
Discessu nos Phœbe tuo? Resolubilis aër
O: ruet informem spissatis nubibus orbem:
Et sese in gelidas soluet natura pruinas.*

*Parcite Mortales lachrymis, nec perditæ planctus,
Purpuream redit ecce iubar, capitisque corusci
Fulget apex. Cernis radios, assuetæque scepro
Brachia, & igniferas pharetra lucente sagittas?
Salue cura diu, & nostros ne desere cœcus,*

*Nec facies. Sint noctuaga nemora alta Sororis,
At tu vrbes hominesque habeas. Tibi cura benignum
Ferre diem, & cunctas solis componere terras.*

Postera luce inuicem aduersariorum vires expertis lentiora fuere consilia, vno Poliarcho adhuc prælium cogitante; Huic enim arma placebant, Radirobanis odio, & desiderio petendæ Siciliæ. Sed Regina precibus dedit, ne eo die quietum hostem laceraret. Mirum fuit de exitu belli tam acriter Hyanisbem cœpisse diffidere, & ipsam Radirobanis temeritatē solitudine fuisse mutatam. Quippe animus vtriusque ex immanitate sacrorum ad quæ confugerunt emicuit. Nam Regina deligi ingenuum puerum iussit, qui Saturno immolaretur. Piaculi consuetudo à Tyriis erat orta, qui crudelitatem moris infandi in Africa Carthaginensibus suis colonis tradiderant. Externamque & barbaram deuotionem in deos territa Hyanisbe vsurpabat, quia miseri aut anxij mortales terribilia & incognita remedia arcanam vim habere existimant. Apparabatur funesti sacri ratio, infulasque victima accipiebat: Nec Sacerdos deerat sceleratæ pietati. Cum hoc vero Poliarcho nunciatū est, statim turbatus exiliit, & ad Hyanisbem properans; Si hoc, inquit, fœdæ sæuitiæ auxilium, Regina, in hostes tibi placet, patiaris me abire. Nunquam enim vires meas illi superstitioni miscebo, nec committam ut mei milites numinis fortitudinem videantur induisse, quodcunque est quod tam turpiter placari amat. Nolo, inquam, extorquere à diis pudendo pretio victoriam, qui non de illis sunt quos debemus colere, vel auersantur hâc deceptæ mortalitatis infamiam. Proinde aut hunc ex vinculis puerū,

aut me ex finibus tuis mitte. Quamquam Hyaniſſe verebatur Saturnum, erat tamen præſentior Poliarchus. Ademptæ ſunt puero vittæ, iuuitque hoc ipſum populi mentes. quod Poliarchus non ſollicitabat extrema remedia. Num enim tantus dux belli incerta ignoraret, aut niſi in procliui ſentiret eſſe victoriam, hanc vnius pueri ſanguine dedignaretur à fatiſ comparare?

Eodem tempore, quaſi ſuperſtitionibus conueniſſet vtraque caſtra corrumpere, quidam ſenex inter Sardos illuſtris (Sitalces appellabatur) olim ſtrenuus manu, tunc conſilio ſpectabilis venit ad Radirobanem, qui forte cum ſuorum delectiſ varia ſuper bello agitabat, obtulitq; ſuum caput, quo à diis manibus paciſceretur victoriam. Nec intereſt, inquit, quod priuatus ſum. Satiſ erit ſi me Rex meus deuouebis, vt ſalutem publicam ſuſtineam, procuremque. Poſtquam ero legitimo ritu morti ſacratus, laceſſam hodie cum modica turma bellum, in quo terrorem ac diras mecum in hoſtem ferens, cædar à neſcientibus me in exitium ſuum perire. Non nihil cunctatus Radirobanes ad lætitiæ oblata, vt ſperabat, victoriæ, gnarusque hanc ſui capitiſ deuouendi vim ab Italicis vatibus efficacem cenſeri, effuſe Sitalcem laudauit; Et quoniam, ait, nobis tuo interitu victoriam trades, nec poteris ſentire præmia quæ mereris, at ſcias tuæ ſtirpi apud me immotam gratiam manere, vt nemo Sardorum viuere malit, quam familiam ſuam ad gloriam euehere quam in tua mirabitur. Age ſtrenue, & breuiſſimi fati curſu redime famam, quam nulla mors extinguat. Vocauere ergo Pontificem, qui deuotioniſ ſacramentum more Hetruſco perageret;

geret: Subitoque Sitalces prætexta indutus, velato capite, super abiectū constitit telū, tangensq; subiecta manu mentū, sequutus est omnia verba Pontificis, quibus aduersas Gallorū Maurorumq; legiones secū dijs manibus, & Telluri deuoueret. His patratīs, Tempus est, inquit, adhuc recenti religione, vt terrorē, fugam, interitū, in hostes deuoluā. Date leuis armaturæ aliquos, qui excursionis specie mecū tendant ad hostiū vallū. Exciemus ad prælium vel eos saltē qui pro custodia castrorū stabunt, nostrisque per fraudem refugientibus, ego pertinacia extorquebo mortem ab hostibus. Et meo sanguine dampnabuntur funeribus, poterisq; execratos cum lubebit ad satietatem debellare.

Plerisq; Sardonū quam mira tam certa videbatur Sitalcis oratio. Statim sagittariorū aliquot turmæ homini datæ, per quos hostē prouocaret ad certamen. Sed Sitalci seruus erat, diu liberaliter habitus, & charitate domini plus quā patriæ flagrans. Is herū insanire in tā pperæ mortis voto existimās, postquā dissuadere nō potuit, clam ad Poliarchi castra conuersus est, deductusq; ad illū; Venio, inquit, patriæ meæ proditor, & ab illa salutē, à te aut tuisq; pniciem auersurus. Nec grandius præmiū efflagito, q̃ vt illius vitē seruetis cuius mors vobis in exitiū destinata est. Raptim deinde exposuit furiale Sitalcis consiliū: Quo audito, Poliarchus non tam exhorruit ad Religionis infernæ vim (neq; n. credebat ex vnius desperati, aut furentis, voluntaria morte rotas acies profligari) quam terrorē præuerti concupiit in suis facile illapsurū superstitionis ingenio. Itaq; indicē, si vera afferret, sperare præmia imperauit, & indutū Gallicis armis, vinculisq; tamen co-

hibitum, sagittariis addidit, qui in p̄cinctu intra castra constiterunt, vt si, q̄ seruus monuerat, leuis armatura à Sardorū vallo p̄cederet, ingruentes refellerent. Iis aut̄ pr̄ceptū est, vt terrore minisq; plusquā vulnerib. certarent, ne in Sitalcē, quē inuictatū pr̄stari volebat, temere peccaretur. Seruo aut̄ sua & domini libertas decreta est, si mature pugnantem comōstraret. Vix ea Poliarchus edixerat, cū velitatio à Sardis coorta est Sitalcē ducentib. Illico erupere à Poliarcho pr̄parati, & ex aduerso Sardi haud multū cunctati missilibus, simulatione fugæ deferunt Sitalcem, auidum perire, & mortis spe maiora humanis viribus audentem. Sed seruus inclamabat illum esse quem seruari Poliarchus pr̄ceperat. Ergo in medium turmæ furentem excipiunt, & armis coniecti perferunt ictus, exarmantque circumuentum. Inde abnuentem se dedere, & sollicitantem contumeliis iram hostium, tamen trahunt ad castra: quo conspecto, Poliarchus, Melius, inquit, apud nos quam apud deos manes coenaueris. Necingere maledicta, quasi crudeles simus qui coegimuste viuere. Vbi enim de huius belli exitu dilceptauerint fata, in nobis mora non erit si tunc quoq; persequi mortem volueris. Sed nolo apud Umbras gloriari, quasi in tui mercedem nostra omnium fata dii prodegerint.

Vno deinde captiuorum accito, ea lege illum ad suos dimisit, vt Radirobani nunciaret, bene habere in Gallicis castris Sitalcem: Igitur curam de amici valetudine omitteret; victurum hunc saltem ad exitum belli. Nam & Teilurem, & inferos deos, recusasse victoriæ precium quam dare non poterant. His à captiuo nunciatis, accendit Radirobannem

nem cœpti infœlicitas, simulq; insultatio exprobrantis superstitionem Poliarchi. Necdum certus an Poliarchus ille esset quem amabat Argenis, animi tamen odiiq̃ue augurio suspicionem fouente, verum exprimere statuit perplexa epistola, quam Poliarchus vt vanam obscuramq̃ue negligeret, si forte cum Argenide nulla fœdera iniuerat, sin autem erat ille quem Selenissa prodiderat, statim historiam agnosceret, daturus haud dubia iracundiæ & æmulationis indicia. Neque mora, & vni vicissim ex Gallis quos habebat captiuos, literas ad Poliarchum tradit. quas detulit ille ignarus conuitorum quibus contumeliosissima cera legentis oculos impleuit. Non enim Argenidi, non Hyanisbæ Radirobanes pepercerat. Aiebatq; se mirari, quod Theocrine post contubernium iuenculæ Principis hæreret Hyanisbæ. Vt puellam fefellisset, sic ab ana iusto Cupidinis telo esse deceptam. Sed se vindicem adesse Siciliæ, cui recisam simulatæ Palladis ceruicē vouebat. Ira turgidus Poliarchus, nec iam magis Hyanisbæ q̃ sibi gesturus hoc in Radirobanē bellum, codicillos quidem pressit, ceterum tā commoto ea vespera vultu fuit, vt constaret nihil parū agitari. Præter conuitorum fœditatem, adhuc animus turbabatur ad nomina Theocrines & Palladis quærebatq̃ue apud se quis hæc Radirobani secreta retexisset, donec memor Argenidem vltimo quod inter eos fuerat colloquio esse questam de perfidia Selenissæ, ipse rem omnem inde emanasse coniiciens, cœpit frendens, vnaque iracundia Radirobannem atque anum complexus, sibi de viroque supplicium destinare.

Vt vero illuxit, ferro non verbis refutaturus iniurias,

iurias, exercitū in ordines iussit ire, præmonita Hyannisbe ne cui inter pugnā portæ vrbis paterent. Nec se quidē de victoria dubitare, sed si qui suorū fugissent ex acie, nolle se intra munimenta hos recipi. Nunquā alacrior militibus visus conuenientibus verbis vnumquemq; affatus est. Gallis, adiutē Hyannisbes quæ ipsos decora manerent referebat. Mauros tyranni odio sacra patria euersuri agebat in irā. Vtriusq; spolia ostendebat, & in vicino esse Sardiā, quam, inquit, si in isto quē videtis campo vicerimus, obnoxiam nobis eo modo habebimus quo Radiobanes Africā vellet. Omnes quidē illa verba, sed plus vultus dicentis permouerant. Nec segnior acuendis militibus Radiobanes multos sibi in ea victoria triumphos fingebat. Nā Poliarchum Argenidis spōsum esse inde crediderat q̄ tam subito iminebat certamine quasi pridianas literas vindicaturus. Si hunc ergo occideret, illo ipso vulnere cogitabat, & se sumum de Argenide suppliciū esse sumpturum, & à regno deiecturū Hyannisbem, quæ subacta ipse Mauritaniæ sceptro auctus trajceret in Siciliā, nō habiturus ex hostib⁹ qui victoris ora ferre aut ipsi⁹ imposterū imperijs intercedere auderet.

Hac immani spe ferox, instructos ordines admo-
uit venienti Poliarcho. Nemo erat, qui nō de fortuna partiū decreturū illum diē conijceret. Intentior itaq; cura spē ciuiū varijs terroribus miscebat. Prohiberi à muris ciuitatis non senes poterant, nō flebilior turba onerata liberis matres, quos innoxios passim dijs ostendebant, venerata ne teneris corporibus hostis illuderet.

Balearici, qui in Radiobanis acie erant, Numidas inchoandæ pugnæ præmissos suis fundis turba-
vere.

uere: Sed Poliarchus equites Gallos procurrare iussit, spatiumq; funditorib. adimere quo saxa librabant. Numidas aut monuit, vt relicta prælij fronte leuiter obirent hostiũ latera, & quamplurimos à pugnæ recto ordine in se distraherent. Cõtra Radirobanes satis agebat, aliquot turmis equitũ circuire hostiũ cornua imperans, & à tergo incautos adoriri; Simul Galliæ Africanæq; linguæ peritos miserat, qui tanquã Poliarcho iubente proclamarent inclinare ad Sardos victoriam, profugerent Galli Mauriq;. Lixam ad receptũ patere. Ea vox nõ paucos initio perculit, risu deinde excepta est, & pari vociferatione à multis relatũ est, vt fugerent Sardi. Nihil mediũ inter vtramq; aciem erat, obstabãt corporibus corpora, telum telo frangebatur. In tantis arctis ordinib. aut cadere aut vincere vnicuiq; supererat. Hortantium quoq; clamor, questibus fauciorũ, & fragore armorũ permixtus, terribili sono in urbẽ ferebatur. Galli præstabant equitib Sardi, & Ligures, phalange non cedebant. Sed Ducũ præcipuũ opus fuit. Hinc Poliarchus præter ingeniũ sæuus non planctus, non vota audiebat deprecantiũ mortẽ, siue aures belli ardor occluserat, siue in Radirobanẽ ira, qui ex alla parte perruptos vi ordines solus sæpissime intrabat tanquã oblitus erroris quo inter hostes prouectus ingratis Lixam peruenierat. Ita Sardi sub Poliarcho laborabant, cedebantque circa Radirobanẽ Galli ac Numidæ. Sed grandior ira Poliarchũ torquebat, nec vulgari sanguine restringenda. Vnum erat Radirobanis pectus quod maledicti in Argenidẽ & Hyanisbem cõscium suo vulnere expleret sæuientem. Per suos igitur hostiũque manipulos, quærere hostem cœpit dignitati & iræ

iræ suæ parem, multum quoq; inclamitans, ut si adderet, si vir esset, proprio discrimine totius belli fortunam prouocatus exciperet. Vicit acré & confusum præliantium cadentumq; tumultum vox sæpe repetita aliisq; mandata, & ad Radirobanē haud quietiora cogitantem allapsa est, quem hoc vnum puduit, quod prior non vocasset. Ocyus cætera reliquit certamina, omnibusq; submotis properauit in æmulū. Non leones Africa illa, non serpentes tāto furore incitados aspexerat. Breui tamen colloquio sustinuerunt auidas manus; Priorque Poliarchus; Ades, inquit, ô latro, da pœnas turpissimæ noxæ. Non mihi hodie elaberis, non si plenius quam Achillem inuiolabili Styge tua mater te intinxit. Tibi, Domina, sacrum hoc fero, si tam turpem hostiam forte accipies. Et Radirobanes; Prodistandem de Gynecæo mollissime amator? Sed præteritæ vitæ probra mors inter arma celauerit. Ne dubita, tanquam vir esses, iugulum dare.

Neutri vacauit alternis contumeliis prolixius respondere. Ira quæ addere vires solet, iam nimia, impotensque, pene debilitauerat manus. Coierunt tamen pectoribus, equis, telis, non mollius quam si allisas rupibus rupes turbo conferret. Sed iactibus fortuna tunc abfuit, & equi, quamquam illo concursu læsi, ad cæteram pugnam non fuerunt inutilles. Circumactis ergo habenis, vterque iaculum alte amento quassatum vibrauit, quod inuicem parma excussum est. Supererat vnicuique missile alterum: Id ne frustra periret, diu armorum aditus oculis manibusque metiti sunt. Tandem Radirobani nihil certius visum quam equum hostilem confodere: quod ne impune esset, equum illius vicissim Poli-

Poli-

Poliarchus ferit in capite. mox ambo veriti lapsum, aut bestiarum iam in morte insanientium fugam, velut pari consensu in terram defiliunt, raptisque bipennibus. quæ pendebant ex equis, ad certamen præcipitant. Sed suorum pietate diuisi sunt. Quippe media Gallorum agmina atque Sardorum, interuenere furentibus. Hæc vero auxilia cum vterque auersaretur, ægre tandem, nec antea quam læpius iussus, recessit è medio miles, Regibusque arenam restituit, qui adhuc integri, omissis bipennibus, læua clypeum tenuere, dextera hastam, quam ab hoste venientem Poliarchus eludens, certiori ictu Radirobane[m] tetigit. vulnusque haud modicum fecit in latere. Strinxere inde ferrum, sæpe ita conferti, vt solo capulo ora aut pectora liceat verberare. Nulla pars corporis, nulli armorum nexus intentati supererant. Horror omnes, & deinde misericordia permouit, tantorum spirituum Principes incolumi exercitu perire. Rursus igitur agmina coierunt, diuiseruntque pugnae. quod vterque in dedecus suum accipiens, proximos cum ira & imperio rogauit, ecquid victum se crederent, quem sic tegere, sic à pugna properarent eripere?


Sic militibus, ducibusque discussis, redeunt ambo ad postremum discrimen, animis quidem inuictis, sed multi sanguinis iactura vires abstulerat, anhelisque corporibus iam nec certi nec validi erant ictus. Plus animi tamen & sanguinis Poliarcho restabat. Memor deinde causæ quæ odium fecerat, nec dubius nisi vinceret perituram dolore Argenidem, altius sustulit ferrum, eoque in Radirobanis iugulum oblique intrauit, inter galeæ loricæque

cæque commissuram. Ille se mori intelligens, festinanſq; ad vindictã, curſum in Poliarchũ præcipitat, affligitq; ſui corporis mole incautũ, ſic vt in terram ambo deciderent. Statim militũ vlulatu cœlũ inhorruit, his vnũ, his alium occidiſſe, pleriſq; vtrumq; expiraſſe credentibus. Et quia ſub premẽte Radirobane Poliarchus ceciderat, pciori omnino mens Gallorum, Maurorumq; vertebatur, vt nec defuerint qui ad Hyaniſbern decurrerent triſtia de eo nunciaturi. Inundauere ita campũ confertiſſima turba Gallorum atq; Sardorum. Nulla Præfectis reuerentia, nihil vexilla ordinesq; tunc poterant. Suum cuique videbatur ad Reges decurrere, eoſq; ſeu occidiſſent, ſeu viuerent, ab arena eripere. Adeo vt tumultuoſa auxilia Poliarchum penẽ obruerint. Sed iam ille paulatim ſe expedierat ab hoſtis complexibus, & vltimo ſingultu explicitum ferro adhuc tentabat. Hunc vero vt viuere, & erigi, Galli ſimul Maurique conſpiciunt, ingenti feroces gaudio prouehuntur in Sardorum promptiores Radirobanis cadauer regentium, ipſumque Poliarchũ infeſtantium telis. Sed diſcrimẽ breuiſſimum fuit. Nam & victoriæ lætitia Poliarchum refecerat, & Galli impigram opem ferebant. Senſim igitur Sardiceſſerunt, aliquid quoque ſuæ virtuti imputantes quod tanta in clade à fuga temperabant. Illis igitur late ſubmotis, hoſtili potitus corpore, ſpolijsque optimis, Poliarchtis ſyncere victor fuit.



IOANNIS
BARCLAI
ARGENIS.

LIBER V.



O modo intra paucissimos dies profligatum est bellum, longiori mole attriturum mutuas opes, nisi in cupidos Principes incidisset, & qui priuati sui fati rem omnium publicam fecerunt. Cedentibus Sardis minus infestus in castra reditus fuit, quod nec effuse fugerunt, & conscius vulnerū Poliarch⁹ properauit in urbē redire. Interim tamē, dum medici subito remedio sanguinem sistunt, de proxima arbore exscindi ramum iubet, quem aptatum trophæo, armisque Radiobanis indutum, reclinauit in humerum suum. Sic ornatus conscendit in currum, quem equi candidi trahebant, pulcherrimoque spectaculo, circumfusus militibus, optima spolia gestans, ad Martis delubrum prouectus est. Nulla enim in Africa erat Feretrii Iouis religio. Populus omnes vias impleuerat, ut per subitam pompam licuit ornatus, frondibusq; quascunque fors obrulerat nunc onerans manus, nunc

vias qua triumphus pergeret sternens. Tunc in victorem laudes, tunc mutua de Africæ salute gratatio. Hyanische in vestibulo templi opperiebatur Poliarchū, cui de curru descendenti in hunc modum locuta est; Priusquam hæc spolia propitio Marti sistis, Magne Rex, sine me ea tibi dicere quæ tu mox dijs. Tua virtute sospites sumus. Reddidisti liberos cœli haustus, vnicuique de populo suos agros, necessitudines, lāres; Mihi verò purpuram, mihi absentem filium asseruisti. Exige à nobis quicquid voles, beneficio tuo minus erit. O fata! Quid quod video vulneratum, & audio non sine discrimine vicisse? Victima ipse fuisti, cuius sanguis mihi propitiaret victoriam. En igitur Radirobanem modo formidolosum Africæ, iam ingestum humeris tuis armorum suorum specie, & quo propius discrimen fuimus, nunc gratiori horrore nostros oculos perfundentem. Veni ad Deorum templa, Heros, quos olim augebis: Et siue his spoliis ad nostros tholos affixis tuam virtutem luminibus Afrorum consecras, siue tantum monumentum diis Gallicis in patriam transmittis, scias nihil obstare quo minus aras tibi statuam, diemque, & flaminem, nisi quod te inter mortales agere quam diutissime exopto. Hæc oratio ingenti populi plausu excepta est, inter quem Poliarchus, cum quæ suam modestiam decebant Reginæ respondisset, ad Gradiui fores venit. Adhuc cruentum de prælio religio erat ad aram accedere, deove libare. Satis fuit sacerdoti trophaum tradidisse, numenque compellare à limine, acciperet libens, & paria sæpe munera sibi dari annueret. Dum sic orat, sensim vulneribus cœpit vinci. Iam pleraque enim frigebant & dilatata cura-

Sin esset Achilles, contra auro vile non fore genti Sardorum Principis sui corpus. Ad extremum addidit preces, & inter viriles gemitus peroravit. Poliarchus contēptim ad eorū monita respondit, secundem genium, deosq; eosdem in consilio habiturum ad regendam victoriam, quos ad comparandā habuisset. Cæterum iis qui mori scelere meruissent, ne quietam quidem mortem esse debere. Nisi forte & dii, quos illi toties appellabant; defunctorum vmbreis parcunt. Horrere omnium memoriam ad Radirobanis flagitium, qui captato tempore sanctissima cum Hyanisbe fœdera violauisset. Denique (inquit) scitote mei iuris non esse quod petitis. Reginæ arbitrium est, scire an miseri malit. Huic enim pugnauius, huius cum cætera victoria Radirobanes vester est. His auditis, Legati, iam cœpto diffidentes, vertebantur ad Reginam. At illa abnuebat vsurpare licentiam quam Poliarchus suo sanguine fecerat. Diu ergo altercati vter ferret sententiam, seipso & legatos suspenderunt. Sed in Poliarcho vulnerū dolor moram nō ferebat: sciebatq; præterea præsentibus maxime nec diu libratis beneficiis candidæ liberalitatis geniū inesse. Itaq; urgenti Reginæ, ut ipse aut absolueret legatos, aut in alium diē differret; Intellego, inquit, ô Domina, quid sensus tibi sit. Nam si pro acceptis iniuriis vlcisci cadauer velles, ipsa palam imputares hanc seueritatē tibi. Nunc præterquā quod es misericors, vis liberalitatis authorē me videri quam promissis in Sardos. Tollant sane, si siciubus, inutile cadauer impii Regis, flammisq; non sensurum imponant, quæ viuentem melius excepissent. Certe, inquit Hyanisbe, & intelligant nullas hic esse Thebas, & Poliar-

Poliarchum vicisse, nō Creontem: Cum autem sepulto epigramma facient, meminerint inter illius victorias, hanc ciuitatem bis ab ipso intratam.

Hæc modico risu locuta à legatis auertitur, quibus ex Poliarchi imperio reditum corpus est, ut erat, armatura spoliatum. Ipse tandem perfunctus publicis curis, nec amplius ingredi valens, inter suorum manus peruenit in thalamum: vixque moratus dum lorica laxaretur in stratum se coniecit. Quamquam medicos secum aduexerat, memor tamen in Hyantis aula celebres esse, sibi que, cum à periculis læsus illic ægrotauisset, perspectos, voluit eos quoque aduocari. Admoti igitur duo Galli totidemque ex Mauris, expectatione profundius læsum, mutuo inter se terrore mussabant. Præcipui periculi vulnus erat in latus desidens, & explorantibus dubium an receptum in vitalia esset. Sub hæc percunctanti Regina quid sentirent, clam referunt, esse in incerto Regis salutem. Illa prudenti dissimulatione rem regi mandauit, ne qui motus in suis aut hostium castris existerent. Tum amplissima pollicitatione medicos adhortata, ne quid fidei aut artis omitterent, ipsa dum nudantur, dum explorantur vulnera, adesse ac videre sustinuit. Multum cruoris efflaxerat (nam & statim ac in thorum procubuit, ex omnibus vulneribus proruperat vis sanguinis) lenteque nec æquali venarum pulsu, manus sæpetentata peritos terrebat. Medicis itaque operam certatim promentibus, vnus illorum, Afer, Themison nomine, oris propemodum tempnendi, staturæque breuissimæ, cæterum arte sua, & euentu consiliorum conspicuus; Nihil agimus, inquit. Aliam mortem Regi timeo, quam quæstis

K k 3 vulne-

vulnerum meatibus sese insinuet. Neque enim putemus quicquid sanguinis ferro tactum est, & loco dimotum, ab corpore effluxisse. Sed & omnis cruor in venis nimio motu extra temperiem cum sua face efferbuit: Coibit igitur adhuc calidus, turbatusque, in opacam laniem, & occupatis costis spirandi libertatē, & mox vitam, ni cauemus, eripiet. Quid, inquires, remedii? Non aliud quam ut regiam in lacerto venam soluamus. Ita laxato sanguini turbatio adimetur quæ in tabem se cogeret. Omnes ad hanc vocem horrebant. Nam qua manu, quæve audacia, exhausto corpori, vitæque vix in tantillo sanguine hærenti, adhuc aliquid eriperent? Vicit tamen medici asseueratio, cum non aliter vivere posset. Delibauere itaque venam, tristissima expectatione multorum, Singula deinde vulnera propriis remediis fouerunt, quietique relictum vetuere vllorumultu vlloue negotio in eam noctem sollicitari. Neque tamen Hyanisbæ persuasum est ut abiret. Haud procul à thoro in hemicyclo acquiescens, accedebat identidem adiacentem, nunc verita ne is defecisset, & anxie legens anhelitum, nunc seruorum sedulitatem præuertens, & omnia officia exhibens vix scienti à quo tam prolixè iuuaretur.

Vix demum Hyanisbe, urgentibus suis, & deficiente iam nocte, secessit in thalamum suum. Necdum multum somni ceperat, cum Principum concursu excitatur, simul gestantium gratulari, simul quid in re noua fieri ipsa vellet quærentium. Quippe cum in Sardorum castris tota nocte aliquid tumultus auditum esset, primo mane nec eorum visabantur in flumine naues, nec quicquam circa vallum aut custodiæ erat, aut omnino frequentia,

Missi

Mi Ti deinde à Micipsa qui solitudinem explorarent, retulerunt Sardos abiisse, & pretiosiora contentos auhere, non pauca reliquisse victoribus. Liquidiori simul luce extrema profugientium classis conspecta est. Amisso enim Rege, experts consilij cum cæteris purpuratis Virtiganes, non desperauerat modo victoriam (nam cui vincerent, vel cuius auspicio, nihil vnum aut velle, aut timere iam adaest?) Sed & ferociam hostium illo aggere sibi posse diffiderat. Præterea ciuilibus malis exercenda Sardinia armatos reuocabat. Duo enim post Radiobanem erant qui sceptrum deposcerent, ex duobus Radiobanis patris geniti: quorum vnus Harsicora, ex iuniori natus, sed senior, suæ ætatis rationem volebat haberi: Alter Cornius dicebatur, nec suum nascendi ordinem, sed parentis referebat. Tot malorum præfagia, cum præterea militem spes, & alacritas defecisset, ducibus persuaserunt, vt sine classico spargi per castra imperium iuberent colligendi subito vasa, & Afris inscijs soluendi ex littore.

Hanc fœlicitatem nunciaturi Reginae, plurimi Optimatum conuenerant, qua audita; Vtinam, inquit, hac læticia frui possit, qui eam nobis peperit. Vtinam, Poliarche, non sis de te impensius dolitura, quam de hostium clade nunc gaudeo. Simul intra Poliarchi limen processit, paucissimis matronarum & Procerum comitata. Languibat ille, vigiliæ & sopori medius, inter omnes ægritudinis summæ notas. Gemitum tamen, questuumve solatiû nulli dolores expresserant. Eadem maiestatis constantia quæ valenti adfuerat, pene pereuntem comitabatur. Vox quidem debilior erat, nec quæ accipi,

nisi à proximis, posset, cumque Reginam videret, Numquid, Domina, ab hoste turbatum est? Siue sospitem dii me facient, breui vlciscar contumaces, siue vmbra tantum ero, adhuc terrorem iniiciam. Interim permitterem tuo Micipsæ, & si placet, Gelanoro. Hæc verba, quamquam tenuissimo sono exilia, eo affectu vrgebat, vt in vultu videretur viuidioris coloris aliquid arsisse. At Hyanisbe; Nihil opus, inquit, ô Rex, aliis armis. Nam quis tuæ victoriæ succedere dignus sit? Tu rem heri consummasti, omnium viribus in vno Radirobane excisis. Aufugerunt perduelles turpi noctis auxilio, lociis insepultis, castrorum integro aggere, & præda quâ auferre celeritas vetuit diripientibus relicta. Poliarchus ad hæc voces erectior videbatur, percurrēte totum corpus sensu successus. Ergo lætitiā vulgi inhiberi non voluit, ad templa, ad litora, ad conuiuia properantis, quamquam adhuc de ipso timebatur, iuberetq; Hyanisbe differri publicam læticiā, donec illam sua valetudine auxisset. Totam Lixam vana ambitio exhausit castra hostilia intrandi, & de summo littore deuouendi abeuntes. De spoliis deinde rixari, vt vix diis Regibusque seruantur primitiæ.

Cum vero attrectanda fuerunt vulnera Poliarchi, nouandaque remedia; Principes amicorum circumsteterē lectum, à medicorum vultu miserrime pendentes. Aderat medicus qui pridie sanguinē mitti iusserat. Is fasciam quæ circa grauissimum vulnere erat resoluit. Nōdum enim medicina trifariam erat secta. sed iidem de morbo sententiam dicebant, diluebantque remedia, & manus ægris membris, aut faucibus admonebāt. Tunc vero vitum
instat

intus prodigij, iam saniem in pus ematuruisse. O deorum munus! exclamat Themison; Reddite quicquid debetis cœlo, si qui pro salute Regis vouistis. Nunquam ego ad hunc diem tam certa ac subita salutis indicia vidi. Abest febris; non modo vulnera non ardent, sed tanquam in mitigatis tempore plagis pars sincera quicquid emortuum est segregat, resoluitque. Omnes tanquam ex adyto oraculum esset, illas voces acceperunt. Amentes gaudio hi lachrymas mittebant, hi proximos amplectebantur. Deciderunt & in pavementum multi, Apollini, & Æsculapio, & Hygiæ, commendantes inceptum beneficium. Nemo tamen Reginae animum æquabat. Cœlesti Punicæ hecatombem vouit, & ludos, cœpitque bona fide tunc primum percipere victoriæ voluptatem. Publice quoque tri-dui vacationem hilarior pietas fecit. Poëma Nicompompi quod Soteria dixit, quamquam multo post conditum (quippe rem sero in Sicilia abiens rescivit) tamen operæ precium hic referri, quia, tanquam adfuisset, subitam celebrat præsentemque lætitiā.

*Vivet iō. Quid se, vult acceptura merentem,
Angusto vacui stipant iam limite cœli
Astra, vel Elysii sperant hæc gaudia manes?
Vivet, & humanas multum dignabitur oras
Sceptra gerens, regius Regum, qui cæde tyranni,
Gællica Sandois celebrauit robora festis.*

*Qua Stygis limes niueus discriminat arvis
In fontes animas, nullique adeunda virescunt
Supplic o nemorum late convexa piorum,
Bell' geri errabant manes, quos in l'ycra virtus
Exemit pœnis, & cuta ad flumina Lebes*

Rixarum oblitos sero concordia iunxit.
 Dumque per aduersi regnum illat abile Ditis
 Pœnarum infandas species, ignesque, rotasque,
 Securi aspiciunt, motoque è vertice Diras
 Impia terrifico quatientes sibila nutu:
 Ecce recens Stygias turba aduentabat ad oras
 Sanguineo informis cultu, nondumque remissis
 Ensis, & saeva crudelis imagine pugna.
 Mirantur summo Elysia de margine sylua
 Magnanimi Heroes numerumque habitumque virorum,
 Telaque & ereptis immania vulnera membris,
 Qualia non rubris Simeis lauat horridus undis,
 Dum Phrygias acies, aduersaque signa Pelasgum
 Hinc ferus Æacides, maiorque hinc submouet Hector.
 Tunc ita mussantes; Quod vasta in vulnera ferrum,
 Quae tanta valere manus? Non secula nostra
 Has tulerant vires. Sic ô mortalia crescant
 Robora, nec summo timeat Deus omnis Olympo!

Talibus intentos dictis, mox grandior umbra
 In sese aduertit, Stygiis quam cymba laborans
 Vix dederat ripis; Necdum caligine toruos
 Mutarat vultus functi nouus incola mundi.
 Quin etiam amissi superant insignia regni,
 Murice picta chlamys, nec adhuc direpta comarum
 Vincula; Et erecto fulgebat dextera ferro.
 Sed multo informes squalent in sanguine vultus,
 Pectoraque, & scissas fallunt spiramina fauces.

Haud mora correptum qua stat fera iudicis vrna,
 Nil veritus traxit licitor. Cessere reorum
 Vulgares animae, vertitque hac ardua Minos
 Lumina. Terrificos sequitur reuerentia vultus,
 Et quamquam assuetas mouit formidine sedes.
 Ille autem iussus (nec detrectare potestas)

Pandere qua vita series, quo funere raptus,
 Quid meritos portet suprema ad Tartara manes,
 Incepit nondum deiectus, & improba mouit
 Ora memor regni. Tristes siluere cauerna,
 Atque audituras voluit Styx mollium undas.

Si qua Radirobani nomen fortuna sub umbras
 Acculerat (certe hostiles huc saepe cateruas
 Egi, & rumpentes lassavi stamina Parcas)
 Ille ego Sardo a modo formidabilis Aula
 Aduenio. Megens certis Balearica fundis,
 Me Ligures timuere. Sed o quid inutile iactem
 Robur, & armatis insignia castra manipulis,
 Si nulla extincto superest reuerentia sceptro,
 Et virtus hic sola valet? Quid me vrget Enyo?
 Horrentes differ stimulos. En sponte profabor.
 Heu nimium sisus regnis, meque inter amica
 Fortune obsequia, & primaui sanguinis annos,
 Mortalem oblitus, non fas, aut iura colebam,
 Non Superos. Deus ipse mihi, frangique voluntas
 Nescia: Tum merita nusquam mens conscia fama,
 Nec fidi comites, vilisque ad singula plausus.
 Quid memorem Siculo meditato littore raptus,
 Quid Libycas acies, & nullo in limite vota?
 Cum subito mihi saeva dies, inimicaque fata,
 Vltioresque dei. Simul his suspiria duxit:
 Es siluit. Sed plura ferox tunc poscere Minos,
 Quae saeva fortuna necis (proh triste superbis
 Supplicium!) & quantis victor se tollat in armis.
 Ille, inquit, quo se iactauit Gallia Rege,
 Cui non fama prior, cui non certa uerit aetas
 Vlla Patrum, non me ille tamen non mortis inulta
 Deiecit fatis. Sensit quoque mutua ferro
 Vulnere, & hi raptum tarde emisere lacerti.

Nunc

vias qua triumphus pergeret sternens. Tunc in victorem laudes, tunc mutua de Africæ salute gratatio. Hyanisque in vestibulo templi opperiebatur Poliarchum, cui de curru descendenti in hunc modum locuta est; Priusquam hæc spolia propitio Marti sistis, Magne Rex, sine me ea tibi dicere quæ tu mox dijs. Tua virtute sospites sumus. Reddidisti liberos cæli haustus, unicuique de populo suos agros, necessitudines, lares; Mihi vero purpuram, mihi absentem filium asseruisti. Exige à nobis quicquid voles, beneficio tuo minus erit. O fata! Quid quod video vulneratum, & audio non sine discrimine vicisse? Victima ipse fuisti, cuius sanguis mihi propitiaret victoriam. En igitur Radirobanem modo formidolosum Africæ, iam ingestum humeris tuis armorum suorum specie, & quo propius discrimen fuimus, nunc gratiori horrore nostros oculos perfundentem. Veni ad Deorum templa, Heros, quos olim augebis: Et siue his spoliis ad nostros tholos affixis tuam virtutem luminibus Afrorum consecras, siue tantum monimentum diis Gallicis in patriam transmittis, scias nihil ob stare quo minus aras tibi statuam, diemque, & flaminem, nisi quod te inter mortales agere quam diutissime exopto. Hæc oratio ingenti populi plausu excepta est, inter quem Poliarchus, cum quæ suam modestiam decebant Reginæ respondisset, ad Gradiui fores venit. Adhuc cruentum de prælio religio erat ad aram accedere, deove libare. Satis fuit sacerdoti trophaum tradidisse, numenque compellare à limine, acciperet libens, & paria sæpe munera sibi dari annueret. Dum sic orat, sensim vulneribus cepit vinci. Iam pleraque enim frangebant & dilatata cura-

curratione tumuerant. Adhuc tamen, ne Reginam & milites terreret, in dissimulatione duravit, nihil aliud profatus, quam aliquantulum quietis tessalaborum membra reposcere.

Ibat ergo ad Regiam, comitante Hyanisbe, & militum multis in eo adhuc quo pugnaverant habitulatus utriusque stipantibus. Sed nondum vestibulum subibant, cum à Sardis adesse legatos hunciatum est. Quippe Sardi nec viuum à se Regem esse protectum, nec mortuo saltem habitum honorem, ut in maiorum tumulis condi posset, impatienter dolebant. Timor inde inter illos vulgaris est, ne captivo cadaueri hostis illuderet. Igitur in ipso tumultu, quatuor Optimates magis suo quam communi consilio, re tamen cum præcipuorum aliquot breuiter pensata, sumpsere legationis infulas, & omnium Sardorum nomine Lixam venerunt. Hos vero, Regina annuente, Poliarchus venire, & dicere statim iussit in ipso regie vestibulo, quasi contemnendam legationem non serio, aut per ocium, & in cultu dignitatis, sed tumultuarie in via auditurus. Vnus erat legatorum cui cæteri communem orationem mandauerant. Is conuenientissimo sermone Poliarchum monebat, ut clementer fortuna vteretur, ne contemneret tanquam victos Sardipie deos, aut etiam suos, duriori in hostem occisum lege offenderet. Venisse se repetituros Regis corpus. Ignobilia etiam esse odia quæ ultra mortem procedunt, nec disparis laudis fore & vitam extorsisse pugnantem, & iam victo indulgere. Meminisset Radiobanem regii ordinis reuerentia saltem à tumulo non arcendum. Si Theseum imitaretur, ne insepultos hostis manes pateretur errare:

Kk

Sin

Sin esset Achilles, contra auro vile non fore genti
Sardorum Principis sui corpus. Ad extremum ad-
didit preces, & inter viriles gemitus peroravit. Po-
liarchus contrēptim ad eorū monita respondit, se e-
undem genium, deosq; eosdem in consilio habitu-
rum ad regendam victoriam, quos ad comparandā
habuisset. Cæterum iis qui mori scelere meruissent,
ne quietam quidem mortem esse debere. Nisi for-
te & dii, quos illi toties appellabant, defuncto-
rum vmbtis parcunt. Horrere omnium memoriam
ad Radirobanis flagitium, qui captato tempore
sanctissima cum Hyanisbe fœdera violauisset. De-
nique (inquit) scitote mei iuris non esse quod peti-
tis. Reginae arbitrium est, sœuire an misereri malit.
Huic enim pugnauius, huius cum cætera victoria
Radirobaneſ vester est. His auditis, Legati, iam cœ-
pto diffidentes, vertebantur ad Reginam. At illa
abnuebat vsurpare licentiam quam Poliarchus suo
sanguine fecerat. Diu ergo altercati vter ferret sen-
tentiam, seipſos & legatos suspenderunt. Sed in Po-
liarcho vulnerū dolor moram nō ferebat: sciebatq;
præterea præsētibz maxime nec diu libratis be-
neficiis candidæ liberalitatis geniū inesse. Itaq; vr-
genti Reginae, vt ipse aut absolueret legatos, aut in
alium diē differret; Intelligo, inquit, ô Domina,
quid sensus tibi sit. Nam si pro acceptis iniuriis vl-
cisci cadauer velles, ipsa palam imputares hanc se-
ueritatē tibi, Nunc prætērquā quod es misericors,
vis liberalitatis authorē me videri quam promissis in
Sardos. Tollant sane, si siciubes, inutile cadauer
impii Regis, flammisq; non sensurum imponant,
quæ viuētem melius excepissent. Certe, inquit
Hyanisbe, & intelligant nullas hic esse Thebas, &
Poliar-

Poliarchum vicisse, nō Creontem: Cum autem sepulto epigramma facient, meminerint inter illius victorias, hanc civitatem bis ab ipso intratam.

Hæc modico risu locuta à legatis auertitur, quibus ex Poliarchi imperio redditum corpus est, ut erat, armatura spoliatum. Ipse tandem perfunctus publicis curis, nec amplius ingredi valens, inter suorum manus pervenit in thalamum: vixque moratus dum lorica laxaretur in stratum se coniecit. Quamquam medicos secum aduexerat, memor tamen in Hyasis bæ aula celebres esse, sibi que, cum à periculis læsus illic ægrotavisset, perspectos, voluit eos quoque aduocari. Admoti igitur duo Galli totidemque ex Mauris, expectatione profundius læsum, mutuo inter se terrore mussabant. Præcipui periculi vulnus erat in latus desidens, & explorantibus dubium an receptum in vitalia esset. Sub hæc percunctanti Regina quid sentirent, clam referunt, esse in incerto Regis salutem. Illa prudenti dissimulatione rem regi mandavit, ne qui motus in suis aut hostium castris existerent. Tum amplissima pollicitatione medicos adhortata, ne quid fidei aut artis omitterent, ipsa dum nudantur, dum explorantur vulnera, adesse ac videre sustinuit. Multum cruoris efflaxerat (nam & statim ac in thorum procubuit, ex omnibus vulneribus proruperat vis sanguinis) lentoque nec æquali venarum pulsu, manus sæpe tentata peritos terrebat. Medicis itaque operam certatim promentibus, vnus illorum, Afer, Themison nomine, oris propemodum temnendi, staturæq; breuissimæ, cæterum arte sua, & euentu consiliorum conspicuus; Nihil agimus, inquit. Aliam mortem Regi timeo, quam quæ sis

vulnerum meatibus sese insinuet. Neque enim putemus quicquid sanguinis ferro tactum est, & loco dimotum, ab corpore effluxisse. Sed & omnis cruor in venis nimio motu extra temperiem cum sua face efferbuit: Coibit igitur adhuc calidus, turbatusque, in opacam laniem, & occupatis costis spirandi libertatē, & mox vitam, ni cauemus, eripiet. Quid, inquires, remedii? Non aliud quam vt regiam in lacerto venam soluamus. Ita laxato sanguini turbatio adimetur quæ in tabem se cogeret. Omnes ad hanc vocem horrebant. Nam qua manu, quave audacia, exhausto corpori, vitæque vix in tantillo sanguine hærenti, adhuc aliquid eriperent? Vicit tamen medici asseueratio, cum non aliter viuere posset. Delibauere itaque venam, tristissima expectatione multorum. Singula deinde vulnera propriis remediis fouerunt, quietique relictum vetuere vllorumultu vllove negotio in eam noctem sollicitari. Neque tamen Hyanisbæ persuasum est vt abiret. Haud procul à thoro in hemicyclo acquiescens, accedebat identidem adiacentem, nunc verita ne is defecisset, & anxie legens anhelitum, nunc seruorum sedulitatem præuertens, & omnia officia exhibens vix scienti à quo tam prolixè iuuaretur.

Vix demum Hyanisbe, urgentibus suis, & deficiente iam nocte, secessit in thalamum suum. Necdum multum somni ceperat, cum Principum concursu excitatur, simul gestantium gratulari, simul quid in re noua fieri ipsa vellet quærentium. Quippe cum in Sardorum castris tota nocte aliquid tumultus auditum esset, primo mane nec eorum visabantur in flumine naues, nec quicquam circa vallum aut custodiæ erat, aut omnino frequentia,

Missi

M. Ti deinde à Micipsa qui solitudinem explorarent, retulerunt Sardos abiisse, & pretiosiora contentos auhere, non pauca reliquisse victoribus. Liquidiori simul luce extrema profugientium classis conspecta est. Amisso enim Rege, expers consilij cum cæteris purpuratis Virtiganes, non desperauerat modo victoriam (nam cui vincerent, vel cuius auspicio, nihil vnum aut velle, aut timere iam adacti?) Sed & ferociam hostium illo aggere sibi posse diffiderat. Præterea ciuilibus malis exercenda Sardinia armatos reuocabat. Duo enim post Radirobanemerant qui sceptrum deposcerent, ex duobus Radirobanis patruis geniti: quorum vnus Harsicora, ex iuniori natus, sed senior, suæ ætatis rationem volebat haberi: Alter Cornius dicebatur, nec suum nascendi ordinem, sed parentis referebat. Tot malorum præfagia, cum præterea militem spes, & alacritas defecisset, ducibus persuaserunt, vt sine classico spargi per castra imperium iuberent colligendi subito vasa, & Afris inscijs soluendi ex littore.

Hanc fœlicitatem nunciaturi Reginae, plurimi Optimatum conuenerant, qua audita; Vtinam, inquit, hac læticia frui possit, qui eã nobis peperit. Vtinam, Poliarche, non sim de te impensius dolitura, quam de hostium clade nunc gaudeo. Simul intra Poliarchi limen processit, paucissimis matronarum & Procerum comitata. Languiebat ille, vigiliæ & sopori medius, inter omnes ægritudinis summæ notas. Gemitum tamen, questuumve solatiũ nulli dolores expresserant. Eadem maiestatis constantia quæ valenti adfuerat, pene pereuntem comitabatur. Vox quidem debilior erat, nec quæ accipi,

nisi à proximis, posset, cumque Reginam videret, Numquid, Domina, ab hoste turbatum est? Siue sospitem dii me facient, breui vlciscar contumaces, siue umbra tantum ero, adhuc terrorem iniiciam. Interim permitte rem tuo Micipsæ, & si placet, Gelanoro. Hæc verba, quamquam tenuissimo sono exilia, eo affectu urgebat, ut in vultu videretur vividioris coloris aliquid arsisse. At Hyanisbe; Nihil opus, inquit, ô Rex, aliis armis. Nam quis tuæ victoriæ succedere dignus sit? Tu rem heri consummasti, omnium viribus in vno Radirobane excisis. Aufugerunt perduelles turpi noctis auxilio, lociis insepultis, castrorum integro aggere, & præda quâ auertere celeritas vetuit diripientibus relicta. Poliarchus ad has voces erectior videbatur, percurrere totum corpus sensu successus. Ergo lætitiæ vulgi inhiberi non voluit, ad templa, ad littora, ad convivia properantis, quamquam adhuc de ipso timeretur, iuberetq; Hyanisbe differri publicam læticiam, donec illam sua valetudine auxisset. Totam Lixam vana ambitio exhausit castra hostilia intrandi, & de summo littore deuouendi abeuntes. De spoliis deinde rixari, ut vix diis Regibusque seruantur primitiæ.

Cum vero attrectanda fuerunt vulnera Poliarchi, nouandaque remedia; Principes amicorum circumsteterere lectum, à medicorum vultu miserrime pendentes. Aderat medicus qui pridie sanguinē mitti iusserat. Is fasciam quæ circa grauissimum vulnere erat resoluuit. Nō dum enim medicina trifariam erat secta. sed iidem de morbo sententiam dicebant, diluebantque remedia, & manus ægris membris, aut faucibus admouebāt. Tunc vero vilum
instat

inuat prodigij, iam saniem in pus ematuruisse. O deorū munus! exclamat Themison; Reddite quicquid debetis cœlo, si qui pro salute Regis vouistis. Nunquam ego ad hunc diem tam certa ac subita salutis indicia vidi. Abest febris; non modo vulnera non ardent, sed tanquam in mitigatis tempore plagis pars sincera quicquid emortuum est segregat, resoluitque. Omnes tanquam ex adyto oraculum esset, illas voces acceperunt. Amentes gaudio hi lachrymas mittebant, hi proximos amplectebantur. Deciderunt & in pavementum multi, Apollini, & Æsculapio, & Hygiæ, commendantes inceptum beneficium. Nemo tamen Reginae animum æquabat. Cœlesti Punicæ hecatombem vouit, & ludos, cœpitque bona fide tunc primum percipere victoriæ voluptatem. Publice quoque tri-dui vacationem hilarior pietas fecit. Poëma Nicompompi quod Soteria dixit, quamquam multo post conditum (quippe rem sero in Sicilia absens rescivit) tamen operæ precium hic referri, quia, tanquam adfuisset, subitam celebrat præsentemque lætitiā.

*Vivet iō. Quid se, velut acceptura merentem,
Angusto vacui stipant iam limite cœli
Astra, vel Elysi sperant hac gaudia manes?
Vivet, & humanas multum dignabitur oras
Sceptra geritū e, regius Regum, qui cæde tyranni,
Gællica Sandois celebravit robora festis.*

*Qua Stygiis limes niueus discriminat arvis
Insontes animas, nullique adeunda virescunt
Supplic o nemorum late conuexa piorum,
Bell geri errabant manes, quos in lyra virtus
Exemit pœnis, & iuta ad flumina Lebes*

Pandere qua vita series, quo funere raptus,
Quid meritos portet suprema ad Tartara manes,
Incepit nondum deiectus, & improba mouit
Ora memor regni. Tristes siluere cauerna,
Atque audituras voluit Styx mollius undas.

Si qua Radiobanis pomen fortuna sub umbras
Acculerat (certe hostiles hic saepe cateruas
Egi, & rumpentes lassavi stamina Parcas)
Ille ego Sardoia modo formidabilis Aula
Aduenio. Me gens certis Balearica fundis,
Me Ligures timuere. Sed ô quid inutile iactem
Robur, & armatis insignia castra manipulis,
Si nulla extincto superest reuerentia sceptro,
Et virtus hic sola valet? Quid me vrget Enyo?
Horrentes differ stimulos. En sponte profabor.
Heu nimium fisis regnis, meque inter amica
Fortuna obsequia, & primaui sanguinis annos,
Mortalem oblitus, non fas, aut iura colebam,
Non Superos. Deus ipse mihi, frangique voluntas
Nescia: Tum merita nusquam mens conscia fama,
Nec fidi comites, vilisque ad singula plausus.
Quid memorem Siculo meditato littore raptus,
Quid Libycas acies, & nullo in limite vota?
Cum subito mihi saeva dies, inimicaque fata,
Ultioresque dei. Simul his suspiria duxit:
Et siluit. Sed plura ferox tunc poscere Minos,
Qua saeva fortuna necis (proh triste superbis
Supplicium!) & quantis victor se tollat in armis.
Ille, inquit, quo se iactauit Gallia Rege,
Cui non fama prior, cui non certa uerit atas
Vlla Patrum, non me ille tamen non mortis inulta
Deiecit fatis. Sensit quoque mutua ferro
Vulnera, & hi raptum tarde emisere lacerti.

Nunc

Nunc iacet ex anguis victor, lucemque supremo
 (Sic reor) obtutu quatit. Proh numen! & ista
 Num prior antra subit? Dixit, lucentia circum
 Ora ferens, casi manes ceu quareret hostis.

Finis erat, iustisque rata sortitibus vrna
 Tantaleum ad laticem, & refugi mala pabula rami
 Damnatum, anguicomae raptim abuexere Sorores,
 Spargitur Elysiis velox tunc rumor in aruis,
 Te Poliarche mori. Toruus sic dixerat hostis,
 Sic metuunt sperantque pater, comitemque ducemque
 Te cupiunt, spondentque solo meliora relicto.
 Quis prior alloquio; quis inanem tangere dextram;
 Quis monstrare vias, lucosque, animasque potentum
 Heroum, cupidas versat grauis ambitus Vmbrae.
 Hac dabit herba tharos, ista sua tempora lauro
 Cinget, & hic fessos melius fons abluet artus.
 Sic fremit (Hybleis si Regem abuexerit error
 Vallibus, & reducem prae missis nunciet alis
 Turba minor) latum per cerea limina vulgus,
 Angustantque fores, paruasque citantia vires
 Agmina, stridenti prope ant se credere caelo.

Ecce autem caci rediens per nubila mundi
 Castor adest. Tunc forte poli statione relicta
 Mutabat cum fratre vices. Et lucidus astro
 Se fundebat apex, & habebant tempora flammis:
 Purpuraque ex humeris, & vultu Martis imago.
 Haud mora decepti sic te descendere Manes
 Sic Poliarche putant, longe simul obuia pandunt
 Agmina; Ledaï propior cum Numinis arsit
 Vultus, & errantes se collegere ceterua,
 Mirantem cinxere tamen, mistisque rogarunt
 Vocibus (interea pressis suspensus habenis
 Constitit, atque omnes respexit Cyllarus vmbrae.)

Dic age (nam Superis vidisti hac praeliacampi)
 Quo regis stant fata loco, quem Gallia nobis
 Mæsta dabit, nostrosque subit quo limite campos?
 Substitit incertus primum, mox sydere toto
 Risit, ut irato si pelleret aquore Castor
 Nabila & in letas descenderet igne carinas.
 Audite, ô Manes, vestrisque haud debita lucis
 Gaudia frustrato faciles nunc ponite voto,
 Ponite. Nec dispar Superos spes nempe fefellit.
 Vidi ego pugnantis vultusque, animosque, piumque
 Robur, & extremo nutantem in sanguine vitam.
 Vidi ego quarentes Superos, qua parte iuberet
 Ætheris hanc puris animam concrefcere flammis
 Iuppiter; Eo mallet calove cadenti
 Credere, perpetua nitidam vel iungeret Vrsa.
 Cum pater omnipotens; Non hoc sub tempore, dixit,
 Hunc nostro egregium iuuenem dare munus Olympo
 Decretum est. Restant terris qua maxima victor
 Bella gerat. Nondum hunc omnis locus, omnis Enyo,
 Omnia lustrandi sensere piacula mundi.
 Aspice qua species membris, ut Martia fortis
 Bella decet, placidaque tamen non asper oliua est.
 O decus! O proles nulli aspernanda deorum,
 Atque utinam concessa mihi! Placata dedisses
 Tu mihi tu veniam coniux, huicque vbera paruo,
 Candida nec sparsa micuisset semita lacte.
 Non hac non vni debentur gaudia sacro,
 Ille diu florens, iuuenisque, diuque senescit.
 Longius indulgent Parca: Dabit ille nepotes,
 Æternam terris sobolem, qua limite felix
 Insurget patrio, seniumque his exuat astris.
 I, gnate, accelera, lato cui germina succo,
 Peoniaque artes, morbique & vulnera parent,
 I precor:

I precor. Arcanos plagis infunde liquores,
 Qui superant mortem, qui saucia numina curant,
 Siue meus Mauors, Phrygio seu puluere lasa
 It Venus, & strictum Tydeida exhorret ad enses.
 Quin & Pergameo paulum se tollat ab angue
 Filius, ac Mauros tecum illustrare penates
 Approperet solers. Timeat nec fulmina rursus,
 Inuidiamque meam: Nunc ô nunc annuo vinco
 Fata libens, tanto quocumq; immitia Regi.

Sic fatus genitor, Regisque ante ora iacentis
 Iam stabat medico circum praeinctus amictu
 Phœbus, & occulta purgabat vulnera lymphæ.
 Nunc parcente manu plagarum angustat hiatus,
 Nunc sociat gnato plantasque, artesque, manusque,
 Et multum ambrosia venis cessantibus addit.
 Procinus exhausto redeunt in pectore vires.
 Pallor abit. Sensit Superos noua vita fauentes.
 Quare agite ô Sancti manes, celebrate Camœni
 Absentem Elysiis. Teneat seu sydera virtus,
 Siue habeat terras, seu vestris incolat umbris.
 Semper chara piis, plaususque & vota meretur.

Finierat Castor. læto fremuere tumultu
 Secura Vmbrarum sedes, vnoque fauore
 Et maria, & tellus, & ouans respondit Olympus.

In hunc modum processerunt aliquot dies, nul-
 lius tempestatis nouitate notabiles (nam & Poliar-
 chus expectatione celerius vires recipiebat) donec
 literæ quas Arsida commiserat Argenis, rursus tur-
 bulentæ fortunæ ludos instaurauerunt.

Nam vt Gobryas, Arsidasque, exegere in inopi
 littore noctem, quo post tempestatem successerāt,
 cœperunt collatis sententiis pensare quo ire, aut
 quid facere, præstaret. Classem, militesque habe-
 bant,

bart, hanc quassatam egentemque auxiliij; integros illos, & deliderio sui Regis flagrantes. Materies illis locis decrat; vasto solo, nec arborum patienti. Vtcunque tamen resectis ratibus, aquam ex fonte, qui, rarum in Africa decus, haud inde procul fluebat, comportant. Sparti quoque copia erat sterilibus in terris, magno ad armamenta auxilio. Iamque aduersi venti ceciderant. Sed quas terras aut quæ maria peterent, ignari quo tempestas egisset Poliarchum? Incertos animos explicuit tandem Arsidas, qui Gobryam his verbis secreto compellauit. Nimia silentij fides nunc criminis instar esset, ô Gobrya, si aut tu Regis tui consilia sic apud me taceres, aut ego legationis meæ summam à te auerterem, vt communi consilio non possemus nobis ipsis, dominisque consulere. Quid autem interest, quod iam inuicem scimus superstitioso inanique silentio dissimulare? Age, Gobrya, nonne in Siciliam nauigat ista classis? Tum Gobryas illa libertate erectus; Tu vero, Arsida, inquit, nonne ab Argenide ad Poliarchum venis? Vtroque fatente, arctoque complexu sanciente nouam fidem, simplicius inter se ad reliquæ consultationis ordinem secesserunt. Monebat Gobryas paucissimos ex ducibus esse quibus Poliarchus hoc petendæ Siciliæ prodidisset consilium, cæteros falli longioris expeditionis specie. Cæterum sibi maxime vni, omnia Regem familiarissime monstrauisse; Promissas Argenidis nuptias hoc exercitu vindicandas, tam aduersus nescio quas Siciliæ leges Gallicam affinitatem prohibentes, quam in Regem Sardinia, intempestiuū & gratum Virgini procutum. Tunc Arsidas, discessisse ex Sicilia quidem Sardos, sed atrociori fluctu inu-

inundare salutem Poliarchi atque Argenidis. Etenim nescio quem Archombroium, cui filiam Meleander despondisset. Solis Gallorum armis posse hoc nefas præuerti. Properet in Siciliam Gobryas cum copiis illis. Id solatium Argenidi fore, ut securior maiora expectet auxilia, aut si necessitas non patieretur moram, cum eadem classe profugiat. Sed & Poliarchum anticipata diligentia, aut illic iam esse, aut statim adfuturum. Quod si, inquit, aderis prior, finges cursum destinatum in Græciam, missoque præcone, flagitabis à Meleandro, ut in anchoris liceat stare, donec socios quos tempestas diuulsit in vnam classem exceperis. Dabo autem ad Argenidē literas, sed quas ipse scilicet reddas. Colloquendi rationem res locusque, & tua industria aperiet. Huic si obsequeris, scis quanto apud Regē tibi honori futurum sit. Hinc Gobryas; Amplector tuam fidem, solertiamque, mi Artida. Sed cur nobis in patriam te comitem non præbes? Posses utcunq; meum aduentum conciliare Meleandro, & hercule me ad Argenidē duceres. Imo, inquit, Artidas, si tibi videbitur, mihi triremē relinques. Hac ego pererrabo Africæ littora, ut si qua Rex vester tempestate eiectus est, literæ mihi commissæ non pereant, & ipse præterea me referēte intelligat quo loco in Sicilia res eius reliquerim.

Postquam ita conuenit, Artidas accepta triremi, quæ velox, maris oras legentibus commoda erat, destinatam nauigationem exorsus est. Gobryas autem cum nauigiis quindecim, in quibus præter nautas, classiarij bis mille & ducenti merebant, in Siciliam cursum instituit. Nec distulerunt operam venti, non quidem à puppe propitij, sed ita dispensati

lati ab Occidente, ut & ab Africâ Siciliam, & ab Sicilia Africam petentium obliqua vela impellerent. Qui prope eodem tempore Archombrotum fata vehere properabant in Africam, cum egregiâ hominum manu, nauibusq; omni ad bellum commearum quantum fuit festinatio, instructis. Is enim literas matris per seruum mature acceperat, quibus illa monebat in exitium Africæ Radirobanem armari, nuptiasque iure materno differere, donec in Africam transmisset, consociassetque cum ipsa consilia. Quamquam gemino motu pene menses Archombroto submota est, indignatione in Sardos, & dilatarum nuptiarum dolore; tamen tota Africa amori cedebat, ardentiusque agitabat cum matre placeret tamdiu se torqueri, quam quibus auxiliis hostem à patriâ arceret. Quid Meleander deinde cogitaret, quidve Argenis? quoties ingrata morâ res perdidit, & indignata est non statim admitti felicitas? Sic turgens, duramque sæpius matrem tacitis intra se questibus accusans; breue mitigando animo tempus sumpsit. Inde prima dolendi furendiq; hube consumpta, conatus in Radirobanem vettere quicquid ira suggesserat, ad Meleandrum iuit; illicque his verbis locutus est. Vtinam meum genus (Rex) professus ante essem, cum me Siciliæ grauem & incommodum esse aliena iniuria non cogebar. Nunc simul & indicium generis mei facio, & asserendæ dignitati efflagito vestra auxilia. Hyanisbæ Mauritaniae Regina mater mea est. Ea literis significauit imminere formidolosum sibi & Mauritaniae hostem. Quamquã in regni discrimine moueri debeo, plus tamen abominor ipsum matris periculum: Itam præterea geminat mali author. Ille

scilicet Radiobanes, ille latro, quem in tuum & Argenidis caput grassantem hinc fata depulerunt, rursus muliebrem prædam petit. Nec ab eo time-rem Mauritaniam meam; nisi quod imparatam aggreditur. Ibo igitur; & si in generum placeo, succinctus tuis viribus; Addamq; Radiobanem Lycogenis facis. Et Sardinia Mauritaniam seruiet, Mauritania vero Siciliæ. Nam cur ante hoc bellum nuptias faciamus, in quibus instantia arma, & incerti euentus, sincera gaudia esse non siuerint? Si vincemus, pulcher erit hymenæus pompa triumphi: Sin aliter fata statuunt, nolo paucorum dierum maritum Argenidi esse.

His auditis, non pauciora quam quæ Archombrotum agitauerant mouerunt Meleandrum: Simul audire quod Archombrotus erat Hyanisbes filius; simul in Radiobanem peti auxilium; simul nuptiis filiae quas tantopere vrgebat, iniici moram. Tot cogitationum velut agmine plenus, in gaudiū mœroremque anceps erat. Archombrotum tamen imprimis amplexus est, audito Mauritaniam nomine chariorem. Diues regio, & olim hospita Meleandro, commendabat tantarum opum iuuenem iam antea indolis virtute charissimum. Deinde in insignem pietatem referebat, quod ille afferendæ parenti nuptias posthaberet; ignarus hanc in feruido iuvene, & adacto matris imperiis, non spontaneam esse virtutem. Radiobanem vero acerrimū sibi hostem sciebat; & in lucro ducebat cum eo potius apud Mauros quam in Sicilia sua decernere. Regni quoque periculū quod ad Archombrotum spectabat, & ipsius Archombroti gratia eiusmodi beneficio occupanda, facile impulerunt animū ad
armorum

maiorum consilia. Ergo in bellum societate promissa; iam illum, ut Reginae filium magnificentius cultum, nihil amplius dissimulabat se generum optare. Gratulatus quoque filiae est, quod nuptura clarissimo Principi esset. Quae omnia sic Argenis accipiebat, ut fati sibi exitium maturantis praesagia: vno tamen hoc læta quod inducijs ei dabat expeditio Archombroto in Africam. O turbida mortaliū consilia! iam occulte Radirobani Argenis fauebat: is illi placebat hoc in Africā bello; huius impetum commendabat Numinibus: non tam ut vinceret, quā aut ne vinceretur, aut in mutua clade.

Vbi vero vulgatum est, Argenidis cū Archombroto nuptias solo bello differri quod in Mauritania instabat, haud mora omnium ordinum primos ad eius limina ambitio adegit. Arma certatim, equos, nauigia ornabant. Nemo erat in patricia iuventute qui non offerret operam, sumptuque ad bellum, & maturandæ profectionis acri hortatu, nouo Principi se probaret. Ea Argenidi tristissima erant: ad quam multi præterea veniebant gratulatum quod Mauritaniam suo sceptro coniungeret: etiam laudibus effervescentes Archombrotum, eique propitios deos, & breuem in Siciliam reditum incommodissima humanitate optantes. Nec Poëtae defuerunt tam publico arguimento: quorum vnus opera Timocleæ, iam olim sibi familiaris, ad Argenidem peruenit, & muneris sui ignarus porrexit hos versus indignanti.

*Instat Hymen, totisque parat connubia votis;
Instat Hymen: Sed tu cupidum succendere castas
Nunc prohibes Gradiue faces. O dure, tuisque
Sanius Odrysiū, sic nostra in gaudia pugnas;*

Et sancto gemitum ferus internectis amor?
 Quid queror inuidiam Superum? Sunt ista fauentis
 Signa deae, Paphias fumant cui iura per aras.
 Illa coronatis genialem auctura triumphis
 Latitiam, differt auidas paulum improba flammam,
 Extimulatque mora; Ceu parua aspergine lymphæ
 Grandior exurgit, laesusque irascitur ignis.
 Nunc age Threicios molire per ardua currus,
 Armipotens, Libyæque petens discrimina pugnae;
 Hunc Regem, cætu Superos fortissimus inter,
 Sic hominum primum, magnæ tege numine dextra.
 Vos quoque (Sicaniâ thalamos dum mater in Aulâ
 Apparat, & similes miratur Cypria vultus)
 Ite leues pueri; bellum vocat; ite per auras;
 Et vos arma decent, nec frustra tenditis arcum;
 Ite Cupidinei cætus. Sed parcite telis,
 Inq; feros vester potius stet vitricus hostes.
 Victores Libycâ postquam remeabit is ora,
 Grator hic vestras vacuabit pugna pharetræ.

Et Archombrotum quidem ab amandi dolendiq;
 anxius curis non nihil reuocabat hæc præsens armo-
 rum intentio. Nunc ille laudare, nunc acueresuo-
 rum studia; videre in armis præludentes vero dis-
 crimini; instituere qui commeatibus, qui telis, qui
 nauigiis prouiderent. Auxilii enim non vis modo,
 sed gratia, celeritate constabat; ut sentiret Hyanis-
 be, & intelligeret Argenis, quam strenuus esset. In-
 tra paucissimos dies, parata in anchoris stetit classis
 triginta triremium. Minora nauigia viginti, ad ar-
 mamenta, & varios usus, comitabantur.

Meleander fidum hominem, & negotiorum usu
 exercitum, addere Archombroto haud impetite
 cogitauit, tanquam ad Hyanisbem legatum. Ita
 enim

enim rescire se posse, quicquid non hostis modo, sed ipsa cum filio Hyanisbe moliretur. Vices rerum, & experientia regnandi, multam solertiam capaci animo impresserant. Nullam tamen suorum negotiorum partem cautius exigebat quam delectum eorum quibus ad externos Reges aut populos legationem concederet. Reputans illos venarum instar esse; quæ pro suo habitu, occultam salutis aut morbi vim ex diverso tractu terrarum inspirarent in patriam. Erat expertus, cum illi se prius quam dominum fidemque respiciunt, rem patriæ, dignitatem, consilia, aut silendo, aut annuendo prodi. Cum autem turbulenti impetu animi, aut imperitia superba laborant; hinc quidem asperius obloquendo, illinc vero renunciando deteriora, sæpe turbas concitare quæ superflua initio, ex mutua contentione, & subinde crescentibus causis, in necessarios motus exæstuent. Pone deniq; (aiebat) eos esse æquabiles; At nisi ingenii vigor accedit, & conscius fraudum quæ in illos parabuntur; non modo non consilia gentium deprehendēt ad quas legati sunt; sed simulatione & quodam obsequio capti, dominos quoque suos, nihil verum aut exactum referentes, pessima simplicitate decipient. Præter hæc, curabat Meleander ut genio Regis aut populi quem adiri oportebat, commodissimus esset orator, haud ignarus consortio morum ad familiaritatis suavitatem plurimum procedere, & ægre mortales cauere ab iis quos amant. Inter has artes magis anxie pensabat, quos sic dimitteret ad Reges exploratum, quam quibus præcipuas imperii in sua Sicilia traderet. Nec aut amicitias, aut familiarum commendationem sequutus, etiam so-

lebat irasci, si quis auderet sic dubio pendente
necessarios suos aut affines obiicere.

Tunc vero impensius deliberabat, ecquem sibi
quam Archombroto futuro Principi fideliores
eligeret. Biduum tacita consultatio extraxit: & de-
nique sedit rem mandare Timonidi, cui ad se vo-
cato ita loquutus est. Si esses edocendus quam cu-
ram, quamque fidem legati nomen velit, non ego
te impari onere opprimerem. Volo te in Africam
cum Archombroto proficisci, & meo nomine sa-
lutare Hyanisbem: apud eam deinde hærere, do-
nec à me successorem accipies. Quæ illi Regina de
bello, de filio, de affinitate nuncies, te hodie Cleo-
bulus docebit. Vnum ipse admoneo, ne cuiusquã
gratiam meæ anteferas. Quid illic agatur: quid ve-
lint, aut possint, ne peperceris referre. Nec time ne
hæc fides tibi periculosa sit, si quid scribas quod hi
nolint quos lædere nolles. Diu est enim quod si-
le- te perdidici. Timonides non lætior fuit accepta
dignitate, quam de scopulis qui in eo cursu latebāt
solicitus: Sciebat (nam Arsida & Nicopompo
erat familiarissimus) Archombrotum Argenidi
non placere. An hanc autem obiret prouinciam
gratus vtrique? Quod si alterutri in odium venires
credebat mansuram offensæ memoriam multo al-
tius in illo quam gratiæ in illo quem iuuisset. Sic
igitur Regi; Nec dubito de silētii tui fide, Rex: nec
arbitror commissuram Hyanisbem, aut Mauros,
vt quidquam nunciem quod regi oporteat. Sed
fortuna varia est, sed tempus, sed homines; deniq;
estis Reges. Si quid tale occurreret, nō tantum in tua,
sed & Cleobuli manu, fata utiq; mea erunt: ad quæ
(utpote Præfectum secretorum) legatos destinare
literas

litteras suas iubes. Et de tanti hominis fide anxius non sum: Sed quid si alteri hanc litterarum præfecturam mandabis? quid si vicariis suis ipse? Ut non hæc fiant: at hoc ipsum nimis supplicii mihi erit, posse contingere. Tum Rex. Non iniusti (inquit) hi metus: Verum si qua eiusmodi erunt scriptis mihi ipsi literis omnia secure commiseris. At Timonides. Scilicet insolentiam ad te scribendi omnes suspectam non habebunt? Aut non invidiosum mihi apud Cleobulum, si tanquam damnata eius fide, suo muneri, & integritati sic detraho?

Perplexus ad hæc verba Meleander cœpit solus spatari, ratus, quæ Timonides tanquã pro se attulerat, ad Regum ipsorum salutem pertinere. Tunc vero potestatem Præfecti secretorum animo voluens, non sine horrore cogitabat quantum ille acceptis legatorum literis posset. Tanquam arbitrum rerum, nihil hunc magis quam quod placet Principi referre. In hac vero libertate, quas cum exteris amicitias si velit, non obruat; aut iniurias atque fraudes præcorruptus non mulceat? Quod si perfidiam quæ argui possit, prudenti scelere vitabit: at ipsa negotia narrando torquere, verbisque premere, aut eleuare omnia poterit: tanquam hoc quoque orator mandauisset. Ita simul & eadem & diuersissima erunt, quæ illi Præfecto legatus, & Regi ille tradet. Paruo momento deflecti aut intendi negotia possunt: & ex supercilio aut remissione dicentis, subitam efformamus, & maxime efficacem, in mentibus imaginem rerum quas primum audimus. Tantæ quoque potentiae viros clam vicini Principes solent vel muneribus aggredi, vel, quod valentissimum ambiendi genus est, arcana fa-

gitans subiēcisset Timonides, agitare solum cœpit de remediis in illa discrimina. Erat quidem tanta virtus Cleobuli, ut in eo non hæreret suspicio; Sed ordinare non tantum in præsens, verum ipsis nepotibus rempublicam Reges debent; & ineptissimi in vnius hominis virtutem cultus & admiratio- nis est, publicum munus si quo ille fungitur multi- plici liberaque potestate atollere; quasi fatale sit ut ea semper dignitas cadat in probos; cum potius armatura sit viribus suis temeritatem eorum qui ambitu vel errore in eam succedent. Secum ergo constituit anxie legatis præcipere, ut quoties isti Præfecto scribent, ad Regem etiam destinent co- dicillos; non prolixos illos quidem, nec graues ne- gotiis; nisi occurrant quæ non interposita alterius fide nunciare præstiterit. Hac arte, nec laboraturû Regem breuium literarum, & plerumque non se- riarum, lectione; ignarumque Præfectum quid il- lic scriptum sit, bona vtrique fide quæ ipsi legatus mandauerit, quæque senserit, relaturum. Sed & hunc quoque præter legati inuidiam accusari im- prouidum posse, non suspecta illius ad Regem li- terarum frequentia. Ea autem sic demum proces- sura, si Rex tanquam salutis aliquod pignus, acce- ptas epistolas continuo leget, & ceterorum omniû oculis sancte subducat. Ita enim & legatis in secu- ro futuram libertatem; & neminem resciturum se- ria an quotidiana perscripserint; quo Regi magis in integro, dissimulandi consulendiq; potestas sit.

Sed instituenda hæc sensim, & propemodum non sentiente Cleobulo: & auspicandi pulcherri- mam rationem offerri hoc discessu Archombroti; quasi daret suo in eû amor, ut de ipsius valetudine

iuberet Timonidem destinatis ad se literis nunciare. Clam igitur Timonidi imperat, ut si quæ essent soli Regi perferenda, vni sibi concederet, & ne suspiciosa literæ essent, si rarius & veluti extra ordinem mitterentur, scriberet non Cleobulo quam sibi frequentius. His præceptis ornatum dimisit; cumque paulo post adesset Cleobulus, rursus inueni imperavit, quam sæpiissime scribere, nec Cleobulo modo sed sibi, de valetudine successuque Archombroti; Paria ficturus ut quisque ab eo legatus mitteretur ad externos: donec mos ipso legatorum ambitu conualuisset, amantium hoc per literas maioris dignitatis cum Rege consortium.

Omni bus ad navigationem maturis, cum Archombrotus salutaret Argenidem, discessumque excusaret: illud quoque miserrimam virginem tor sit, quod is nec dum sentiret se despici; Et ipsa sui amoris opinione inimicum auxisset tot opibus, tot studiis Siculorum. Fastidiose ergo respondit, probare se quod ad matrem rediret. Nemini enim melius quam domi suæ esse, Tetigit Archombrotum non perplexa verborum acerbitas: quam dicentis species & austeritas augebat. Sed nec questus, nec iurgia, tempus aut locus ferebant. Potius veluti non sensisset se ad exilium inuitari, respondit, sanctiorem patriam, & cui plus deberet, illam videri, quæ dominæ, quam quæ sibi primam lucem infuderat. Dum hæc loquitur, interuenit Meleander, quo conspecto remisit Argenis de rigore verborum, refecitque inuita Archombrotum: Qui postquam litauit in arena, cum omni exercitu subiit mare: Satis loquutus Proceribus qui in eadem triremi yehcebantur: secessit tanquam acquieturus, & animum

muta laceffentibus curis aperuit. Nam Argenidis sermo turbulentissime in mentem redierat. Quid vero excitasset hanc in virgine crudelitatem? Pene ridicule admonuisse quietis domesticæ, an erat improperantis quod omnino abibat, an simpliciter sua fœdera alpernantis? Sub hæc reputans quicquid antea ab Argenide aut mite aut seuerum acceperat, vix regebat molestissimam metuendi sperandique discordiam. Quod præterea Aruspex in littore significauerat, numina nauigationi annuere; ô dolor! an sic intelligendum, vt dii interdicerent reditum, prosperis sed veluti fatalibus ventis discessum urgentes? Hæc & similia dolendi argumenta congerentem, vrebatur maxime Poliarchi memoria; de quo, præter antiquas suspiciones quæ iam æmulationi suffecerant, quicquid erat à Selenissa relictum fama gliscente cognouerat. Inter eiusmodi cogitationes acerbitate plenissimas, suspensio iuueni, suisque doloribus nimia contemplatione indulgenti, dabatur utique fiduciam Meleander, amore in ipsam præcipuus, & nuptiarum cōciliator. Sed quid suarum rerum displicebat Argenidi? aut potius quis puellæ tanto opere alius placebat? Ille nempe Poliarchus; Quem, ô, inquit, si mihi fata obuium dabunt, quanto lubentius quam ipsum Radirobanem, hac manu, hoc ferro, de amore atque vita deiiciam! Et vero meretur odio meo oppetere tot malorum mihi author, ac virgini; quam nisi carminibus teneret, ego tam claro sanguine, tam opulento regno, tot amoris indicis, ac etiam (fas sit tacite cogitare) non ignobili fortitudinis exemplo, flexissem. Sed illum sua obscuritate tutum vnde quæram,

aut

aut quo perlequar? Nisi esset hac spe minor quam improbe concipit, non tam diu abesset; aut vbiq; secretus fugeret cōscientiam Meleandri. Heu mihi! sed & si occurreret patebitq; iræ meæ: & ea forsitan quam meditor ultione iam dubiam virginis mentem peius à me auerterim. Imo certus sum vi-ram illius mihi obstare; An item sit obstitura more viderint dii. Certe nec de mortuo quicquam sperare ipsa poterit; & sciet vtrique fortissimum fuisse qui vicerit.

Sic apud se digerebat Archombrotus male sana consilia, interdumque dolebat, quod Poliarcho olim amico sic irasci cogeretur. Nondum vero ab illius oculis Siciliam ventī remouerant, cum Gobryas haud procul Syracusis anchoras iecit; missoque ad terram præcone vbi Rex degeret quæsiuit; Cumque audisset imminentem pelago arcem, quæ Epeirctē dicebatur, ab illo tunc incolī, ipse vnica triremi Syracusas concessit, tanquam com meatuū causa. Misit inde delectos, qui Regi significarent Gallorum magnam classem in Græciam indeque in Asiam nauigantium, tempestatibus sparsam per æquor fuisse. Huius partem in Siculo mari expectare socios, si forte ab errore illuc quoque agerentur. Petere ipsum ducem, vt liceat colloqui Regi. Nam Principis tanti cōspectum, pro maximo tempestatis pretio sibi fore, quæ hæc littora dedisset. Meleander, vt humanitate præcipuus erat, quamuis ambigeret quid Gallorum tanta classis in Græciam vellet, tamen ad colloquium inuitatus non renuit. Venit igitur Gobryas cum amicis seruulisq; omnino viginti: Cui Epeirctē intranti obuiam missus Eurymedes, ad se hospitem deduxit; & humanissi-

manissimum expertus, haud perfunctorie commendavit Meleandro. Postera die deductus ille ad regiam, sui expectationem, quantam Eurymedes fecerat, facile implevit: Nisi quod sentiebat Meleander, cum quæreret cui cæpto hanc Gallia classem ornasset, non sincere aut simpliciter responderi. Itaque exploratorem vetitus esse, honorarios custodes clam tribuit: qui incautum, nec ratum se timeri, solerter observarent.

Sed Gobryam altior cura versabat, qua arte quove ductore, secreto colloqueretur Argenidi. Memor tandem purpuram, quæ nullibi pretiosius fulgorem, quam in Gallia admittit, in nauibus suis esse, ei à Poliarcho præparatam: hanc afferri ad se iubet, tanquam in hospitii gratiam regiæ virgini donum. At illa iam dudum non minoribus curis concussa, secum vehementer quærebat, an sperare auderet has naues à Poliarcho præmissas maiorem comparante exercitum. Sed parumper huic solatio innixa, rursus consuetudine lugendi ad deteriora reuoluta est: ut & ludibrio sibi esset hac tantilla iucunditate spei quam hauerat. Sed quid Arsidas morabatur? cur non procedebant promissa Poliarchi? In ipso, an fortuna, tarditatis causa erat? Exierant destinati menses ad reditum. Ipsa vivebat non illius auxilio, sed infœlicitate Archombroti, quem in Africam bella vocauerant. Heu in meos luctus, fortis, & sapiens, & dignus amari, Poliarche? cur ego te vidi: cur etiam vna placui quam multiplici morte conficeres? Ego si te nescissem: hoc quidem ipso vixissem misera: sed saltem non sensissem. Non deerant toto orbe quas amares fœlicius. Do virtutum tuarum immeritas pœnas, quarum vnaquæq;
me

mediuisam, me fortasse contemptam ad interitum adigit. Heu mihi! quid si & ipse non leuiora iam quereris? quid si dolore quem sentis, & illo quem in me suspicaris, obrutus iaces? timesque præcipue ne tibi potius irata quam fortunæ, in culpam factorum te trāscribam? Sponsi fœlices quibus vel celeriter successit: vel qui deorum contumaciam & dolos exierunt subita morte!

Sic forte querenti cum iam aliquot dies in aula Gobryas traxisset, nunciauit Eurymedes, hospitem Gallum ei donum afferre purpuram in Gallia tinctam. Non recusauit virgo munus aspicere: hoc ipsum ad commoditatem colloqui à Gobrya subornatum: & maiora quam quæ credebat Eurymedes afferri, pene iam sentiens. Cum ergo intrasset Gobryas, explicuissetque inuidiosam vel Tyriis muricibus mercem, non Argenis satis quæ monstrabantur cernere: non aut loqui composite, aut loquentibus se præbere. Adeo omnes sensus raperat trepida expectatio aliquid de Poliarcho audiendi. Parum aberat quin prior interrogaret ignotum. Sed Gobryas illi admotus, cum muneri inspectando intentissimos omnes vidit; voce submissa: Vt, inquit, hoc donum author preciosius faciat: misit ille ad quem Arsidam legauisti. Exciderant ad hoc verbum Argenidæ vires: ut ex trepido silentio intelligeret Gobryas altissime tactam esse. Itaque alia quædam publice loquuta, velut muneris gratias haberet, secreto Gobryæ dixit. Quæso te, hospes, hac vespéra domi fies. Arcessam te, ubi iubilapla frequentia solitudinem faciet. Sub hæc Gobryas discessit: & ipsa laudare impense inter mulieres cœpit oblatis velleris nitorem: precium deinde

deinceps augere, & sic loqui Timocleæ; Hoc donum
simplicis liberalitatis credi vix posset. Facile hospi-
tem censeam Regi aliqua de causa supplicaturum:
& hoc munere tibi suffragium meum parare vo-
luisse. Nam & orauit, vt se, vbi otium esset, liberio-
ri colloquio dignarer. Volo hodie hac cura defun-
gi: Vt si quid impetrabile in votis est, operam pro-
mittam: Sin latent grauiora, ne supplicem vana spe
extraham: & non imparia suæ purpuræ donare mit-
tam discessuro. Haud multo post in hortum seces-
sit: qui forte Meleandro ad venationem profecto
infrequens erat. Itaque ipso viridarii secreto ad-
monita, Timocleæ imperauit, vnum ex corporis
custodibus mittere ad Gobryam, qui eum ad hor-
tum produceret. Ille Argenidi sibi que non defuit:
cui vulgaria aliqua percunctanti cum publice re-
spondisset, paulatim veluti lapso ad varia sermo-
ne, magisque intenso, secerni à reliquis cœperunt,
folique ambulare. Tum Gobryas: O domina, in-
quit, non Sicilia tantum & Gallia tua, sed quan-
tumcunque in orbe regnorum est digna: ignosce
Regi meo quod me priorem vides. Causam moræ
ingratissima tempestas facit, quæ cum classe veni-
entem depulit à cursu. Nos quoque eiectione in Afri-
cam fuimus: Ego, inquam, & Arlidas, qui pridie
tempestatis in me inciderat. Eris quidem per Libyæ
orastuum Poliarchum vestigat, legationem obi-
turus quam mandasti: Isthuc vero nauigavi; siue
Rex iam adesset, accessurus exercitui quem maxi-
mum ducit: siue adhuc expectaretur, tibi interim
traditurus tantillam hanc classem. Etenim tuum
nutum simpliciter manemus. Vtere nostro sangui-
ne qua placebit. Scio te solam esse in qua verissime
Rex

Rex mens aut despici possit aut coli. Sic loquens, literas Arsidæ porrigit, in quibus fere eadem quæ ipse memorauerat continebantur: Quibus lectis, ut amor nunquam quietus est; Quid ergo credemus (inquit Argenis) Rege vestro esse factum? Si pepercisset illi tempestas, an credis diligentiorum alium futurum, ex quo de eius aduentu cognoscerem? Hic Gobryas, quanquam & ipse non intactus eo metu, tamen multa congeffit, quibus naufragii suspicionem auerteret. Nam nec, inquit, cum una aut alterâ naui maria sulcat, naues longæ, & trirèmes ultra quinquaginta sunt quæ illum comitantur. Etiam si prætoriam natim (quod dii non siuerint) tempestas soluisset, an tot nautæ, tot milites, non manus & humeros præberent, quibus charissimus Rex proximo nauigio imponeretur? Sed nec credendum est, aut totam Regis classem obrutam undis; aut qui cladi superfuissent non iam nobis funebria nunciaturos. Nimio citius quæ obfunt, quam quæ optamus amat fortuna ignobili gaudio nobis ingerere. Ne iniusto denique metu crudeles nobis simus; respice has trirèmes quas duco. Iisdem cum rege fluctibus iactatæ sunt. Nullam tamen ex iis tempestas expugnauit. Vel itaq; Regem in remotiores delatum oras existimo; vel corruptis vi ventorum armamentis iacturam reparare. Neque enim soli nauigationi, sed & bello exercitum adornat. Intra paucos hos dies, videbis, Regina, feruentem Siciliae oram fortissimis viris; qui omni studio exprobrarunt hostibus tuis, si quos hic habes quod virtutem apud se genitam indiligentius coluerunt quam nos externi. Erecta consolatione tam magnifica virgo, adhuc tamen de Poliarcho

finis

anxia erat. Ardebat præterea Gobryam prolixius percunctari tam de illis quæ sciebat, quam de ignotis. Dum enim de Poliarcho loqueretur, seria ac leuia virtute amoris delectabant. Sed nec tempus sinebat, iam vespera obscurum, nec familiarium consitas inter se quærentium, quid tantum cū Gallo loqueretur. Rursus igitur suam opem promittenti: Ego, inquit, quid ex re vestri Regis sit, maturius expendam. Tu cum Eurymede us frequens, cui ipsa commendabo amicitiam tuam. Finge autem idoneas causas non recedendi à litore; hæc sive ego fauebo apud patrem. Facile quæque in bona rationem, qua sæpius ad colloquium meum, & sine suspitione, peruenias.

Hoc dimisso, cum quæreret Timoclea, ecquid ille voluisset; Nihil magnum, inquit, Argenis: nisi forte nondum explicuit animum suum, & primo congressu noluit grauis esse. Laudauit benignitatem hospitii; orauitque vt suarum nauium vna cui suppellectilis pretiosissima insunt, in hunc portum recipiatur, nō illi hic plus biduo hæsuræ; intra quod tempus quædam tempestate corrupta refici possint. Ad hoc se operam meam apud Regem expectere. Sub hæc verba in cubiculum virgo regreditur; accersitumque ad se Eurymedem iubet agere hospitii curam; quoque solertius falleret; Est, inquit, vt illi xenia parem?, saltem iis quæ obtulit nec pretio nec venustate cedentia. Hæc dum quærim?, vide ne ad discessum se cōparet. Satis erit breuem ad moram vel dilata venatio, vel promissum spectaculum. Iterum moneo, caue, Eurymedes, ne improuisus hinc abeat. Ita institutum ubi dimisit, & quietis specie nox dedit ad curas libertatem, tunc

M m

repu

reputare exitus omnes cœpit; tunc ex re consilium capere, fortiusque quam antea, & Reginæ more dolere. Poliarchum, si viuebat, esse venturum, iam ipla Gobryæ classis, iam Arsidæ literæ certissima ratione monstrabant. Quærenda igitur remedia, quibus illi viuam quoque se seruaret. Sin ille perierat, se demum non victurâ. Sed qua ratione, quoque prætextu, Gobryæ classis assideret Siculo littori? Necessarium tamen hoc erat ad ea quæ cogitabat subsidium. Sic enim decreuerat; Si prius rediret Archombrotus, q̃ de Poliarcho quicquam certi esset allatû, clam fugere ad has naues; & vel inde petere Galliam, vel coacta Siculorum factione abstinere à nuptiis ad quas pater adigeret. Haud incommode tandem ita rem commenta est. Primo mane ad Meleandrum iuit; & Siciliae solitudinem quæsta, veteri se dixit, ne Radirobanes, vbi Archombrotum audisset cum p̃cipuis Insulæ viribus esse in Africam, rursus raptui imminens aut ipse veniret, aut militum in se partem ad improuisum bellum emitteret. Nihil ergo securius, quam Gallos aliquo propitio numine ad se aduectos mercede condacere, qui littorum custodiam agerent; vt si bellum ingrueret, peregrini iactura sanguinis, Sicilia defungeretur periculo. Negotium vnus mensis fore: intra quem possint de Archombroto & Radirobane referri certiora. Et Gallos nōdum (vt audiuerat) ex tempestate ad nauigationem instructos, non ægre tantilli temporis moram addito precio audituros: qui præterea nec tam pauci sunt (inquit) vt iuuare non possint; nec eo numero, vt metui à Siculis debeant, si auxilium in perfidiam mutent. Cū patrem his verbis permouisset, secreto deinde

Cleo-

Cleobulum, & postea Eurymedem vocat. Virget suos de Radirobane metus. Gallorum præsidia ostendit, quorum opera haud magno precio emi posset. Cumq; illi in contrarium disputarent; nam nec ignotis bene credit, nec viros Insulæ deesse; liberius Argenis; Si hoc, inquit, Siciliae non tribuitur, at meo timori tribui volo. Regem in meâ sententiam iam perpuli. Mihi non probabitur, qui eû in aliam partem cõsiliis suis flectet. Hæc imperiosus vrgentem, neuter ausus est importuna irritare prudentia. Regi quoq; ambitiose authores fuerûnt, præsertim cum Argetis adesset, vt Gobryas ad litoris custodiam inuitaretur: Et ille, quâdoquidem ita censetis, inquit, tu hominî colloqueris, Eurymedes. Sciscitare an hic morâ pati possit. De mercede deinde viderimus. Eurymedes mandato defunctus, Gobryam non difficilem habuit; haud ignarum id commetum ab Argenide esse. Operam igitur suæ classis in mensem promittit, sola mercedis mentione offensus. Nam quo magis probaretur, liberale præsidium, & in amicitiaë tesseram offerebat.

In hoc statu res Siciliae erant; dum Arsidas omnibus Africae partibus triremem applicat, & quacunq; se brevia terris insinuât, scapha prouectus interrogat agrestes, si qua de illis littoribus visa esset classis externa, aut vllos omnino mortales ad eos tempestas reiecisset. Iamque irritò labore defessus languebat, æstum præcipue non ferês, quem Auster inspirabat ab arenis mediterraneis allapsus; cum opportunissime factum vt Mauritaniae fines contingeret, succederetque ad littus in quo non grandis portus, & inde stadiis octo modicum

oppidum incolebatur. Forte fuit, ut tunc in portu
spatiaretur illius regionis Præfectus, inter paucos
fortitudine & prudentia insignis. Ille Arsidam vi-
dens, quem vultus habitusque peregrinum homi-
nem esse monstrabat, blandissime accessit; & tam
magistratus sui quam humanitatis officio, de pa-
tria & negotiis rogavit. Cumq; Arsidas, quo mul-
ta, & varia memorandi necessitatem effugeret, quia
Gallica triremi vehebatur, se simpliciter Gallum
esse dixisset, statim Maurus insiluit in amplexum;
& satis est, hospes, audiuisse Galli nomen, inquit.
Omnia vobis debemus. Procede sodes in urbem
hanc; & quacunque te nauigatio vocabit, primum
apud nos à iactatione sali refectus, novis commea-
tibus triremem onera. Stupebat Arsidas ad inspe-
ratæ benignitatis prodigium, in externa gente at-
que incognita. Subire igitur terram comites iubet;
Præfectoque dexterior, & ab omnibus cultus, pro-
ximi oppidi viam exorsus est. Veritus deinde ne
procedentibus colloquiis proderetur non à Gal-
lia venire; videreturque humanitatis officia aliis
debita, aut parata, quæsisse mendacio, paucis re-
censuit, esse quidem se Siculum: Sed quia Gallicis
remigibus utebatur, quærebatq; præterea Gallia
Regem, se Gallis, cum de gente rogaretur, annu-
merasse. Nempe, subiicit Præfectus, illum quæris,
absque quo esset in servitutem externam omnes
Mauri concessissemus? Monstra hæc Arsidæ erant;
omnium quæ illic Poliarchus gesserat ignaro. Ergo
ne aut ipse diutius, aut Præfectus erraret, haud per-
plexè rogavit quid novi accidisset; quodve benefi-
cium à Gallia processisset ad Mauros. Se enim vi-
ventorum in vltima Africa propullum, & diu iam
erran-

errantem, hæc nescire. Tum Præfectus aggerere omnia cupide cœpit; qua insolentia Radirobanes bellum mouisset; &, vt veluti ad condictum, diis ferentibus cū exercitu aduenisset Rex Galliarum. Quæ deinde belli fortuna, quam varii sub breuissimo tempore casus. Sed ambitiose morabatur in Radirobane occiso; vt pugna acris fuisset; vt anceps aliquandiu fortuna; & victor haud perfunctorie vulneratus. Ast vbi narrandi serie Radirobane Gallici Regis manu perculsum in terram deduxit; non tenuit diutius lætitiæ Arsidas; sed vultu sic diffuso vt constaret lætitiæ non fingi; Cælus ergo est Radirobanes? Ille Sardinia Rex? ille nuper à Sicilia reuersus? & quidem à Gallico Rege? cui, ne frustra exultem, quod nomen, mi hospes, est? Tum Maurus; Geminum illi nomen est, inquit: quo errore & diu lapsus sum, & vidi alios errare. Modo enim Poliarchus, modo Astioristes à suis appellatur. Assertus est hoc sermone Arsidas in certissimi gaudii sensum; adeo vt & Mauros qui eum deducebant pene in eandem affectuum suauitatem adigeret. Non curarum meminerat, non laboris. Tantum, quasi diis loqueretur, rogabat quæ fata, quæ sortes, inimicissimos Reges compulissent in Africam; aut quod numen sic ordinauisset, vt sanguis Siculis odiis debitus tãquam Africanæ utilitati penderetur. Ad se deinde ex hac contemplatione regressus, quærebat quo se ab illa victoriâ Poliarchus recepisset; At Iuba (ita Maurus vocabatur) retulit adhuc vi vulnerum ægrum, iacere in Mauritanie regia vrbe. Illinc omnino expedito equiti quatuor dierum viam esse.

Inter hos sermones in urbem peruenerant; &

M m

3

Arsidæ

Arfidæ peritos viarum exposcenti, quibus duceretur ad Regiam (nam recruduerant venti, & timebatur ne repetita iniuria tempestas pene repertum Poliarchum eriperet) Iuba negavit itineris copiam se facturum, priusquam exta Hospitali Ioui sacrata simul profecuiſſent. Aestus erat, & in horti umbraculis deductus Arfidas super appositos thoros epulas expectabat; gratissimis Iubæ sermonibus, de bello, & Poliarchi victoria, moram subinde fallentibus; cum tandem opulento conuiuium mensæ conuiuas ad se cōuertunt. Et subitum luxum miratus Arfidas, nihil tam è altiori intentione spectabat, quam inter promulsidaria esse varij generis poma ita glacie circumuenienti inserta, vt aliorum pars emineret extra hoc frigus, alia prorsus condita tamen sub lucentis aquæ crusta natiuo colore cererentur. Quid potissimum crederet ambigebat, nouitate illa concussus. Certe enim hæc poma recentia erant; rursusq; sub illorum mensium syderibus aqua frigore non coibat. Tum ne ficta imagine luderetur, primum manum glaciei admouet; quæ vt iusto rigore digitos vsset; vt non posset dubitari quin aqua hæc esset; & verissimo quidem gelu concreta; mox & poma dentibus tentat; & hæc quoque natiuo sapore mitia erant; nisi quod ad nimium algorē obstupescerebat gustus. Delectatus admiratione hospitis Iuba, inuitabat ad cibos admiratione nimia cūctantem. Sed Arfidas cū risu quæsiuit, qua ille ex Scythia cum Africæ arboribus mysta hanc gustationem promississet: Tum Iuba; Vt magis miteris, inquit, cum in hortum intraſti hæc poma adhuc ex arboribus pendeabant, & quæ modo est glacies ex fontibus vnda manabat. Geminatq;

nato stupore Arsidas hæsit, exquisivitque ab Iuba, quo carmine, quove in antro, tam subito natura semutaret. Et ille, Noua est, inquit, apud nos hæc ratio reuocandi arte hyemem sub medio sole; quam exequar postquã mulsum gustaueris. Aderat puer Ægyptius cū mulso, q̃ in calice præferebat & ipso ex glacie facto: quo exhausto cum in terram à puero collideretur, doleretque Arsidas fragile quidem, sed in æstatem pretiosum vas perire; Noli indignari (inquit Iuba.) In singulas portiones vsus eiusmodi scyphorum est. Iterato eundem in mensa conspici vile esset. Nihil amplius gustabat Arsidas, auidus cognoscendi qua arte ad naturæ veritatem sic perueniretur; Cum allata sunt variarum formarum ex ære prototypa. Orbium, poculorum, paropsidum, omnis deniq; conuiuialis instrumenti species erant. Tum Iuba; hæc sunt claustra, quæ aquis infusis glaciem concipiunt. Quippe vnumquodque operculo suo sic tegitur, vt oræ inuicem cohæreant, excepta foraminis angustia, per quam aqua liquitur in interiora; quo modo ex stanno vel plumbo fusilis supellex conflatur. Alucolo deinde ligneo illa deponimus, cuius fundum sale primum nigro illo, parumque contuso, & mox niue, contingitur; quæ nobis semper ad manum est, fulta straminibus, & ip̃ ymbra antrorum toto anno inuiolata. Supra ipsa deinde prototypa, in alucolũ sic demissa, pari modo nix quoq; aliquoties cumulatur, sale toties interiecto. Ita hæc aqua illo in ære ad glaciem præparata, accipit vndique circumiectæ niuis frigus; quam sal acris mixtura vetat liquecere; in locis præcipue ymbrosis, qualia vini aut olei apothecis effodimus. Trium circiter horarum

spatio coit aqua, & si quæ poma inseruimus, qualia nunc miraris, hærent septa in glacie. Æstu deinde languentibus grata est hæc vis nimii frigoris; quam & ipsa nouitas commendat. Neper enim nescio cuius non inepta luxuries, hoc solatium inuenit.

Oblecta us narratione Arsidas, licentius marcenti stomacho ingerebat hæc poma, quibus corrupta frigore aqua rigorem insinuauerat; simul auidè nouis semper ex glacie calicib⁹ bibebat, summo frigore sitim, vt solet, acuate, quanquam interdum Iuba monebat, periculosam intemperiem esse, nisi parce vtentibus. Sed cum de prandio surrexissent, & Arsidas calidæ vsum multo ioco traduceret, paulatim omnes nervos receptæ hyemis malignitate ita laxari sensit, vt egestas hanc indecumpulas pene anima sequeretur. Iuba non misericordia tantū motus; sed & metu, ne huic sponte mortem crederetur propinasse, nulli sedulitati parcebat. Solari Arsidam, medicosq; vrgere: & nūc suos, nunc illius ministros verbis conuenientibus affari. Vt vero in deterius fama attollitur, Arsidas facto propinquum haud tarde vulgatum est. Dum trepidant comites, seruulique: quidam illius mercenarius ex Eubæorum colonia, qui in Osis Neapolim condiderant, tempus locumque furto naçt⁹ haud modicam prædam egit. Sacculus erat ex carbasso quem sub veste reconditum idonea cura Arsidas seruabat. Illic pretiosum aliquid inesse Græculus diuante coniecerat. Dumq; vestes laxantur agrotati, & sui ignaro, ipse familiaris officii simulatione accessit, detraxitq; non sentienti sarcinam, & cæteris pietate & metu occupatis, sese domo prori-

proipuit. Vbi autem primo impetu mali sedato, Arsidas loqui potuit, à Medicis quæsiuit, quid de itinere sentirent. Medici prospera esse signa ad valetudinem respondent: Sed ventriculum & cæteros nervos, qui intemperie frigoris afflicti, febrim toti sanguini asperferât, aliqua quiete recomponendos esse. Optime actum iri si nō vltra quattriduum morbus profectionem differret. Ille cum diis questus tali in tempore moram offerri, ad Iubam conuertitur. Et literas, inquit, quas ad Regem Poliarichum habeo, nefas esset hic sisti meo casu. Si dabis qui viæ duces sint, has statim per vnum ex meis transmittam ad Regiam. Hic deinde acquiescam patientius, donec ire per morbum licebit. Laudaui Iuba consilium; addiditque; præsto esse qui quemcunque Arsidas destinasset, ad Regiam comitarentur. Tum Arsidas fasciculum quærere, cui erant literæ Argenidis commissæ. Prorsus is erat qui domestica mercenarii fraude perierat; quem ut à veste diuulsum obstupuit, & vidisse omnes negarūt, statim vires furiosa indignatio suffecit. Prohibentibus medicis exiliit de lecto, interminatusque est domesticis suis mortem, ni propere redderetur charissimum pignus. Urgebat insanus quæstionem deosque appellabat & homines; nec sine suspitione circumspiciebat in Mauros, qui primum ægotanti adfuerant. Spoliata deinde intuens vestem & nunc illam, nunc ora dilanians, quærebat quis familiarium propius ægotantem accessisset. Sed omnes adfuerant, & tali in statu in pietate posuerant tangere collabentem. Tum demum eadem doloris acerbitas, quæ languentis robur intenderrat, consumptis viribus, peius inuvalidum deiecit.

M m

5

Ægre

Ægre suffitu, & violentis odoribus reddita vox est: qua ut primum uti licuit; Si me, inquit, fortuna destituit, morbo, & furū audacia violatum; at nō ego me deseram, nō Principes meos. Date ceram & stylum. Hodie ad Regem scribam. Intra biduum, etiam vitæ periculo, utcunque lætica viam exordiar. Protinus Phorbantem vocate: Hunc volo cum meis hodie literis proficisci. O fortuna! Is ipse Phorbas erat, qui cum furto aufugerat. Ergo & in naui, & per urbem missi qui quærerent, tandem renunciant, frustra operam à se consumptam. Statim Aridæ suspicio sceleris incidit: quam tamen dissimulans, ad forum, ad portum, redire præcepit, qui non profutura diligentia absentem vestigarēt. Nec segnius aduocat Iubam; submotisq; cæteris; Fallor, inquit, aut perfidia mercenarij mei hanc ægtitudinem mihi facit. Cur enim lateret, præsertim me ægro, & vitæ ambiguo; nisi prædam scelere natus, non me tantum, sed & Africam fugeret? Si amatis Poliarchum, vindicate iniuriam quam latro huic intulit. Dimitte ad proximos portus, qui nuncient ne ullus temere peregrinus in nauibus recipiatur. Sed quam occultissime potest procuranda hæc quæstio; ne si resciscat exploratores in littore esse, alia fraude nostrā solertiam eludat. Ego apud meos hodie dissimulabo me quicquam durius de eo suspicari; ut fallamus flagitij consortes, si quos forte apud nos reliquit. Iuba rem curæ sibi fore asseruit; statimq; per homines fidos vicinorum portuum magistratibus quæ videbantur scripsit.

Sed hæc Phorbas ante coniecerat, meriti sui conscientia acuate metuendi solertiam. Is perpetrato scelere adhuc ignarus quid esset in furto; latebres

tebras ad recognoscendam prædam, quæsiuit; scilicet si nihil inueniret perfidia & periculo dignum, omnia ad Arfidam relaturus; quasi hæc ægro, nec sentienti, ad tutiorem detraxisset custodiam. Ecce autem exsolutus fasciculus catenulam primum dedit ex gemmis, quæ nexili auro ligatæ, per æqualia spatia tuebant; Tres deinde annulos cum grandibus gemmis, modico linò diuisos, ne attritu venustas artificij periret. Pauci in fundo resederant nummi ex auro; quæ omnia Arfidas, ad incerta fortunæ, corpori suo applicita seruabat. Præter hæc, tabellæ inerant, longe Arfidæ pretiosiores reliquo censu, illæ quæ itineri dederant causam, ab Argenide ad Poliarchum. Phorbas omnibus diligenter inspectis, suæ quidem audaciæ gratulabatur gemmas & aurum. Sed hæc cum literæ turbabant. Ad Poliarchum videbat esse missas. Vnde tamen, aut à quo, non nouerat; & verebatur, ne plus illæ turbarum, plus in eum exploratorum cicerent, quam aurum aut gemmæ. Ire ad portus non placebat, vix dubius hos in se obsideri. Interiora Africæ, nec fidem in hominibus promittebant, nec exitum, quod quætebat, habebant in Europam. Tandem sceleris & necessitatis ingenium, ad noui facinoris pericula incertum coegit. Iret vltro ad regiam; Poliarcho eas literas daret, & in ipso scelere, præmia summæ fidei ambiret. Postquàm igitur fallendi rationem, omnemque mendacij contextum poluit, in proximum oppidum profectus, illicq; percunctatus quæ via ad regiam duceret, celerissima sibi & illi quem viæ ducem assumpserat iumenta conquisiit. Tertio die, urbem ex montiscacumine inspexit: Tum equo, & ductore dimisso,

so, ipse solus peruenit ad custodes, vultuque pal-
lenti (quippe quem excomposito exterminauerat
cursu) se ad Regem Poliarchum festinare, ambi-
tiose iterauit. Illico deductus ad arcem est. Et tunc
quidem minus vacabat Poliarcho, post longam
forte insomniam acquiescenti. Sed Phorbas ad Ge-
lanorum deductus, cum supercilio monstrabat, se
magna, & quorum procuratio celeritate cōstabat,
nūciatūū aduenisset. Quis esset dicere iussus; Re-
gi, inquit, melius dixero. A Sicilia ad eum inuenio.
Literas fero; & heu vereor ne hac ipsa mora quam
facitis, corrumpatur negotium, cui delectus, pene
in cursu spiritum amisi.

Siciliæ nomen audisse: illinc quoque afferri li-
teras, & nūcium aliquid ingens: repudatione præ-
ferre, visæ sunt Gelanoro causæ donec dormien-
tem Poliarchum compellendi. Sed atrox tamen ac-
cessit ad stragula: ne terrorem à throno excitatis, &
adhuc sui incertis, periculorum, primæ Regis vigi-
liæ infunderet. Tussit igitur, & modico vestigiorum
strepitu pulsatum, ita affatus est. Adtunt, Rex, à Si-
cilia literæ; & nuncius nescio quid festinat. Nihil
cunctatus Poliarchus resedit in lectulo, & nun-
cium adduci præcepit. Intrat ergo immani fiducia
cubiculum Phorbas quod secundum deos potissi-
mum timere debuerat; ornatamque fabulam, non
plus verbis quam gestu & fronte, in hunc modum
exorsus est. Ego, inquit, ex Arsidæ amicis sum, ô
Rex. Is ad te Sicilia proficiscens, inde secum me ab-
uexit. Cum te diu quæsiisset, tandem ad victoriæ
tuæ famam cursum huc tenuit. Nec iam procul e-
ramus littoribus, cum nostrum nauigium peiratæ
tribus lembis circumstant. Arma pauci habeba-
mus;

mis; placuitque compluribus ante pugnam deditiono. Ita proditus Arsidas cum familia & sarcinis in eorum potestatem concessit. Sed cum diu eptis omnibus, nouæ prædæ studio flagrarent, princeps eorum strictam in Arsidæ oraticam intentans: Vide, inquit, ex cultu & suppellectili te hominem magnarum opum esse. Itaque nunc præter hæc quæ cepimus tria talenta præsentia nūmeras, ego ex his catenis (nam illi catenas iam dederant) iugulo soluto in mare te prouoluam. Et Arsidas; Vnde mihi præsentia hæc talenta, cui nec libertatem reliquistis? Imo, subiicit prædo, cum de uana nauigatione percunctarer, te ad Mauritaniæ Regiam ire professus es. Certe non te oportet illic esse ignotum. Quemcunq; tuorum volueris, ea lege vinculis eximam, ut nili intra hoc triduum sit in isto littore cū pensionem quam poscimus, certissime pereas. Nec fraudem mediteris: aut in nos vindices prouoca. In statione sumus vnde liber prospectus est. Non mari, non terra, insidias locus capit. Si is quem miseris præter se vllum adduxerit, capite lues, quin si interim naues in nos fortuna propulerit, fortunæ pœnas dabis. Cum sic impia & barbara voce dixisset, deiectus Arsidas semel atque iterum nos omnes intuitus, tandem me propius iussit accedere: Et vide, inquit, mi Phorba, quantum fidei tuæ credam. Ex diligentia tua nunc pendeo. Vade ad Regem Poliarchum: quo loco sint meæ fortunæ significa. Non ille talentis tribus parcet in re mea capitali. Et ne ambigere possit, quin vera pericula nuncies, has literas accipe (simulque de intimo sinu extraxit.) Scriptæ ad illum sunt. Quis scripserit tua scire non interest. Ferendas tibi trado, non tantum ut pignus
sine

sint fidei tuæ, sed magis ne pereant, si me isti peiratæ immerentem cōficient. Ita dimissus, ad te, Rex, altero ad meridiem die peruenio: tantundem ad reditum superest, si vis Arsidam viuum aspicere.

Inter hæc dicta, literas Argenidis Poliarcho tradiderat, quasi missas ab Arsida; quas integro lino sinceras vt tentauit; simulque solitum Argenidis ad se signum conspexit in cera, læto horrore infremuit. Simul tamen in periculo Arsidæ commotus, dum soluit epistolam; O quicumque mortalis es, inquit, cui Arsidæ fata commissæ sunt; si strenuus eris, & cum mihi reddes, crede non te talenta prædonibus tria, sed tibi ipsi ingentes diuitias portare. Adeo memorem beneficij me dices. Tu Gelatore, propera huic aurum quantum satis est dare. Iam promptum esse oportuit. Vade, ne difficiliores ex mora prædones sint. Sed ô, an incolumi Arsida in hos posse iri existimas; & nefarios de suis lembis ad cruces deferri? Abominat⁹ Phorbas meritum crucis omén, manum vtramque vehementer intendit, strictisq; oculis, Caue, inquit, caue ô Rex, in hanc mentem te dederis. Lembi prædonibus veloces sunt. Infederunt plagam apertam. Truncum mehercule Arsidam vobis dispergerent, fugaq; inulta despicerent infœlices insidias.

¶ Iam Poliarchus solutas tabellas legebat. Værat Argenidis manus. Sed omnino lamentabilis oratio. Facinus vindictamque videbat Selenissæ; simulque Raditrobanis impiam mentem qui nefas non habuerat pudicissimæ virgini probra ingerere. Sed hunc quoq; iam non viuere; & quidem à se vitum, solatio erat. At quid in Archombrotum remedij, virgente hymenæum Meleandro, & bimestri salute

salute vix donata Argenidi. Cum deinde in ultim. in cerâ oculos flexit, vbi solet dies exarataz epistolæ ascribi; iam tempus quo aut ipsum redire, aut mori Argenidem oportuerat, effluxisse intellexit. Nunc igitur se damnare; nunc irasci tempestati, nunc Africam deuouere, in qua seruanda putabat se perisse, sed omnia in Archombrotû vota, omnia odia recidebant. Ego me, inquit, ego ad tuam perniciem me seruabo, atrocissime emulorum, Sequar fatum Argenidis, sed perfunctus tuæ mortis solatio. Defuncti quoque pugnabimus. Pacem nec experiar nec concedam. Dum eiusmodi æstu pectus concutitur, cœpit inuitus dubitare, an Argenidi fides ad promissæ mortis constantiâ durasset. Quam enim naturale, vt vitam amemus? quàm grata vis quæ sicam in nostra viscera euntem moratur? Denique Poliarche (cogitabat) finge oblatas nuptias, finge durum illi patrem, & destinatam illuxisse mihiis tuis diem; an velles hanc perisse?

Tanto turbine multo ægriusquam vulneribus afflictus, acciri Phorbantem iubet; cui aurum interrim numerabatur; increpatq; nauigationem lentissimam, quod secundum post mensem, demum Arsidas adesset. At ille errores cū fide memorauit; vt Cumis necessaria mora fuisset, vt in Gobryam incidissent, vt ab Italia venti impegissent classem in Africam. Lætus, qua esse tunc licebat, Poliarchus de Gobrya audiuit; & quid illo factum esset percunctatus est; nescio, inquit Phorbas; nisi quod subaudiebam illum in Siciliam nauigare. Aliquid spei miserrimo amatori subiecerunt hæc verba. Sed Phorbas; Perdimus Arsidam, ô Rex, tam lenta cunctatione. Patiaris grassatoribus hunc eripit; multo

multo tibi certiora quam quæ possim memoraturum, Pieratem mercenarii collaudavit Poliarchus quartumq; addi talētum præcepit; Forsitan quippe fore ex usu, absolutis latronibus non inanem Arsidam esse. Equum præterea notissimæ celeritatis attribuit; in quem Phorbas inscendens Mauritaniam prætergredi festinauit, & se remotis littoribus cum præda subducere.

At vero Poliarchus, quanquam ex vulneribus vix dum ingredi valens, non differendum in Siciliam iter esse constituit. Acquiescere n. in naui se posse: & necessaria ad curationem accipere. Id quidem Gelanoro non placebat: sed nec frustra repugnare sustinuit. Erat tamen Arsidas expectandus, quem in tertium diem Phorbas promiserat. Ergo præcipiti domino, & parari discessum iubenti, diligenter parebat Gelanorus. Rectores triremium, classarios atque nautas ad officia vocabant, commeatus portabantur, solumque profectioni satis instructæ signum iam deerat. Nec poterat inhibere Hyanisbe festinationem hospitis adhuc cruda vulnera missuri in discrimen: quæ tam subita consilia essent, aut quid illi contigisset turbulenta profectione dignum, nec apud se coniiciens, & veritatis nimis anxia & indecenti cura exquirere. Is per ægritudinem animi excussa quiete, nunc Argenidi timens, nunc in Archombrotum odio æstuans, ea nocte adhuc imbecillem valetudinem turbavit. Supprimere tamen morbum tentabat valentibus verbis, ne suorum consensu vetaretur per immaturæ navigationis pericula vitæ suæ illudere.

Cæterum vix biduum à Phorbantis discessu processerat,

tefferat, cum Gelanoro regium cubiculum forte egresso Arsidas occurrit, adhuc quidem ex morbo, sed multo plus indignatione & moestitia mutatus. Scilicet celerius quam expectauerant medici receptis viribus, postridie quam in eum Phorbas peccauit ausus est se in lecticam conicere. Reliquis diebus non dubitauit equo vehi, amissarum literarum dolore, non se, non iter, laboremve respiciens. Quo praedonem persequeretur? quibus verbis se excusaret Poliarcho? aut qua fronte rediret ad dominam? Ita anxius regiam intrauit; & qua Poliarchus habitabat deductus est. Gelanorus insperato conspectum laetissimo vultu excipiens, Nolo, inquit, alius Regi nunciet te venisse. Ibo, & in illum hoc gaudio implebo. Sed Arsidas Gelanoro fortunam excusaturus; Mane, ait, Gelanore. Est quod prius meae cladis acerbiter intelligas. Ille ratus de captiuitate praedonumque auaritia, qualem Phorbas narrauerat, eum queri: Scimus haec omnia, inquit, & praeterea mox commodius dixeris Regi. Inter haec verba Arsidæ elapsus est, praecipitatione gaudij nihil moratus reuocantem. Obstupuit Poliarchus, Phorbantis diligentiam aestimans, qui tam strenue Arsidam exemisset praedonibus; Iussuq; accodere, & sibi tunc primum ut Regi loquuturum amplexu occupans, non est passus venerabundum procumbere. Sed hic diu vterque errauit, dum Poliarchus quæ Phorbas de latronibus anxerat, pergit loqui; & ille de ipso Phorbantis facinore Poliarchum dicere putat; miratus quæ tam propera fama hanc iacturam literarum ad eum detulisset. Dij bene, o Arside (inquit Rex) quod te post tempestates, post latrociniorum mala, habemus inco-

N n

Incm

mem. Tua clades, ex quo eā accepi, mihi plus do-
luit quam forsitan tibi. Tum Arsidas; & hoc in ea
maxime acerbum mihi, Rex, fuit, quod te scirem
grauissime illam laturum. Sed ignosce tuo Arsidæ.
Infœlicitate mea non scelere læsus es. Nec subirem
tuos vultus, aut auderem experiri quid de me tua
ira decretura sit, nisi scirem quam sapienter intelli-
gas non in cuiusq; potestate domesticorum men-
tes esse, aut fortunæ iniurias. Tum Poliarchus: Quæ
autem irarum hæc in te causa, mi Arsidæ? An quod
maris pericula me propter subiisti? quod te peira-
tæ, quod tempestas diripuit? Vbi vero noster Phor-
bas? in quo ornando testari me decet quam sis mi-
hi eximius. Illudi se à Poliarcho Arsidas credens:
Vtinam vero adesset ille Phorbas. Innocentiam
meam sua pœna assereret. Sed vnde tibi (ô Rex)
Phorbantis hoc nomen? Quia, inquit Poliarchus,
obliuisci non possum hominis tanta fide tuas res
measque accurantis. Vtinam hunc vidisses, Arsidæ,
nullas moras apud me ferentem, ne noxiæ tibi es-
sent. Dum respirat, dum aurum numeratur, dum
mihi flagitanti tuos casus in compendium confert:
inquietudine animi suspensus, iam viam ad te o-
mni voto gestuq; videbatur præcipere. Quoniam
autem euasere peirata? Credis si in eos nauës di-
mittam, posse eorum cursum intercipi? Quos vero
mihi peiratas, subiicit Arsidas, aut quam Phorban-
tis fidem memoras? Quem si ego; quem si tu. O
Numina! vt libenter in diem non differrem quod
decebat. Illum Phorbantem dico, inquit Rex, per
quem. Verrime istas Dominae meæ literas capti-
uus misi. i. Quid autem nunc videris fidissimum
amicorum. ignorare? Arsidas iis literis visis, turba-
tissimo

ti timo affectu, necdū ad lætitiā ap̄ro, expalluit;
Diuq; hoc solum repetiit, Literas habes? & à Phor-
bante habes? Quæ hæc monstra, quæve insomnia,
ô Rex? Tum recepto spiritu; Prope, inquit, illi i-
gnosco, qui in totum noluit me perire. Sed ubi is
est? Hominem non vidi, retulit Poliarchus, ex quo
quatuor à me talenta prædonibus ferenda accepit,
qui te tenebāt. Tum Arsidas. Imo nemo captiuum
me habuit. O solertissimum caput! ô Autoiyci pa-
rem! Ergo perfidiæ laudem & præmia inuenit? &
post me expilatum, non te etiam frustra tentauit?
Ordine deinde cuncta recensuit; Vt ipse apud Lu-
bam ægrētasset, vt spoliatus à Phorbante veniret
excusatum quod literæ Argenidis periissent. Huic
contra retulit Poliarchus non sine mutuo risu, tra-
gædiæ ordinem qualem Phorbās intulerat: cui sal-
tem, inquit, ignosco, quod hanc epistolam tot ta-
lentis permutauit.

Sed negotij moles, q̄ tunc maxime vetebatur,
quod nō est passa sermonem vtriusq; in Phorbān-
tis facinore diutius versari. Itaq; semotum Arsidam
cum de Argenidis valetudine Poliarchus rogasset:
An tu exiltimas, inquit, adhuc viuere miserrimā
virginem, & quam inuitus miseram facio? Quid
auxilij, quid consilij habes? quo satis interitu At-
thon brotus peribit? Sol. erē ab Africa vel hodie,
Arsida. Sed hac nocte recruduerūt vultera; vt non
possim maritimam iactationem ferre. Interim dum
vires recipio, validissimam meorum militum par-
tem tibi & Gelanoto tradam. Consuletis Dominæ
vestræ; si modo fortuna expectauit auxilium. Stre-
huc ego adero; & vel morte vel victoria quie-
tem inueniam. Referebat Arsidas tam quæ Argenis

abeunti mandauerat; quam quæ omnino à discessu Poliarchi contigerant: Maxime loquebatur de institutis à Radirobane ludis; quorum fraude captivitas parabatur Argenidi. Neque parvam in his sermonibus partem habebat Selenissa; ut peccasset; utq; in se statuisset ultimas pœnas: Tum Archombroti gratia apud Regem, & in virgine ambienda blanditiæ. Tertius colloquendo aderat Gelanorus. Nam hunc omnis arbitrum vitæ nihil suarum rerum Poliarchus sinebat ignorare.

Dum igitur illi sua, & Siciliae fata disponunt, præcipuumque omnium Archombroti exitium habent; Micipsa ab Hyanisbe missus ad Poliarchum venit; nunciatque Reginae filium patrio tandem littori classem applicuisse. Huic, ubi in Regiam ascenderit, nihil præursorum officia ad Poliarchum veniendi. Simul exultantium tumultus cœpere in regia audiri. Populus pars vestibulum implebat; pars ad portum ferebatur. Coibant Optimates ad Reginam, ambiebantque mitti ad Principem. Etenim Archombrotus lembo promisso qui eum aduentare significaret, mox strenue sequutus iam erat in littore. Naues eum comitatæ hæ ad portum, qui ostio fluminis dexter erat, statutæ sunt, hæ per aduersum flumen ventis ac remis agebantur; Militibus qui se ad bellum venire crediderant, interdum querentibus quod nemo obstaret. Ipse Archombrotus, ut primum in arenam exiuit, Deos patrios, telluremque, & auras quas nascens traxerat veneratus, circum deinde oculos tulit in populum, plaususque & acclamatione feruentibus prolixè respondit vultu hilari, & facilitate oris nihil destruyente maiestatem. Ad præcipuos inde cōuersus,

excr-

exicipiebat oscula dextræ data, recognoscebatque antiquas necessitudines; & verba utique tempore & serie ambientium passim arctata, ut plurimum eadem dispensabat in varios. Diu in eodem vestigio hæsit, numero saluantium urgente. Toto deinde itinere proximos, de Regina, de patriæ rebus, & Radirobanis iniuriis rogabat. Strictim omnia referebantur, sed à variis, nec quid vnum narrantibus. Hoc vnum ingerebatur, defunctam periculo Africam; Gallos fuisse præsidio; Radirobanem occubuisse.

At vero Hyanisbe alios prius se filio frui impatiens, quamquam & mater & Regina, omisit maiestatem, excessitque cubiculo, & prætextu videndi quam alacer circum filium populus esset, quamq; ipse insignes (ita enim referebatur) milites ducesq; haberet, ad atrium processit, indeque qua se primæ palatij fores demittebant in oppidum. Et hanc procul conspicatus Archombrotus descendit ex equo, maioribusque vestigiis, & alacritatis genio citatis, medium iter confecit. Ac ut primum pervenit ad matrem, stolamque extremam osculis strinxit, flens illa gaudio non distulit corâ populo blanditias quæ secreto debebantur. Tum illius dexteram tenens, Laudo pietatem, ô fili, quod tanto apparatu ad tuendam parentem venisti. Sed ne solus sis cui maternum affectum debeam, Rex Galliæ effecit; cuius victoria sumus incolumes. Ille à Mauritania tua exitum depulit; ille matrem tibi servavit, quæ nunc in Sardinia serviret: Ipse tyrannus male tentatam Africam sanguine perfudit. Omitto illi Regi adhuc aliquid amplius nos debere; quod & ipse, & præter me omnes ignorant. Veni,

Nn 3

fili,

fili, neque ante diis patriis lustrari propera, quam illū salutaueris adhuc ex vulneribus iacentem quæ hoc sceptrum tibi asseruerunt. Archombrotus tot beneficiorum magnitudine perculsus, subita Gallici Regis charitate flagrabat; sæpe tamen excusans quod externis Principibus lentior fuisset in parentis patriæque discrimine.

Iamque ad Poliarchum præmissi, nunciauerant si ipsi vacaret, Reginam cum filio adfuturam. Is, nisi morbo prohiberetur, se occupaturum officium respondet. Simul ex Optimatū suorum præcipuis duos ad Reginam & filium legat. Auidissime expectabat Principem videre, quem Mauroium vocibus & ipsius Hyanisbes confessione, in rarissimis esse acceperat. Sed Hyempsalem appellabant; vero scilicet nomine, passimque vsitato. Clamenim Archombroti nomen assumpserat, dissimulando genericum secretus, cultuq; priuato in Siciliam iret. Circa Poliarchum Procere Galli quam maximo cultu erant. Proximus Asidas colloquebatur. Sed posteaquā Regina intrauit, Archombrotum manu tenens, subito veluti monstro perculsa est. Nam vt primum Poliarchus Archombrotum aspexit, vicissimque ab illo est cognitus (ô fatum!) quæ procella, quodve fulmen, celerius destinatus cursus exequitur, quam tunc rabies, & indignatio, & audus sanguinis furor, mutatis vtriusque animis vultus quoque corrumpit? Ceu Medusam aspexissent steterunt immoti; mox trucibus oculis, necdum tamen omnia impetui indulgentibus, à fronte ad vestigia contemplationem deduxere. Stupebant fremebantque attoniti. Quæ hæc enim deorum ludibria? Vt se mutuo colerent coiuisse acer-

bissi-

bissimos hostes, nec ingratis in alterno vulnere immorituros. Repeteretne Poliarchus ab Archombroto Argenidem suam, quam vel nuptam vel extinctam credebat? Quicquid sanguinis pro Hyanisbe pugnans non fuderat, an tunc in illius calamitatem misceret sanguini Archombroti, & indignam utroque orbaret solatio? Sed multo acrius fortunæ diisq; omnibus irascebatur Archombrotus, indignatus illi hosti se patriam atque matrem debere. Erubescibat ad pietatis & odij coeuntes affectus. Nam nec poterat nisi hominum ingratis-
simus, urgere fatale cum Poliarcho dissidium, nec illo fœlice vivere. Sensim in utroque exuperabat infania; nec aliud præter reuerentiam Hyanisbes obstabat quin polluerent sanctitatem hospitij, & vel nudis manibus nimis lenta arma præuerterent. Nec minus Arsidas viso Archombroto vires amiserat; trepidansque; Perimus, Gelanore: Nisi se medium aliquis genius immittat, sine scelere & sanguine non abibit hic dies. Is ergo Hyanisbes filius erat? nemo sciuit? nemo nefastos occursum præuertit? O fœlix Sicilia, quæ furores quos fecit saltem non aspiciet!

Hyanisbe inexpectato filij hospitisque horrore præterrita, & ignata quid potissimum suspicaretur; priusquã intractabili vesania furor erumperet, diuidere male coactum par instituit; de morbo deinde atq; remediis quæsitura. Ergo primum Poliarcho; Ignosce, charissime hospes, quod te intēpestiue de quiete exegimus. Cura valetudinem, sine qua nec olim salui esse potuimus, & modo non volumus. Imus ad deos oratum, ut hic dies tibi nobisq; fœlix illuxerit. Cōuersa deinde ad filium adhuc in

Poliarchi vultu cunctantem, voce submissa, de cubiculo exire secum præcepit. Sequebatur ille imperium; Nec a iud Poliarchus adiecit, quã se deos quos adibat Regina ei propitios optare. At non ad templa Hyanisbe processit. Maior tumultus animum agebat quam qui durare posset in votorum solemnibus. Cæterum hæc Principum inexpectata auersio, ingenti consternatione regiam primum, mox & urbem, & milites impleuit. Pavidique hæc odia essent quærebant, aut fingeant. Optimates qui Poliarcho assiterant, sequuti violentiam Regis offensi; quamquam ignari cur Archombrotus hostis esse meruisset, iam arma inter se, pugnamque, & cædes loquebantur. Vbiq; in oppido factionibus laborabant paulo ante coniunctissimæ mentes, Galli, Maurique, & qui Siculi cum Archombroto aduenerant. In tanto tumultu dissidere facilius plurimis erat, quam deliberare cui se parti addicerent. Etenim præter Gallos, qui omnes pro suo Rege steterunt, vix aliquis fuit qui non diu ambigeret. Nam Mauris in Poliarchum stare, quem salutis suæ authorem paulo ante cecinerant, videbatur inhumanum. Siculorum quoq; multi eundem eximie amabant. Tamẽ in tanto fauore, iuxta seditionem vbique motus increuerat.

Regina in tot curas vna distracta, nunc tumultum exarmare, nunc filium nunc Poliarchum mulcere est adorta. Et filio quidem primum, vbi soli fuerunt, ita loquuta est. M. Hyempsal; expectabam reditu tuo tanquam inter duos filios triumphare. Sed vtrumq; intempestiuus furor in meam perniciem, & ni cauemus, in Gallia & Mauritania stragem concitat. Qui hi motus fuere? qui oculi quibus

præaspexisti Poliarchum? Me miseram! quam pene nefas vidi? Sed non quæro odij causas; non vter æquius inimicitijs arserit. Te nunc tantum per patrios deos, & si tibi viles sunt, quia hos nobis Poliarchus seruauit, per Sæculos illos quos cum abires ab Insula veneratus es; perque Argenidem tuam oro; des spatium iracundiæ tuæ, donec matrem audiueris. Non peto nunc odia poni, sed differri, mi fili: Ego de reconciliandis animis vestris videro. Tu si hoc abnuis, at consule saltem, qua ratione possis fama incolumi obruere beneficiorum memoriam quæ huic debemus.

Hæc confuso cum maiestate metu simul imperans & trepida loquebatur; cum illi relatum est, Poliarchum parare discessum ab Regia. Is enim postquam æmuli conspectu saucius cœpit odisse illam domum, ne suspitione quidem vacauit, noxæ fore si in hostis potestate perseueraret, si ipsi, si illius matri se crederet. Accendebant iam sponte turbatum Procerum voces, vrgentium metus, & sedulitate monendi fingentium pietatem. Protinus ergo iubet Tribunis militum edici; vt ad regię fores militum partem sistant, sibi discedenti præsidium; confestim alij ex vrbe educantur; & castris locum eligant non longe à nauibus: In iis se inter suos pernoctaturum. Ne tamen aut nimia præcipatione peccaret, aut Reginam læderet adhuc immeritam, Cubiculi Præfectum cum eiusmodi mandatis ad eam destinat; Habere se hospitij gratias, charitatisque in suorum vulnerum discrimine perspectæ. Recentibus filij amplexibus occupatam nolle ad salutationem prouocare. Necessariis rebus suis se ab Regia quidem discedere: Sed priusquam

quam soluat à littore, beneficiorum gratiam præ-
senti habiturum, si illa patieretur. Hyannisbe his audi-
tis grauissime cōcussa est. Exhibat à laribus suis opti-
me meritis hospes, sibiq; præterea virtutum com-
mendatione charissimus; & exhibat quidem, ô fa-
cinus! aut hostis, aut tanquam ab hostibus. Quid
faciat; quem prius alloquatur? vtrum, si necesse
sit, æmulum possit prius non amare? Sed tamen
filius poterat credi seu viribus seu pudore sibi faci-
lior. Ad eum igitur versa; Spondes inquit, ô fili,
dum mox redeo, quietem hic age? Sponde, per
iura materna te obtestor, quæ si respuis, nec hæc edi-
tatem meam debebis agnoscere. Cum ille promi-
sisset; ipsa prope ad Poliarchum iuit, iam limen
cubiculi egressum, & equi quo veheretur frænum
capientem in manum. Quamquam enim inuali-
dus, tamen vehi lectica noluerat, ne Archombroto
speciem daret simulatione valetudinis certamen
detrectantis. Hunc vultu Hyannisbe aspiciens qua-
lem habere solet calamitosa innocentia, pœnulam
quoq; discedentis corripuit; Et per, inquit, tuâ in
nos beneficia rogo, vt priusquam fidem meam dis-
cessu tuo damnes, in secretum admittas tibi pauca
prolocuturam. Puduit Poliarchum tantæ supplici
id negare; rediitque in arcanam cubiculi partem;
Quæ postquam arbitris vacauit, Regina lachry-
mas præmittens, Dij sunt testes, ait, me nec frau-
de, nec consilio malo obiecisse oculis tuis illum
propter quem me miseram auersaris. Vtinam
cum adhuc ignorares, vtinam abesset, mihi forte
plus mali suo aduentu allaturus, quam Radioba-
nes vnquam molitus est. Si in mea potestate illius
animus esset; frangerem eum tibi, Rex, tam alte
quam

quam tibi subiectam me aspicias. Inter hæc verba, immemor maiestatis, se demiserat ad repugnantis pedes, crebroq; suspirio natans verba perdiderat. Poliarchus haud secius quam matrem veneratus illam sustulit ab humo; questus non minorem sibi iniuriam fieri à Regina supplicatione tam abiecta, quam ea erat, qua eius filius ipsi illuserat. Tum Regina; Quæ ergo contumelia est qua te ille lacepsuit; aut quibus in terris in hæc malorum semina vos antea fata iunxerunt? Possum hoc à te audire, hospes? Is enim dicere negat. An tu quoque obstinato silentio me perdes; & nesciam quo me fulmine Iupiter subuertit? Ne abiste, ne, obtestor, meis penatibus, donec cõstitit illud malum carere remediis. Pleraq; tempore mulcentur; & odia quæ silentio fouemus, profusa sepius expirant. Quod si te & filium meum vna domus non capit, ille recedet. An times vitam tuam mihi committere? Imple Gallico præsidio regiam. Præter tuos nefas erit armatum hic conspici. Nam si perstas, si miseram relinquis, eijciam domo mecastor & filium. Cur te ad naues aut castra sedente, regiam occupet periculo tuo emptam? Ergo pugnam deposcitis? & tu quidem nō iam viribus corporis nixus, quæ pro mea salute exhaustæ sunt; sed odio, & forsitan iuventibus fatis; quæ si in alterum vestrum peccabunt, sequar ego morientem, & superstiti furias meæ mortis relinquam.

Adiecit deinde novos fletus, & familiariter pœnulam quam ille discessurus gestabat, de collo diripuit; tum cunctationem dubitantis pro assensu callide usurpans, gratias beneficij egit quod nondum acceperat. Vicit igitur Poliarchum tam vehemens

mens & pertinax fientis oratio. Ego, inquit, ô Regina, discessum quem tantopere abominaris imputabam humanitati. Scis nō semper in potestate inimicorum esse impetus quibus odia feruent, quiq; potissimum mutuo apectu concitantur. Cogitavi itaque hanc arcem relinquere, ne aut ego aut filius tuus faceremus quod dolere tibi posset. Si tamen ita censes, bidui moram hic patiar; vt deinde me potius negotia obduxisse videantur, quam inimitiarum atrocitas; Ea lege ne interim ille me, aut hunc ego conspiciam. Cultum autem quem hactenus tibi habui, caue, Regina putes his iurgiis esse libarum. Neq; enim vel tu efficies vt eum amem, vel ille vt auerfer genium tuum. Atqui, refert Hyanisbe, deos spero intra id biduum compositis animis, exituram malignitatem sortis, quæcunque vos in dissidia cæcauit. Sub hæc, Gallorum proximos ipsa aduocat, subridensque, Plus, inquit, mihi Rex vester curæ, quam omnibus vobis (Proceres) fuit. Affecta valetudine, necdum cicatricibus ductis, non prohibebatis itineris laborem experiri. Ego autem cuiçi ne sic perire velit. Extemplo mutata militibus imperia sunt; & urbē tam inquietis modorum rumoribus laborantem noua hilaritas composuit. Quippe omnia in maius fama tollente, iam plena reconciliatio rediisse Principibus, iam ira desisse in certiora amoris pignora vulgabatur. Ita facile Gallis Maurisque conuenit, qui inuiti dissenserant: Memorque promissi Hyanisbe, edixit, ne quis in aulam cum armis præter Gallos intraret.

In hunc modum prima acie mali elusa; Regina ad maturiora remedia se conuertit. Sed ea reperite aut aptare non poterat, quamdiu ignorabat quæ illos

los causæ inter se committerent. Dumque dubitat
vade certius hæc haberet; dedit se opportune oc-
casio. Timonides Meleandri ad eam legatus, quo
sui Regis dignitatem tueretur, Archombroto in
urbem procedente hæserat apud naues; per se de-
inde non misto comitatu secundusve alteri, Regi-
nam aditurus Sed illi mature de hoc tumultu rela-
tum est. Nam & quidam ex Siculis comitati Ar-
chombrotum, huic properauerant nunciare, Poli-
archum, quem diu in Sicilia viderant, Gallorum
Regem esse; hunc apud Hyanisbem ægotare ex
vulneribus; & ad conspectum Archombroti mu-
tuo odio fuisse succensum. Adiecerunt Arsidam
adesse Poliarcho. Mira hæc omnia visa Timonidi:
Erat Poliarcho in primis amicus; & olim ad eum à
Meleandro legatus cum armilla quam Eristhenes
veneno corruerat. Hunc ergo adesse, & purpura
quidem insignem, latissimus audiuit. Sed vnde Ar-
sidas aduenisset haud immerito mirabatur. Facilius
de Archombroti dissidio rem coniecerat: ab Arge-
nidis amore esse hanc iram. Sensim enim in Sicilia
tanti arcani fama eruperat: Vt nec quicquam iam
dubium esset quid Radiobanes peccasset in Arge-
nidem, aut cur Selenissa periisset. De seipso deinde
solicitus, cogitabat vtri parti præstaret accedere:
Nam si specie officij sui in medio perseueraret, o-
mnibus fore ingratum, nec inultæ, quicunque il-
lorum vicisset, solertiæ. Ad Poliarchum trahebat
amicitiæ vetus; & Argenidis in eum animus: Reuo-
cabat ad Archombrotum Meleandri memoria; &
habita sibi fides quam nefas ducebat violare. Ad-
huc sui incertus præmisit qui Reginæ nunciarent
se venire. Saltem enim explorare confestim rem
debe-

debebat, & exactam Meleandro perscribere. Fluctuanti Regina spes subito facta est, per hunc legatū posse causam resciri tam periculosi odij. Et prope illi loquuta, postquam de Meleandro quę decebat rogauit; deflere Poliarchi & filij dissidium cœpit; illudque potissimum, quod nesciret tanti odij initia, ideoque nec medendi rationem. Nihil causę videbatur Timonidi, cur regeret non secretam, aut pudendam discordiam. Paucis ergo monstrauit, Poliarchum tenuioris fortunę specie diu in Sicilia fuisse; & amore captum Argenidis sperasse nuptias quę deinde paratę sunt Archombroto. Nihil itaque mirum si æmuli, & imminentes tanto utique voto, acerbe & pro materia rixabantur. Rediit Hyanisbæ animus ad hæc verba; vt vix coram Timonide lætitiā teneret; Cumq; ille dubitaret an incolami Archombroto gratia posset salutare Poliarchum, ipsa vltro vt iret admonuit. In se enim recipere id & gratum filio suo fore.

Postquam Timonides discessit, parum per Regina cogitauit, quo ordine rem maximam exequeretur; certe ex se pendere tantę litis fortunā & exitum. Magnifice intumuerat, audebatq; fortunam despiciere. In memoriā quoque redierat, Poliarchum ab ipsa inuitatum vt in Sardos ferret Africę opem, vultu commoto rogauisse, an Argenis Raditobani nupsisset. Hinc & amare Poliarchum credebatur, & vera Timonidem retulisse. Cæterum sic apud se constituit; si tractabiles iuuenum animi essent; hos in Siciliam dilato morbi remedio mittendos; Maxime quod in Meleandri consensu pars sanitatis esset. Sin hæc odia sine clade durare non poterant; confestim certissima pace exarmandum

szui-

sa ventium furorem. Redit ergo ad filium iam paulo imperiosior, & quasi docente Poliarcho de inimicitiis comperisset. Non mihi placet, inquit, silentium tuum, maxime cum nec pudenda aut te indigna sint quæ retices; & hæc eadem ab æmulo tuo rescire potuerim. Amaris Argenidæ. Magnum vulnus iuuenibus, & odij ambiciosa materies. Virgine, ut audio, quam in diis non est qui aliqua dote non auxerit. Sicilia est in hæreditate; Et quod actibus animis præcipuum est, neuter à certamine excideret sustineret. Ignosco nobilibus stimulis; Dissimulæ gratias habeo quod non est supra medicinam iste morbus. Ego quod creditis neminem deorum posse efficere, utque hoc negotium sic peragam, ut simul odia ponatis, ametisque Argenidem, & sit ipsa utrique propitia. Scis, mi fili, sustinuisse me Argenidis nuptias, quibus instabas, donec ad me rediisses Obsequatus es imperio. Intelleges non me frustra hæc iussisse. Sed sunt quæ ante de quibus te percontor, si sperare modo possum ex amatore & æmulo vera audire. Quid moræ est votis tuis Poliarchus? Siquidem nunc abas, modo annuerem, omnia ad hæc nuptiarum fœdera tibi procedere. Dic, gnate mi; Nam & tua interest, ut hoc intelligam. Perplexus Archombrotus quæstionem hanc audiuit; quia pudebat confiteri, Poliarchum placere Argenidi. Nihil igitur officere nuptiis suis Poliarchum respondit. Sed se irasci æmulationi illius, qui quoad poterat simplicem Argenidis animum molestis & inutilibus fabulis impleret. Tum subdole Regina; Quid si autem his artibus mentem virginis auertet? an sic quidem obstabit hymenæo? At concitator iuuenis; Cogē-

terit

retur mehercule puella à parente, cui non minus quam mihi probantur hæ nuptiæ. Exilium deinde Poliarchi à Sicilia memorat, bellumque in Lyco- genem, & victoriam suam. Sed quamquam toto narrationis contextu sibi faucebat, non latuit Hya- nisbem illum quidem Meleandro, sed Poliarchum Argenidi esse præcipuum.

Multo igitur quam ante hilarior, cum filio cœ- navit. Satis enim in eam noctem quæsitum videba- tur. Postero die ad Poliarchum redit, non instructa verbis modo, sed & consilij serie quam nox & mo- ta suggererant. Postquam blandius compellauit, iussitque extra sermonum suorum arbitrium qui astabant consistere; Mirarar, ô hospes, quid tu ac filius meus essetis irati; Sed audio id amoris vtrique magni & excusabilis ingenium esse, vnamque Ar- genidem facere vestram litem. Si ita est, ego me vo- bis salutarem profiteor. Sola tamen, cui ad vtriusque morbum medela sufficiat. Quid in re placida, tot questibus; tot iurgiis opus? Adhuc res in integro est; fœdera imperfecta; innupta Argenis. Ego te lætum, & sine pugnae discrimine victorem; ego te filio pacatum; quid horres, abnuisque? Jecificiam. Nec mirere qui procedere possit pollicitatio tam immanis. Prædem hanc manum accipe, nihil me præter id quod futurum est dixisse. Confusus tot ambagibus Poliarchus, & prope se deludi existi- mās, omittere Reginam aut orationem obscuram; aut hos omnino de Argenide sermones rogauit; At illa; Adhuc maiori monitro te suspendam, sua- vissime hospes; Volo enim mihi Argenidem de- beas, neque hanc tamen filio meo eripiam. Sed ita fatum est, vt subito apertoque remedio curari non possitis.

possitis. Simul vobis in Siciliam eundum est; & literæ quas vobis committam reddendæ Meleandro. Illico finientur dissidia, & vterque de amore desinet queri. In sanire Hyannissem Poliarchus credebatur; cum sub illa Penates, arulamq; deinde affertur imperavit; Quæ postquam mentis imposita prunis concrepuit; nebulaque suffitum obtexit breves deos, his diis Regina se obtinuit. Audite præsentem genij, Præstitum vigiles formæ; qui apud nos nati, hanc domum & patriam servatis; Si quicquam Regi Poliarcho mentita sum, aut nisi ei consilio meo incolumitatem, quietem, gaudium fero; Destituite hanc domum præsidio; vel ea integra mihi & filio malum & perniciem date. Poliarchus ad religionem obstupuit; Reginaque respondit, se diis iisdem quos ipsa appellauerat, innocentia testibus uti posse. Nam priusquam Archombrotus pedem in Siciliam penetraret, sibi Argenidis affinitatem fuisse promissam. Res illum bene compositas intempestivis desideriis turbasse; & quia virgo mutari fastidiebat, sollicitasse ad tyrannidem Meleandrum; ut liberam & Principem virginem durus pater mittere vellet in coacti matrimonij servitutem. His & similibus verbis paulatim repetentem animos, qui qualicumque pace decederant, continuat Regina: Neque enim se venisse ut in eum tumorem subiiceret; sed ut reconciliatione, quam certam afferebat, cum ipsis frueretur. Quantulum autem est quod peto, amicissime hospes? nimirum ne ante ad capitalem rixam descendas; quam videris perfunctum Meleandrum lectione epistolæ, quam ego perscribam. Pollicere mihi modo hanc a iurgio armisque continentiam, ô Rex. Ego

tantundem de filij mei patientia & fide recipio. & afferō tibi. Vobis deinde per me licet, armis & odiis cuncta miscere.

His auditis, illum diem ad deliberandum Poliarchus poposcit: moxque Regina iisdem pollicitationibus filium adorta est; cui & ipsi ea esse deliramenta videbantur. Sed petere, & promittere perseverantem, durissimum erat pertinaci iracundia repellere. Et visum utrique est, nihil eam nimium flagitare. Moræ siquidem pretium erat, si illius ad Meleandrum literis, sine armis & sanguine exitum inueniret contentio. Sin in vanum promissa reciderent, adeo eius venia pugnare licebat, ut nec iure ei posset irasci qui per alterius cædem vicisset. Itaque assentientibus illis in hunc modum fœdus perscripsit, ut neuter præteritis exequeretur iniurias; neuter suos concitaret ad pugnam, donec simul vidissent Meleandrum. Irent in Siciliam, quamptimum vulnera Poliarchi nauigandi potestatem facerent; neuterque dolo malo in induciarum leges peccaret. His ita compositis, deinde Hyanisbæ difficillimum fuit, à iuuenibus impetrare ut sibi colloqui sustinerent; quod, inquit, potissimum vrgeo; ut ciuium militumque iurgia tollantur, quæ fortasse vel vobis inuitis paulatim exardescant, nisi publico pignore temporariam hanc pacem firmetis. Quid deinde grauamini vos videre, quibus adeo certa sum intercessurum fidissimæ charitatis sacramentum, ut si eo me voto facta fraudauerint, non repugnem vel hoc odio quod nunc inter vos est vindicari meorum profforum vanitatem? Nec contenta auctoritate & gloria sua Poliarchum filiumque tentare; Gelano-

sum & Arsidam, quos apud Poliarchum potentissimos esse videbat, precibus & donis aggressa est: item eorum præcipuos, quibus familiarius utebatur Archombrotus. Impetrato inter eos colloquio, quid ambo loquerentur, quisve inciperet, vana & anxia pensitatione libratum est, & coram Hyantisbe (nam Poliarcho filium adduxit) se intra præscriptas formulas tenuerunt. Nec sæpius coire ferebant: Quamquam amicitiae genius qui eos in Timocleæ domo primum afflauerat, iam hostilibus animis se rursus quærebat insinuare; fatisque mutuo ipsa irascebantur, quæ hanc odiorum necessitatem fecissent. Sed in mitiora lapsos consilia, reuocabat identidem imago assidua Argendis, pudorque ne priores viderentur reconciliationem optauisse.

Per eosdem forte dies incommodum accidit, quod vnum ex vulneribus Poliarchi inter maiora & periculosiora neglectum, adeo magnis doloribus incensum est, ut adhuc imbecillibus membris febrem refunderet. Nec ipsi quam Archombroto agrius erat, nauigationem differri. Nam inductis erat ne altero absente alius in Siciliam iter præciperet. Ergo impatientes moræ, & saltem scribere cupientes; ne literæ insidiis occuparentur, ex fidissimis aliquos eo legare constituunt. Et Archombrotus quidem Meleandro atque Argenidi scripsit, nulla in Poliarchum contumelia; sed tantum excusans quod tardius rediret, tum ex matris imperio, tum ne scdoto timore in ualerudinem æmuli Regis videretur in occasionem habuisse relegendæ. Ferendis epistolis quidam Bocchus notæ in Archombrotum fidei delectus est. At vero

Poliarchus diu secum exegit, an & scriberet Meleandro, Sed obsequutus est suadenti Aisidæ, scripsitque ne saltem Argenidis patrem videretur negligere. Magis quaesitum est an Aisidas cum iis literis in Siciliam rediret. Verebatur suspiciones Regis; & in tanto favore Archombroti cæca & extranverso pericula. Sed si redibat, hæcenus tempestas excusabat hunc cum Poliarcho congressum; sin cum eo perseuerabat, poterat deprehendi furtiva legatio. Ergo cum placuit proficisci: Et huic quoque Timonides, amicitia & factione iunctissimus, literas suas ad Regem & Cleobulum credidit; sic publicæ rei memor ut & suam prudentissime curaret.

Interim ex Sardinia afferebatur, flagrare omnia civili incendio; Harficora, & Cornio, Radiobannis nepotib. regnum quod ambiebant atroci bello perdentibus. Statim Archombroto spes facta est, gentem factionibus diuisam, & adhuc arma Africæ horrentem si celerem hostem haberet, opprimi posse. Ne ergo collectæ ex Sicilia vires perirent, secundusve Poliarchi triumphus apud suos Mauros esset (quando quidem tunc vacabat; morbusque Poliarchi differebat Siciliam) exercitum quem in Africam vexerat, adiunctis Maurorum auxiliis, illic egit. Matri tamen & Poliarcho pollicitus, siue vinceret, siue aduersis vteretur numinibus, non vno plus mense abfuturum sponte ab Africa. Dimissum his legibus excepit præsentissimus deum fauor, pene supra quam voluisset. Adde enim fuit victoria in proclui, ut præter audendum uadendi que consilia, & vnius pugnae laborem, vix fortitudinis experimentum cum fortuna reliquerit. Primum

primum vacuos portus nactus, præsidio illic relicto explicuit milites; mox & insedit verticem montis unde illa insalubris, sed segetibus fecunda Sardinia prospici posset; probavitque nomina quæ veteres à Ioleæ aut vestigij forma indiderant, Sandaliotin aut Ichnusam appellantes. Iam duobus præliis Sardi inter se super regno vires contulerant; & cruenta certamina absumpserant fortissimos Optimatū, ac militum. Sic miseri patriam exhaurientes Archombroto pugnauere; Cuius copis in morte conspectis, miserunt qui de hominum genere ac numero referrent. Nam nec longe in subiecta planicie, bina illa patruclium castra constiterāt. Cumque audissent Mauros adesse ac Siculos, mare quoque classe eximia possessum, omiserunt consilium quod ad salutem vnum supererat, ciuilia odia ponendi, coniuncti que viribus eundi in hostem externum, & adhuc ignarum regionis. Alter quoque eorum Harficora, iam proxima fractus acie, desperansque victoriam, vt regnum æmulo saltem eriperet, deditionem suorum fecit Archombroto. Adeo penatum & patriæ charitas ciuilibus odiis concedit; vt patriam euerti, sibi que alienum iugum accedere sæpe homines malint, quam alicui populari concedere, tanquam parendi vilitas augescat, si te notis submiseris; & subleuetur peregrinitate dominorum. At Cornius nobiliori impetu virtutem vltimam collegit; uosque eduxit ad prælium; & prouectus in æmulum qui ad Archombrotum defecerat, illi vitam quidem eripuit; sed nec ipse superuixit numero Maurorum obrutus; qui patruclium sanguine funesto ambitionis exitu miscuere. Præcipua quoque hoc prælio Archom-

broti fortitudo Sardos perterruit; quibus tandem aut oppressis, aut fuga dilapsis, ipse usus fortunæ impetu, ad præcipuas arces admouit exercitum. Vix aliquot velitationibus intercessere victi. Præcipuus labor fuit ad Calarim, effuso incondite populo ad certamen: Sed intra mœnia compulsi, mutatis postero die animis de deditione legatos miserunt. Virriganem mors opportuna subduxerat, ne tot mala intueretur. Pauci externos dominos non ferentes, se ad Cunicularias insulas recepere, angusto in freto quod à Sardinia Corsicam dirimit. Inde transiierunt in Corsicam; qua etiam sequente victoriam, aduersæ Liguriæ montibus latuerunt.

Cæterum haud obscura inter Sardos fama erat, cõtigisse ira deûm hanc Regibus, & patriæ cladem, ob violatam à Radirobane religionẽ templi, quod sanctissimum habebant, decem à Calari millibus, Ioui cœlesti nuncupatum. Multa fuerant ex auro argentoque ad aram donaria: & ipsius numinis breue signum solido auro prisci Reges sacrauerant. Quæ omnia Radirobanes in Africam traiecturus, inani mutui nomine in sumptum belli diripiens, ipsos quoque sacerdotes contumeliose repulerat; iam tum quidem multorum tristi prælagio, quod mox omni in Sardos calamitate assertum est. Nihil enim illo templo ducebant diuinius, & Sacerdotes inclytę famæ, pro præsentibus pene numinibus populo erant. Is rumor de sacrilegio Radirobani, & templi sanctitate, vt à multis iactabatur, ad Archombrotum peruenit; qui seu tactus cura numinum, seu Sardorum animos prona in suos deos veneratione captaturus, templum inuisit. Ipse situs, & locorum sacer horror, suauissimi terroris pietatem

tem subiecit incogitanti. Asperæ erant rupes in radicibus collis, quas angustus limes secabat. His superatis, breuia late virgulta placebant, alto silentio, & inculta simplicitate. Mox ingens porticus viscebatur, ita lumen superne accipiens, vt nec tota caligo abscederet. Subeunti porticum Archombroto, obuij hi versus fuerunt, quos lignæ tabulæ impositos sic intrantibus Sacerdotes obiecerant, vt vix omitti possent.

*Non isthic aurata domus, luxuque fluentes
Sunt epulae, spondæ sapor pretiosus eburna,
Aut in carbaseo Tyrius velamine murex.
Non gemma vibrante nitor, non persona cantu
Limina, non prono famulantium examina collo,
Atque auidas quicquid trahit in certamina gentes;
Sed nemora, & nuda rupes, neglectaque squalent
Confraga: Sunt epula viles, iussaue quietis
Hora breuis: Duro velantur corpora textis:
Et labor in pretio, & vitam mors longa fatigat,
At neque crudeles Diræ, vilique flagello
Seuit cura ferox; falso non abditus ore
Ipse sua insanus furit in præcordia liuor.
Alma quies, paruisque habitat Concordia tellis,
Et semper nuceo veri de pectore risus.
Ipsa sua meminit stirpis, seseque deisque
Mens fruitur foelix, & nouit in astra reuerti.*

His perlectis Archombrotus porticum intra-
uit, ad cuius latera pauperes duæ aræ habebant li-
gnea signa; illud quidem Prudentiæ, quæ serpentes
gestabat cauda reducta vitantes magici carminis
imperium; aliud Fortitudinis, manu vtrique præ-
grandem gestantis columnam. Iam ex templi
mystis duo, admoniti Archombrotum aduentare,

ad eum decurrerant; ex quibus percunctatus de his aris, audiuit Fortitudinis quidem atque Prudentiæ simulachra posita esse, vt qui in eorum familiam volunt ascisci, intelligant inconsultos impetus non placere numinibus; sed animos sic ad robustam prudentiam exactos, vt sententiam non temere capessant aut ponant. Signa autem esse ex ligno, vt egestatem (qua spontanea amant perfrui) humilitas non pretiosorum deorum portendat. Archom-brotus in eos intuitus, quia vilis corporum cultus non degenerabat à tam grandi Philosophia; notauit macie quoque confectos vultus esse; & tanquam assuetos cœlestibus motibus oculos non bene durare in pompæ regiæ conspectu. Hos ergo religiosius veneratus, postquam porticum emensi sunt, rogauit, quis ipsis deorum aut hominum præscripsisset hanc vitam, vnusque subridens, Fœlicitatis, inquit, cupiditas; quam vos quoque, sed diuersissimo vestigatis itinere. Vos opes quærendo, nos fugiendo, experimur quæ sint securiores diuitiæ; Montes quoque & corpora labore multiplici lassamus; vos quidem vt ad summa humanarum rerum fastigia perueniatis; nō vero ne quid tale cupiamus. Ita dii nobis humilitatem, vobis curas, vtriusque laborem dederunt.

Hæc lenissimi Sacerdotis libertas ita placuit Archombroto, vt illius genium domus iam interiori affectu suspiceret. Interim & ceteri mystæ coiuerant; à quibus deductus ad templum est, staturusque ad concipienda vota; haud longe à cœlestis Iouis ara; quam solam his vatibus licebat auro sericoque excolere. Sed & illa ornamenta Radirobanes detraxerat. Quod vt à proximis Archom-brotus

brotus intellexit, Curabo vero, inquit, ut iniuria quam sacrilegio proximam hæc ara accepit deleatur ab oculis vestris, & summi Iouis memoria. Simulachrum ex auro maioris ponderis quam antea fuit faciundū loco. Cætera quæ ad numinis cultum sunt eadem indulgentia iubebo cumulari. At illi, deos gratiam habituros retulerunt; Se quidem nihil auro vel diuitiis moueri; nisi quo vulgus ad aræ maiestatem suspensum summa omnia de diis coniiciat. In cæteris, præoptare intra suæ domus septa facillimæ egestatis securitatem. Scire se quoque ex eiusmodi diuitiis quæ à templis diripi possunt sæpissime cōcitari auiditatem impiorum. Nec Radirobanem peccaturum fuisse nisi incauta maiorum in deos liberalitas, auaritiæ suæ irritandæ veluti insidias struxisset. Præstare his rebus sana ornari, quæ aut ægre de suo loco detrahas, aut inutilia violando effeceris, quam pondere inuidiosi metalli quod multos suo pretio inuitat ad opulenti facinoris audaciam. Hinc iisdem ducentibus, hortos primum, mox & cellas eorum, nec ambitiosa triclinia aspexit. Angusta supellex, vilia strata erant; Omnia tamē sic ad mundiciem facta; ut scires fortes animos aspernari luxuriam, non marcida viliq; rerum suarum incuria iacere.

Contemplatus omnia Archombrotus, gaudensque d'ficillimæ virtutis non laborioso aut ingrato conspectu, vnum ex illis, magnæ senem maiestatis, omnem eiusmodi vitæ ordinem, omnes leges, atque modum, iubet expromere. At ille; Quid tibi sit nobis, ex eorum abdicatione quæ nobis pretiosissima habent, parco nunc dicere, &c. Nam & magis quærere videris, quid agas.

isto secessu, quam cur in eum conuenerimus; &
 præterea non verbis humanis solet ostendi huius
 asperitatis utilitas. Dij sunt soli qui arcano sermo-
 ne iis quibus visum est, hanc nouam oculisque &
 sensibus cæterorum ereptam fœlicitatem com-
 mendant. Dicam tamen nostrorum studiorum esse
 finem, ea mereri quæ suis amicis numina indul-
 gent. Huic cœpto commodissimum putamus, in
 vitia, & immodicas cupiditates, assidua pugna de-
 cernere. Itaque quanto ambitu cæteri ad imperan-
 dum nituntur, nos refugimus à fastu, & facilitati
 parendi animos aptamus. Vni ex nostris facimus
 annum in nos imperium, non emptis aut turbu-
 lentis suffragiis. Graue munus est illi quem ab o-
 tio communi seuocat eiusmodi præfectura: & so-
 la spe redeundi anno emenso in ordinem, succe-
 dit ad exigui nauigii clauum. Tanta autem reli-
 gione obsequimur, vt hunc putes despexisse in a-
 nimos nostros, nobisq; imperasse quod sponte ma-
 lebamus. Præcipua tamen est cautio (vt homines
 sumus) si aut durius imperitet, aut nos segni vel re-
 belli consilio, abeamus à reuerentia; ne foris hæc
 iurgia prodeant. Actum erit de pace quam quæri-
 mus, si ad externos arbitros, aut iudices deficie-
 mus. Secundum hoc parendi institutum, præcipua
 nobis est in socios compareque amoris integritas.
 Inuicem excusamus, ac patimur, si quid animorum
 habitus forte pugnant, geniique diuersitas fastidit.
 Nobisque irascimur, cum quid in socio laudare:
 aut ferre non possumus. Vestitus, vt intueris, vilis;
 mensa frugalis; quietis tempora interstincta vigi-
 liis. Ita domito corpori imperamus; nec (quæ ma-
 xima hominibus cura est) metuimus vices pericli-
 tantis

talibus dignitatis, aut voluptatum fugitivos & mutabiles vultus, quarum commoda spōte nescimus. Sed quamquam minimo contenti, tamen quæsito labore fatigamur, compertis otij malis, quo vires non frustra humano datæ generi solvuntur, ut sensum desiderium vitiorum. Itaque quicquid temporis à Numinis cultu est vacuum, destinatis quisque officiis colimus. Qui plus ingenio, & animi luce valent, in contemplationes sublimium rerum distribuuntur, quas deinde subiiciant oculis, & veluti ex alto deducant, ad vsum mortalium: Cæteri, quam quisque natura artem admouet, sequuntur; ut & sufficiamus nobis, & alios iuueamus. Neque extollendis hæc nobis, sed purgandis apud te recensui; ne te offendant nostræ vitæ insolētia. Scio enim & quosdam noua omnia ad rerum publicarum securitatem nimis vniuersa sententia damnare: & paucos annos esse, ex quo labentem in deos pietatem hoc crudo vitæ robore sustinere tentauimus.

Iam Archombrotum longior sermo, & iuuenilis impatientia ad alia aduerterat. Itaque veluti cætera auditurus, eundem mystam iubet postridie Calarim ad se venire. Ipse ad remissiora inter suos conuertitur; qui ex illius vultu pendebant, laudari an traduci præstaret hos rigidæ virtutis conditores. Vbi tamen ad publicas curas, nocturnum otium fuit, summæ utilitatis res illi visa est, eiusmodi exemplis imbui populum, & vocari ad deorum reuerentiam. Cum igitur illi mystæ postero mane ex imperio ad se venerunt; quatuor ex ipsorum familia sibi dari præcepit, qui Africam illis sacris initiarent. Confestim ex senioribus duo, totidem de
iuue-

iuuenibus dati, Ac ne Afri cōtemptu aut odio Sardonum, qui hostes modo fuerant, eam fastidiosius disciplinam acciperent, delecti sunt omnes externi; Ligures duo, totidemque ex Gallis. Nam ex variis gentibus in eam domum multi concesserant.

Omnibus ad reditum comparatis, Archombrotus cum commodioribus locis imposuisset præsidia, per præconē in concione proclamat, se matri Hyanisbæ quæsiisse Sardiniam. Id deos annuisse, ne utrique amplius genti discordia Regum in perniciem esset. Iure quoque maiorum debitam suam stupi Sardiniam tandem fata reddidisse. Inde Sardis Proceribus secum assumptis, iisque præcipue qui Reges sanguine contingebant, tam opportunis usus est ventis, ut tricesimo ex quo abierat die, noui regni insulas fronti matris circumdaret. At vero Poliarchus & id fatum incubuisse Sardiniae gaudebat; & hoc ductu Archombroti contigisse cruciabatur; adhuc ignarus quantum sibi illa victoria esset effectum. Forte inter milites Gallos qui spectaturi reditum Archombroti se cum vulgo stipauerant in arena; quidam auidius hæsit in amictu oculis suis insueto, quem seueri illi mystæ à templo Sardiniae in Africam traducti induerant. Propius ergo accessit, socioque Gallicis libere verbis, in eas vestes iocatus est. Conuerterunt illico vultum ad patria verba mystæ iidem, utpote Galli, in quos ioci destinabatur; & hoc etiam mirari, in tam longinqua parte terrarum statim repertos esse homines qui Gallice scirent. Alter eorum præcipue, iam prouectæ ætatis vir, cum de veste (ea circa totum caput fluebat) ora prompsisset, militemque in se ludentem, aliquoties tanquam intelligens esset
intui-

intuitus, facile astantibus Gallis suspicionem fecit
haud alienæ aut remotæ à Gallia regionis. Nam &
color conueniebat, & oculorum decens vigor; nec
corporis sese venuste inferens gentilem habitum
pietatis simplicitas in totum deieuerat. Et hæc qui-
dem magna præter cæteros cura obseruare miles
cepit, qui temere ludibundus accesserat; quia sta-
tim ictæ memoriæ visa est illius viri species, tan-
quam olim nota, recurrere. Hunc igitur postquam
in urbem est sequutus, ut coniecturam suam asse-
ret, iam in hospitium intrantem Gallice salutauit;
Nec alter humanitatis & linguæ commercium ab-
nuens, eum saluere quoque iussit.

Sic tunc quidem discessum est. Sed inquieta de-
inde sollicitudo rota nocte militem habuit, inter-
dum obiu-gantē curam superfluam, satiq; miran-
tem quid scilicet sua tantum interesset vatem hunc
nosse. Die vix orto reperit Mystarum hospitium; &
colloqui iis petit. Sed iam illi simulatione soli-
tariæ pietatis impetrauerant ab urbe secessum in
proximum fanum, quod arcano luco deuium erat;
reuera Gallorum conspectum vitaturi; quos in A-
frica improuisos habuerant. Accendit militem hæc
ipsa absentia; præcipitatoque itinere eos ante de-
prehendit quam ad templum peruenissent. Tum
vero cum eos salutasset; quasi hoc iter aliorum ne-
gotiorum causa esset exortus; Multum, inquit, de-
beo fortunæ. ô Iouis Sacerdotes, quæ mihi sic vici-
num ad nemus procedenti vos obtulit! amplius
quoq; debebo, si quod ominor, speroq; populares
mei estis. Pœnitebat senem mystam quod subito &
improuiso errore, se pridie Gallico sermone prodi-
derat. At ne inficiando faceret altioris rei suspicio-
nem,

nem, irritaretq; curiosam militis mentem, & breui colloquio fortasse explebilem; se quidem Gal- lum esse respondit; sed apud extreros à prima ado- leſcentia vixiſſe.

Ita initiato ſermone, cum vltro citroque per- plexę quæſtiones fuiſſent, magis magisque fixus in dicentis ore miles exhorrebat ad pridem notos vultus, & à quibus ſæpiſſime iuſtiſſima veneratio- ne pependerat. Præter oris argumentum, tenor vocis certam ad fidẽ cogebat vltro credere cupien- tem. Poſtquam vero & nouiſſima cicatrix læua in manu apparuit (hanc enim conſpecturus, quaſi in amicitie tesseram myſta repugnante amplexus eſt) victus ingenti ſuſpirio exclamat; Vbi vero tamdiu latuiſti, Optime Regum? Non omnes tui ciues pec- caueramus, quos heu miſeros deſtituiſti. Quis vero iſte amiſtus? quæ à comitibus ſolitudo? quã omnia ſaſtigio tuo indigna! Simul repugnantis gentia te- nens, flere vbertim cœpit. Ille inſanite militem clamitans, riſusque & indignationis ſpecie muta- tus ad ſocios ſuos ſaſtidioſe cōuertitur. Sed & illos iſte militis ſermo turbauerat; in ſententia perſeue- rantis; Hunc Regem ſuum eſſe, hunc Aneroeſtum appellari: non ſe abſceſſurum à latere; deorum- que beneficio uſurũ, qui tot annis fruſtra optatum ſic denique reddidiſſent. Tum ſenex inter iurgia, fictumque ſtuporem, ſe paulatim ad aurem mili- tis admouit; & ô miles, ſi tempore, inquit, memo- ria tua vel oculi labascunt, aut aliqua oris ſimilitu- dine captus erras, modestia erit hos pacatius ludos mouere. Sin Rex tuus ſum; hoc primum ciuis offi- ciũ exigo à te, vt ſileas; & ſi lubet me ſequaris donec ſoli colloquamur. Tarda erat hæc cautio. Etenim
quam:

quamvis miles parebat; quidam tamen ex Gallis & Afris, qui in comitatu erant, novitate erecti, amantelque rem tantam primi dare in populum, illico in urbem dilabuntur. Cohortes duæ erant in Poliarchi castris ex illarum Alpium gente, cui Rex Aneroeſtus imperitauerat. Illi ſparſam ſubito famam amplexi, ſub æſtum novitatis nunc ſtupore nunc temeritate reciprocante, tota protinuſcaſtra, mox & urbem, eorum more implent.

Poliarchus cum Hyanisbe erat, reſectis ſcilicet viribus certum diem nauigationi in Siciliam conſtituens. Hac conſultatione occupatus. Gelanorus dubio inter credentem & aſpernantem vultu adortus: Neſcio, inquit, quid de rege Aneroeſto in audio; Hunc aduectum à Sardinia cū cætera præda; & quamquam in veſte abhorrenti à cultu regio; tamen à populari milite agnitum eſſe. Excitatus Poliarchus repentino impetu animi in ſpē nimia caligantis, reſpondit, ſi vera res eſſet, hos ſe pro parentibus habiturum qui Aneroeſtum reddidiſſent: oppido vitā ipſa clarius munus; iisque ſe debiturum qui viciffent Sardiniam non modo quod amici, ſed propemodum dii merentur. Hæc verba Regina auidiffime excepit, pro maximo deorum munere ducens, ſi tot nominib. deuinctus Poliarcho ſuus Archombrotus, viciffim ducente fortuna feciſſet quod iuuaret Poliarchum. Porrectiori igitur vultu, & quaſi ſponte gaudentem ſtimulatura, quid accidiſſet rogat; aut qſ ille vir per tot vota ſeu quaeri ſeu reperiri dignus. Omnia Poliarchus compendio amplexus; In prima pueritia ſe à prædonibus captum docet, ductumque ad Regiam Aneroeſti, qui multos Alpium ſinus tenebat. Illic ita
educ

eductum, optimi Regis cura, quid in ea fortuna & ætate senserit forte regia indignum. Hinc se adhuc parentibus ignotum, belli casu & fœlicissima captiuitate esse receptum. Prius vero quam asseiretur in suæ stirpis decus, & à patre agnitus esset, Anerœstum seditione populari cum duobus quos habebat liberis, ut ferebatur, cecidisse in prælio. Sed liberorū quidem corpora inter cætorum cumulos esse reperta; Anerœstum nusquā inuentum. quem si stragi clementior fortuna subductum in illum diem seruasset, sibi tuūc demum propitios deos, vitamque sine exceptione fœlicem contigisse. Sed temere tantillis indiciis summa hæc gaudia præcipi; Militem decipi poss.; aut deorum hunc vatem forsitan ambitiosam fabulam similitudini vultus, si qua illi cum Anerœsto extitit, aptauisse. Omnia impigre excutienda. Plurimos secum esse ex illius Regis domesticis; inter eos, quemdam Crestora, amicorum Anerœsti præcipuum. Se ipsum, quando valetudo hæc erat, tanquam salutandi numinis causa iturum ad fanum in quod ille sacerdos recesserat.

Hyanisbe spei fauens quam ratam optabat, bene de diis ac fortuna Poliarchum credere imperat; comitemque ad templum se promittit. Hand mota, accersitus est Crestor, olim Anerœsti familiarissimus, iussusque præcedere, & sentim omnia explorare, dum Poliarchus cum Regina ad viam se comparat. Maior erat spes, quam ut Crestor eam caperet. Sic propior contemnti, reuocatusque ad lugubrem memoriam clarissimi Regis, à quam inuilem prouinciam exorsus, cum paucis militibus, lucum intrat; nec longe à templi vestibulo
mylas

in istas illos adhuc cum Gallo milite, qui rem prior deprehenderat, loquentes conspexit. Tunc veluti militis affatū peteret, sparsos per omnia oculos iniecit in Anerœstum; Percurrit illico tota præcordia, (ut in magnis & subitis solet) exultantis sanguinis acerrima tempestas; Mox vero de gestu, ac voce, & cicatricibus, postquā Regem haud dubie agnovit, ex solutis gaudio nervis, se ad proximam arbo-rem excepit; cum nec loqui iam posset, nec moueri. Sed nec Anerœstus ad illius aduentum minus contremuit. Veteris amici conspectus blandissimo dolore incautum percussit. Simul timor eum inuasit, ne à suis agnitus suauissimæ sollicitudini eximeretur.

Aderat interim Poliarchus, præmissum scilicet Crestorem, impatienter sequutus, templumq; subibat cum Regina; cum oblitus sui Crestor, relictis statim mystis ad eum decurrit. Iamque satis quid afferret perplexo anheloque gaudio ostēdens; Habemus, inquit, Anerœstum, habemus Regem veterem meum, tuum alumnum. Ipse est, ipse, ne dubita. Pergisne ad illum? Rex an protinus tibi hunc sisto? Nihil moratus Poliarchus quā Crestor monstrabat se contulit; Sed Anerœstus se interim arctam in semitam, quā deuius maxime locus erat, cōlicere moliebatur; cum diem latere si posset, per desertas, & gentes ignotas, alia templa deosq; alios petiturus; Inuitabatque militem, ut si sibi tanquam Regi morigerus esset; aut comitaretur fugientem, aut hoc furtum suo silentio sanctū haberet. Miles quidem repugnabat; adhucque in eā rixā erant, cum accessit Poliarchus; nihil penē iam dubitans; quin verē Anerœstus esset. Ut tamen ad illum peruenit, quia

ingens multitudo coiuerat, & turbatissimus scetus non ferebat hunc tumultum, aliam veniendi causam commentus est. Lætor, inquit, Gallicam pietatem exteris quoq; gentib⁹ esse illustrem. Ego deos, Antistes, tuâ operâ exoratos mihi volo, ut ad ea quæ animus destinat propitii adsint. Veni sodes ad templum hoc, quæ vota vel sacra magis è te meâ existimes commodius monstraturus. Exanguis illico Anerœstus sequebatur trahentem. Nam Poliarchus eius læuam corripuerat. Angustum erat sanum, armatique ad fores cohibebant auidissimum vulgus. Hyanisbe cum suorum præcipuis iam stabat in testudine, quo postquâ & Poliarchus cum Anerœsto recept⁹ est, eosq; sequenti ad quadraginta circiter viri, statim de imperio Poliarchi clausum est limen. Eò acrior vulgi militumq; expectatio increuit. Populus ab vrbe decurrerat; vix in castris seruebantur stationes. Sic ambitum omnem templi confertissima corona circumdedit. Siue tamen reuerentia Regum, qui intus confederant, siue perplexæ rei subita magnitudo, adeo circumstantium voces licentiamque continuit, ut ad ea quæ intus agebantur, satis quies & libertas superesset Principibus.

Iamq; tem ordiri Poliarchus altiori sermone perabat, cū Micipsa ab Archombroto ad Hyanisbem venit. Is quippe hominum tumultu excitus, nec iam procul à luco, optabat tantæ quæstioni adesse, si Poliarchus pateretur. Mora in Poliarcho non fuit. Nam & ipse quicquid erat hoc gaudii ex illius habebat victoriâ. Dilatâ igitur quæstione opperuerè aduentum Archombroti; quo inter septa admissò, ita ad Anerœstum Poliarchus; Quod nomen tibi esse, vir optime, parentes voluerunt? aut quæ causa
à Gal-

à C illius in Sardiniam commigrandi? Ita effusori principio utentē, sponte Aneroeſtus ad deſtinatam quæſtionem coëgit. Nam & conſtantiam motu primo excuſſam receperat; & non Creſtor tantum, aut milite, ſed aliis illic multis videbat argui ſuos vultus, ſi ſilere, aut negare obſtinaviſſet. Qui ſis, inquit, haud dum ſcio; niſi quod ex purpura intelli-go Regem eſſe: & lingua eſt qualis in Gallia genitus ſolet. Amicum te eſſe exiſtimem; quod videam te amicis quondam meis hinc vti. Nam & Creſto-ra, & Simplidam agnoſco, familiares utique meos, igitur, ut amicum, liceat per deos exorare, ut abire me ſinas quò deſtino. Sed ſi forte me odiſti: quid vis ultra ſupplicii? Regnum amiſi, nec repeto: ſpon-te exul, ne vel inimicis officiam. Placet egere; & num velim ignorari, ipſi ſciunt per quos hodie re-pertus ſum. En me priſtinæ ſortis oblitum; adhucingere graviora; præter Deum iram nihil eſt quod recuſem. Sin præterea non putas, aut non tibi ex-pedit eſſe me Aneroeſtum; ne time. Sinas modo ad ſolitudines abire. Vbi nemo ad verum coëgerit, Aneroeſtus non erò.

Hæc modoſto, ſed grandi ſupercilio dicentem, nemo immotus audierat, maxime ubi Creſtor, ma-nu illius ſublata prodidit cicatricem, quā ex vulne-re ſuperſuiſſe Regi Aneroeſto populares memine-rant. Ipſe quoq; Poliarchus repetebat oculis vultus ſibi puero toties viſos. Etiam aures, quamquam diu deſuetæ, redibant ad familiarem olim ſonum; & pietatis tenerrimo ſenſu trepidū pectus labebat. Nō-dum tamen ſe conſeſſus, exegit ab Aneroeſto, cur patriā exceſſiſſet, cur latere, cur ſqualere ſic vellet. Tum ille. Nimis heu ſciunt mei, quorum & aliquot

isthica spicio, quo me turbine fortuna euerterit. Furor malorum civium ad arma excitus sum. Ausi illi aciem in me educere; & filii mei (nam duos habebam; tunc primum florem adolescentiæ ingressos) dum incautus pugnant, ambo pro patre, & in oculis patris occubuerunt. Perire & ego tunc poteram, si fatum fuisset. Sed opinor mens Deum in fugam me compulit. In proximo saltu delitui. Hinc conuersus ad externa auxilia, perpetuo montium dorso ad Ligures sum delapsus. Illic enim validissimæ gentes mihi omnis fortunæ societatem promiserant. Per has regnum repetere animus fuit. Cum descendissem ad proximum mare, petiturus illā eximiam à Iano conditam urbem, ignotus in obuium intraui nauigium. Sed nos venti in Sardiniam rapuerunt, dumque nautæ in anchoris morantur, templi fama vnde nuper aduectus sum me ad exorandū Iouem traxit. Illic vero & locorum speciem admiratus, & sacerdotum vitam; deponere omnes curas cōstitui; iactatusque humanis tot cladibus, tandem Deos experiri. Nam cur patriam amatem tot meorum sanguine perfulam; rursusque non hostiū magis quam sociorum cruore mihi parandam? Cui sceptrum deinde relinquerem? aut quid dulce in vacuā domo? Duos omnino genueram; tertium olim fortuna tradiderat, non infra liberorum charitatem acceptum; quē de aui nomine Scordanem vocaueram. Mi pupe, si saltem superesses, ego te in sanguinis iura adoptione promotum Regem facerem. Tu aleam belli, tu casus, tu labores lenires. Sed ille diu ante & omen & initium tot malorum, dum Gallos qui Rhodanum incolunt bello lacesimus, præda hostibus fuit; & amissi memoria non deinde

de mihi diem molestiarum exortem reliquit.

Sic dolenter hos casus referenti, non amplius poterat Poliarchus solatia differre; sed collectis diu lachrymis subito madens, se in illius collum proiecit; paulumque cunctatus ne vox suspiriis eneruis abiret à maiestate; O optime pater, inquit, seu te manus dominū vocem, si tibi Scordanem habere tantum est, en illum tibi reddo; tu eo frue, tu redi ad vitam. Ego Scordanes sum. In hanc vocem fixis uterque sed inutilibus oculis dulcissimo errore elanguit. Par cæterorum admiratio erat alto silentio marcentium; ut nil loqui aut quærere vacaret. Hærebant omnium animi, paratos, ac veluti exertos affectus, quacunq; Poliarchi & Anerœsti colloquia iussissent impenturi. Deniq; Anerœstus. Ut Scordanes sis? ô Rex? Ut Scordanes, inquam, meus? Ut viuas, ut imperes, ut teneas Anerœstum? Dii boni! sed quo pignore affirmatis vestrum hoc munus? At Poliarchus; Vides præterea, inquit, tuum deorumque illorum ultorem, quos in te pellendo improbi ciues violauerunt. Oppetiere nefarii, aut acie, aut lictorum securibus. Illis ego prædam eripui; tuoque regno potitus sum; quod nunc tibi incolumi, pater, restituo. Quibus viribus quæris tantum in hostes potuerim? Britomandis filius bellum hoc gessi. Nunc & paternum imperium (dii enim meum nuper parentem sibi sociauerunt) tibi trado. Tibi ego, tibi Pater secundus sum. Tibi obsequi gloriosius erit, quàm cæteris imperare.

Nouo ille gaudio refectus, sæpiusq; ad deos votis & luminibus rediens, amplexus est Poliarchum. Iamque & Hyanisbe accesserat, & Archombrotus Anerœsto reperto deos fauentes, suamque victo-

riam, gratulabatur. Nec abnuebat Poliarchus tantum sibi hoc casu præstitisse Archombrotum, quantum is ipsi, Radiobanis morte. Crestor ac Simplidas, cæterique, ut licuit, Aneroeſto admoti, non oculis, non alloquio explebantur. Supra omnia iactante suam operam milite, gaudioque & spe præmii feroce, qui Regem prior agnouerat. Sic diuisus in multos vix tandē ad Poliarchum Aneroeſtus redit. Ambō mediā Hyanisbem excipiunt. Archombrotus, proximus matri, præibat. Ita templo digressi, per militum & populi cuneos viam ægre moliti sunt. Adeo dum officio omnes certant, dum cernere aspicique concupiunt, nulla viarum libertas satis explicat ab vrbe castrisque proruentes. Nam & illi in quorum rem nihil erat seu Aneroeſtus, seu Gallia, tamen siue adulatori lætissimis principibus, siue sponte in immodicā hilaritatem prona à salutatione planuque non cessabant.

Vbi in regiam venerunt; affuere ex Poliarchi imperio, qui regio indumento Aneroeſti paupertatem mutarent. Sed ille nunc tenere suam vestem, nunc purpuram manu repellere; Mirantique & multum obtestanti Poliarcho, ut mœsticiæ insignia poneret, negauit ita de se meritos esse deos, ut ab illorum familiā abiret. Bene cessisse, quod is regno suo potiebatur, quem omnibus votis heredem optasset. De cætero, rursus nolle impacatis negotiorum fluctibus exerceri. Ne sibi pretiosissimam paupertatem eriperent; aut crederent rebus suorum inutilem esse, qui familiaris ad accessus deorum promotus, eos amicis conciliaret. Multa hæc & seria optimi senis ad vitam obscuram pertinacia, confestim variis sermonibus præbuit causam; dum illi constantiam lau-

landant; hi verò mirantur quid ad deorum cultus faciat tātus rigor in moribus. Nam nec deerat argumentis Poliarchus, quibus Aneroesti hæc austeræ incusaret consilia, reuocaretque cunctantem ad assuetas Regibus curas. Aneroestus omnium voces (plures enim eadem suadebant) excipiebat patientissimo silentio; adeo ut crederent multi hæc ad animum peruenire gaudentem expugnari. Ita diu cunctatus, siue ut omnia quæ ingerebātur vnâ oratione euerteret, siue ut interim dato spatio ornaret defensionem, merereturque audiri pari omnium pace; vultu tandem modeste sublato in hunc modum exorsus est.

Summam aliquam esse mentem, quæ omnia condiderit, ipsa lex Solis nunquā exerrantis ab orbitâ, tum Lunæ & cæterorum syderum ordo totiusque naturæ ingenium, satis hominibus persuadet, quos nec sapientiæ suæ superba opinio, nec brutis animantibus peior negligentia egauit. Putes autē sanctū hoc Numē, à quo tot sunt eximia, Deū, inquam, qui omnium origo virtutum, fas rectumque mortalium animis ingeneratâ ratione præscripsit; iis vitiis delectari quibus passim naturam corripimus? Non potest hanc quam cernimus legem naturæ dedisse nisi iustissimus author; Iustus autem ille non erit, si feret abire impune tot scelera. Vbi igitur amor recti, & ambitus ineundæ cū diis amicitiae, simulq; cælestis iræ timor, tetigit animū; nihil illi antiquius esse debet, quam recedere à viciorum periculis iam tot mortalium exitio infamibus. Ea vero pericula partim nobis insita habemus, partim ab aliis in nos incurrunt: Et in hæc omnia efficaci remedio, istam solitariæ seneritatis religionem

inuenimus. Primum enim cupiditates immodicæ, quibus ipsi nobis sumus infesti, sic in hoc genere vitæ factō impetu exarmanur, ac si feris mansuescere edoctis, dentes quoque & vnguium aciem subtraxeris; vt neque deinde si in naturam redierint facile possint habere quo sæuiant. Nam desiderium voluptatum contrario seueritatis vſu suam pertinaciam apud nos dediscit; & si veluti ex cinere illa flamma resurget, nihil tamen in egenâ ac veluti agresti domo effecerit, in quâ desunt superflua instrumenta luxuriæ. Auiditatem quoque frustratur simplicissima paupertas; & ad superbiam stimulos erubescit squalida vita, & se ipsam despiciens. Sic illa, sic cætera mentium mala, vt est ira, inuidia, timor, audacia, in hoc sancto rigidoque secreto, tanquam destituta alimentis incendia, expirant; Præsertim vbi mens vitiorum iugo excusso sibi ipsa se reddidit; timidæque cupiditates, & assuetæ parère, priusquam aliquid velle ausint aut nolle, consulunt rationem. Eo modo, qui nobis acerbissimi sumus hostes, reciso aut correcto effrænis naturæ impetu, ad sanam vtilemque virtutem adigimur.

Venio ad hæc tela quæ in nos ex aliorum hominum contagione cōparantur, sæua illa, & nimium certa; Siquidem plures existimem exemplo quam ingenio peccare. Quia morum consortio placere amicis cupimus; rarumque est diu viuere cum improbis, nec de vitiis primum mollius sentire, mox illis & infici. Superbiam, aliorum ambitus accendit; contentionem ad opes, cæterorum auiditas. Fraudibus appetitus, animū antea forte insontem, ne inultus sis, ad fraudes applicabis; & ex hostium in te odio discas odisse. Cum præterea multi in virilis

filis gloriæ titulis ponant ipsam peccandi audaciam: timidosque, & gerendis rebus ineptos, eos existiment qui diis obsequuntur; illius opinionis metu haud pauci assuescunt peccare; magis scilicet ut illis probentur quibus virtus est vilis, quam quod sint vitia apud ipsos in pretio. Hæc autem omnia à domesticis suis submouet familiæ nostræ integritas, in qua, ut paucis absoluiam, contagionem improborum vitamus, & præter suspensionem ignaviæ timere deos licet.

Sed ut pressius ad me accedam; quoties ipsa fortunæ negotiorumque malignitas, Reges ac Principes viros summis illecebris, præmiisque inuitat ad peccandum? maxime cum ea occurrunt, in quibus illud quod æquum est videtur discrepare ab eorum gloria, aut securitate regnandi? tunc quidem simulare, ac fallere, & dissentire à suis utique verbis, egregium in Regibus putatur; quasi dii quam ipsis imposuere mortalium regendorum prouinciam, sine subsidiaria vitiorum scelerumque cohorte administrari non posse voluerint. Nunc vicinis & immeritis gentibus subiicere dissidia amant; ut occupatis & infœlicibus aliis, ipsi certius vacent: Nunc sociorum Regum amicos largitione ad secretorum prodicionem sollicitant. Quid mulctare interdum in cautignem innoxios, quasi crimen sit posse peccare? quid vulgi negligere iniurias, si bello vtilis viri eas intulerint? Ea omnia qui sagacius fecerit, adeo famæ plus comparat, ut vel ex istis qui adsunt multos mirari existimem, quod hæc tanquam iniusta, diisque inuisa, perstrinxerim. Atqui illa mihi graue regnum fecerunt; non tunc quidem cum ipso regnarem, eademque peccarem, aut paria; sed ex

quo caligine utilitatis & consuetudinis excussa, iam veluti sequeſter nubem miratus ſum vnde euasi, Ignosce, Regina, tuque mi fili. Veſtram fortem non damno. Fortium eſt, veſtrique ſimilium, ſancto virtutis frango, regere nimiae fortunæ, & exerrare conantis libidinem. Sed ego debilior timeo illis turpibus impar eſſe. Neque vero purpura ſola iis periculis infeſta eſt. Omni ordini, omni pene ætati vitia inſidiantur; Ingensque in cuncta remedium eſt à noſtra diſciplina, quæ iubet ea pro vilibus habere propter quæ alii peccant.

Poliarchus tam inſuetam rigidamq; ſapientiam nondum probans, interpellat dicentem. At ſi te, inquit, optime pater, omnes audimus, deerunt oppidis ciues; Non arua exercebit agricola; Non nauſta, nō vector ſingularum commoda regionum mutatis mercibus peruulgabit in cæteras. Deerit artibus cultus, quaſcunque non neceſſarias hominibus eſſe veſtra ſeueritas putabit. Sola erit in veſtris deſertis frequentia; ac quoniam connubia reſpuitis, vnius ſeculi genus humanum. Aſſentiebatur Poliarcho Hyaniſbe; multique, tãquam publicam cauſam agenti, vultu & oculis fauebant. Sed Aneroeſtus, quaſi in ſe ſeductus; mox frontem hilarius porrexit; vt cum ſcires parum Poliarchi argumentis moueri. Si quem vero exiſtis qui nos audiunt (ait) animus ſubit experiundæ ſuauitatis quam habet noſtra auſteritas, ne illum, ô fili, argumenta tua deterreant, neve ſuo cœlibatu credat ſolitudinem quam times orbi inducere. Vltro nobis accedat. Adhuc populis proleſtarii ſupererunt; adhuc artificia vigeant; reſtabuntque non modo quot ſacerunt urbibus terrisque colendis; ſed etiam quos exuberante.

uberante hominum genere fata gregatim aut vehementi Sirio, aut terra mouente, aut denique bellis exhauriant. Desine, inquam, vereri, ne toti hominum generi desiderium veniat se in disciplinam nostræ Philosophiæ dedendi. Dijenim hoc beneficium magis habent eximium, quam ut illud tanto populo indulgeant; Nemini autem absque eorum impulsu venire hæc rite mens potest; nemoque in ea, nisi iisdem iuuantibus, durare; Quia defecti animi suauitate humana (quam nos scilicet omnem abiicimus) tanquam ab exosa cruce discederent, absque arcano pastu esset diuinæ voluptatis. Ut vero non aliis quam in legitimam lectis militiam numerat Imperator stipendia: Ita Superi iis solis quos ad hoc vitæ genus ipsi accersuere, hanc gustationem promunt solidæ suauitatis, & ad constantiam valituræ. Si quis igitur non tam sibi propitius quam fortunæ iratus (quia forte non spes illi, aut ambitus, successit) nostrum portum turbulento petit ingenio, in quo ei impune liceat indignari queriq; defatis; hunc ego nisi certa deûm ope exuat hos affectus, nec fore constantem in disciplina auguro, & plus mali inuecturum nostros in mores, quam boni in suos. Præterea, qui leui impetu, (qualis sæpe adolescentum est) ex quadam inconsulta teneraq; imagine quam de virtutis præmiis concepere, ad labores nostros accedunt, illi, ut librata fundis saxa, primum quidem in his studiis immodice feruent, mox cessante machina mirantur se languere. Præter stimulos pietatis, merumq; deorum, rationis, fortitudinis, patientiæ res est; quæ omnia cadunt in paucos. Non veste quæ gerimus, non nomine, non domo, constat nostra disciplina; addo nec laboribus corporis;

corporis; quos haud raro grauiiores auaritia vel ambitus imperat, aut in damnatis exigunt metalla vel remi. Sola est animi simplex ac hilari in deos propensio quæ hæc omnia consecrat, inutilia alioquin, aut sæpe profana. Quippe abiicere diuitias, à dignitatibus recedere, prohibere ab animo inquietas humanarum rerum curas, magnæ demum virtutis est, si hæc fiant conciliandorum sibi numinum causa. At si quis ab honoribus aut diuitiis abit, ut ea iactetur reliquisse, vel ut ad maiora perueniat; si quis negocia effudit ut torpescat in ocio, aut de paupertate se iactat, quam minantem ideo sponte præuenit ne necessaria videretur; illum quidem fraude nihil profutura vel hominibus, vel etiam diis imponere velle existimo.

Non igitur omnes, (fili,) ad hanc Philosophiam compello. Nam pro ingenti mortalium numero, pauci omnino volent sectari vitæ nostræ reconditam fœlicitatem, & ex his ipsis adhuc quoddam suo non deorum cōsilio nixos, aut frustra aut cum perniciæ illam vitam instituros denuncio. At omnibus saltem bonis precari me dices hanc mentem, ut à rerum ciuiliū tumultu ad nos secedant. Ne id quidem mihi in votis est. Quis enim pia bella improbis inferet; quis Rempublicam geret? aut vnde impotentibus vitiis frænum; si omnis se virtus ita in solitudinem ac paupertatē det, ut fracta & absens, non viribus aut pudore sceleribus Impiorum possit obstare? Magna est prouincia, quam dii illis destinant, quos forte nascendi, vel secretis stimulis, iubent, non fuga sed bello in vitia certare; neque cupiditates enecare, sed regere. Tales viros & esse, & honoribus frui publice interest, cum sacris præsidere, cum

re -um fieri patres familias, impiisque in hoc terrarum orbe mistos, temperare illorum audaciam in deos, numinumque in mortales sæua consilia. Ut cæteros hîc omittam; quid sapienti Rege fortique præstantius? Si exemplo, si legibus emendabit sæculum, si ad deorum cultum suo exemplo ciues adiget, quanto fecundior virtus hæc erit, quam si in solitaria sanctitate senesceret? Cur igitur maiorem hanc palmam ipse à diis non expectam quæris? Quia arcano sensu admonere me consilii sui, ut senectutem meam oblectem sua pace, nec de regno iam eurem, quod non præter eorum arbitrium amisi; Sed hodie maxime visi sunt, hanc mihi quam amplector solitudinem imperare, postquam, ô fili, in te relata intellexi mei regni, domusque fortunam. Tanti heredis quem dii sponte tribuerunt auspiciû facit, ut quod regnum in hunc libens deponerem non sustineam ab eo recipere.

Scio quid præterea dicturus sis, optime fili: Si à negotiis abhorreo, si templa nunc tantum, & victimæ, & cæteri deorum cultus placent; at in tanta tua fortuna seruorum greges fore, qui maneant meos nutus; qui lectulos sternant, qui conuiuia parent, & euntem stipent ad templa. Illas autem diuitias nihil periculi aut turbidi habituras, quia dum soluto animo diis vacabo, tu in solitudinem succedes, illicque præterea quos præpones familiæ meæ. Ne sic quidem mihi persuadebis abiicere inopiæ libertatem. Nam ut absit hæc cura parandi aut seruandi diuitias; certe alia mala ab opulentia abesse vix poterunt. deliciarum consuetudo, corporis blandiens cura, pietatis quasi superflua obliuio; cum illi affectus, qui serie iuncti diuitiis hærent, sibi esse in pretio,

cio, alios tanquam ex solio despicere, nullam ferre iniuriæ imaginem, & assensu eorum corrumpi, qui adulationis præmia quærent. Nec facilius putem admissis opibus cæteras cupiditates excludere, quàm in concitato mari, se rapidissimo alicui fluctui permittere; sed in alios nolle deuolui. Cû igitur quod reliquum est vitæ, donare deorû cultui sit animus, liceat infestam hunc consilio opulentiam fugere, ne suo utique gustu, eorumque affectuum quos perpetuo comites habet, captæ & impari menti vitia reponat, grauesque cogitationes & frustra in sidera conantes deducat in terram. Quid miraris me ad paupertatem respicere, non quidem in qua egeam, sed paruo contentus sim? quæ neglecto corpori inducat sui contemptum? quæ vacuo animo libertatem faciat cœlestis commercii? ac ne me tuæ gloriæ salutisque incuriosum existimes; quæ tibi, tuisque exercitibus, fili, propitios deos paret?

Tam seueram orationem adeo mihi & composito vultu habuit; vt constaret non hanc fingi constantiam, à qua cuperet cogentibus amicis discedere. Omnibusq; non adumbratam virtutem verius, vt solet, colentibus; Saltem, inquit Poliarchus, nostrum in Siciliam iter ne desere, ô Pater. Te dii verebuntur. Seu mari; seu terra, fœlix auspiciu facies. Vbi in Galliam redierimus, spondeo quo placebit instituto te vincturum. Et id quoque patrie debes, vt hanc potissimum tuo exemplo facias meliorem. Parum moratus Aneroestus, id saltem flagitanti non negauit. Ad conuiuium deinde ab omnibus itum. Iam enim patientior Archombroti Poliarchus, cum eo apud Hyanisbem cœnauit; satisq; viribus instauratis, diem cum Regina ad profectio-

nem

ne non destinavit, qui post eum secundus lucesceret. Scripsit igitur Hyanisbe promissas ad Meleandrum literas, filioque commisit, cum arcula quam à peiratis eripuerat Poliarchus; identidem admonens, ut hanc instar fatalis sarcinæ cum cura servaret, offerretque Meleandro. Puta autem (inquiebat) Erichthonium tibi tradi à Pallade. Si vincula resignas, si quid feras intueris, fortasse te perdes, & operam meam. Sin trades Meleandro arcam intactā, videbisque ex ea depromi felicitatē tuam, æquum erit te Regi Poliarcho habere gratias, qui latronum scelere amissam restituit. Agitatum deinde est, an vna triremi vehi vterque posset. Sed maiestas, & æmulatio, securiora flagitabant consilia. Tutius visum, distincta quoque classi ire vtrumque: sed qui prior appulisset, alium in portu expectaret. Inde ambo sustinerent coniuncto comitatu proficisci ad regiam.

Interim nomina atque officia familiis Regum assueta Archombroto domesticis imponebantur. Ipse maiestatis insignibus cultus est, appellatusque à matre Sardinia Rex, ne dignitate inferior æmulo esset. Memor quoque Hyanisbe se Gallorum fortitudine esse servatam, discessoris Poliarchi militibus numeravit viritum donativum. Edicto deinde discessu nulli ordines aut homines cessabant. Maiorum Procerum multi, Principem comitaturi impleverāt rates. Siculi qui cum Archombroto venerant, laborabant inter se factione. Multis enim pristinus in Poliarchum fauor redierat. Inclyta virtus, paulatimque vulgatum sub Theocrines nomine robur, & facti ad gratiam mores, valebant tunc maxime cum eum Regē aspicerent. Rursus quod &
ipse

ipse Archombrotus virtutibus famaue erat clarissimus, quodque eius auspiciis à Sicilia venerant, pudore onerabat transituros ad æmulum. Nam affinitas cum Argenide, quæ potentius quam cætera traxisset obnoxios, in incerto sic erat, ut passim moderarentur affectibus; essentque in aduersam factionem clementes, ne si ea viniceret, excusationi & gratiæ locus deesset.

Erat vetus in littore ara; Incertus quis Regum posuisset; Pollebatque religione, quam tot secula auxerant. Illic Neptuno, ventisque, aut thura pauperes Nautæ, aut victimam soluebant, siue in mare irent, siue terra recepisset incolumes. Ad eam Poliarchum & filium iam classem petituros, coëgit Hyanisbe; Nec dubito, inquit, utrique ad ea quæ mihi promisit integram fidem fore. Sed de præterit tantum iurgiis hætenus caui; Scio veto quam facile cupidis belli principibus ea eueniant quibus soluta esse induciarum pacta aut iactent aut credant. Præterea vestrorum amicorum aut militum culpa, oriri possunt novæ iniuriæ, neque istis comprehensæ induciis. Si quid erit huiusmodi, ego vos per Sanctissimam aram dei cuius regna iam subitis deuinctos hinc cupio, ut illa noua annumeretis veteribus quorum ambo vindictam mei causa distulistis; neu quis turbo felicitatem præripiat in quâ ego vos mitto. Agite, charissimi iuvenes, & mulieri vestra causa anxiam hanc veniam date. Interim paribus votis utrumque commendabo numinibus, Nam si rationem possum inire, cui plus timeam, deos veneror ut mandata mea neuter accuret, aut sospitem deinde aspiciat. Victi sunt tam ingenuo amore; quodque illa iubebat ad aram sanciuerunt. Tunc

verum-

Vtrumque illa amplecti, & nunc vni nunc alteri per littoris spatia se iungere, plurima & sæpe eadem monens: nec satiata abeuntium vultu, salutatōs iussosque valere, iterum reuocato sermone morabatur. Neque illi ad tot suspiria immoti restiterant. Anercestum quoque cum Poliarcho nauigaturum Regina anxie monebat, vt in eam firmandorum fœderum curam succederet. Nihil illi Poliarchum, nihil negaturum Archombrotum. Tanquam patrem, deorumque interpretem, eum vtrumque valiturum. Quam sæpe mortales, & maxime iuuenes, ad salutem compellendos. Denique cogitaret, maximum sibi Europæ Africæque depositum creditum esse. Anercestus solitudine Reginae laudata, se illius quidem, & iuuenum, sed deorum maxime causa, hanc prouinciam curaturum promisit.

Tandem hospitali officio datum, vt prior Poliarchus ad naues deduceretur, etiam comitante ad vndarum confinia Archombroto. Cæsæ de more tunc victimæ, quarum extra postrogatam Neptuni, deorumque qui maris potentes sunt pacem, ambo duces primos in fluctus proiecerunt. Tunc & ipse Archombrotus in prætoriam suam scapha delatus est. Strepebant longe littora voce nautarum, rudentumq; gemitibus, & pelagus eruentibus remis. Addebat & classicum miles, per opportuna nauigiorum loca in pompam diuisus. Dubitabat Timonides lætari deberet, an dolere, quod legationis onus tunc reditum sibi prohibebat in patriam. Certe enim futura illic omnia sciebat summo in motu; quali tēpore in fortuna est an præstet abesse, an misceri tempestati. More tamen humani ingenii, cum

utrumque esset intutum, maxime redire placuisset;
 non alia magis causa, quam quia non licebat. Cæ-
 terum induciis rite seruandis, inter Reges conue-
 nerat, ut si qui Gallorum in fœdera peccarent, Ar-
 chombroti arbitrium esset; Ex illius etiam comita-
 tu noxam eandem quicumque meruisset, de eo Gal-
 lorum esset iudicium. Ne confusa denique classe
 irent, partiti sunt maria; pauloq; interior Archom-
 brotus nauigauit; Poliarcho cursus apertos, & ne
 obstaret Archombroto, nimium æquoris permit-
 tente triremibus. Erat ex Sicilia Poëta, qui discessu-
 ris Principibus breue hoc carmen cum tradere vel-
 let, à Timonide est prohibitus; quia illis versibus de
 eorum inimicitis meminerat, quarum memoriam
 sic obiici inconsultum videbatur:

*Carulei fluctus, assuetaq; flamina curuis
 Horrendum irasci ratibus; nunc parcite raucis
 Nunc animis: Tantum liquido qua tramite fines
 Quaruntur Siculi, placidis Notus ingruat alis.
 Non cum Thessalica primum de margine ripa
 Semideos Argo vexit trans carula Reges,
 Tantus honos puppi, tot credita fata procellis;
 Europa Libyæq; deos cerno equore toto
 Omnia sollicitas partiri in munera mentes.
 Hi puppes, querulos alij torquere rudentes
 Adproperant; alij rostris venientibus aquos
 Subiiciunt fluctus, aurasq; ad carbasa ducunt:
 Prasipue niueo late subnixa volatu
 Pax Iouis imperio verba inter talia pontum
 Mulcet, & alternis classes amplectitur alis.
 Este deum iussu mites vectoribus vnda;
 Tuq; ferox sanctas Discordia spargere bello
 Non ausis sperare rates. Satis arma cruorq;*

Hactenus,

*Hæc enim, & dubiis pulsata timoribus Aula.
Nunc mihi debentur mentes, quas fœdere longo
Componam. Nec quod sunt Martia pectora Regum,
Desperanda quies. Eadem quæ feruere bello
Corda iubet, iubet emeritos mitescere virtus.*

Dies iam plures erant, ex quo in Siciliam applicuerat Arfidas, Poliarchi atque Timonidis ad Meleandrum & Argenidem literas ferens; Nectardior multo Bocchus aduenerat, Hyanisbes & Archombroti legatus. Sed utroque celerior fama, mox certis firmata authoribus, iam in Siciliam pertulerat, Poliarchum ex Galliæ Regibus maximum, in Mauritania cum Radirobane pugna congressum, vitam hosti eripuisse. Id mercatores nunciabant, qui Radirobane profligato, prius tamen quam cum Sicula classe Archombrotus peruenisset ad matrem, discesserant ab Africa. Motus rei nouitate Meleander præcipuum mercatorum iubet ad se acciri; Tum ab eo diligenter percunctatur, ipse ne audita referret, an adfuisset discrimini. Mercator, se tunc vero in Mauritania fuisse respondit, cum primo in auxiliũ Hyanisbes Rex Poliarchus exercitum exposuit; & mox summis viribus Sardi venerunt. Bis deinde pugnatum referebat; tum Radirobane à Poliarcho interfectum; quamque incondite Sardi ab Africa cessissent. Vix fidem faciebat Meleandro; qui Radirobane casum animo voluens, & felicitatem Hyanisbes, maxime tamen hærebat in nomine Poliarchi; illene esset sui feruator, ille Lycogenis hostis, ille priuato sub habitu sibi olim charissimus, sed & denique expulsus iniuria.

Neque minus Argenis (nam eadem omnia ab æterito mercatore acceperat) stupebat ad omnia

lætis quidem, sed suspiciosus pluribus rebus tacta. Præcipue mirabatur quid Poliarcho tantum commercii esset cum Archombroti matre, ut despecta Sicilia eius præsidio vacaret. Ergo absentia æmulo, & ignaro, conficiebat hæc bella, fidei & reditus immemor, dum fœdam lachrymis sponsam, omnis dies, omnis solitudinis locus exercet. Oderat ipsa amantem Archombrotum, non alia magis causa, quam quod se Poliarcho ereptam volebat. Et ille eundem æmulum, oblitus amoris & odii, sic iuuabat, ut deinde florentior præcus in Siciliam rediret. Sed turbatum his cogitationibus virginis animum, placabat Radirobanes cæsus; procliuique in Poliarchum animo; Forsitan ille, dicebat; non Hyanisbæ, sed mihi pugnavit; nec iuvare Archombrotum, sed Radirobane everti sic voluit. Nihil gratius accidere posse putabam, quam si Radirobanes periret. Cumulaerunt beneficium dii, ut Poliarchi maxime ferro poenas dederit. Inter hæc oblectabat animum suum victoriæ magnitudine qua Poliarchus celebrabatur, sperabatque confestim aliquid literarum ab ipso accipere. Nam & commodum acciderat, quod ille mercator vel non audiuerat in Mauritania quanto ille periculo vulneratus iaceret; vel cætera Meleandro & Argenidi referens id ipsum negligenter omiserat.

At vero cum Aridas venisset ab Africa, ut certior, ita acrior motus Principum mentes egit. Nam ille, Poliarchi & Timonidis literis Regi portectis, eadem quæ in iis nunciabantur longiori oratione exposuit; maxime in Poliarchi laudibus hærens, quam late diceretur imperare; qualibus viris, quanta opulencia classem instructam adueheret; Ut bene pugnare

pugnasset in Sardos; iamque ex vulneribus conualefcentem aduentus Archombroti atq; conspectus, ira, odio, æmulatione turbasset. Nec fuisse certamen dilaturos, nisi intercessisset Hyanisbe furoribus, cuius precibus ambo dederunt, ut vel Meleandro conciliatore redirent in gratiam, vel in Sicilia potissimum odia exequerentur. Ne inimicitiarum quidem causam multum Arsidas dissimulabat; quas sciebat & à Timonide esse perscriptas, & à Boccho, ubi mox aduenisset, offerendas in publicum. Cum vero adiisset Argenidem, & omnia narrando extulisset (ut solent qui se credunt libenter audiri, referuntque absentia) facile excussæ suspiciones sunt, quæ virginem vrebant. Omnis lætitiæ Gobryas cōsors, captatis temporibus, nunc clam, nunc publice conueniebat cum Argenide aut Arsida. Iisdemque diebus Bocchus adueniens, quæ Arsidas attulerat confirmavit.

At Meleander quicquid spei aut consilii post expulsum Radirobanem sumplerat omittens; pene certam expectabat perniciem. Frustra nō esse quod cum suis Gallis Gobryas in Siciliam venerat. Parua Lycogenem, vel Sardos potuisse. Nunc Galliam, nunc Mauritaniam, quibus armis aut copiis Sicilia sustineat? Sic dubius, & fatis iratus, iubet Gobryam vocari. Et ille tunc forte cum Argenide erat; quæ nihil dubitavit, quin pater de Poliarcho interrogaturus illum accerferet. Nam super ea rerum novitate sciebat acerrime esse commotum. Monet ergo discedētem, ne timide agat, aut de suo Rege dissimulet. Eo loci rem esse, ut paulatim exuilatuam oporteat. Forte qui vocando Gobryæ missus erat, retulit Regi, eum loqui Argenidi, & confestim ad-

Qq 3 futu-

futurum. Hoc quoque Meleandrum cœptæ suspitionis pondere altius pressit. Tamen venientem Gobryam hilariter intuitus; Quid tu, inquit, bone vir, tot diebus dissimulasti Principis tui nomen? cui mehercule tantum debeo, vt me in ingratitude discritmen perduxeris, nō haftenus passus eius gratia te melius haberi. Excusauit silentium Gobryas. Neminem quippe ipso Meleandro melius scire, nō esse sui iuris qui ad Principū amicitiam vocati sunt. Timuisse effundere, quod nesciebat an celatum suus Rex mallet. Addidit subito Meleander, habere se à Poliarcho ex Africa literas, quibus significabat se propediem adfuturum. Sed hoc ipsum diu est, ait, quod resciebas, (Gobrya;) ideoque cum classe illum isthic opperitus es. Imo, inquit Gobryas, nihil de tempestate (Rex) mentitus sum, quæ me à cætera classe diuulsi. Nec deinde aut meum Regem, aut comites vidi. Hanc autem Insulam petii, quia licet incertus quo Rex tendat, aut quid patet, ab eo tamen audiui, nauigationis suæ ordinem præter Sicilia oram dirigi oportere.

Nihil amplius à Gobrya Meleander elicuit; eoque relicto solus in secreto conclauis diu animum variis cogitationib⁹ vexauit. Cur scilicet Gobryam præmisisset Poliarchus, cur cum tāta ipse classe discessisset à Gallia, nisi vindicaturus bello Argenidæ, & fortasse volentem? Num ea spe haftenus illa despexisset Archombrotum? Num ipsa hos motus exciuisset è Gallia? Literæ Raditobanis, Selenissæ moræ, & Theocrine, & Pallas, ingerebantur trepido animo, & in calamitatis fastigium filiam denique rimēti. Repetebat etiam animo virtutes Poliarchi, sibi que præstitam tanquam à virgine opem, & omnia ge-

nia genero digna. Pudore deinde quod eum eiecisset, quod non sine periculo abire passus esset, illum amare verebatur. Nam & illi iustum sui odium aut despectum inesse credebat. Deniq; si affinem eum vellet, præter famam leuitatis nunc respiciebat ad patrias leges, hæc cum Gallicis Regibus vetantes connubia; hunc ad Archombroxi potentiam, Mauritaniæ viribus, & Siculorum fauore eximium. Nec cum filia iurgari distulisset: Sed adhuc ignarus quid molirentur dii, ne eum qui sibi è duobus gener debebatur offeaderet, tenuit iram; Nisi quod semel indignanti excedit; Expectas mea filia Poliarchum, quem oppido parum amas, cum nisi suo aut Archombroxi sanguine fœdaturum nolis aspicere. Illa præparato silentio atque vultu, ea verba sic tulit tanquam non intelligentem præterlapsa. Cleobulus vero atque Eurymedes, & cæteri Optimarum, haud parum de consiliorum sagacitate remiserant; si quid noxium struxissent Archombroto, Regem reueriti; nec dubii se in Poliarcho violare Argenidem. Timebat Gobryas, ne tanto in motu abire iuberetur à Regia. Anticipata igitur necessitate exilii, tanquam suas triremes curaturus, ad eas reuectus est; habuitque, vt cum Argenide conuenerat, in statione dispositas.

Inter hæc Poliarchus propitiis ventis ferebatur ad insulam. Prima Lilybæi cacumina, se venientibus aperuere; & mox remis inter hilares militum tonfarumque clamores crebrius actis, certius terra innotuit. Deniq; circa Ægusam insulam sistitur classis; incerto Poliarcho, an Syracusis, an versus Epeiræten esset quærendus Meleander. Sed missi Lilybæum qui certa referrent, Panormi esse Melean-

drum renunciant. Drepanum igitur versus aguntur triremes, superatoque Agathyrsio, prope Pacioniam insulam Gobryas cum suis nauibus exceptus est. Has enim ad omnes Regis motus circumagebat; si quid Argenis imperaret, præsto futurus. Opportunissime repertum non aspectu Poliarchus, non amplexibus satiabat. Nunc ille amplecti genua, nunc manum venerari; Regem incolumem atque victorem tenere adeo lætus, ut non militia, non ætas, aut sexus, lachrymas cohiberet. Cœperat quoque gratulari victoriam amicorum præcipuis; cum diuersum reuocans Poliarchus, rogauit ecquid illic egisset; num in Siciliam intrasset pace Regis; num vidisset, num audisset Argenidem; quid tunc denique in insula aut cōsilio esset, aut virium. Ille à principio rem totam exorsus, varia voluptate perfudit Regis animum; nunc extollendo fidem Argenidis, & charitatis constantiam, nunc belli Africi famam, quæ illic inclytum apud omnes victorem fecisset. Sed addebat, Meleandrum, quanquam ad beneuolentiæ speciem se cogebat, non tamen simpliciter amicum videri; seque cōsilio Argenidis rediisse ad classem, & ea littora obseruare. His monitis instructus Poliarchus, & maxime de Argenide lætus, euestigio anchoras iecit, illic certus Archombrotum ex fœdere opperiri. Nam is sensim classe diuisa lato in mari etiam à conspectu abiuerat.

Qui primi de nauibus Poliarchi ad Meleandrum nuncii fuere, fidem ægre fecerunt, tot naues, tantum belli apparatus cum eo aduenisse. Et sub tantæ tempestatis discrimine, parum literis Hyanisbes credebat pollicentis innoxium fore exercitum. Magis mulieri irascebatur, quæ ab oculis suis auertisset hoc

hoc bellum, mandassetque Siciliae. Accersit deinde Argenidem, nec iam inuidiose, sed anxie rogat, bellumne in Siciliam illis armis instructum sit. Se enim satis scire, nihil eâ inuitâ vel insciâ Poliarchum moliri. Illa, nec se adeo Poliarchi consiliis mistam respondit, nec, quod sciret, Poliarchum Siciliæ esse infestum. Cæterû quamquam ad dissimulandi prudentiam sexu, & negotiis facta, exundantem tamen lætitiâ nō satis capiebat; hoc vno macerata, quod cessabant vicina auxilia, nec cum exercitu Poliarchus veniebat ad Regiam: Nihil enim iam aut breue aut celere erat impatientiâ moræ confectæ.

At verò Archombrotus, tanquam Regem conuenturus Syracusis, iam pene ad Pachynum processerat, cum intellecto errore, vela retro ad Lilybæum egit. Huius quoque mox viribus ad Meleandrum perlatis, eum nouus ac propior metus incessit. Hinc furere amantem Poliarchum; hinc Archombrotum Mauritaniae viribus auctum redire ad nuptias. Sat constare nihil ad mitiganda iurgia profuisse, quod Poliarchus pro Hyanisbe in Radiobanem pugauerat. Nam si ideo reconciliatione iunxissent æmulas mentes, non utique cursu diuiso ab vnâ Mauritaniam in Siciliam nauigaturos. Ergo tristi discrimine, lacerandam sub insaniâ vtriusque Siciliam, vel saltem imbuendum mutuo sanguine mare, Argenidemq; parandam alterutrius naufragio! Quæ Scylla, quæ Charybdis tot vnquam funera hausisset? Feralem post tot odia, & omnibus gentibus ominosam tantorum cruore Principum fore Siciliam. Num denique aut ipse Poliarchum sanguine Archombroti perfusum posset aspicere, aut Argenis amare Archombrotum Poliarchi spoliis grauem? Iura de-

inde gentium inuocabat; quod de filia nuptiis statuendi sibi libertas eriperetur; quod affinitas, quod amicitia peteretur vi, armis, ingratis. Tantis in malis, tamen regni habenas in totum non reliquit. Statim ad se praelio idoneos cum armis praecepit coire. Naues praeterea obiecit portui, ut defensionis saltem species esset. Sed praeipuum fiducia in seipso & Argenide erat. Nam & omnia se ab Archombroto impetraturum credebat, nec vero obstiturum Argenidi Poliarchum.

Inter hos motus relatū est Regi, naves Archombroti ad portas Poliarcho ea pace stetisse, tanquam si vna haec classis fuisset. Vix credenti nunciatur esse in portu legatos, qui ab Regibus Poliarcho & Archombroto venire se dicerent. Namque ubi ad Paconiae oram Archombrotus Poliarcho suas copias coniunxit, Siculi qui simul nauigauerant, festinantes in patriam, flagitauerunt quidem illico agi ad portum; Sed vno consilio vterque Rex vetuit, ne qua naus à classe discederet: Ipsi in lembo Gelanorum & Micipsam ad Meleandrum miserunt. Obstupuit ille ab his simul Principibus legatos venisse. Ea res quoque turbauit Argenidem. Igitur æ multis conuenisse? Tanta lite cessisse alterutrum? Vter suam gratiam in liberanda bello Sicilia facere voluisset? quo foedere, quae lege haec dirempta odia essent? Regem quoque vocari Archombrotum adhuc insolens auribus erat; timuitque Meleander ne fati cessisset Hyanisbe. Et is quidem lætior erat, spe pacis iniecta. At non Argenidi constabat quid doleret gauderetve; nisi quod metuebat haec pacta, coeperatque vereri, ne de suis nuptiis illi arbitria fecissent. Quid autem, cogitabat, si ut vile aut facile pignus

gnus me fortibus permiserunt? quid si ad Archombrorum reiecta sum?

Vbi vero cum Micipsa Gelanorus ad Regē peruenit tunc filia colloquentem, omnium oculos auidissima in eum expectatio conuertit. Et Rex vtrumque amplexus est; Statimque Gelanorus (nam honori Galliaē datum, vt ante Micipsam loqueretur) Poliarchus Galliaē Rex, inquit, & Archombrus Sardiniaē, tuo in mari cum classibus, ô Rex, ad Paconiam insulam harent, miseruntque nos oratū vt tanquam amicis subire portus liceat, & in tuum conspectum vna venire. Adiecit deinde Micipsa, non expectaturum fuisse Archombrorum vlla fidei pignora, aut legationem præmissurū; nisi quod ita res erat, vt neque rite Siciliam tangere, neque Regem posset adire, nisi comite Poliarcho. Respondit Meleander, patēre amicis Siciliam. Succederent portibus quos ex insula tota mallent, se in extremo littore excepturum venientes, aut obuiam quoque nauigantibus iturum. Retulere ilicet ambo legati; suis Regibus fore gratissimum, si occursum omisso eos ipse maneret in Regia. Tum Meleander: Renūciabitis ergo Regibus vestris, hoc me illis etiam dare, vt officium potius meum quam eorum mandata negligam. Debebam vel ad Paconiam occurrere; At quando sic iubent, huc illos oppetiar. Tum Gelanorus: Est præterea, inquit, quod nomine mei Regis efflagitem. Eum aliquot Siculorum inimicis esse infestum, ipse Rex nosti. Nunc vt tuto huc commeet, petit exercitum suum in Siciliam admitti. Nihilque milites nocituros, regia fide spondet. Exhorruit Meleander renouata vtcunq; iniuriarū memoria; Simul vires in regnū accipere, incertum an sat

an sat amicas, eo grauius formidabat, quod armatoq
Poliarcho quicquid strueret, quicquid optaret, ni-
hil negari, nisi cædibus & discrimine poterat. Sed &
peiora instare videbantur, si ipse ad bellum vix pa-
ratus, & de Argenidis fide iam dubitans, inficiaretur
hanc veniã instructissimo Regi, & forsitan ita belli
causam quærenti. Ergo merum alte recondidit, &
quo proluxior humanitas esset; De cōmeatu etiam,
inquit, prouidebimus, Gelanore. Neque me sine
militibus putabo, quamdiu Regis amici exercitus in
Sicilia erit. Quæsit postea cur Archombrotus Rex
Sardinia appellaretur; & an valeret Hyanisbe. Mul-
ta quoque Gelanorum de victoriã & vulperibus
Peliarchi percunctatus est; verbis maxime huma-
nitati & lætitiæ accommodatis. Argenidi, præter
quædam vulgaria, nihil publice Gelanorus dicere
debit; nec priuatim ad eã aditus fuit; quamquam
anxia, & salutis incerta, sæpissime in respicientem
intuebatur. Tempore denique constituto, vt inde
quarto die, si venti paterentur, Poliarchus & Ar-
chombrotus venirent, legati repetunt lembum,
eumque omnibus remis in Paconiam concitant.

Perplexæ interim Meleandro omnia erant; &
Argenidi nihil magis addebat animos, quam quod
Poliarchus cum exercitûs robore admitti petierat.
At Rex nihil ætario, nihil comæatibus parcendũ
arbitratur, siue amicus veniebat Poliarchus, di-
gnâ pompâ culturus tantum Regem; siue suberat a-
quod nefas, saltem magnifice periturus. Itaq; om-
nis generis cibos, & cætera à mari venientibus so-
latia, conuehi iussit. Quæ autem in supellectili pre-
ciosissima erant, Regiam ornauere; aureis & ebur-
neis lectis, tapetumq; coloribus, & egregiis ex ære
vel

vel argento simulachris. Populum qui ad euentum atque spectaculum Panormum confluxit, anguste mœnia capiebant; Et cum regiam publice ornari aspicerent, hominum ingeniis ad lasciuiam pronis, ignari quid gauderent, curve timere desiissent, repente in lætitiā effusi sunt. Quæ cuique diuitiæ, ferebant templis facta; Alii extis pleni, quibus opulentiores litauerant, per ludos & choreas diis gratias agere se credebant. Nec auersatus est Meleander hos temere exultantium ludos; utique omnia captans, compulsusque in tanto tumultu ad lætā aut tristitia, ex superstitionis arbitrio.

Quatta dies illuxerat, & procul antennæ visebantur venientium Regum. Eurymedes, & Arsidas; à Meleandro cum nauibus ad vtrumq; dimissi, auxerant classem. Littus Proceribus & populo plenū, tanquam deos ea pompa adueheret. Sed non prætorix naues ad portum primæ appulsæ sunt. Tunc portus viginti stadiis distabat ab oppido. In eum Gallici exercitus partem Gobrya tribus vix horis explicuit. Sex armatorū millia fuere. Mauros quoque ad duo millia Micipsa adduxerat. Stabant per cohortes, & vexilla, tanquam in aciem itent, armis instructi, nisi quod galeis vt plurimum capita nudauerant. Tandem regia nauis Poliarchum Siciliæ dedit; quā tactā veluti genio terræ grauiores affect⁹ inspirante, iam propiori spe metuque, penē ad oris mutationem exhortuit. Cæterum in summā arenā expectauit Archombrotum; qui non integrā horā serior in idē littus descendit. Aderant à Meleandro equi, in quos ambo ascenderunt regio cultu eximii. Poliarchus gentile sagulum multo colore variatū, braccasque gestabat propemodum sub gemmis latentes.

tentes. Aureus torquis cervicem lævumque humerum cingēs, eburneam gladii vaginam fibulis gemmeis tenebat. Lacertos aliqua parte nudos colebant armillæ recocto auro fulgētes. Verticem prope & rutila cæsarie vel sine alio cultu placitum, insuper regia fascia ex murice, auroque reuinxerat. Super hæc eminebat oris decor, & amcenæ gratiæ genius, cuius virtute omnes ipsius motus, omnes nutus placebant. Ergo populus in illum intueri, plaudere multi, & qui eum in privato habitu vidisse meminerant, seipso accusare quod iam tum non deprehendissent indolem illam nisi Regibus à diis non tribui. Cum vero & ipse Archombrotus eussit in equum, vix forma deterior, aut fortunam minori spiritu implens, amictuq; insignis quem Mauri regium habebant, incerta ac prope diuisa aliquandiu studia fuere; moxque votis meliori prælagio confusis, utrique mirabili consensu applausum est.

Ibant ergo, tanquam rixarum immemores, suis & Siculis Proceribus mediis, longa militum, longiorique populi turba, viam præeunte atque claudente. Quicquid à portu ad urbem itineris erat, intuentium & comitantium series vno examine obtexit. In vrbe matronæ virginesque fenestras impleuerant, mistis pueris, quibus ad spectaculi tanti memoriam, animos aut subito metu, aut lætitia pulsabant. Humanissimi Reges, memoresque qui eos sic colerent haud esse suos ciues, non deerant salutando, non oculos atque manus ferendo ad populum; donec in regiæ vestibulo Meleander apparuit. Hūc ad se pedibus properantem, ubi simul conspexerē, de equis desilierunt. Excusantem deinde quod non
præsto

præsto ad portum fuisset; neque vero id se dedisse
superbiæ, sed eorum legatis qui quo progredieretur
præscripserant; ambo lenissima oratione verant in
iuvenes, & iam olim hospites, superfluo cultu esse.
Gratulatus deinde Poliarcho victoriâ, & Archom-
broto Sardiniam, perplexe querebatur, quod olim
passus esset tantæ Galliæ Rex priuatæ se sortis in Si-
cilia haberi.

Iam ad aulam peruenerant, inuitabatque hospia-
tes Meleander ad solia, quibus excepti colloqueren-
tur. Sed illi tunc rati aduenisse gerendæ rei tem-
pus, sustinere ambo gradum; porrigensque Mele-
andro Archombrotus literas matris, postulauit ut
eas extemplo perlegeret. Prius enim acquiescere
se non posse. Idem & Poliarchus rogauit. Rex mi-
ratus quid hæ literæ haberent tam celeriter procu-
randum, gemmam soluit, & prolixas exorsus est.
Neque mora, Poliarchi & Archombroti anxios
vultus, haud parvæ perturbationis notæ percurre-
re cœperunt. Quippe illos codicillos vterque tan-
quam propria fata spectabat. Si secius quam pro-
miserat Hyanisbe res cessisset, si aut nulla fœdera,
aut ingrata offerrentur, iam comparabant se ad
iurgium; iam arma, iam furorem animis præcipie-
bant. Arculam quoque (ita mater iusserat) Ar-
chombrotus Meleandro simul cum literis obtule-
rat, quam olim Poliarchus vindicauerat à peiratis.
Neque multum ex epistola Meleander legerat, cum
attoniti instar nunc seipsum cœpit affari, nunc in
Archombrotum mittere oculos, repetere deinde e-
pistolam, morarique in omnibus. Pusilla erat clauis
inclusa literis: ea scilicet qua referari arculam oport-
tebat; Eam Rex auide manu tenens, perseuerabat
in lectio-

in lectione Epistolæ. Nihil amplius Poliarchus vel Archombrotus dubitabant quin aliquid magni efficacissimæ literæ afferrent. Tandem ad mensam vicino parieti applicitam Meleander accedit, solusque curiose in apertâ cistulâ recognoscit quid lateret. Aliquot epistolæ inerant, quas illæ perlectas cū suspiriis & fletu osculabatur: Annulus quoque, & arcanæ rei pignora quædam ipsi notissima, fidem seni faciebant, vera scripsisse Hyanisbem:

Ergo victus magnitudine improvisi affectus; simul à Poliarcho petit; ut excuset necessaria quadam arcana breuiter exequentem; simul mirantem Archombrotum rapit familiarius ad eandem illam mensam, & oculis literas Hyanisbes obiicit; quas ille dum legit, Meleander in eius collum effunditur; moxq; iuuenis obiectus ad gennia; confusione oris, alioque quam solebat venerationis genere; omnium qui astabant mentes permouit. Præcipue Poliarchû scenâ illa turbabat. Videre ne æmulum suum, ad amplexus; & omnia intimæ charitatis indicia acciri? Staret ipse interim neglectus Meleandro, relictusque scilicet qui colloqueretur Eurymedi? Is enim officii causâ paulatim ad illius latus accesserat, dum Archombroto Meleander loquitur; hic indecenter in mediâ aulâ solus ille Rex esset. Hæc tumide agitati ingens ad sæuissimâ indignationem pondus accessit. Nam admonita Argenis à patre se vocari, intrat cœnaculum, cumque Rex aliqua venientem docuisset quæ percipi à remotis non poterant, sponte ipsa ceruicem Archombroto petentis osculum vtraque manu iunxit. Miscuete deinde lachrymas quas gaudio esse expressas ex reliquo vultu scires; dextramque tamquâ in fidissimâ amicitia

vis sacramentum, in cupientis Archombroti manum inferuit.

Iam vicerat furor Poliarchi patientiam, eratque impetus hæc inuisa sibi gaudia turbandi. Ignarus quos peius deuoueret, Hyanisbem, Meleandrum, Archombrotum; adhuc aliquid amplius irascebatur, eminente rabie in Argenidem, quam vlcisci saltem illata sibi morte decreuerat. Et vt omni sermone celerior est cogitatio, præsertim irata, multa ille atque atrocita breuissimo tempore animo suo complexus est. Hanc igitur mihi gratiam retulit Hyanisbe, per mea meorumq; vulnera incolumis? Patebam incautus venenis; Eius medicos adhibebam ægritudini meæ; Sed noluit me perire, nisi ante contemptus, & coram violatus, nō abiudicatam modo, sed fascinatam Argenidem in sui filij collo aspicerem. Misisti me ad istius mortis atrocitatem, venefica? Hæ sunt literæ, hæc promissa, hæc concepta in penatum deorum auribus sacramenta? Stolidiorem me, qui fidem expectabam in Africa. Sed non inulta fefelleris. Contraham tecum certamina, contraham hercule ad internecionem tuæ gentis. Quid cogito amens; & longorum solationum spem, tanquam victurus, sollicito? Nonne vides quos perire illico, sed tecum oporteat? Ibo; & carnifici illi adimam spiritum, qui per meam victoriam Sardinia regno potitus, etiam hymenæum occupare non dubitat; & inuerecundæ Argenidi salutem eius sanguine ruborem faciam. Tum malignum hunc senem, hanc laruam, hanc fabulam, obtruncabo, priusquam ad auxiliū vlli procurrant. Simul ipsi Argenidi, Argenidi, inquam. Hæc mi-

R r

ser

ser in cogitatione decreti crudelis. Sed quid attinet virgini amenti sanguinem mittere? Melius Hægitij sui memoria, & meo vulnere morietur. Aperiam meum pectus, & vbi cruore exundabit, inii-
ciam me totum in furiarum omen trepidati. Nam nisi mori sic vellem, possem excire meos milites, possem hæc recta incolumis in hostium capita effundere. Sed vivere nolo, ne reconciliari possim Argenidi.

Hæc & similia furoris consilia agitando spatium fuit, dum primæ amoris blanditiæ, Meleandrum, Archombrotum, atque Argenidem, per cæterarum rerum obliuia trahunt. Præcepſque, & obfirmata ad facinus mente, iam tangebatur capulum; cum numina tam fœde errare infontem non tulerunt. In ipso igitur articulo, ignarus harum furiarum Meleander, ad illum accedens, Ignosce, inquit, hospes, quod nos ab officio tui colendi paulisper insperata auertit lætitia, quâ non mitius forte gaudebis, quam me modo & Argenidem vidisti. Veni mortalium charissime, fœlicitatis nostræ compar, & intellige quid hic dies de te meruerit. Mutatus hoc sermone Poliarchus, & in tanta varietate affectuum nescius quid expectaret, sentiretve, non repugnauit ducendi Meleandro. Vbi vero propter Archombrotum, & Argenidem constiteret, tum Meleander iam non adeo pressa voce, ut circumstantium proximi non audirent; O fœcundum, ait, hunc diem! ô meæ senectuti propitium, quam antea in vna filia acquiescentem, duobus & talibus liberis auxit! Absit Cœlitum inuidia. Quis me mortalium fortunatior; aut cui pretiosius debeat esse

esse id pauxillum vitæ quod superest? Ergo per tot ambages, per tot minarum tormenta erumpens industria factorum, hæc mihi præsidia, hæc decora familiæ parabat? Desine Archombroto irasci, ô hospes, ô maxime Regum, & quod utroque præstantius nomen est, Poliarche. Diu est quod sensi odia vestra. Uterque amabatis Argenidem; utriusque erit Argenis. Huic enim quam genui, in sororem affectus durabit. Tibi autem, nisi aliter sentis, eam uxorem despondeo. Nam quod à Sicilia hæreditate excidit, agnito fratre, nihil minus, ut te noui, aut tu amabis, aut Regina hæc erit. Quippe Sardinia, & quicquid Radirobanis fuit (quod deinde & passus es Archombroto esse) hanc in dotem sequetur. Ita mecum filius meus constituit. Tu Archombrote prior omnem inimicitiam eiura; & Regi Poliarcho sororem tuam trade.

Putasset hoc quisquam? Archombroto conciliatore, dextramque puellæ admouente, inuitabatur ad Argenidis nuptias Poliarchus, qui in tali fortunæ ludo cunctabatur credere se esse fœlicem. Erubescabar quoque Argenis; & modo dum obstabant votis bella, vel pater; tam viriliter audax, tam prope cõtumax in parentem, & sequutura Poliarchum quocunque iuberet; nunc facilibus rebus, se virginem esse meminerat. Poliarchus simul virgini manum dare, simul gratias agere Meleandro; etiamque mirari qua ratione Archombrotus tam subito euasisset Argenidis frater. Tum, ut fit in magnis & repentinis rebus, omnes sine ordine, simulque loquebantur. Redibat iuuenibus mutua inter se gratia, quam olim auspicati apud Timo-

R r cleam

cleam fuerant. Senex cum virgine receperat spiritum; & Principum alacritas se in intuentes diffundebat. Stabant nunc Proceres silentio defixi, nunc confusis inter se vocibus aulam implebant. Plures quoque ad famam intrauerunt. Nec ingrata Meleandro frequentia fuit. Nam tantas res, tamque publicas, ab omnibus sciti intererat. Itaque clara voce, quamque in sene impetus gaudij fortius pulsabat; Optimi ciues inquit, & hospites, quos hic dies in multiplicis fœderis sanctitatem coegit; Agite omnes, gratamini Regibus vestris, & quod superest lucis inter sacra impendite. Venire in crastinum vniuersos iubeo ad aulae vestibulum. Illic & populus praeterea & milites implebunt concionem, ne quis deorum consilia ignoret, qui nescio an alijs vnquam verius quam nobis indulserint. Vos tamen & censeo æquum iam nunc compendio tanta gaudia præcipere. Comperi Archombrotum ex me genitum esse. Hunc mihi vxor inscio peperit. Regi autem Poliarcho filia mea nubit. Ire læti, & omnium pulcherrimum diem, si lubet, peruigilio vocate. Ego interim cum genero & filio quæ in rem sunt constituam.

Sic dimissis Proceribus, Poliarchum in interiorem regiae partem duxit, ea vespere inter charissimorum consortia exultaturus. Quæ tum vota singulorum, qui sensus fuere? Castissimæ Argenidi aderat fructus constantiæ; peruiceraque tot malis, ne qua videretur optima sorte dignior esse. Poliarcho iam æmulationis, iam ægritudinis obliuio, iucundissimum erat traduci soceri risu, quod osculis inuidisset quæ Argenis Archombro-

to so-

lo sororia charitate posuerat. Vtrumque præterea Melander ridebat, nunc generum Archombrotū, nunc Poliarchum Theocrinem vocando. Et ab Argenide quærebat Archombrotus, quid se agnito lætata potissimum esset; an quod fratrem se haberet, an quod sponsum non esset habitura? Inter hos iocos, vix quicquā negocijs permittebat hilaritas. Ipse Anercestus supercilium posuerat, audebatq; lætari; & quanquam in subhorrida veste, Regis in modum à Melandro & Argenide colebatur. Pauci erant ex secretiori cohorte amicorum tantæ remissionis concij. Tamen Anercestus, Ibburanes, Dunalbius, cum Regibus cœnauerunt. Gelanorus, Arsidas, Gobryasq; intererant, Maurusq; Micipsa, & cum Cleobulo Eurymedes. Nicopompus bis à Rege vocatus paulo serius venit. Nam condendo epithalamio secesserat. Vna porro ex Matronis Timoclea Argenidem comitabatur. Hi propemodum soli Regibus ad eam cœnam ministri fuere. Et omnibus quidem præcipuus de Poliarcho erat sermo, vt amasset, vt tanquam suæ sortis oblitus adijssæt pericula, ignotus, prodigus sui, nec à fortuna nec ab hostibus tutus. Vnde is ardor, quæve initia ad tantæ constantiæ amorē fuissent! Ille vero auidissime audientibus referebat, se de Argenidis forma atque virtutibus multa inaudisse in Gallia; hinc subiectos iuuenili animo stimulos, quos tantę indolis admiratio, aut verius ipsa fata sensim auxerunt; Accum sciret spem connubij Siculis legibus intercisam, quæ Gallicas damnabant nuptias, hoc velut obice irritatam cupiditatem acrius exarsisse; Et se quidē simulata pietate in deos externos

quasi eorum templa peteret, solum cum Gelanoro (qui quanquam ingenuus sponte liberti personam induerat) nauigauisse in Siciliam, eo cōsilio ut præsens agnosceret essetne par famæ Argenis, & eo bello digna quod ipse in Siculas leges meditabatur; si illa, ut aliquando fore sperabat, obsequijs suis demerita, eæ solæ morarentur felicitatem suam; Cum vero Siciliam intraret, ne vsurpare quidem oculis virginem licuisse, quam scilicet munimentis arcis inclusam nefas erat à viris tunc conspici. Hinc fœlicissimæ temeritatis consilium se sumpsisse, ut muliebri stola virginem simularet, ut Selenissæ imponeret, appellareturque Theocrine. Cætera narraturum adiuuit Meleander, inter risum stuporemque repetens memoria, quam ille omnia similis puellæ venisset; quam lachrymabili fabula eliciisset misericordiam suam, aditumque inuenisset ad Argenidem; qua denique virtute, quo robore, domuisset Sicarios qui in arcem intrauerant, & de Theocrine facta Pallas fuisset.

A Poliarcho deinde ad Archombrotum sermone traducto, plurima quoque in eo mirabantur. Ergo ille debebatur Siciliae Princeps, insciusque quem coleret Meleandrum amauerat! Ut diu Hyannisbe habuisset rem secretam! ut tempori retexisset! quam similem repertis ad aurium voluptatem commentis dii hunc contextum rerum dedissent! Eos interim docebat Meleander suum in Africa coniugium; & quantum fas erat per præsentem lætitiā, ingemiscebat vxori defunctæ: Sæpiusq; & per partes cuncta narrando, ea ipsa digerebat quæ postridie in concione differeret.

Multum

Multum noctis processerat, cum à cœna recessum est. Vbi prope ortum Sol fuit, quotquot Panormi erant, impediti frondibus caput, confluxerunt ad regiam. Angusta multitudini atria erant. Hi in muros euasere, aut subitaria theatra impleuerunt. Alij applicuerant scalas, quibus plus iusto oneratis, haud paucæ defluerunt in subiectos. Ad ipsas palatij fores, exiguæ scenæ species pene ad altitudinem hominis attollebatur. Illic Regum suggestus eminebant; duo quidem fronte æquali quibus Poliarchus & Meleander sederunt; Totidem paulo interiorius ad latus recesserant, Archombroto Argenidique ornati. Postquam Reges præbuere se populo, & præco plausum compescuit; nonnihil moratus Meleander; Si quid ominosum, inquit, afferrem, (optimi hospites, atque ciues) arte aliqua esset opus, & veluti condimento, quo illud apud vestra mitigarem ingenia. Nunc quid opus est anxia eloquentia commendare deorum munera, quæ ipsi tantopere ornarunt? Afferro vobis lætitiā, Regibus gentibusq; pacem ac fœdera, hostibus nostri nominis pauorē, tumultus, exitiū. Nec vos credo hæc ipsa ad quæ audienda conuenistis ignorare. Aliquis deus, & ipsa si quod numen habet fama, haud dubie sparsit in vobis celebrari hunc diem filiaæ meæ nuptijs cum Rege Poliarcho, & veluti altero natali filij mei) flexaque ceruice in assurgentem Archombrotum respexit.) Quem cur tamdiu ignorarim, cur nunc talem agnouerim, operæ precium erit (ciues) & vos quoq; cognoscere. Accipe Reginaë Mauritianæ literas, Præco, & quantum voce vales publice recita.

Rr 4

Tum

Tum præco traditam epistolam in hunc modum exorsus est. Regina Hyanisbe Regi Meleandro salutem. Tua virtute an vitio dicam factum, ut ante hunc diem non censerem gaudium tibi dandum, quo nunc mirantem impertiar? Nam & vitio duco, quod cum Anna mea sorore nuptias me celatam voluisti, nec deinde ea extincta quæsiisti, an inde tibi aliquid superesset. Virtutem porro tuam sic colui, ut tradere tibi stirpem noluerim, nisi experimento prius capto, an te digna adolesceret. Nunc cum omnia generi consentiant, aperiendum est quod tot annis apud me continui. Cum forem meam Annam tibi occultis nuptam auspicijs, apud nos reliquisses in tuam Siciliam iturus, effluxissentque menses quibus ipsa crescentem vterum varia arte celauit, tandem cœpit acriter ægrotare. Nos alium morbum ratæ inutilia ferebamus remedia. Sed illa mortis omen concipiens, ita me solam affata est. Ignosce, mea soror, non aliam deprecanti quam silentij culpam. Meleandri Siciliae Regis vxor sum. In partu iam laboro; nec incolumis, nisi dolores fallunt, enitar. Si quid ex me natum viuet, tuum arbitriū esto, soror, vel alere, vel patri transmittere. Mallem tamen secretum asseruari: ne me populus matrem prius quam nuptam intelligat. Cæteram suppressendi fœderis nostri causæ variae fuerunt; tum quod Numidam Cyrrhum, importunum mihi procum, & vi forte vsurum, metuebamus; tum quod Meleander regia pompa, quam ornaturus discessit, sibi me iungi concupijt; denique miseram me pudor tenebat; quem heu timo etiamnum & loquendo ne violem. En, soror,

rot, ad puluinum coniugij leges ipsius Meleandri manu scriptæ, quibus & ego meo nomine appposito addidi fidem. (simulque tabella tradidit) In ista autem pyxide sunt arcanorum nostrorum conscia notæ, aliquot literæ, annulique, & ex vtriusque crine armilla. Cum hæc ostendes, sciet me tibi omnem rem credidisse. In ipso sermone vocem amisit. Ego resectam solata, paucas fidissimarum matronarum aduocaui; & sedulo quæ necessaria erant curauimus. Sed vincebat artem dolor. Peperit tamen filium; quem oculis viuentis admo- uimus. Petij deinde, an cogere vires posset ad bre- uissimam scriptionem; nescio quo numine ad res quas hodie agimus iam tum meam curam insti- tuente. Fecit illa, & in tabellis exarauit se mori, se filium tuum mihi relinquere. Agnosces manum illius (ô Rex) quamuis literas male ductas morbi tremore confuderit. Nec multo post inter meos complexus extincta est. Quatuor omnino matro- næ mecum erant. Ego cuidam Sophonemæ, cui apud me potissimum fides erat, infantem permit- to; ageret eius curam: nutricem inueniret ignaram quem aleret. Verita quoque ne quid ex tot con- scijs vlla effunderet, per eandem deinde Sophone- mem cæteras fallo, vt crederent infantem obiisse. Inter eisdem dies frater Iuba decedens reliquit mihi regnum; & vir Syphax, fati quodam agmine in nos ruentibus, vita functus est. Ego tot luctibus plena, non tui Meleander, non sororis oblita sum. Prægnantem me fingo: deinde posthumum ~~quæ~~ ^{quæ} mentior, adiuuante eadem Sophoneme. Sup- poni tunc mihi tuus non potuit. Nam non conue-

nisset tot mensium infans puerperæ. Sed commodum fœtum Sophoneme cunis inseruit: quem deinde meo iussu alendum abuexit: Ego simulans fascini metum, vetui ne quis ultra nutrices, vnamque Sophonemem, filium meum inspiceret. Ita biennio circumactō facile fuit Hyempsalem tuum (ita moriens mater appellauit de nomine aui) tanquam ex me natum ostendere. Huic me deinceps, huic & regnum seruauī. Nullæ me impulere ad nuptias vicinorum Regum preces. Postquam annorum viginti triump fuit, apud illum commendauī virtutes tuas: hortata sum, vt in rudimentum regnandi ad te profectus, animum suum formaret ex tuo. Et hæc facilius effecturum si omitteret suæ fortunę insignia, nec pro matre me iactaret: Ne indulgentia tua, & cæterorum adulatio, crudam illam veramque virtutem auferret, quæ sepe Principibus viris negata, priuatorum discrimina & fortunam nobilitat. Obsequens dicto iuit: & mirum est adeo placuisse, vt magnus Rex filiam nouissimo coniugio susceptam & in qua liberorum summam tibi credebas, ei velles despondere. Cum id mihi nunciasset, quamquam illius virtute & genio tuo læta, qui fecerat vt adhuc ignotum filium amares: tamen ad incestarum nuptiarum omen expaui, ne frater sorori iungeretur. Adhuc me alia pericula terrebant: Radirobane in Africæ perniciem cum exercitu veniente. Igitur nostro Hiempsali, quem Archombrorum appellatis, ita scripsi, vt nuptias iam apud vos vt audio constitutas differrem: & ipse ad auxilium meum accitus cum classe veniret. Sera tamen

men fuissent auxilia, nec inuenisset quam iuuaret, ni Regem Poliarchum cum Gallorum suorū exercitu nobis tempestas dedisset. Huius virtute, optima Radiobanis in Martis nostri templo sunt. Sed penè tristiora fuere apud nos pace quam bello discrimina : Poliarcho atque Hyempsale sæuissima æmulatione ardentibus. Causa odij tua Argenis ; cuius nuptias vterque supra humanæ cupiditatis morem ambit. Intellecto filij tui errore, ab ijs impetraui, ne prius furiosa lis ad ferrum perueniret, quam tibi tradidissent has literas. Illico vtrumque voti compotem fore. Quod ita demum erit, si tuum filium agnosces, & Poliarcho Regi, quo propior factis deorum, & virtutibus, hodie nemo viuit, filiam tuam dabis vxorem. Dotem ex tuis vel meis rebus ei dicas permitto. Sicilia, Mauritania, recensque incrementum Sardinia, satis erunt, vt & filius opulentissime regnet ; & gnata pro genere & sorte collocetur. Mitto in arcula quicquid arcani mihi soror moriens reliquit ; inter cætera vltimas ad te literas, quib. se superstiti filio extingui significat. Quæ omnia ipso hoc anno tantum non perierunt. Arculam, proh nefas ! rapuerant peitratæ, Sed Rex Poliarchus cæsis latronibus mihi inuiolatam restituit. Ita pro parte huic etiam filium tuum debes : debeo ego regnum, iamdiu tuo Hyempsali destinatum. Præter Argenidem nihil ad hæc opera mercedis est. Vale : & fœlicitate quam dij faciunt senium tuum oblecta.

Longissimas literas raucus præco vix absoluit. Lectionem confusæ in populo voces sequutæ sunt, Plerique audierant, alij quærendo rogandoque peritos

peritos turbabant. Multis quoque literæ erant obscuræ: quod futurum haud dubius Meleander, cœpit has ipsas alia oratione exponere. Historiam suæ iuuentutis repetijt: vt patre iubente vxorem olim duxisset Brutiorum Principis filiam, quæ sexennio nupta ac sterilis, decesserat ex vulnere, quod de equo inter venādum lapsa in stipite accepit. Tunc se tricesimum quintum ætatis annum egisse, patre adhuc superstite. Eadem tempestate regnasse in Mauritania Iubam Siciliæ amicum, ad quem cum paucis comitibus profectus est, auertendi luctus causa, quem mors vxoris faciebat. Deinde memorabat duas sorores Iubæ fuisse. Seniores Hyanisbem, Syphaci, potenti illic viro collocatam; Annam iuniori nomen fuisse, eamq; habuisse ex Numidia procum, qui Cyrtus dicebatur, tantarum virium hominem, vt hunc Iuba, quamuis sibi non probatum timeret offendere. Se interim Annæ amore correptum: virginemq; illum Numidam exosoplacuisse. Secretis ego fœderibus consensisse vtrūque in nuptias: eaq; admonente contrahendas ex Sicilia vires priusquam huic Numidæ palam obstaret, se nauigasse in patriam: Et illis, ne promisso tempore in Africam rediret, patris funere tardatū. Inter has moras de Annæ interitu audiuisse, & ommissa Mauritania amauisse Siculam virginem, patruo suo genitam: ex qua nata erat Argenis. Cætera ex Hyanisbes epistola habetis, Optimi ciues, vt ipsa fratri Iubæ in regnum successerit, vt hunc mihi filium Anna pepererit. Veri pignora in ob-signata arcula misit: mihi quidem maximo præcogitarum rerum sensu recognita,

Tum

Tum in Poliarchum intuitus ; Te vero maxime Regum, inquit, quo nomine compellem: cuius munus est quod viuimus, quodque regnamus ? Tu me vinculis, tu Argenidem exemisti, cum in Gynecæo Lycogenis mancipia furerent. Tu in acie meis militibus præiunxisti ad victoriam iter; denique vnus hostes fudisti. Inde meo heu malo, & quicquid excuses dedecore, excessisti Sicilia. Nec contumeliæ nostræ tuam bonitatem vicerunt. Lælus quoque amauisti Argenidem. Quid dicam te indicia per quæ ego ad filij notitiam, ille ad patrem perueniret, inuennisse dijs ducentibus apud peiratas, & virtute seruauisse ? In Africa autem non triumphare Radirobanem quantæ molis res fuerit, nondum toto sanguine reparato, in tuo vultu pallor ostendit. Vnam nomen amares quod me tibi submitteret. Socerum dici mauis. Fœlicem Argenidem in tanta fœdera ituram. Tu quidem tua virtute damnasti nimis formidolosam maiorum nostrorum solertiam, qui ad Gallicam magnitudinem adeo expauere, vt Siculis Principibus interdicerent coniugia vestra; quasi tanta affinitas seruitutis instar esset. Meruisti vt consensu publico antiquemus omnes hanc legem. Sed & d. j fecerunt, ne opus sit ab eiusmodi sanctione recedere. Filium enim ad quem Sicilia perueniat, mihi restituerunt. Meam autem Argenidem fortuna non inferior, Sardinia cum Liguribus manet; quæ regna, nihil vetantibus legibus nostris tuæ Galliæ adiunget. Hic Archombrotus, vt conuenerat, pacem patris petijt ad dicendum. Mox ita Poliarcho. Sardinia possessio, quam

cleam fuerant. Senex cum virgine receperat spiritum; & Principum alacritas se in intuentes diffundebat. Stabant nunc Proceres silentio defixi, nunc confusis inter se vocibus aulam implebant. Plures quoque ad famam intrauerunt. Nec ingrata Meleandro frequentia fuit. Nam tantas res, tamque publicas, ab omnibus sciti intererat. Itaque clara voce, quamque in sene impetus gaudij fortius pulsabat; Optimi ciues inquit, & hospites, quos hic dies in multiplicis fœderis sanctitatem coegit; Agite omnes, gratamini Regibus vestris, & quod superest lucis inter sacra impendite. Venire in crastinum vniuersos iubeo ad aulæ vestibulum. Illic & populus; præterea & milites implebunt concionem, ne quis deorum consilia ignoret, qui nescio an alijs vnquam verius quam nobis indulserint. Vos tamen & censeo æquum iam nunc compendio tanta gaudia præcipere. Comperi Archombrotum ex me genitum esse. Hunc mihi vxor inscio peperit. Regi autem Poliarcho filia mea nubit. Ite læti, & omnium pulcherrimum diem, si lubet, peruigilio vocate. Ego interim cum genero & filio quæ in rem sunt constituam.

Sic dimissis Proceribus, Poliarchum in interiorem regiae partem duxit, ea vespera inter charissimorum consortia exultaturus. Quæ tum vota singulorum, qui sensus fuere? Castissimæ Argenidi aderat fructus constantiæ; peruiceratque tot malis, ne qua videretur optima sorte dignior esse. Poliarcho iam æmulationis, iam ægritudinis obliuio, iucundissimum erat traduci soceri risu, quod osculis inuidisset quæ Argenis Archombro-

to so-

io sororia charitate posuerat. Vtrumque præterea Melander ridebat, nunc generum Archombrotū, nunc Poliarchum Theocrinem vocando. Et ab Argenide quærebat Archombrotus, quid se agnito lætata potissimum esset; an quod fratrem se haberet, an quod sponsum non esset habitura? Inter hos iocos, vix quicquā negocijs permittebat hilaritas. Ipse Aneroeustus supercilium posuerat, audebatq; lætari; & quanquam in horrida veste, Regis in modum à Melandro & Argenide colebatur. Pauci erant ex secretiori cohorte amicorum tantæ remissionis conicij. Tamen Aneroeustus, Ibburanes, Durnalbius, cum Regibus cœnauerunt. Gelanorus, Arsidas, Gobryasq; intererant, Maurusq; Micipsa, & cum Cleobulo Eurymedes. Nicopompus bis à Rege vocatus paulo serius venit. Nam condendo epithalamio secesserat. Vna porro ex Matronis Timoclea Argenidem comitabatur. Hi propemodum soli Regibus ad eam cœnam ministri fuere. Et omnibus quidem præcipuus de Poliarcho erat sermo, vt amasset, vt tanquam suæ sortis oblitus adijisset pericula, ignotus, prodigus sui, nec à fortuna nec ab hostibus tutus. Vnde is ardor, quæve initia ad tantæ constantiæ amorē fuissent! Ille vero auidissime audientibus referebat, se de Argenidis forma atque virtutibus multa inaudisse in Gallia; hinc subiectos iuuenili animo stimulos, quos tantę indolis admiratio, aut verius ipsa fata sensim auxerunt; Ac cum sciret spem connubij Siculis legibus intercisam, quæ Gallicas damnabant nuptias, hoc velut obice irritatam cupiditatem acrius exarsisse; Et se quidē simulata pietate in deos externos

R. r 3

quasi

quasi eorum templa peteret, solum cum Gelanoro (qui quanquam ingenuus sponte liberti personam induerat) nauigauisse in Siciliam, eo cōsilio ut præsens agnosceret essetne par famæ Argenis, & eo bello digna quod ipse in Siculas leges meditabatur; si illa, ut aliquando fore sperabat. obsequijs suis demerita, eæ solæ morarentur felicitatem suam; Cum vero Siciliam intraret, ne vsurpare quidem oculis virginem licuisse, quam scilicet munimentis arcis inclusam nefas erat à viris tunc conspici. Hinc fœlicissimæ temeritatis consilium se sumpsisse, ut muliebri stola virginem simularet, ut Selenissæ imponeret, appellareturque Theocrine. Cætera narraturum adiuvit Meleander, interitum stuporemque repetens memoria, quam ille omnia similis puellæ venisset; quam lachrymabili fabula eliciisset misericordiam suam, aditumque inuenisset ad Argenidem; qua denique virtute, quo robore, domuisset Sicarios qui in arcem intrauerant, & de Theocrine facta Pallas fuisset.

A Poliarcho deinde ad Archombrotum sermone traducto, plurima quoque in eo mirabantur. Etgo ille debebatur Siciliæ Princeps, insciusque quem coleret Meleandrum amauerat! Ut diu Hyannisbe habuisset rem secretam! ut tempori retexisset! quam similem repertis ad aurium voluptatem commentis dij hunc contextum rerum dedissent! Eos interim docebat Meleander suum in Africa coniugium; & quantum fas erat per præsentem lætitiā, ingemiscebat vxori defunctæ: Sæpiusq; & per partes cuncta narrando, ea ipsa digerebat quæ postridie in concione differeret.

Multum

Multum noctis processerat, cum à cœna recessum est. Vbi prope ortum Sol fuit, quotquot Panormi erant, impediti frondibus caput, confluxerunt ad regiam. Angusta multitudini atria erant. Hi in muros euasere, aut subitaria theatra impleuerunt. Alij applicuerant scalas, quibus plus iusto oneratis, haud paucae defluerunt in subiectos. Ad ipsas palatij fores, exiguae scenæ species pene ad altitudinem hominis atrollebatur. Illic Regum suggestus eminebant; duo quidem fronte æquali quibus Poliarchus & Meleander sederunt; Totidem paulo interiorius ad latus recesserant, Archombroto Argenidæque ornati. Postquam Reges præbuere se populo, & præco plausum compescuit; nonnihil moratus Meleander; Si quid ominosum, inquit, afferrem, (optimi hospites, atque ciues) arte aliqua esset opus, & veluti condimento, quo illud apud vestra mitigarem ingenia. Nunc quid opus est anxia eloquentia commendare deorum munera, quæ ipsi tantopere ornarunt? Afferro vobis lætitiā, Regibus gentibusq; pacem ac fœdera, hostibus nostri nominis pauorē, tumultus, exitiū. Nec vos credo hæc ipsa ad quæ audienda conuenistis ignorare. Aliquis deus, & ipsa si quod numen habet fama, haud dubie sparsit in vobis celebrari hunc diem filiae meæ nuptijs cum Rege Poliarcho, & veluti altero natali filij mei) flexaque ceruice in assurgentem Archombrotum respexit.) Quem cur tam diu ignorarim, cur nunc demum agnouerim, operæ precium erit (ciues) & vos quoq; cognoscere. Accipe Reginae Mauritianæ literas, Præco, & quantum voce vales publice recita.

Rr 4

Tum

Tum præco traditam epistolam in hunc modum exorsus est. Regina Hyanisbe Regi Meleandro salutem. Tua virtute an vitio dicam factum, ut ante hunc diem non censerem gaudium tibi dandum, quo nunc mirantem impertiat? Nam & vitio duco, quod cum Anna mea sorore nuptias me celatam voluisti, nec deinde ea extincta quæsisisti, an inde tibi aliquid superesset. Virtutem porro tuam sic colui, ut tradere tibi stirpem noluerim, nisi experimento prius capto, an te digna adolesceret. Nunc cum omnia generi consentiant, aperiendum est quod tot annis apud me continui. Cum forem meam Annam tibi occultis nuptam auspicijs, apud nos reliquisses in tuam Siciliam iturus, effluxissentque menses quibus ipsa crescentem vterum varia arte celauit, tandem cœpit acriter ægrotare. Nos alium morbum ratæ inutilia ferēbamus remedia. Sed illa mortis omen concipiens, ita me solam affata est. Ignosce, mea soror, non aliam deprecantiquam silentij culpam. Meleandri Siciliae Regis vxor sum. In partu iam laboro; nec incolumis, nisi dolores fallunt, enitat. Si quid ex me natum viuet, tuum arbitriū esto, soror, vel alere, vel patri transmittere. Mallem tamen secretum asseruari: ne me populus matrem prius quam nuptam intelligat. Cæteram suppressendi fœderis nostri causæ variæ fuerunt; tum quod Numidam Cyrthum, importunum mihi procum, & vi forte vsurum, metuebamus; tum quod Meleander regia pompa, quam ornaturus discessit, sibi me iungi concupijt; denique miseram me pudor tenebat; quem heu timco etiamnum & loquendo ne violem. En, soror,

rot, ad puluinum coniugij leges ipsius Meleandri manu scriptæ, quibus & ego meo nomine appposito addidi fidem. (simulque tabella tradidit) In ista autem pyxide sunt arcanorum nostrorum conscia notæ, aliquot literæ, annulique, & ex vtriusque crine armilla. Cum hæc ostendes, sciet me tibi omnem rem credidisse. In ipso sermone vocem amisit. Ego refectam solata, paucas fidissimarum matronarum aduocaui; & sedulo quæ necessaria erant curauimus. Sed vincebat artem dolor. Peperit tamen filium; quem oculis viuentis admo- uimus. Petij deinde, an cogere vires posset ad bre- uissimam scriptionem; nescio quo numine ad res quas hodie agimus iam tum meam curam insti- tuente. Fecit illa, & in tabellis exarauit se mori, se filium tuum mihi relinquere. Agnosces manum illius (ô Rex) quamuis literas male ductas morbi tremore confuderit. Nec multo post inter meos complexus extincta est. Quatuor omnino matro- næ mecum erant. Ego cuidam Sophonemæ, cui apud me potissimum fides erat, infantem permit- to; ageret eius curam: nutricem inueniret ignaram quem aleret. Verita quoque ne quid ex tot con- scijs vlla effunderet, per eandem deinde Sophone- mem cæteras fallo, vt crederent infantem obijisse. Inter eosdem dies frater Iuba decedens reliquit mihi regnum; & vir Syphax, fatiis quodam agmine in nos ruentibus, vita functus est. Ego tot luctibus plena, non tui Meleander, non sororis oblita sum. Prægnantem me fingo: deinde posthumum ~~et~~ ere- mentior, adiuuante eadem Sophoneme. Sup- poni tunc mihi tuus non potuit. Nam non conue-

nisset tot mensium infans puerperæ. Sed commodum fœtum Sophoneme cunis inseruit: quem deinde meo iussu alendum abuexit: Ego simulans fascini metum, vetui ne quis ultra nutrices, vnamque Sophonemem, filium meum inspiceret. Ita biennio circumactō facile fuit Hyempsalem tuum (ita moriens mater appellauit de nomine aui) tanquam ex me natum ostendere. Huic me deinceps, huic & regnum seruauī. Nullæ me impulere ad nuptias vicinorum Regum preces. Postquam annorum viginti triump fuit, apud illum commendauī virtutes tuas: hortata sum, vt in rudimentum regnandi ad te profectus, animum suum formaret ex tuo. Et hæc facilius effecturum si omitteret suæ fortunę insignia, nec pro matre me iactaret: Ne indulgentia tua, & cæterorum adulatione, crudam illam veramque virtutem auferret, quæ sepe Principibus viris negata, priuatorum discrimina & fortunam nobilitat. Obsequens dicto iuit: & mirum est adeo placuisse, vt magnus Rex filiam nouissimo coniugio susceptam & in qualibetorum summam tibi credebas, ei velles despondere. Cum id mihi nunciasset, quamquam illius virtute & genio tuo læta, qui fecerat vt adhuc ignotum filium amares: tamen ad incestarum nuptiarum omen expaui, ne frater sorori iungeretur. Adhuc me alia pericula terrebant: Radirobane in Africæ perniciem cum exercitu veniente. Igitur nostro Hiempsali, quem Archombrotum appellatis, ita scripsi, vt nuptias iam apud vos vt audio constitutas differrem: & ipse ad auxilium meum accitus cum classe veniret. Sera tamen

men fuissent auxilia, nec inuenisset quam iuuaret, ni Regem Poliarchum cum Gallorum suorū exercitu nobis tempestas dedisset. Huius virtute, optima Radiobanis in Martis nostri templo sunt. Sed penè tristiora fuere apud nos pace quam bello discrimina : Poliarcho atque Hyempsale sæuissima æmulatione ardentibus. Causa odij tua Argenis : cuius nuptias vterque supra humanæ cupiditatis morem ambit. Intellecto filij tui errore, ab ijs impetraui, ne prius furiosa lis ad ferrum perueniret, quam tibi tradidissent has literas. Illico vtrumque voti compotem fore. Quod ita demum erit, si tuum filium agnosces, & Poliarcho Regi, quo propior factis deorum, & virtutibus, hodie nemo viuit, filiam tuam dabis vxorem. Dotem ex tuis vel meis rebus ei dicas permitto. Sicilia, Mauritania, recensque incrementum Sardinia, satis erunt, vt & filius opulentissime regnet; & gnata pro genere & sorte collocetur. Mitto in arcula quicquid arcani mihi soror moriens reliquit; inter cætera vltimas ad te literas, quib. se superstite filio extinguī significat. Quæ omnia ipso hoc anno tantum non perierunt. Arculam, proh nefas! rapuerant peccatæ, Sed Rex Poliarchus cæsis latronibus mihi inuiolatam restituit. Ita pro parte huic etiam filium tuum debes : debeo ego regnum, iamdiu tuo Hyempsali destinatum. Præter Argenidem nihil ad hæc opera mercedis est. Vale: & fœlicitate quam dij faciunt senium tuum oblecta.

Longissimas literas raucus præco vix absoluit. Lectionem confusæ in populo voces sequutæ sunt, Plerique audierant, alij quærendo rogandoque peritos

Tum in Poliarchum intuitus ; Te vero maxime Regum, inquit, quo nomine compellem: cuius munus est quod viuimus, quodque regnamus ? Tu me vinculis, tu Argenidem exemisti, cum in Gynecæo Lycogenis mancipia furerent. Tu in acie meis militibus præiussi ad victoriam iter; denique vnus hostes fudisti. Inde meo heu malo, & quicquid excuses dedecore, excessisti Sicilia. Nec contumeliæ nostræ tuam bonitatem vicerunt. Lælus quoque amauisti Argenidem. Quid dicam te indicia per quæ ego ad filij notitiam, ille ad patrem perueniret, inuenisse dijs ducentibus apud peiratas, & virtute seruauisse ? In Africa autem non triumphare Radirobanem quantæ molistes fuerit, nondum toto sanguine reparato, in tuo vultu pallor ostendit. Vnam nomen amares quod me tibi submitteret. Socerum dici mauis. Fœlicem Argenidem in tanta fœdera ituram. Tu quidem tua virtute damnasti nimis formidolosam maiorum nostrorum solertiam, qui ad Gallicam magnitudinem adeo expauere, vt Siculis Principibus interdicerent coniugia vestra; quasi tanta affinitas seruitutis instar esset. Meruisti vt consensu publico antiquemus omnes hanc legem. Sed & d, j fecerunt, ne opus sit ab eiusmodi sanctione recedere. Filium enim ad quem Sicilia perueniat, mihi restituerunt. Meam autem Argenidem fortuna non inferior, Sardinia cum Liguribus manet; quæ regna, nihil vetantibus legibus nostris tuæ Galliæ adiunget. Hic Archombrotus, vt conuenerat, pacem patris petijt ad dicendum. Mox ita Poliarcho. Sardinia possessio, quam

quam habeo, inquit, quid est aliud quam victoriæ tuæ fructus? Eam debellasti in Africa. Veliego ad triumphum. Tu ergo, charissima soror, tu quam à me fuisse amatam vel ipse Poliarchus ignoscit, sume regium insigne, & pro spe Siciliæ, in quam me natalium iura inferuere, terrarum omnium quæ sub Raditobane fuerunt, esto Regina: Feres ad virum, quod ipse victoriæ iure ferre potuerat. Simul diadema Sorori imposuit; flente quidem præ lætitiæ copia Meleandro: populo autem tantis acclamationibus rem probante, ut diutissime auribus usus abfuerit. Poliarchus ut eloquentia pollebat, ita cœpit beneficiorum suorum memoriam eleuare, ut solerter augeret; reuerentissimus Meleandri, Archombroto, Argenidi, populo blandus: ut dubium esset arma an pacem magis deceret.

Iamque omnib. ad templum processuris, filius Nicopompi vix decennium egressus, patre ducente se admouit Argenidi, blandeque epithalamium à patre conditum tradens, se illius authorem non inepta aut timida iocositate asseruit. Cumque eum Meleander vocasset, sibi & Poliarcho iussit eiusdem carminis exemplaria donari, quæ puer præparata manu tenebat; rogandoque cuius opus hoc esset, sæpius adegit ridentem mentiri. Pauci verus, ut ad Principes, & occupatos, erant; ideoque & plures à quibus legerentur, habuere.

*Lapsus ab astrifero festa ad connubia cælo
Phæbus adest. Vos, ô Superi, vos cernere coram
Possumus Aoniæ Vires. Expanditur æther,
Et longo in nostras descenditis ordine terras.*

Dumque

Dumque faces accendit Hymen, dum Numine
pompan

Exornat Regina deum, parvusque Cupido
Lene facit vulnus, nulloque exerrat in ictu;
Ecce coronata plectrum testudine ducens,
Sic pulcher roseo Latonius inchoat ore.

Iungite concordēs mansura in fœdera dextræ,
Quæ non vlla dies, quæ non fata impia rumpant,
Iungite iô Reges. Blandus lux aurea surgit
Auspiciis: Hymenæus adest: Date laurea ferta
Postibus, & quinos fax pronubâ surgat in ignes.
Gallica Trinacrios iungunt sibi numina diuos.
O socer! ô sponsi! sperataque turba nepotum!

Aspice nunc fœlix promissa virginis ora.
Palladijs hæc formagenis: hæc alma nitentes
Fert Cytherea comas: tali Saturnia regnat
Lumine, vulnificos vel cum Latonia cinctus
Exiit, éque suis magnum petit æthera sylvis.
Talis sponsa venit: Te diuûm hæc munera, Princeps,
Cuncta vide: mentisque bonis tamen acrius omne
Fige animi lumen: mortalia corda puellæ
Esse neges, fortesque tuas æquabis Olympo.

Illa etiam vultusque tuos, auroque nitentem
Cæsariem, & castis vibrantia lumina flammis.
Cernere gaudet amans: & tunc te mente sub altâ
Effingit, qualis sauis quaterere ardua bellis
Arma soles: nunc quantis eris patriæ agmina quando
Occurrit reduci: parvulique inuecta triumpho
Ipsa per effusas tecum spectabitur vrbes.
Iamq; timet, ne vana ferant hæc gaudia venti
Quæ cernit, redeatq; nouis insomnia curis.

Ab ne, Virgo, time: Non hæc efficta sopore

Letitia

Letitia est, cupidaue errant ludibria mentis.
 Certa vides. Adsumt genialia numina mecum.
 Stat cunctis mens vna deū, vox omnibus vna;
 Iungite concordēs mansura in fœdera dextras,
 Iungite iō dextras, tu formosissima virgo,
 Tuq; viros inter qualis sub nocte serenā
 Purpureus socios extinguit Lucifer ignes.
 At tu sancta veni, tandemq; merentibus adsis,
 Exorata Quies. Satū exhaustere pericli,
 Sat pigras perpeffa moras insignia Regum
 Pectora; nunc votis expectatoq; fruantur
 Connubio. Sic & Tiryn: hinc astra subire
 Non nisi bisse nō potuit mercede laboris.

Iungite concordēs mansura in fœdera dextras,
 Iungite iō dextras. Quo tandem nubila verum,
 Et fœdi cessere dies? En lenius astra
 Ridet, & ingenti cumulant sua dona favore
 Celicola. O nunquam tranquilla exordia fati
 Heroum eximie, nec denique naufraga virtutis!

Paratæ ad Iunonis Lucinæ delubrum victimæ
 erant: Augurēsque & Pontificum ordo, nuptijs
 omen facturi. Populus viam hymenæo, aut pæa-
 ne celebrabat: Et quia Argenidi mater non erat,
 quæ facem nubenti filiæ luceret, is Timocleæ ho-
 nos, Poliarchi & Archombroto commendatio-
 ne collatus est. Inuocatis genialibus dijs, tutelis-
 que præcipue ignium qui velatæ Argenidi præfe-
 rebantur, cum iam in victimas caderet ferrum, Po-
 liarchus sacrorum ministros iubet subsistere, dici-
 que lætitia augustior ita Archombroto loquutus
 est. Si fas est mihi apud te fidem esse, ô frater, doleo
 me marito adhuc matronam te quærere. Mihi
 soror

foro: est vultu & indole quæ vel ignobilem commendaret, annorum plus minus viginti. Si solida fœdera inter nos placent, hanc tibi iure fraterno spondebo. Et quoniam ritu gentili nulla pars regni in eam cadere potest, dos erit talenta sexcenta præsentia. Meleander sermonis erat arbiliter qui Archombrotum non tam cunctantem assensuri, (nam placebat affinitas) quam ius patri facientem ut de nuptu statueret, interrogavit an eam sibi his legibus pactam vellet. Argenidem quoque, quamquam inter verecunda tunc sacra silentium tenentem, monuerat Poliarchus, ut fratrem in mutua fœdera sollicitaret. Ille se conditionem accipere apertissimo vultu respondit; amplexusque Poliarchum; Præcepisti mea vota, fortissime Regum. Quis te Deus in mei animi secreta perduxit? Ergo hæc etiam sacra mihi absentem coniungant. Tu fidem, charissime, utrimque præstabis. Admoniti sacerdotes ut geminarent auspicia, sedulitate eximia circa templum omnia turbabant; Cumque res emanasset in populum, nouo gratulantium clamore plenus æther præteruolantes aliquot aues intercepso alarum officio exanimauit. Omnes plaudebant. Omnes erant bacchantium lætitiæ proximi; Cœtuque confuso, nulla discrimina ordinum tanta gaudia meminérant.

Diis interim prolecta dabantur: & cum hostiæ, quarum vna vittati iecoris fuit, placuissent Haruspici; thure accenso Sponsi in fœdera nuptiarum ad aram subiere. Perpetratis denique sacris, iata pompa vertebatur ad regiam, cum in templi vestibulo Aneroestus occurrit discessuris, pallido vultu,

S i


tu,

tu, & diuinandi stimulis pleno. Nam meritum petus numina infederant. Igitur quassans emotum deorum furoribus caput, Saluete, inquit, ô Reges, ô numinum cura, exerciti haëtenus fatis, nunc eorundem clementia experturi nihil virtute iucundius. Fœlicissime senum, ah ne diis exprobra, Meleander, istos annos inter bella scelusque tuorum ciuium consumptos. Viuida ætas, annisque adhuc plurimis suffectura, nihil publice, nihil domi timebit. Nunc in Africa videbis Hyanisbem, nunc in Sicilia illam excipies. Procul mala factionum, procul insidiatorum atrocitas. Vestrum senium, iuentusq; Archombrori, reuerentia & errore subiget omnes; Hunc triumphantem fœlix pater de proximis Brutiis, Lucanisque, & Epeirei littore aspicies; huius pignora in vestris adolescent amplexibus, longam Principum seriem datura Sicilia; Nec charior tibi gnata nũc Galliaë destinata, quam quæ inde nurus adueniet. At vos sæculi gemma, tu Poliarche, tuque Argenis, ne hic fidei, hic virtutum præmia, quæ certa vos manent, expectetis audire. Multa ignoto; multa silenda sunt. Fata ipsa fœlicitatis partem in quam producti estis, deos celant, ne illi vobis inuideant. Pauca tamen de multis accipite. Qui vos amor hodie iungit, ad senium inuiolatos deducet. Non enim iurgia, non fastidia; non ægrarum suspicionum cura libabit. Proferetis imperij fines. Hinc vos Rhenus, hinc Oceanus victores aspiciet. Timandraë inter nepotum cuneos exultantis imagines, sæpe pro Cybele bonus posteritatis error accipiet. Gloriam vestram, fortitudinem, nutus, suspicient vicina late gentes;

gentes, Non abnuent vinci, non regi. Si quo ibi-
tis, ipsa vos salus feret, quicquid optabitis, dii vota
præuenient. Ac ne fœlicitas mortem destituat;
nox vna fessos senio exoluet, plura mox astra exhi-
bitura mortalibus. Nec de fama dubitate. Hanc
præstabit æternam historiæ genius, quam in
gentibus olim sparsam, nulla vis, nul-
la ætas extinguet.

* * *

F I N I S.



SI

AN-

ANTONI QUÆRENGI
CARMEN.

AVDIIT ut magni primum Giceronis ab ore
Eloquij prestante Molon celeberrimus arte
Illita Cecropio manantia nectare dicta,
Obstupuisse diu tacitus, dein fortur acerbis
Aspera, Graiugentum fata incussasse querelis;
Quos decus oblitos prisca virtutis in armis,
Oblitos docta studium immortalis Minerva,
Ipsa etiam patria insigni facundia lingua
Desereret, dominamque orbis migraret in Urbem.

Quam mutat Fortuna pices! nunc maxima verum
Roma dole; quibus en populi trans ardua claustra
Italia, non laude magis fera bella gerenda,
Quam veteris pure cultum sermonis ob usum
Gaudebas merito quondam admiranda videri,
Hos inter nunc incesta vides, te verba sonante
Barbara, & infecto Geticas ab sanguine voces,
Antiqui dulces Latij florere lepores.

Aspice ad Oceani extremos quem Gallica fluctus
Ora Caledonijs genuit de stirpe parentis,
Ut simul ingenio, & lingua vernantis honore
Annosiferat felix BARCLAYSEUM.
Aspice quos fama iam commendata perenni
Ediderit doctis pridem monumenta libellis,
Et nunc ille animi certissima signa latentis,
Et docet ingenitos populus deprendere mores,
Subiciens oculis longe distantibus orbem.

NON

Nunc Regum innumeris exercita pectora curis
 Scissa inter procerum studia, insidiasque clientum,
 Semper & infidas sperantibus exprimit aulas.
 Ille etiam aratas in praelia saeva cohortes
 Ducit, & humano perfundit sanguine campos;
 Aut fessae iucunda ciens certamina menti
 Dissidiis placidos pugnacibus armat amores.

Flexanima ô Charites fandi, ô late incluta tanto
 Dedecus in nostrum miseri, terra vltimacive.
 Parce tamen mea Roma queri, sese ille tuorum
 In numerum iam sponte refert, nomenque Latinum
 Principis Ausonij donis ingentibus auctus
 Prouehit, & segnes post tempora longa Quirites
 Ad veteres scriptis insignibus excitat artes.

F I N I S.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

NOTIZIE SUL RESTAURO EFFETTUATO
NELL'ANNO 2005
LABORATORIO RESTAURO SAN GIORGIO DI
ADRIANO PANDIMIGLIO

SEGNATURA: 6.25.G.66

Bibliotecario conservatore Dott.ssa M. Giovanna Rak
Restauratore progettista: E. Bartolini

*SINTESI DELLE OPERAZIONI EFFETTUATE CON
SPECIFICAZIONE DELLE SOSTANZE, DEI
MATERIALI E DELLE TECNICHE IMPIEGATE*

Misurazione del pH su carta 349 pH 4.5 . Restauro con smontaggio totale. Prove di solubilità su inchiostri e colori risultati non solubili in acqua. Accurata pulizia a secco con pennello morbido a setole stondate e sgommatura dei bordi con spugna di gomma whisab. Controllo della numerazione e scucitura del volume. Trattamenti ad umido totale. Lavaggio in acqua deionizzata a temperatura non superiore a 30° per immersione delle carte tra fogli di Reemay. Deacidificazione per immersione della durata di 20 min. circa in soluzione semisatura di idrossido di calcio. Ricollatura a pennello con Tylose al 2%. Restauro delle carte, suture tagli e rammendo alla piega sul 60% dei fogli con velina giapponese vang. 25504 posta sul verso con tylose mh 300p al 3%e risarcimento lacune con carta giapponese 25527 di adeguato tono. Nuove carte di guardia in carta tipo a mano Ingres 20230 . Ricucitura dei fascicoli ripiegati su tracce originali a 3 nervi in spago con filo di puro cotone di adeguato spessore; Nuovi capitelli su anima di pelle allumata con anima interna in spago con cucitura primaria con filo di puro cotone e secondaria in seta . Nuova indorsatura con carta giapponese. Nuova legatura in pergamena di capretto a concia al vegetale. Cartella in cartone Klugg per la coperta originale.



